

মহারাজ জীবন-প্রভাত

শ্রীরমেশচন্দ্র দত্ত প্রণীত ।

এল্‌ম্ প্রেস,
২৯, বিড়ল স্ট্রিট, কলিকাতা ।

মূল্য ৫৯০ টাকা মাত্র ।

বন-উষা

প্রথম পরিচ্ছেদ ।

—:0:0:—

জীবন-উষা

করিয়া জায়গীকালি, জয় জয় বলি,
চন্দ্রবাওয়ের সর্ষাঞ্জলি কুমুম লহি।
পর্যাপ্ত রাজ্যে হামিতে হামিতে
সুশাসন করেনা, ণ উষার সহ ॥
নিম্বালকরবংশীনে, হেমচল বন্যোপাধ্যায়।
দেশের দেশমুখ শতকীর শেষে মুহম্মদ
কয়েন। • এইরা প্রদেশ জয় করেন।
প্রদেশে, কাপসী ণালী রাজ্য অধিকার
প্রদেশে-ও ওয়ারিণা • এক শতাব্দী কান্ত
ক্রান্ত মহারাজীয় ২ ও নর্মদারূপ বিশাল
তাঁহারা ঐ সব পার হইয়া দাক্ষিণাত্য
বিজয়পুরের সুলভান উদ্যম করে নাই।
থাকেন, ও সহশতাব্দীর শেষে দিল্লীর
মধ্যেও তুমুল সর্দীন খিলজী অষ্ট সহস্র
বিরোধের ঞায়ধ সন্তিত নর্মদানদী পার
পর্যন্তসঙ্কল কা

হইলেন, এবং সহসা হিন্দুরাজধানী দেব-
গড়ের সম্মুখে উপস্থিত হইলেন। দেব-
গড়ের রাজপুত্র বহুসংখ্যক সৈন্য লইয়া
আলাউদ্দীনকে আক্রমণ করিলেন, কিন্তু
তুমুল সংগ্রামে হিন্দুসেনা পরাস্ত হইল, এবং
হিন্দুরাজ্য বহু অর্থ ও ইলিশপুর প্রদেশ
প্রদান করিয়া সন্ধি ক্রয় করিলেন। পরে
আলাউদ্দীন দিল্লীর সম্রাট হইলে তাঁহার
সেনাপতি মালীক কাফুর তিনবার দাক্ষি-
ণাত্য আক্রমণ করিয়া নর্মদাতীর হইতে
কুমারিকা অন্তরীপ পর্য্যন্ত বিপর্যস্ত ও ব্যতি-
বাস্ত করেন। দেবগড় প্রভৃতি দাক্ষিণাত্যের
হিন্দুরাজ্য দিল্লীর মুসলমান সম্রাটের
অধীনতা স্বীকার করিল।

চতুর্দশ শতাব্দীতে মুহম্মদ টোগলক

দিল্লীর সম্রাট হইয়া রাজধানী দিল্লী হইতে দেবগড়ে আনিবার প্রয়াস করেন, এবং দেবগড়ের নাম পরিবর্তন করিয়া দৌলতাবাদ রাখিলেন। কিন্তু দক্ষিণের হিন্দু ও মুসলমান সকলে বিরক্ত হইয়া সম্রাটের বিরুদ্ধাচরণ করিতে লাগিল। হিন্দুগণ বিজয়নগরে নতুন রাজধানী স্থাপন করিয়া একটি বিশাল সাম্রাজ্য প্রতিষ্ঠিত করিল এবং মুসলমানগণ দৌলতাবাদে একটি ক্ষুদ্র মুসলমান রাজ্য স্থাপন করিল। কালক্রমে বিজয়নগর ও দৌলতাবাদ দাক্ষিণাত্যের মধ্যে দুইটি প্রধান রাজ্য হইয়া উঠিল। প্রায় তিন শত বৎসর পর্যন্ত দিল্লীর সম্রাটগণ দাক্ষিণাত্য হস্তগত করিবার আর কোনও চেষ্টা করেন নাই।

কিন্তু দিল্লীর উপদ্রব হইতে নিস্তার পাইলেও দক্ষিণে হিন্দুসাম্রাজ্য বিপদশূন্য ছিল না। হিন্দুগণ গৃহের মধ্যে দৌলতাবাদস্বরূপ মুসলমান রাজ্যকে স্থান দিয়াছিল। সে সময়ে হিন্দুদিগের জাতীয় জীবন ক্ষীণ ও অবনতিশীল, বিজয়ী মুসলমানদিগের জাতীয় জীবন উন্নতিশীল ও প্রবল, সুতরাং একে অণ্ঠের ধ্বংসসাধন করিল। কালক্রমে দৌলতাবাদ রাজ্য বহুতায়তন হইয়া খণ্ডে খণ্ডে বিভক্ত হইল, ও একটীর স্থানে বিজয়পুর, গলখন্দ ও আহম্মদনগর নামক তিনটি মুসলমান রাজ্য হইয়া উঠিল। তখন মুসলমান রাজগণ একত্র হইয়া ১৫৬৪ খৃঃ অর্কে তেলিকোটায় যুদ্ধে বিজয়নগরের সৈন্যবাহিনীকে পরাস্ত করিয়া সেই হিন্দু-রাজ্যের লোপ সাধন করিলেন। এইরূপে দাক্ষিণাত্যে হিন্দু-স্বাধীনতা বিলুপ্ত হইল; বিজয়পুর, গলখন্দ ও আহম্মদনগর নামক

তিনটি মুসলমান-রাজ্য হইয়া উঠিল; কৃষ্ণা-রাজগণও ক্রমে বিজয়পুর অধীনতা স্বীকার করিলেন। ১৫৯০ খৃঃ অর্কে সম্রাট রায় সমগ্র দাক্ষিণাত্য আনিবার চেষ্টা করেন পূর্বেই সমস্ত খন্দে রাজ্যের অধিকাংশ দিল্লী-হয়। তাঁহার পৌত্র অর্কের মধ্যে সমগ্র রাজ্য অধিকার করেন, সুতরাং এই বিবৃতকালে দাক্ষিণাত্যে কেবল গলখন্দ এই দুইটি পর মুসলমান রাজ্য ছিল।

এই সমস্ত রাজবিপ্লবে লোকদিগের অর্থাৎ মহারাষ্ট্র বিরূপ ছিল তাহা আর আবশ্যিক। মুসলমানরাই অর্থাৎ আহম্মদনগর, বিজয়পুর অধীনে হিন্দুদিগের অবস্থা ছিল না। বস্তুতঃ মুসলমান শাসন-কার্য অনেকটা বলহীন পরিচালিত হইত। কতকগুলি সরকারে, ও কতকগুলি পরগণায় সেই সমস্ত সরকারে কখন মুসলমান শাসনকর্তা কিন্তু অধিক সময়ে মহারাষ্ট্র কর আদায় করিয়া রাখিতে ন। মহারাষ্ট্রদেশ পরিত্যক্ত অসংখ্য ভূগর্ভ মুসলমান সুলতানগণ সেই ভূগর্ভে মহারাষ্ট্রদিগের হ

সমুচিত হইতেন না, এবং মহারাষ্ট্রীয় কিল্লা-দারগণ প্রায়ই জায়গীর প্রাপ্ত হইয়া তাহারই আঁয় হইতে দুর্গরক্ষার জন্ত আবশ্যকীয় ব্যয় করিতেন । এই সমস্ত কিল্লাদার ও দেশমুখ ভিন্ন অনেক হিন্দু-মস্জিদদার রাজদরবারে নিয়োজিত থাকিতেন, তাঁহারা শত কি দ্বিশত কি পঞ্চাশত কি সহস্র কি তদধিক অশ্বারোহীর সেনাপতি, সুলতানের আদেশ মতে সেই সেই পরিমাণ সৈন্য লইয়া যুদ্ধসময়ে উপস্থিত হইতে বাধ্য ছিলেন । তাঁহারাও সৈন্যের বেতন ও আবশ্যকীয় ব্যয়ের জন্ত একএকটি জায়গীর ভোগ করিতেন ।

বিজয়পুরের সুলতানের অধীনে চন্দ্ররাও মোরে দ্বাদশসহস্র পদাতিকের সেনাপতি ছিলেন । তিনি সুলতানের আদেশে নীরা ও বাৰ্ণানদীর মধ্যবর্তী সমস্ত প্রদেশ জয় করিয়াছিলেন ; সুলতান পরিতুষ্ট হইয়া সেই দেশ চন্দ্ররাওকে অন্নমাত্র কর ধার্য্য করিয়া জায়গীর স্বরূপ দান করেন ; এবং চন্দ্ররাওয়ের সন্তান সন্ততিগণ সপ্তম পুরুষ পর্য্যন্ত রাজা হেতাবে সেই প্রদেশ স্বচ্ছন্দে শাসন করেন । এইরূপ রাওনায়েক নিম্নালকরবংশীয়েরা পুরুষানুক্রমে সুলতান দেশের দেশমুখ হইয়া সেই দেশ শাসন করেন । এইরূপে মল্লরী প্রদেশে, মুখর প্রদেশে, কাপসী ও মুখোল দেশে, বটু প্রদেশে ও ওয়ারিপ্রদেশে ভিন্ন ভিন্ন পরাক্রান্ত মহারাষ্ট্রীয় বংশ অবস্থান করিতেন । তাঁহারা ঐ সকল প্রদেশে পুরুষানুক্রমে বিজয়পুরের সুলতানের কার্যসাধন করিতে থাকেন, ও সময়ে সময়ে আপনাদিগের মধ্যেও তুমুল সংগ্রাম করিতেন । জাতি-বিরোধের স্মৃতি আর বিরোধ নাই, স্তত্রাং পর্বতসকুল কঙ্কণ ও মহারাষ্ট্র প্রদেশে

সর্বস্থানে ও সর্বকালেই স্থানীয় বড় বড় বংশীয়দিগের মধ্যে আত্মবিরোধ দৃষ্ট হইত । বহু শোণিত পাত হইলেও সেগুলি কুলক্ষণ নহে, সেগুলি সুলক্ষণ । পক্ষিপক্ষীর দ্বারা আমাদের শরীর যেরূপ সুবন্ধে দৃঢ়ীকৃত হয়, কার্য্য, উপদ্রব ও বিপর্য্যয় দ্বারা জাতীয় বল ও জাতীয় জীবন সেইরূপ রক্ষিত ও পরিপুষ্ট হয় । এইরূপে মহারাষ্ট্রীয় জীবন-উষার প্রথম রক্তমাচ্ছটা শিবজীর আবির্ভাবের অনেক পূর্বেই ভারত-আকাশে রঞ্জিত করিয়াছিল ।

আহম্মদনগরের সুলতানের অধীনে যাদবরাও ও ভঁস্লাম নামক দুইটি পরাক্রান্ত বংশ ছিল । সিন্ধুক্ষীরের যাদবরাওয়ের স্মার পরাক্রান্ত মহারাষ্ট্রবংশ সমস্ত মহারাষ্ট্র প্রদেশে আর কোথাও ছিল না, এবং অনেকে বিবেচনা করেন দেবগড়ের প্রাচীন হিন্দুরাজবংশ হইতেই এই পরাক্রান্ত বংশ সমুদ্ভূত । ভঁস্লামবংশ যাদবরাওয়ের স্মার উন্নত না হইলেও একটি প্রধান ও ক্ষমতা-শালী বংশ ছিল তাহার সন্দেহ নাই । এই স্থানে এইমাত্র বলা আবশ্যক যে যাদবরাওয়ের বংশ হইতে শিবজীর মাতা ও ভঁস্লামবংশ হইতে তাঁহার পিতা সমুদ্ভূত হইয়াছিলেন ।

দ্বিতীয় পরিচ্ছেদ ।

রঘুনাথজী হাবিলদার ।

কাঞ্চন ছিন্দিয়া তাব অঙ্কের বরণ ।

অবর্ণ তাহার দ্বিবা পঙ্কজ নয়ন ।

শ্রবণে সুগুণযুগ্ম দীপ্ত দিনকর ।
 ধ্রুবেস্ত কংঠে আবরিল কলেবর ॥
 দুইদিকে দুই তুণ বামে ধরে ২৩ ।
 আকাশস্থ সখিত ভূক আনন্দিত ৩৩ ॥
 বাণীরাশ পাস ।

ককণ প্রদেশে বর্ষাকালে প্রকৃতি অতি ভীষণ রূপ ধারণ করে ; ১৬৬৩ খৃঃ অব্দের বসন্তকালেই একদিন সায়ংকালে সেইরূপ ঘোর ঘটা দৃষ্ট হইয়াছিল। সূর্য্য এখনও অস্ত যায় নাই, অগচ্ সমস্ত আকাশ দীর্ঘ-বিলম্বী অতি ক্রমঃ মেঘরাশিতে আবৃত ও চারিদিকে পর্ব্বতশ্রেণী ও অরণ্য অন্ধকারে আচ্ছন্ন রহিয়াছে। পর্ব্বতে, উপত্যকায়, অরণ্যমধ্যে, প্রান্তরে, আকাশ বা মেদিনীতে শব্দমাত্র নাই, যেন অচিরে প্রচণ্ড বাত্যা আসিবে জানিয়া সমস্ত জগৎ ভয়ে স্তব্ধ হইয়া রহিয়াছে। নিকটস্থ পর্ব্বতের উপর দিয়া গমনাগমনের পথগুলি জীষৎ দেখা যাইতেছে, দূরস্থ বিশাল পাদপার্বত পর্ব্বতগুলি গাঢ়তর ক্রমঃবর্ণ ধারণ করিয়াছে আর নীচে উপত্যকা অন্ধকারে আচ্ছন্ন রহিয়াছে। পর্ব্বত-প্রবাহিনী জলপ্রপাত-গুলি কোথাও রোপা গুচ্ছের ছায় দেখা যাইতেছে, কোথাও অন্ধকারে লীন হইয়া কেবল শব্দমাত্র আপন পরিচয় দিতেছে।

সেই পর্ব্বতপথের উপর দিয়া এক মাত্র অখারোহী বেগে অশ্চালন করিয়া যাইতেছিলেন। অশ্বের সমস্ত শরীর ফেনপূর্ণ ও ঘর্ম্মাক্ত। অখারোহীর বেশ কর্ম্মময়, দেখিলেই বোধ হয় তিনি অনেক দূর হইতে আসিতেছেন। তাঁহার দক্ষিণ হস্তে বর্ষা, কোষে অসি, বামহস্তে বর্ষা ও বাম বাহুতে ঢাল, পরিচ্ছদ ও

উষ্ণীয় রাজস্থানদেশীয়। অখারোহীর বয়ঃক্রম অষ্টাদশবর্ষ হইবে, অবয়ব উন্নত ও গৌরবর্ণ, কিন্তু পরিশ্রমে বা রৌদ্রোত্তাপে এই বয়সেই তাঁহার মুখমণ্ডলের উজ্জল বর্ণ কিঞ্চিৎ ক্রমঃ হইয়াছে। শরীর সুবন্ধ ও দৃঢ়ীকৃত, ললাট উন্নত, চক্ষুর্দ্বয় জ্যোতিঃপূর্ণ, মুখমণ্ডল ঔদার্য্যব্যঞ্জক ও অতিশয় তেজঃপূর্ণ। যুবক অশ্বকে অল্প বিশ্রাম দিবার জন্ত লক্ষ্য দিয়া ভূমিতে অব-তীর্ণ হইলেন, বর্ষা বৃক্ষোপরি নিক্ষেপ করিলেন, বর্ষা বৃক্ষশাখায় হেলাইয়া রাখিলেন, ও হস্ত দ্বারা ললাটের ঘর্ম্ম মোচন করিয়া নিবিড় ক্রমঃ কেশ গুচ্ছ পশ্চাৎ দিকে সরাইয়া ক্রমঃ আকাশের দিকে নিরীক্ষণ করিতে লাগিলেন।

আকাশের আক্রান্ত অতি ভয়ানক, অচিরঃ তুমুল বাত্যা আসিবে তাহার সংশয় নাই। মন্দ মন্দ বায়ু বহিতে আরম্ভ হইতেছে এবং অনন্ত পর্ব্বত ও পাদপশ্রেণী হইতে গভীর শব্দ উথিত হইতেছে। দুই একটা স্তিমিত মেঘগর্জন শুনা যাইতেছে, এবং যুবকের গুহ ওষ্ঠে দুই এক বিন্দু ঝটি-জলও পতিত হইল। এখন যাইবার সময় নহে, আকাশ পরিষ্কার হওয়া পর্য্যন্ত কোথাও অপেক্ষা করা উচিত, কিন্তু যুবকের চিন্তা করিবার সময় ছিল না। তিনি যে কার্য্যে আসিয়াছিলেন তাহাতে বিনম্র সহে না, তিনি যে প্রভুর কার্য্য করিতেছেন তিনি কোন আপত্তি শুনে না, যুবকেরও বিনম্র বা আপত্তি করার অভ্যাস নাই। পুনরায় বর্ষা হস্তে লইয়া লক্ষ্য দিয়া তিনি অশ্বপৃষ্ঠে উঠিলেন। আর এক মুহূর্ত্ত আকাশের দিকে নিরীক্ষণ করিলেন, পরে পুনরায় বেগে অশ্চালন করিয়া সেই

নিঃশব্দ পর্বত-প্রদেশের স্তম্ভ প্রতিধ্বনি জাগরিত করিয়া চলিলেন ।

অল্পক্ষণ মধ্যেই ভয়ানক বাত্যা আরম্ভ হইল । আকাশের এক প্রান্ত হইতে অন্য প্রান্ত পর্য্যন্ত বিদ্যুৎ চমকিত হইল । মেঘের গর্জনে সেই অনন্ত পর্বত-প্রদেশ যেন শত বার শব্দিত হইল । অচিরে কোটা-রাক্ষসবল বিক্রম করিয়া ভীষণ গর্জনে পবন প্রবাহিত হইয়া যেন সেই অনন্ত পর্বতকেও সমূলে আলোড়িত করিতে লাগিল । শত পর্বতের অসংখ্য পাদপশ্রেণী হইতে কণ্ঠভেদী শব্দ উথিত হইতে লাগিল, জলপ্রপাত ও পর্বত-তরঙ্গিনীর জল উৎক্ষিপ্ত হইয়া চারিদিকে বিকীর্ণ হইতে লাগিল, ঘন ঘন বিদ্যুৎ-আলোকে বহুদূর পর্য্যন্ত প্রকৃতির এই ঘোর বিপ্লব দৃষ্ট হইতে লাগিল, ও মধ্যে মধ্যে বজ্রশব্দে জগৎ কম্পিত ও শুক হইতে লাগিল । ভরায় মুঘলধারায় বৃষ্টি পড়িয়া, পর্বত অরণ্য ও উপত্যকা প্লাবিত করিল, জলপ্রপাত ও তরঙ্গিনী সমুদয়কে ক্ষীণ কায় ও উচ্ছলিত করিয়া তুলিল ।

অথারোহী কিছুতেই প্রতিরুদ্ধ না হইয়া সাবধানে চলিতে লাগিলেন । সময়ে সময়ে বোধ হইল যেন অশ্ব ও অথারোহী বায়ু-বেগে পর্বত হইতে সজোরে নীচে নিক্ষিপ্ত হইবে । বায়ুপীড়িত বৃক্ষশাখার সজোর আঘাতে অথারোহীর উষ্ণীষ ছিন্ন হইল, তাঁহার ললাট হইতে দুই এক বিন্দু রুধির পড়িতে লাগিল । তথাপি যে কার্য্যে ব্রতী হইয়াছেন তাহাতে অপেক্ষা করা হুঃসাধ্য, সুতরাং যুবক মুহূর্ত্তমাত্রও চিন্তা না করিয়া যত দূর সাধ্য সতর্ক-ভাবে অশ্বচালনা করিতে লাগিলেন

দুই তিন দণ্ড মুঘলধারায় বৃষ্টি হওয়াতে ক্রমে আকাশ পরিষ্কার হইতে লাগিল, অচিরে বৃষ্টি থামিয়া গেল । অস্তাচলচূড়া-বলম্বী সূর্য্যের আলোকে সেই পর্বতরাশি ও নবনাত বৃক্ষ সমূহের চমৎকার শোভা দৃষ্ট হইল ।

যুবক দুর্গে উপস্থিত হইয়া একবার অশ্ব থামাইলেন ও সিক্ত কেশগুচ্ছ পুনরায় সুন্দর, প্রশস্ত ললাট হইতে অপমৃত করিয়া নিম্নদিকে দৃষ্টিপাত করিলেন । যতদূর দেখা যায়, দুইতিন সহস্র হস্ত উন্নত পর্বতশিখর-গুলি শোভা পাইতেছে, ও সেই পর্বত-সমূহের পার্শ্বে, মস্তকে, চারিদিকে, নবনাত নিবিড় হরিদ্রণ অনন্ত পাদপশ্রেণী সূর্য্যা-লোকে চিক্ চিক্ করিতেছে । মধ্যে মধ্যে জলপ্রপাত দশগুণ ক্ষীণকায় হইয়া বার্কিত গোরবে শূন্য হইতে শূন্যস্তরে নৃত্য করিতেছে, ও সূর্য্যের সূর্য্য রশ্মিতে বড় সুন্দর ক্রীড়া করিতেছে । পর্বত ও শিখরের উপর সূর্য্যরশ্মি নানাৰ্ণ ধারণ করিয়াছে, জলপ্রপাতের উপর রামধনু গেলা করিতেছে, আকাশে প্রকাণ্ড ধনু নানাৰ্ণে রঞ্জিত রহিয়াছে, ও বহুদূরে বায়ু দ্বারা তাড়িত হইয়া মেঘরাশি বৃষ্টিরূপে গলিত হইতেছে ।

যুবক ক্ষণমাত্র এই শোভায় মুগ্ধ রহিলেন ; পরে সূর্য্যের দিকে অবলোকন করিয়া শীঘ্র দুর্গের উপর উঠিতে লাগিলেন । অচিরে আপন পরিচয় দিয়া দুর্গে প্রবেশ করিলেন । তখন সূর্য্য অস্ত যাইতেছে, অমনি বন্দনা শব্দে দুর্গদ্বার বন্ধ হইল ।

দ্বাররক্ষকগণ দ্বার বন্ধ করিয়া যুবকের দিকে চাহিয়া কহিলেন,—অধিক সকালে

পৌছেন নাই; আর এক মুহূর্ত্ত বিলম্ব হইলে অথ রাত্রি প্রাচীরের বাহিরে অতিবাহিত করিতে হইত।

যুবক। সেই একমুহূর্ত্ত বিলম্ব হয় নাই; ভবানীর প্রমাদে প্রভুর নিকট যে প্রতিজ্ঞা করিয়াছি তাহা রাখিব। অদ্যই কিল্লাদারের নিকট প্রভুর আদেশ জানাইতে পারিব।

দ্বাররক্ষক। কিল্লাদারও আপনার জন্ত প্রতীক্ষা করিতেছেন। যুবক তৎক্ষণাৎ কিল্লাদারের প্রাসাদে যাইলেন, ও সম্যক্ অভিবাদন করিয়া নিজ কটিদেশ হইতে বন্ধন খুলিয়া কতকগুলি লিপি তাঁহার হস্তে প্রদান করিলেন। কিল্লাদার মাউলী জাতীয় একজন শিবজীর বিশ্বস্ত যোদ্ধা, তিনি লিপিগুলির প্রতীক্ষা করিতেছিলেন, দুতের দিকে না চাহিয়াই মনোনিবেশ পূর্ব্বক সেইগুলি পাঠ করিতে লাগিলেন।

দিল্লীর সম্রাটের সহিত যুদ্ধারম্ভ, যুদ্ধের আধুনিক অবস্থা, কিরূপে কিল্লাদার শিবজীর বিশেষরূপে সহায়তা করিতে পারেন, ও কোন্ বিষয়ে শিবজীর কি কি আদেশ, লিপি পাঠে সমস্ত অবগত হইলেন। অনেকক্ষণ সেই লিপি পাঠ করিয়া কিল্লাদার অবশেষে পত্রবাহকের দিকে চাহিয়া দেখিলেন। অষ্টাদশ বর্ষীয় যুবকের বালকোচিত উদার মুখমণ্ডল ও আনয়ন-বিলম্বী গুচ্ছ গুচ্ছ নিবিড় কৃষ্ণ কেশ দেখিয়া কিল্লাদার একবার চকিত হইলেন। লিপির দিকে দেখিলেন, আবার বালক বা যুবক দিকে মর্মভেদী তীক্ষ্ণ নয়নদ্বয় উঠাইলেন। অবশেষে বলিলেন,—হাবিলদার! তোমার নাম রঘুনাথজী? তুমি জাতিতে রাজপুত্র?

রঘুনাথজী বিনীতভাবে শির নামাইয়া প্রশ্নের উত্তর করিলেন।

কিল্লাদার। তুমি আকৃতি ও বয়সে বালক মাত্র। কিন্তু বিবেচনা করি কার্যকালে পরাঙ্গুধ নহ।

রঘুনাথজী। যত্ন ও চেষ্টা মাত্র মনুষ্য-সাধ্য, বোধ হয় তাহাতে প্রভু আমার ক্রটি দেখেন নাই। সিদ্ধি ভবানীর ইচ্ছাধীন।

কিল্লাদার। তুমি সিংহগড় হইতে তোরণ হুর্গে এত শীঘ্র আসিলে কিরূপে?

রঘুনাথজী। প্রভুর নিকট এইরূপ প্রতিজ্ঞা করিয়াছিলাম।

কিল্লাদার এই উত্তরে পরিতুষ্ট হইয়া জীবৎ হস্ত করিয়া বলিলেন,—জিজ্ঞাসা অনাবশ্যক, কার্য-সাধনে তোমার যেরূপ যত্ন তোমার আকৃতিই তাহার পরিচয় দিতেছে। রঘুনাথজীর সমস্ত বুদ্ধ ও শরীর এখনও সিক্ত, ও ললাটের জ্বলন্ত ক্ষত দেখা যাইতেছিল।

পরে কিল্লাদার সিংহগড়ের ও দুনার সমস্ত অবস্থা, মহারাষ্ট্রীয় মোগল ও রাজপুত্রসেনার অবস্থা ও সংখ্যা, তন্ন তন্ন করিয়া জিজ্ঞাসা করিতে লাগিলেন। রঘুনাথজী যতদূর পারিলেন উত্তর দিলেন।

কিল্লাদার বলিলেন,—তবে কল্যা প্রাতে আমার নিকট আসিও, আমার পত্রাদি প্রস্তুত থাকিবে। আর প্রভু শিবজীকে আমার নাম করিয়া জানাইও যে, তিনি যে তরুণ হাবিলদারকে এই বিষম কার্যে নিযুক্ত করিয়াছেন সে হাবিলদার কার্যের অনুপযুক্ত নহে। প্রশংসাবাক্যে রঘুনাথ মস্তক নত করিয়া কৃতজ্ঞতা স্বীকার করিলেন।

রঘুনাথজী বিদায় পাইয়া চলিয়া গেলেন। রঘুনাথকে একরূপ পরীক্ষা করার উদ্দেশ্যে এই যে, কিল্লাদার শিবজীকে অতিশয় গূঢ় রাজকীয় সংবাদ ও কতকগুলি গূঢ় মন্ত্রণা পাঠাইবার মানস করিতেছিলেন। সে গুলি লিপির দ্বারা ব্যক্ত করা যায় না, লিপি শত্রুহস্তে পড়িতে পারে। রঘুনাথজীকে সে গুলি বাচনিক বলা যাইতে পারে কি না, অর্থবলে বা কোন উপায়ে শত্রুর বশবর্তী হইয়া গূঢ় মন্ত্রণা শত্রুর নিকট প্রকাশ করা রঘুনাথের পক্ষে সম্ভব কি না, কিল্লাদার তাহাই পরীক্ষা করিতেছিলেন। রঘুনাথ নয়নপথের বহির্ভূত হইলে পর কিল্লাদার ঈষৎ হাস্য করিয়া বলিলেন,—শিবজী এ বিষয়ে অসাধারণ পণ্ডিত, উপযুক্ত কার্যে যথার্থই উপযুক্ত লোক পাঠাইয়াছেন।

তৃতীয় পরিচ্ছেদ ।

সরযুমালা ।

সঙ্কনি ! ভাল করি পেখন না ভেল ।
যেঘমালা সঙ্গে তড়িতলত্রা কনু জনয়ে শেল
দেই গেল ॥
আধ আটল ধসি, আধবদনে হাসি আধই
নয়ন তরঙ্গ ।
আধ উরঙ্গ হেরি, আধ অ'চর ভরি, তব
ধরি দগধে অনঙ্গ ।
একে তনু গোর। কনর কটোরা অতনু
ক'চস উপাম ।
হরি হরি কহ মন, কনু বুধি ঐছন কাস
পসারল কাম ॥

দশন মুকুটাপাতি অধর মিশারত বৃহ বৃহ
কহ তাহি ভাষা ।
বিজ্ঞাপতি কহ, অওবে মে ছুংখ রহ, হেরি
হেরি না পুরাল আশা ।

বিজ্ঞাপতি

রঘুনাথ কিল্লাদারের নিকট বিদায় পাইয়া ভবানীদেবীর মন্দিরাভিমুখে যাইতে লাগিলেন। এই দুর্গজয়ের অন্নদিন পরই শিবজী ভবানীর একটি মূর্তি প্রতিষ্ঠিত করিয়াছিলেন, ও অধ্বরদেশীয় অতি উচ্চকুলোদ্ভব এক ব্রাহ্মণকে আস্থান করিয়া দেবসেবায় নিয়োজিত করিয়াছিলেন। যুদ্ধকালে এই দেবীর পূজা না দিয়া কোনও কার্যে লিপ্ত হইতেন না।

রঘুনাথ যৌবনোচিত উল্লাসের সহিত আপন কৃষ্ণকেশগুলি নাচাইতে নাচাইতে একটি বুদ্ধগীত মৃদুস্বরে গাইতে গাইতে মন্দিরাভিমুখে আসিতেছিলেন।

যখন মন্দিরের নিকটে আসিলেন তখন প্রায় সন্ধ্যা হইয়াছে। পশ্চিমদিকের আকাশের স্তিমিত আলোকে শ্বেত মন্দির সুন্দর শোভা পাঠিতেছে, মন্দিরের পার্শ্ববর্তী একটি ক্ষুদ্র উত্তান প্রায় অন্ধকারে আবৃত হইয়াছে। মন্দিরের পুরোহিত তখন বাটীতে নাই, সুতরাং রঘুনাথ উত্তানে একটি প্রস্তরের উপর বসিয়া ক্রণেক বিশ্রাম করিতে লাগিলেন।

সন্ধ্যার সময়ে সেই উত্তানে একজন বালিকা কুল তুলিতে আসিলেন। রঘুনাথ দেখিয়া ঈষৎ বিস্মিত হইলেন, কেননা বালিকা এ দেশের নহে, পরিচ্ছদ দেখিয়া বুঝিলেন বালিকা রাজপুত্র। বহুদিন পরে একজন স্বদেশীয়া রমণীকে দেখিয়া রঘুনাথের হৃদয় নৃত্য করিয়া উঠিল। ইচ্ছা

হইল রাজপুত্র বালিকার নিকটে যাইয়া তাঁহার পরিচয় জিজ্ঞাসা করেন। কিন্তু রঘুনাথ সে ইচ্ছা দমন করিলেন, বৃক্ষতলে সেই প্রস্তরের উপর বসিয়া ক্ষণেক সেই বালিকার দিকে নিরীক্ষণ করিতে লাগিলেন। যত দেখিতে লাগিলেন, রঘুনাথের হৃদয় আরও সেই দিকে আকৃষ্ট হইতে লাগিল।

বালিকা অল্পমান ত্রয়োদশ বর্ষীয়া। তাঁহার রেসম-বিনিদিত সুমাজ্জিত অতি কৃষ্ণকেশপাশ গণ্ডস্থলে ও পৃষ্ঠদেশে লম্বিত রহিয়াছে, এবং উজ্জ্বল মুখমণ্ডল ও ভ্রমর-বিনিদিত চক্ষুর্দ্বয় কিঞ্চিৎ আবৃত করিয়াছে। ক্রয়ুগল যেন তুলি দ্বারা লিখিত, কি সুন্দর বক্রভাবে ললাটের শোভা বর্ধন করিতেছে। ওষ্ঠদ্বয় সুন্দর ও রক্তবর্ণ, হস্ত ও বাহু সুগোল, এবং স্তব্ধের বলয় ও কঙ্কণ দ্বারা সুশোভিত। কণ্ঠার ললাটে আকাশের রক্তমাচ্ছটা পত্রিত হইয়া সেই তপ্ত কাঞ্চন বর্ণকে সমধিক উজ্জ্বল করিতেছে। কণ্ঠ ও ঈষৎমত বক্ষঃস্থলের উপর একটা কণ্ঠমালা দোহলা-গান রহিয়াছে। রঘুনাথ অনিমেষলোচনে সেই সায়ংকালের স্তিমিত আলোকে সেই অপূর্বদৃষ্টা রাজপুত্রকণ্ঠার দিকে চাহিয়া-ছিলেন; তাঁহার হৃদয় পূর্বে অননুভূত আনন্দ-শ্রোতে সিক্ত হইতেছিল।

কণ্ঠা ফুল তুলিয়া গৃহে যাইবার উপক্রম করিতেছেন, এমন সময়ে দেখিলেন অনতি-দূরে একজন দীর্ঘকায় রাজপুত্র যুবক তাঁহার দিকে অনিমেষলোচনে দেখিতেছেন। ঈষৎ লজ্জায় কণ্ঠার মুখ রঞ্জিত হইল, তিনি মুখ অবনত করিলেন। আবার চাহিয়া দেখিলেন, যুবক তখনও দণ্ডায়মান রহিয়া-ছেন, গুচ্ছ গুচ্ছ কৃষ্ণকেশ যুবকের উন্নত ললাট ও জ্যোতিঃপূর্ণ নয়নদ্বয় আবৃত করি-

য়াছে, কোষে খজা, দক্ষিণ হস্তে দীর্ঘ বর্ষা। যুবক অনিমেষলোচনে তখনও তাঁহারই দিকে চাহিয়া রহিয়াছেন। বহুদিন পরে একজন দেশীয় যোদ্ধাকে এই মহারাষ্ট্র দুর্গে দেখিয়া রাজপুত্রবালী প্রথমে বিস্মিত হই-লেন, যুবকের আকৃতি ও উজ্জ্বল সৌন্দর্য দেখিয়া তিনি চকিত হইলেন, মুখমণ্ডল নত করিয়া কুলের সাজি লইয়া গৃহমধ্যে প্রবেশ করিলেন।

তখন রঘুনাথ যেন চেতন প্রাপ্ত হই-লেন। মন্দিরের পুরোহিতের সহিত সাক্ষাৎ করিবার জন্ত দীর্ঘে চিন্তিতভাবে মন্দিরমধ্যে প্রবেশ করিলেন, ও পুরোহি-তের জন্ত অপেক্ষা করিতে লাগিলেন। এই অবসরে আনরা পাঠককে পুরোহিতের পরিচয় দিব।

পূর্বেই বলিয়াছি, পুরোহিত অমর-দেশীয় উচ্চকুলোদ্ভব রাজপুত্র ব্রাহ্মণ, তাঁহার নাম জনার্দন দেব। তিনি অম্বরের প্রসিদ্ধ রাজা জয়সিংহের একজন সভাসদ ছিলেন, পরে শিবজীর বহু অনুরোধে, জয়সিংহের অনুমত্যানুসারে শিবজীর সর্বপ্রথম বিজিত তোরণদুর্গে আগমন করেন। তাঁহার পুত্রকণ্ঠা কেহই ছিল না, কিন্তু স্বদেশ ত্যাগের অচিরকাল পূর্বেই তিনি এক ক্ষত্রিয়কণ্ঠার লালনপালনের ভার লইয়া-ছিলেন। কণ্ঠার পিতা জনার্দনের আশে-শর পরমবন্ধু ছিলেন। কণ্ঠার মাতাও জনার্দনের স্ত্রীকে ভগিনী সপোধন করি-তেন। কণ্ঠার পিতামাতার কাল হওয়ায় নিঃসন্তান জনার্দন ও তাঁহার গৃহিণী ঐ শিশু ক্ষত্রিয়বালার লালনপালনভার লই-লেন, ও তোরণদুর্গে আসিয়া সেই শিশুকে অপত্যনির্ভরশেবে পালন করিতে লাগিলেন।

পরে জনার্দনের জীব কাল হইলে কণ্ঠা সরযু ভিন্ন বৃদ্ধের স্নেহের দ্রব্য আর কেহ রহিল না, সরযুবালাও জনার্দনকে পিতা বলিয়া ডাকিতেন ও ভালবাসিতেন । কাঙ্ক্ষাক্রমে সরযুবালা নিরুপমা লাবণ্যবতী হইয়া উঠিলেন, সুতরাং ছুর্গের সকলে শাস্ত্রজ্ঞ ব্রাহ্মণ জনার্দনকে কণ্ঠমুনি ও তাঁহার পালিত নিরুপমা লাবণ্যময়ী ক্ষত্রিয়বালাকে শকুন্তলা বলিয়া পরিহাস করিতেন । জনার্দনও কণ্ঠার সৌন্দর্য্য ও স্নেহে পরিতুষ্ট হইয়া রাজস্থান হইতে নির্বাসনের দুঃখ বিষ্মত হইলেন ।

দেবালয়ে রঘুনাথ কিছুক্ষণ অপেক্ষা করিলে পর জনার্দন দেবমন্দিরে প্রবেশ করিলেন । তাঁহার বয়স পঞ্চাশৎ বৎসর হইয়াছে, অবয়ব দীর্ঘ ও এখনও বলিষ্ঠ, চক্ষুদ্বয় শান্তিরসপূর্ণ, বক্ষঃস্থল বিশাল, বাহুদ্বয় দীর্ঘ ও বলিষ্ঠ । জনার্দনের বর্ণ গোঁর, এবং স্কন্ধ হইতে যজ্ঞোপবীত লম্বিত রহিয়াছে । পৃষ্ঠকের পবিত্র মন ও সরল হৃদয় তাঁহার মুখ দেখিলেই বোধগম্য হইত । জনার্দন ধীরে ধীরে মন্দিরে প্রবেশ করিলেন, তাঁহাকে দেখিয়া রঘুনাথ সসম্মমে আসন ত্যাগ করিয়া গাত্ৰোথান করিলেন ।

সংক্ষেপে মিথ্যলাপ করিয়া উভয়ে আসন গ্রহণ করিলেন ও জনার্দন শিবজীর কুশল সংবাদ জিজ্ঞাসা করিলেন । রঘুনাথ যতদূর পারিলেন যুদ্ধের বিবরণ বলিলেন, ও শিবজীর প্রণাম জানাইয়া পূজকের হস্তে কয়েকটা স্বর্ণমুদ্রা দিয়া বলিলেন,—প্রভুর প্রার্থনা যে তিনি এক্ষণে মোগলদিগের সহিত যুগে নিযুক্ত হইয়াছেন আপনি তাঁহার জয়ের জন্ত ভবানীর নিকটে পূজা করিবেন । দেবীপ্রসাদ ভিন্ন মনুষ্যচেষ্টা বৃথা ।

জনার্দন তাঁহার নৈসর্গিক স্থির গম্ভীর-স্বরে উত্তর করিলেন,—সনাতন হিন্দুধর্ম্ম-রক্ষার জন্ত মাদৃশ লোকের চিরকালই যত্ন করা বিধেয়, সেই ধর্ম্মের প্রহরীস্বরূপ শিবজীর বিজয়ের জন্ত অবশ্যই পূজা দিব । মহাত্মাকে জানাইও সে বিষয়ে ক্রটি করিব না ।

রঘুনাথ । দেবীপদে প্রভুর আর একটি আবেদন আছে । তিনি ঘোরতর যুদ্ধে প্রবৃত্ত হইবেন, তাহার ফলাফল কথঞ্চিৎ পূর্বে জানিবার আকাঙ্ক্ষা করেন । ভবাদৃশ দূরদর্শী দৈবজ্ঞ এ বিষয়ে অবশ্যই তাঁহার মনস্কামনা পূর্ণ করিতে পারেন ।

জনার্দন ক্ষণেক চক্ষু মুদ্রিত করিয়া রহিলেন, পরে পুনরায় গম্ভীর স্বরে বলিলেন,—রজনীযোগে দেবীপদে শিবজীর বাসনা জানাইব, কল্যা প্রাতে উত্তর জানিতে পারিবে ।

রঘুনাথ ধন্তবাদ দিয়া বিদায় হইবার উত্তোগ করিতেছেন, এমন সময়ে জনার্দন বলিলেন,—তোমাকে ইতিপূর্বে এই ছুর্গে দেখি নাই, অতঃ কি এই প্রথম এস্থলে আসিয়াছ ?

রঘুনাথ । অতঃই আসিয়াছি ।

জনার্দন । ছুর্গে কাহারও সহিত পরিচয় আছে ? থাকিবার স্থান আছে ?

রঘুনাথ । পরিচয় নাই, কিন্তু কোন এক স্থানে রজনী অতিবাহিত করিব, কল্যা প্রাতেই চলিয়া যাইব ।

জনার্দন । কি জন্ত অনর্থক ক্লেশ সহ্য করিবে ?

রঘুনাথ । প্রভুর অনুগ্রহে কোন ক্লেশ হইবে না, আমাদের সর্বদাই এইরূপে রাত্রি অতিবাহিত করিতে হয় ।

জনার্দন । বৎস ! যুদ্ধসময়ে ক্লেশ অনিবার্য, কিন্তু অণু ক্লেশ সহনের কোন আবশ্যিকতা নাই । আমার এই দেবালয়ে অবস্থিতি কর, আমার পালিতকণ্ঠা তোমার খাণ্ডের আয়োজন করিয়া দিবে ! পরে রাত্রিতে বিশ্রাম করিয়া কলা শিল্পীর নিকটে দেবীর অঙ্কা লইয়া যাইবে ।

রঘুনাথজীর বক্ষঃস্থল সহসা ক্ষীত হইল, তাঁহার হৃদয়ে যেন কে ঝঞ্ঝারে আঘাত করিল । এ বাতনা না আনন্দের উদ্বেগ ? জনার্দনের পালিতকণ্ঠা কে ? তিনি কি সেই পুষ্পোচ্চানে দৃষ্টা লাবণ্যময়ী রাজপুত্রবালা ?

চতুর্থ পরিচ্ছেদ ।

কণ্ঠমালা ।

মহের সাধন কিংবা শরীর পতন ।

ভারতচন্দ্র রায় ।

রজনী প্রায় এক প্রহর হইলে সরযুবালা পিতার আদেশে অতিথির খাণ্ডের আয়োজন করিয়া দিলেন । রঘুনাথ আসন গ্রহণ করিলেন, সরযু পশ্চাতে দণ্ডায়মান রহিলেন । মণ্ডারাইদেশে অণুবাধি আহুত ব্যক্তিকে পরিবারের মধ্যে কোন এক জন রমণী আসিয়া ভোজন করাইবার রীতি আছে ।

রঘুনাথ আহার করিতে বসিলেন কিন্তু রঘুনাথের হৃদয় আজি চাঞ্চল্য পরিপূর্ণ ও অস্থির । সরযু যত্ন করিয়া অনেক প্রকার আহার প্রস্তুত করিয়াছিলেন, কিন্তু রঘুনাথ অণু কি পাইলেন ঠিক জানেন না । জনার্দন ওৎসুক্য সহকারে রাজস্থানের কথা

কহিতে লাগিলেন, রঘুনাথ সময়ে সময়ে উত্তর দেন, সময়ে সময়ে একটু অন্তমনস্ক হইলেন ।

আহার শেষ হইল । খেতপ্রস্তুত-নির্নির্মিত আধারে সরযু মিষ্ট সরবৎ আনিয়া দিলেন, রঘুনাথ পাত্রপাশ্বিনীর দিকে সোধেগ-চিন্তে চাহিলেন, যেন তাঁহার হৃদয় সেই দৃষ্টির সহিত মিলিত হইয়া সেই কণ্ঠার দিকে ধাবমান হইল । চারি চক্ষুর মিলন হইল, সরযুর মুখমণ্ডল লজ্জায় ঈবৎ রক্তবর্ণ হইল, মুখ অবনত করিয়া সরযু ধীরে ধীরে সরিয়া গেলেন । রঘুনাথও যৎপরোনাস্তি লজ্জিত হইয়া অধোবদন হইলেন ।

হস্তমুখ প্রক্ষালনের জন্ত সরযু জল আনিয়া দিলেন । রঘুনাথ বর্কর নহেন, এবার তিনি মুখ অবনত করিয়া রহিলেন, কেবল সরযুর সুন্দর সুবর্ণ বलय-সিঁজড়িত সুগোল বাহুমাত্র দেখিতে পাইলেন । একটী দীর্ঘশ্বাস তাগ করিলেন ।

রঘুনাথের শয্যারচনা হইল । রঘুনাথ শয়ন করিলেন না, ঘরের দ্বার ধীরে ধীরে উদঘাটন করিয়া নক্ষত্রালোকে সেই পুষ্পোচ্চানে পদচারণ করিতে লাগিলেন ।

সেই গভীর অন্ধকারে নক্ষত্র-বিভূষিত নৈশ আকাশের দিকে স্থিরদৃষ্টি করিয়া অল্প-বয়স্ক যোদ্ধা কি চিন্তা করিতেছেন ? নিশার ছায়া ক্রমে গভীরতর হইতেছে, সেই সুস্নিগ্ধ ছায়ায় মনুষ্য, জীব, জন্তু, সমগ্র জগৎ স্তম্ভ হইয়াছে । হুর্গে শব্দমাত্র নাই, কেবল মধ্য মধ্য প্রহরিগণের শব্দ শুনা যাইতেছে, ও প্রহরে প্রহরে ঘণ্টারব সেই নিস্তব্ধ হুর্গে ও চতুর্দিকস্থ পর্বতে প্রতিহত হইতেছে । এ গভীর অন্ধকার রজনীতে

রঘুনাথ অ নন্দ হইয়া কি চিন্তা করিতে-
ছেন ?

রঘুনাথ অণ্ড কেন সেই উত্তানে পদ-
চারণ করিতেছেন তাহা রঘুনাথ জানেন
না। এতদিন রঘুনাথ বালক ছিলেন, অণ্ড
যেন সহসা তাঁহার শাস্ত, নীল, জীবনা-
কাশের উপর একটা নূতন আলোক উদ্ভিত
হইল, তাঁহার সুপ্ত চিন্তা ও বেগবতী মনো-
বৃত্তি সহসা জাগরিত হইল। শত বার
সেই রাজপুতবালার আনন্দময়ী মূর্তি
তাঁহার মনে আসিতে লাগিল, সেই
আলেখ্যলিখিত ক্রয়ুগল, সেই পুষ্পবিনিন্দিত
মধুময় ওষ্ঠ, সেই নিবড় কেশপাশ, সেই
স্নগোল বাহুযুগল, সেই আয়ত স্নেহপূর্ণ
নয়ন, সেই চিত্তহারী অতুল লাবণ্য ! রঘু-
নাথ ! এ সুন্দরী কি তোমার হইবে ?
তুমি একজন সামান্ত হাবিলদার মাত্র,
জনार्দিন অতি উচ্চকুলোদ্ভব রাজপুত,
তাঁহার পালিত কন্যা রাজাদিগেরও প্রার্থ-
নীয় ! কি জন্ম একরূপ আশায় হৃদয় বৃথা
ব্যর্থ করিতেছ ? রঘুনাথ ! এ বৃথা
তৃষ্ণায় কেন হৃদয় দগ্ধ করিতেছ ?

কিন্তু যৌবনকালে আশাই বলবতী হয়,
শাস্ত্র আমাদের নৈরাশ হয় না, অসাধ্যও
আমরা সাধ্য বিবেচনা করি, অসম্ভবও
সম্ভব বোধ হয়। রঘুনাথ আকাশের দিকে
চাহিয়া চাহিয়া অনেকক্ষণ কি চিন্তা করিতে-
ছিলেন। অনেকক্ষণ পর দণ্ডায়মান হই-
লেন, আপন হৃদয়ের উপর উভয় বাহু
স্থাপন করিয়া ক্ষণেক দণ্ডায়মান রহিলেন,
মনে মনে বলিলেন,—

“ভগবন, সহায় হও, অবশ্য কৃতকার্য
হইব ! • যশ, মান, খ্যাতি, মনুষ্যসাধ্য,
কিছু আমার অসাধ্য হইবে ? আমার

শরীর কি অণ্ড অপেক্ষা ক্ষীণ ? বাহু কি
অণ্ড অপেক্ষা দুর্বল ? দেবগণ আমার
সহায় হও, আমি যুদ্ধে পিতার নাম রক্ষা
করিব, রাজপুতের উচিত সম্মান লাভ
করিব। তাহার পর ? যদি কৃতকার্য
হই, তাহা হইলে সরয় ! আমি তোমার
অযোগ্য হইব না। তখন সরয় ! তোমাকে
গল্পচ্ছলে অণ্ডকার এই সকল কথা বলিব,
তখন তোমার সুন্দর হস্তদ্বয় আমার এই
কম্পিত হস্তদ্বয়ে স্থাপন করিব, তখন ঐ
লাবণ্যময় দেহলতা এই উদ্বিগ্ন হৃদয়ে ধারণ
করিব, তখন ঐ সুন্দর বিশ্ববিনিন্দিত ওষ্ঠ-
দ্বয়”——রঘুনাথ ! রঘুনাথ ! উন্মত্ত
হইও না।

তখন রঘুনাথ কথঞ্চিৎ শাস্ত্র-জনয়ে
গৃহের দিকে ফিরিলেন। সহসা দেখিলেন
একটা কণ্ঠমালা পড়িয়া রহিয়াছে,—হুইটা
করিয়া মুক্তা, পরে একটা করিয়া পলা,—
রঘুনাথ সে মালা চিনিলেন। সেই মালা
পূর্বদিন সন্ধ্যাকালে সরয় কণ্ঠে ও বক্ষঃস্থলে
ধারণ করিয়াছিলেন, বোধ হয় অসাধনতা
বশতঃ ঐ স্থানে ফেলিয়া গিয়াছেন।
রঘুনাথ আকাশের দিকে চাহিয়া বলি-
লেন,—ভগবন ! একি আমার আশা পূর্ণ
হইবার পূর্বলক্ষণ দান করিলেন ?

মালাটি হৃদয়ে ধারণ করিয়া রঘুনাথ
নিদ্রা গেলেন, পরদিন প্রাতে রঘুনাথের
নিদ্রাভঙ্গ হইল। জনार्দিনদেবের নিকট
ভবানীর আঞ্জা জানিলেন,—“শ্লেচ্ছদিগের
সহিত যুদ্ধে জয়, স্বপর্ষীদিগের সহিত যুদ্ধে
পরাজয়।”

দুর্গ ত্যাগের পূর্বে রঘুনাথ একবার
সরয়র সহিত দেখা করিলেন। সরয়
যখন পুনরায় উত্তানে মূল ভূমিতে আসিয়া

ছেন, ধীরে ধীরে রঘুনাথও তথায় বাই-
লেন। হৃদয়ের উদ্বেগ কথঞ্চিৎ দমন
করিয়া ঈষৎ কম্পিতস্বরে রঘুনাথ বলি-
লেন,—ভদ্রে ! কল্যা নিশিযোগে এই
কণ্ঠমালাটা এই স্থানে পরাইয়াছি, সেইটা
দিতে আসিয়াছি, অপরিচিতের ঝুটতা
মার্জনা করুন।

এই বিনীতবাক্য শুনিয়া সরযু ফিরিয়া
চাহিলেন, দেখিলেন, সেই কমণীয় উদার
মুখমণ্ডল, সেই কেশাবৃত উন্নত ললাট,
সেই উজ্জল নয়নদ্বয়, সেই তরুণ যোদ্ধা !
রমণীর গৌর মুখমণ্ডল পুনরায় রক্তবর্ণ
হইয়া উঠিল।

রঘুনাথ পুনরায় ধীরে ধীরে বলি-
লেন,—যদি অনুমতি করেন, তবে এই
সুন্দর মালাটা উহার অভ্যন্ত স্থানে পরাইয়া
দি। এই অনুগ্রহটী আমাকে প্রদান
করুন, ভগবান্ আপনারা স্মৃতে রাখিবেন।

সরযু সলজ্জনয়নে একবার রঘুনাথের
দিকে চাহিলেন, সে বিশাল আয়ত নয়নের
ক্ষণদৃষ্টিতে রঘুনাথের হৃদয় কম্পিত হইল।
তৎক্ষণাৎ রঞ্জিতমুখী লজ্জায় আবার চকু
মুদিত করিলেন। সম্মতির লক্ষণ পাইয়া
রঘুনাথ ধীরে ধীরে সেই কণ্ঠমালা পরাইয়া
দিলেন, কণ্ঠার পবিত্র শরীর স্পর্শ করিলেন
না।

ক্ষণেক পর রঘুনাথ ধীরে ধীরে বলি-
লেন,—তবে অতিথিকে বিদায় দিন।

সরযু এবার লজ্জা ও উদ্বেগ সংযম করিয়া
ধীরে ধীরে রঘুনাথের দিকে চাহিলেন,
আবার ধীরে ধীরে ভূমির দিকে নয়ন
ফিরাইয়া অতি মৃদু অস্পষ্ট স্বরে কহি-
লেন,—আপনার নিকট অনুগ্রহীত রহিলাম,
পুনরায় যদি ছুর্গে আইসেন, ভরসা করি

পুনরায় পিতার এই মন্দিরে অবস্থান
করিবেন।

পিপাসার্ত চাতকের পক্ষে প্রথম
বৃষ্টিবিন্দুর ত্রায়, পথভ্রান্ত পথিকের পক্ষে
উহার প্রথম রক্তমাচ্ছটার ত্রায়, সরযুর
প্রথমোচ্চারিত এই অমৃত কথাগুলি
রঘুনাথের হৃদয় আনন্দলহরীতে প্লাবিত
করিল ! তিনি উত্তর করিলেন,—ভদ্রে,
আমি পরের দাস, যুদ্ধ আমার ব্যবসা,
পুনরায় কবে আসিতে পারিব, কখনও
আসিতে পারিব কি না, জানি না। কিন্তু
যতদিন জীবিত থাকিব, ততদিন আপনার
দেবনিন্দিত মূর্তি মুহূর্তের জন্তুও বিশ্বৃত
হইব না।

সরযু উত্তর দিতে পারিলেন না,
রঘুনাথ দেখিলেন সেই আয়ত নয়ন দুইটা
ছল্ ছল্ করিতেছে, তাঁহার আপনার
নয়নও শুষ্ক ছিল না।

পঞ্চম পরিচ্ছেদ ।

সায়ন্তার্থা ।

কেন চিন্তাকুল আঁধি নবাবের মন ?
নবীনচন্দ্র সেন।

যদিও কয়েক বৎসর অনধি শিবজীর
ক্ষমতা, রাজা এবং দুর্গনংগা দিন শদিন
রুক্মি পাইতেছিল, তথাপি ১৬৬২ খৃঃ অব্দের
পূর্বে দিল্লীর সম্রাট তাঁহাকে বশীভূত
করিবার অভিপ্রায়ে বিশেষ কোন যত্ন
করেন নাই। সেই বৎসর সায়ন্তার্থা
আমীর উল উমরা খেতাব প্রাপ্ত হইয়া
দক্ষিণদেশের শাসনকর্তৃপদে নিযুক্ত হইয়া

শিবজীকে একেবারে জয় করিবার আদেশ প্রাপ্ত হইলেন। সায়েস্তাখাঁ সেই বৎসরেই পুনা, চাকনহর্গ ও অগ্র কয়েক স্থান অধিকার করেন। পর বৎসর অর্থাৎ এই আখ্যায়িকা বিবৃত সময়ে সায়েস্তাখাঁ শিবজীকে একেবারে ধ্বংস করিবার সঙ্কল্প করেন। দিল্লীর সম্রাটের আদেশানুসারে মাড়ওয়ানের রাজা প্রসিদ্ধনামা যশোবন্তসিংহও এই বৎসরে (১৬৬৩ খৃঃ) বহুসৈন্য লইয়া সায়েস্তাখাঁর সহিত যোগ দিলেন, সুতরাং শিবজীর বিপদের সীমা ছিল না। মোগল ও রাজপুত সৈন্য পুনা নগরের নিকটে শিবির সন্নিবেশিত করিয়াছিল ও সায়েস্তাখাঁ স্বয়ং দাদাজী কানাইদেবের গৃহে, অর্থাৎ যে গৃহে শিবজী বাল্যকালে মাতার সহিত বাস করিতেন, সেই গৃহেই অবস্থিতি করিতেছিলেন। সায়েস্তাখাঁ শিবজীর চাতুরী বিশেষরূপে জানিতেন, সুতরাং তিনি আদেশ করিলেন যে, অনুমতিপত্র বিনা কোন মহারাষ্ট্রীয় পুনা-নগরে প্রবেশ করিতে পারিবে না। শিবজী নিকটবর্তী সিংহগড় নামক এক দুর্গে সসৈন্যে অবস্থিতি করিতেছিলেন। মহারাষ্ট্রীয়েরা সে সময়ে যুদ্ধব্যবসায়ে অধিক পরিপক্ব হয় নাই, দিল্লীর শিক্ষিত সেনার সহিত সম্মুখযুদ্ধ করা কোনমতেই সম্ভব নহে, সুতরাং শিবজী কৌশলভিন্ন স্বাধীনতা রক্ষা ও হিন্দুরাজ্য-বিস্তারের অগ্র উপায় দেখিলেন না।

চৈত্র মাসের শেষভাগে এক দিন সায়ংকালে পরাক্রান্ত মোগল সেনাপতি সায়েস্তাখাঁ আপন আমতা ও মন্ত্রীগণকে আহ্বান করিয়া সভায় বসিয়াছেন। কিরূপে শিবজীকে পরাজয় করিবেন তাহারই

পরামর্শ হইতেছিল। দাদাজী কানাইদেবের বাটীর মধ্যে সভাগৃহে এই সভা হইয়াছিল। চারিদিকে উজ্জ্বল দীপাবলী জ্বলিতেছে। জানালার ভিতর দিয়া সায়ংকালের ঋতল বায়ু উড়ানের পুষ্পগন্ধ বহিয়া আনিয়া সকলকে পুলকিত করিতেছে। আকাশ অন্ধকার, কেবল দুই একটি নক্ষত্র দেখা যাইতেছে।

আনুওরী নামে সায়েস্তাখাঁর একজন চাটুকার বলিল,—আমিরের সেনার সম্মুখে মহারাষ্ট্রীয় সেনা যেন মহা-বাত্যার সম্মুখে শুষ্ক পত্রের গায় আকাশে উড়িয়া যাইবে, অগণা ভীত হইয়া পৃথিবীর ভিতরে প্রবেশ করিবে।

চাঁদখাঁ নামক একজন প্রাচীন সেনা কয়েক বৎসর অবধি মহারাষ্ট্রীয়দিগের বল বিক্রম দেখিয়াছিলেন; তিনি ধীরে ধীরে উত্তর করিলেন,—আমি বোধ করি তাহাদের ঐ দুইটি ক্ষমতাই আছে।

সায়েস্তাখাঁ : কেন ?

চাঁদখাঁ : গত বৎসর কতিপয় পার্শ্ব-স্থীয় মহারাষ্ট্রীয় যখন চাকন দুর্গের ভিতর প্রবেশ করিয়াছিল, আমাদের সমস্ত সৈন্য দুই মাস অবধি চেষ্টা করিয়া কিরূপে তাহাদিগকে বহিস্কৃত করিয়া তর্গ জয় করিয়াছে, তাহা জাহাঁপনার স্বরণ আছে। একটি দুর্গ হস্তগত করিতে অনেক যোগ্যের প্রাণনাশ হইয়াছে। আবার এ বৎসর সর্বস্থানে আমাদের সৈন্য থাকাতঃ নিতাইজী আসমান দিয়া আহম্মদনগর ও আরাণাবাদ পর্যন্ত উড়িয়া যাইয়া দেশ ছারখার করিয়া আসিয়াছে।

সায়েস্তাখাঁ : চাঁদখাঁর বয়স অধিক হইয়াছে, তিনি এক্ষণে পর্তত ইন্দুরকে

জয় করেন? পূর্বে তাঁহার একরূপ ভয় ছিল না।

চাঁদখাঁর মুখমণ্ডল আশ্রিত হইল, কিন্তু তিনি নিরুত্তর রহিলেন।

আনওয়ারী! জাহাঁপনা ঠিক আক্রমণ করিয়াছেন, মহারাষ্ট্রীয়েরা ইন্দুরবিশেষ, তাহারা যে পর্বত-ইন্দুরের স্থায় গর্ভে প্রবেশ করিয়া থাকিতে পারে আমি অস্বীকার করি না।

চাঁদখাঁ। পর্বত-ইন্দুর পুনর ভিতর গর্ভ করিয়া বাহির না হইলে রক্ষা!

সায়ের্তাখাঁ। এখানে দিল্লীর সহস্র সহস্র নগায়ুধ বিড়াল আছে, ইন্দুরে সহস্র কিছু করিতে পারিবে না।

সভাসদ সকলেই “কেরামৎ” “কেরামৎ” বলিয়া সেনাপতির এই বাক্যের অনুমেদিন করিলেন।

মহারাষ্ট্রীয়দিগের বিষয়ে এইরূপ অনেক রহস্য হইলে পর কি প্রণালীতে যুদ্ধ হইবে তাহাই স্থির হইতে লাগিল। চাকন দুর্গ হস্তগত হওয়া অবধি সায়ের্তাখাঁ দুর্গ হস্তগত করা একেবারে হুঃসাধ্য বিবেচনা করিয়াছিলেন। তিনি বলিলেন,—এই প্রদেশ দুর্গপরিপূর্ণ, যদি একে একে সমস্ত দুর্গ হস্তগত করিতে হয়, তবে কত দিনে যে দিল্লীশ্বরের কার্যাসিদ্ধ হইবে, কখনও সিদ্ধ হইবে কি না, তাহার স্থিরতা নাই।

চাঁদখাঁ! জাহাঁপনা! দুর্গই মহারাষ্ট্রীয়দিগের বল, উহারা সম্মুখ যুগ করিবে না। অথবা যুগে পরাস্ত হইলেও উহাদিগের ক্ষতি নাই। কেননা দেশ পর্বতময়, উহাদিগের সেনা এক স্থান হইতে পলায়ন করিয়া কোন্ দিক দিয়া অত্র স্থানে উপস্থিত হইবে, আমরা তাহার উদ্দেশ্য পাইব না।

কিন্তু দুর্গগুলি একে একে হস্তগত করিতে পারিলে মহারাষ্ট্রীয়দিগকে অবশ্যই দিল্লীর অধীনতা স্বীকার করিতে হইবে।

সায়ের্তাখাঁ। কেন? মহারাষ্ট্রীয়েরা যুদ্ধে পরাস্ত হইয়া পলায়ন করিলে কি আমরা পশ্চাৎদান করিতে পারিব না? আমাদের কি অশ্বারোহী সেনা নাই, পশ্চাৎদান করিয়া সমস্ত মহারাষ্ট্রীয়সেনা ধ্বংস করিতে পারিবে না?

চাঁদখাঁ। যুদ্ধ হইলে অবশ্যই মোগলের জয়, ধরিতে পারিলে আমরা মহারাষ্ট্রীয় সেনা বিনাশ করিব তাহার সংশয় নাই, কিন্তু এই পর্বত-প্রদেশে মহারাষ্ট্রীয় অশ্বারোহীকে পশ্চাৎদান করিয়া ধরিতে পারে এমন অশ্বারোহী হিন্দুস্থানে নাই। আমাদের অশ্বগুলি বৃহৎ, অশ্বারোহী বর্ষাবৃত্ত ও বহু-অঙ্গসম্বিত, সমভূমিতে সম্মুখক্ষেত্রে তাহাদের তেজ দুর্দমনীয়, তাহাদের গতি অপ্রতিরোধ্য, কিন্তু এই পর্বত-প্রদেশে তাহাদিগের যাতায়াতের ব্যাঘাত জন্মে। ক্ষুদ্র মহারাষ্ট্রীয় অশ্ব ও অশ্বারোহীগণ যেন ছাগের স্থায় তুঙ্গশৃঙ্গে লক্ষ দিয়া উঠে ও হরিণের স্থায় উপত্যকা ও সুরাথের মধ্য দিয়া পলায়ন করে। জাহাঁপনা আমার পরামর্শ গ্রহণ করুন। সিংহগড়ে শিবজী আছেন সহসা সেই স্থান অবরোধ করুন, এক মাস কি দুই মাস কালের মধ্যে দুর্গ জয় করিব, শিবজী বন্দী হইবে, দিল্লীশ্বরের জয় হইবে। নচেৎ এ স্থান মহারাষ্ট্রীয়দিগের জন্য অপেক্ষা করিবে কি হইবে? তাহাদিগের পশ্চাৎদানের চেষ্টা করিলেই বা কি হইবে? দেখুন, নিতাইজী অনায়াসে আমাদের নিকট দিয়া যাইয়া আহম্মদনগর ও আরাঙ্গাবাদ জাহাঁপনার

করিয়া আসিল, রুস্তম জমান তাহার পশ্চা-
দ্ধাবন করিয়া কি করিল ?

সায়েস্তার্থী সক্রোধে বলিলেন,—রুস্তম
জমান বিদ্রোহাচরণ করিয়াছে, ইচ্ছা
করিয়া নিতাইজীকে পলাইতে দিয়াছে,
আমি তাহার সমুচিত দণ্ড দিব। চাঁদখাঁ,
তুমিও সম্মুখ যুদ্ধের বিরুদ্ধে পরামর্শ
দিতেছ, দিল্লীখবের সেনাগণের মধ্যে
কি কেহই সাহসী নাই ?

প্রাচীন যোদ্ধা চাঁদখাঁর মুখমণ্ডল
আবার আরক্তবর্ণ হইয়া উঠিল। পশ্চাতে
মুখ ফিরাইয়া একবিন্দু অশ্রুজল মুছিয়া
ফেলিলেন, পরে সেনাপতির দিকে চাহিয়া
ধীরে ধীরে কহিলেন,—পরামর্শ দিতে
পারি এরূপ সাধ্য নাই, সেনাপতি যুদ্ধের
প্রণালী স্থির করুন, বেক্রপং ভকুম হইবে,
তামিল করিতে এ দাস পরাস্থগ হইবে
না।

এই সময়ে একজন ভৃত্য আসিয়া সমা-
চার দিল যে, সিংহগড়ের দূত মহাদেওজী
শ্রায়শাস্ত্রী নামক ব্রাহ্মণ আসিয়াছেন, নীচে
অপেক্ষা করিতেছেন। সায়েস্তার্থী তাঁহার
প্রতীক্ষা করিতেছিলেন, তাঁহাকে সভাগৃহে
আনিবার আজ্ঞা দিলেন। সভাস্থ সকলে এই
দূতকে দেখিবার জন্য উৎসুক হইলেন।

কণেক পর মহাদেওজী শ্রায়শাস্ত্রী
সভাগৃহে প্রবেশ করিলেন। শ্রায়শাস্ত্রীর
বয়স এক্ষণে চত্ব্বাংশ বৎসর হয় নাই,
অবয়ব মহারাষ্ট্রীয়দিগের শ্রায় ঈষৎ ধর্ম ও
রুক্ষবর্ণ। ব্রাহ্মণের মুখমণ্ডল সুন্দর, বক্ষঃ-
স্থল বিশাল, বাহুযুগল দীর্ঘ, নয়ন গভীর
বুদ্ধিব্যঞ্জক, ললাটে দীর্ঘ তিলক চন্দন, স্কন্ধে
যজ্ঞোপবীত লম্বিত রহিয়াছে। শরীর
তুলার কুর্ভিতে আবৃত, স্তূত্রাং গঠন স্পষ্ট

দেখা যাইতেছে না। মস্তকে প্রকাণ্ড
উষ্ণীষ, এরূপ প্রকাণ্ড যে বদনমণ্ডল যেন
তাহার ছায়াতে আবৃত রহিয়াছে। সায়ে-
স্তার্থী সাদরে দূতকে আহ্বান করিয়া উপ-
বেশন করিতে বলিলেন।

সায়েস্তার্থী জিজ্ঞাসা করিলেন,—সিংহ-
গড়ের সংবাদ কি ?

মহাদেওজী একটা সংস্কৃত শ্লোক
বলিলেন,—

গাঙ্গ নদ্যা দণ্ডকেশু -থা পঞ্চদশীবনে

সংস্কৃত-বিচ্ছেদশাকং -যবস্ত কথং সহং ।

অর্থাৎ দণ্ডকারণ্যে পঞ্চদশীবনে শত শত
নদী আছে, কিন্তু তাহা দেখিয়া কি রাঘব
সরযু নদীর বিচ্ছেদস্থল ভুলিতে পারেন ?
সিংহগড় প্রভৃতি শত শত দুর্গ এক্ষণে
শিবজীর হস্তে আছে, কিন্তু পুনা আপনার
হস্তগত, সে দস্তাপ কি তিনি ভুলিতে
পারেন ?

সায়েস্তার্থী পরিতুষ্ট হইয়া বলিলেন,—
হাঁ, তোমার প্রভুকে বলিও, প্রধান দুর্গ
আমি হস্তগত করিয়াছি, এক্ষণে তাঁহার
যুদ্ধ করা বিফল, দিল্লীখবের অধীনতা স্বীকার
করিলে বরং এখনও আশা আছে।

ব্রাহ্মণ ঈষৎকাল করিয়া পুনরায় একটা
সংস্কৃত শ্লোক বলিলেন,

সংস্কৃত-বিচ্ছেদশাকং -যবস্ত কথং সহং ।

সংস্কৃত-বিচ্ছেদশাকং -যবস্ত কথং সহং ।

অর্থাৎ চাতক কথা কহিয়া আপনি অভি-
লাষ মেঘকে জানাতে পারে না, কিন্তু মেঘ
সেই অভিলাষ বুঝিয়া আপনার দয়াবশতঃই
তাহা পূর্ণ করে। মহাজনের বাচককে
দিবার এইরূপ রীতি। প্রভু শিবজী
এক্ষণে পুনা ও চাকন হারাইয়া সন্ধি

প্রার্থনা করিতেও লজ্জা বোধ করেন, কিন্তু ভবাদৃশ মহল্লোক তাঁহার মনের অভিনাষ জানিয়া অল্পগ্রহ করিয়া যাহা দান করিবেন তাহাই শিরোধার্য্য।

সায়েন্তাখাঁ আনন্দ সম্বরণ করিতে পারিলেন না। বলিলেন,—পণ্ডিতজী, তোমার পাণ্ডিত্যে আমি যে কতদূর পরিতুষ্ট হইলাম বলিতে পারি না, তোমাদিগের সংস্কৃত ভাষা কি সুমধুর ও ভাবপরিপূর্ণ। যথার্থই কি শিবজী সন্ধির ইচ্ছা করিতেছেন ?

মহাদেওজী বলিলেন,—

কেশরিণঃ প্রতাপেন ভয়বিদধু চেতসঃ ।

ত্রাহি দেব ত্রাহি স্বাক্ষ ইতি ক্রবন্তি ভূচরাঃ ।

অর্থাৎ দিল্লীশ্বরের সৈন্তের দৌর্দণ্ড প্রতাপে বিপর্য্যস্ত ও ব্যতিব্যস্ত হইয়া আমরা কেননা ত্রাহি ত্রাহি এই শব্দ করিতেছি।

সায়েন্তাখাঁ এবার আহ্লাদ সম্বরণ করিতে পারিলেন না, বলিলেন,—ব্রাহ্মণ ! আপনার শাস্ত্রালোচনায় সম্বুষ্ট হইলাম, এক্ষণে যদি সন্ধির কথাই বলিতে আসিয়া থাকেন তবে শিবজী আপনাকে নিযুক্ত করিয়াছেন, তাহার নিদর্শন কৈ ?

ব্রাহ্মণ তখন গম্ভীরভাবে বস্ত্রের ভিতর হইতে নিদর্শনপত্র বাহির করিলেন। অনেকক্ষণ পর্য্যন্ত সায়েন্তাখাঁ সেইটী দেখিলেন। পরে বলিলেন,—হাঁ, নিদর্শনপত্র দেখিয়া সম্বুষ্ট হইয়াছি। এক্ষণে কি কি প্রস্তাব করিবার আছে বলুন।

মহাদেওজী। প্রভুর এইরূপ আজ্ঞা যে যখন প্রথমেই আপনাদিগের জয় হইয়াছে, তখন আর যুদ্ধ করা বৃথা।

সায়েন্তাখাঁ। ভাল।

মহাদেওজী। সুতরাং সন্ধির জন্ত

তিনি উৎসুক হইয়াছেন। সায়েন্তাখাঁ। ভাল।

মহাদেওজী। এক্ষণে কি কি নিয়মে দিল্লীশ্বরের সন্ধি করিতে সম্মত হইবেন তাহা জানিতে তিনি উৎসুক। জানিলে সেইগুলি পাঠন করিতে বঙ্গবান হইবেন।

সায়েন্তাখাঁ। প্রথম দিল্লীশ্বরের অধীনতা স্বীকার। তাহাতে আপনার প্রভু স্বীকৃত আছেন ?

মহাদেওজী। তাঁহার সম্মতি বা অসম্মতি জানাইবার আমার অধিকার নাই। মহাশয় যে যে কথাগুলি বলিবেন তাহাই আমি তাঁহার নিকট জানাইব, তিনি সেইগুলি বিবেচনা করিয়া সম্মতি অসম্মতি পরে প্রকাশ করিবেন।

সায়েন্তাখাঁ। ভাল, প্রথম কথা আমি বলিয়াছি, দিল্লীশ্বরের অধীনতা স্বীকার। দ্বিতীয়, দিল্লীশ্বরের সেনা যে যে দুর্গ হস্তগত করিয়াছে তাহা দিল্লীশ্বরেরই থাকিবে। তৃতীয়, সিংহগড় প্রভৃতি আরও কয়েকটা দুর্গ তোমরা ছাড়িয়া দিবে।

মহাদেওজী। সে কোন্ কোন্টী ?

সায়েন্তাখাঁ। তাহা দুই এক দিনের মধ্যে পত্র দ্বারা জানাইব। চতুর্থ, অবশিষ্ট যে যে দুর্গ ও দেশ শিবজী আপন অধীনে রাখিবেন তাহা ও দিল্লীশ্বরের অধীনে জায়গীরস্বরূপ ভোগ করিবেন, তাহার জন্ত দিতে হইবে। এইগুলি তোমার প্রভুকে জানাইও, ইহাতে তিনি সম্মত কি অসম্মত তাহা যেন আমি দুই চারি দিনের মধ্যে জানিতে পারি।

মহাদেওজী। যেরূপ আদেশ করিলেন সেইরূপ করিব। এক্ষণে যখন সন্ধির প্রস্তাব হইতেছে তখন ষতদিন সন্ধিস্থাপন

না হয় ততদিন বুক কাঁড় থাকিতে পারে ?

সংস্কারী কদাচ নহে । ধূর্ত কপটা-চারী মহারাষ্ট্রদিগকে আমি কদাচ বিশ্বাস করি না, অমৃত ধূর্ততা নাই যে তাহাদিগের অসাধ্য । যতদিন সজি একেবারে স্থাপন না হয় ততদিন বুক চলিবে, আমরা তোমাদিগের অনিষ্ট করিব, তোমরা পার, আমাদিগের অনিষ্ট করিও ।

“এবং” বলিয়া ব্রাহ্মণ বিদায় গ্রহণ করিলেন, তাঁহার চক্ষু হইতে অধিকণা বহির্গত হইতেছিল ।

তিনি ধীরে ধীরে প্রাসাদ হইতে অব-তীর্ণ হইলেন । প্রত্যেক দ্বার, প্রত্যেক ঘর তন্ন তন্ন করিয়া দেখিয়া ধীরে ধীরে বাহির হইলেন । একজন মোগল প্রহরী কিঞ্চিৎ বিস্মিত হইয়া জিজ্ঞাসা করিল,—দূত মহা-শয়, কি দেখিতেছেন ?

দূত উত্তর করিলেন,—এই গৃহে প্রত্ন শিবজী বাল্যকালে ক্রীড়া করিতেন তাহাই দেখিতেছি । এটাও তোমাদিগের হস্তগত হইয়াছে, বোধ হয় একে একে সমস্ত দুর্গ-গুলিই তোমরা লইবে । হা ! ভগবন !

প্রহরী হাস্য করিয়া বলিল,—সে ভ্রম আর বৃথা খেদ করিলে কি হইবে, আপন কার্যে যাও ।

ব্রাহ্মণ শীঘ্রই বহু জনাকীর্ণ পুনানগরীর লোকের মধ্যে মিশিয়া গেলেন ।

যষ্ঠ পরিচ্ছেদ ।

শুভকার্যের পুরোহিত ।

অনুরে শিবিরে বসি নিশি বিশ্বহরে,
কুমন্ত্রণা করিতেছে রাজস্রোহিণী ।

ববীনচন্দ্র সেন ।

ব্রাহ্মণ একে একে পুনায় বহু পথ অতিবাহন করিলেন, যে যে স্থান দিয়া যাইতে লাগিলেন সেই সেই স্থান বিশেষ করিয়া দেখিতে লাগিলেন । ছই একটা দোকানে দ্রব্য ক্রয়ের ছলে প্রবেশ করিয়া কথায় কথায় নানা বিষয় জানিলেন, পরে বাজার পার হইয়া গেলেন । প্রশস্ত রাজ-পথ হইতে একটা গলিতে প্রবেশ করিলেন, সেখানে রজনীতে দীপ সমস্ত নিৰ্ব্বাণ হইয়াছে, নাগরিক সকলে দ্বার বন্ধ করিয়া নিজ নিজ আগয়ে সুপ্ত ।

ব্রাহ্মণ একাকী অনেক দূর যাইলেন । আকাশ অন্ধকারময়, কেবল ছই একটা তারা দেখা যাইতেছে, নাগরিক সকলে সুপ্ত, জগৎ নিস্তব্ধ । ব্রাহ্মণের মনে সন্দেহ হইল, তাঁহার বোধ হইল যেন পশ্চাতে তিনি পদশব্দ শুনিতে পাইলেন । স্থির হইয়া দণ্ডায়মান রহিলেন, কিন্তু সে পদশব্দ আর শুনিতে পাইলেন না ।

পুনায় পথ অতিবাহন করিতে লাগিলেন, ক্রমে পর পুনায় বোধ হইল যেন পশ্চাতে কে অনুসরণ করিতেছে । ব্রাহ্মণের হৃদয় ঝিৎ চঞ্চল হইল । এই গভীর নিশীথে কে তাঁহার অনুসরণ করিতেছে ? শত্রু না মিত্র ? শত্রু হইলে কি

তাঁহাকে চিনিতে পারিয়াছে? গ-
পরিপূর্ণ হৃদয়ে কণেক চিন্তা করিলেন,
পরে নিঃশব্দে তুলা-নির্মিত কুর্তির
আস্তিনের ভিতর হইতে একখানি তাঁক
ছুরিকা বাহির করিলেন, একটা পথের
পার্শ্বদেশে দণ্ডায়মান হইলেন। গভীর
অন্ধকারের দিকে কণেক নিরীক্ষণ করিয়া
রহিলেন, কৈ কেহই নাই, সকলে স্তম্ভ,
নগর শব্দশূন্য ও নিস্তব্ধ।

সন্ধিগমনে ব্রাহ্মণ পুনরায় আলোকপূর্ণ
বাজারে ফিরিয়া গেলেন। তথায় অনেক
দোকান, নানা জাতীয় বিস্তার লোক এখনও
ক্রয় বিক্রয় করিতেছে, তাহার ভিতর
মিশিয়া ঘাইবার চেষ্টা করিলেন। আবার
তথা হইতে সহসা এক গলির ভিতর প্রবেশ
করিলেন, পরে দ্রুতবেগে অস্ত্রাশ্রয় গলির
ভিতর দিয়া নগরপ্রান্তে উপস্থিত হইলেন।
তথায় নিঃশব্দে অনেককণ খাস রুদ্ধ করিয়া
দণ্ডায়মান রহিলেন, শব্দমাত্র নাই, চারি-
দিকে পথ, ঘাট, কুঠীর, অট্টালিকা সমস্ত
নিস্তব্ধ, নৈশ গগন গভীর হর্ভেত্ত অন্ধকার
দ্বারা সমস্ত অগ্ন্যংকে আবৃত করিয়াছে।
সহসা একটা চীংকার শব্দ শ্রুত হইল,
ব্রাহ্মণের হৃদয় কম্পিত হইয়া উঠিল, তিনি
নিঃশব্দে দণ্ডায়মান রহিলেন।

কণেক পর আবার সেই শব্দ হইল,
মহাদেওজীর ভয় দূর হইল, সে নাগরিক
প্রহরী, পাহারা দিতেছে। হর্ভাগ্যক্রমে
মহাদেও যে গলিতে লুকায়িত ছিলেন সেই
গলিতেই প্রহরী আসিল। গলি অতি
সকীর্ণ, মহাদেওজী পুনরায় সেই ছুরিকা
হস্তে লইয়া হর্ভেত্ত অন্ধকারে দণ্ডায়মান
রহিলেন।

প্রহরী ধীরে ধীরে এদিক্ ওদিক্

চারি চ চাহিতে সেই স্থানে আসিল, মহা-
দেও যে দণ্ডায়মান ছিলেন সেই
স্থানে পাইল। মহাদেওজীর হৃদয় হুকহুক
করিতে লা। ১, তিনি খাস রুদ্ধ করিয়া
হস্তে সেই ছুরিকা বৃহৎরূপে ধারণ করিয়া
দণ্ডায়মান রহিলেন।

প্রহরী অন্ধকারে কিছু দেখিতে পাইল
না, ধীরে ধীরে সে পথ হইতে চলিয়া গেল।
মহাদেও ধীরে ধীরে তথা হইতে বাহির
হইয়া ললাটের স্বেদ ঝোচন করিলেন।

পরে নিকটবর্তী একটা ঘাটে আঘাত
করিলেন, সায়েস্তার্বার একজন মহারাত্নীয়
সেনা বাহির হইয়া আসিল, ছইজনে অতি
সংগোপনে নগরের মধ্যে অতি গোপনীয়
ও মনুষ্যের অগম্য স্থানে ঘাইয়া উপস্থিত
হইলেন; তথায় ছইজনে উপবেশন
করিলেন।

ব্রাহ্মণ। সমস্ত প্রস্তুত?

সেনা। প্রস্তুত।

ব্রাহ্মণ। অনুমতি পর পাইয়াছ?

সেনা। পাইয়াছি।

আবার অল্পই পদশব্দ শ্রুত হইল।
মহাদেওজী এবার কোণে আরক্ত-নয়ন
হইয়া ছুরিকা হস্তে সম্মুখে ঘাইয়া দেখিলেন।
অন্ধকারে অনেককণ অপেক্ষা করিলেন,
কিছুমাত্র দেখিতে পাইলেন না, ধীরে ধীরে
প্রত্যাবর্তন করিলেন। পরে সেনাকে
বলিলেন,—রিক্তহস্তে আসিয়াছ?

সেনা বকঃস্থল হইতে ছুরিকা বাহির
করিয়া দেখাইল। ব্রাহ্মণ বলিলেন,—ভাল,
সতর্ক থাকিও। বিবাহ কবে?

সেনা। কল্য।

ব্রাহ্মণ। অনুমতি পাইয়াছ?

সেনা। হাঁ।

ব্রাহ্মণ । কতজন লোকের ?

সেনা । বাত্বকর দশ জন, ও অস্ত্রধারী ত্রিশ জন, ইহার অধিক ! অনুমতি পাইলাম না ।

ব্রাহ্মণ । এই যথেষ্ট, কোন্ সময়ে ?

সেনা । রজনী এক, প্রহর ।

ব্রাহ্মণ । ভাল, এই ক্দি হইতে বরঘাত্তা আরম্ভ হইবে ।

সেনা । স্বরণ আছে ।

ব্রাহ্মণ । বাত্বকরেরা সজোরে বাত্ব করিবে ।

সেনা । স্বরণ আছে ।

ব্রাহ্মণ । জ্ঞাতি কুটুম্ব যত পারিবে জড় করিবে ।

সেনা । স্বরণ আছে ।

ব্রাহ্মণ তখন অন্ন হস্ত করিয়া বলিলেন,—আমি সেই শুভকার্যের পুরোহিত ! সে শুভকার্যের ঘট। সমস্ত ভারতবর্ষে রাষ্ট্র হইবে ।

সহসা সজোরে নিকিণ্ড একটা তীর আশিয়া ব্রাহ্মণের বক্ষঃস্থলে লাগিল । সে তীরে প্রাণনাশ নিশ্চয় সম্ভব, কিন্তু ব্রাহ্মণের কুর্তির নীচে লেহো-বর্শে লাগিয়া তীর পড়িয়া গেল ।

তৎপরেই একটা বর্ষা । বর্ষার আঘাতে ব্রাহ্মণ ভূমিতে পতিত হইলেন, কিন্তু সে হুস্তে বর্ষা ভিন্ন হইল না, মহাদেও পুনরায় উঠিলেন । সম্মুখে দেখিলেন, নিকোষিত অসিহস্তে একজন দীর্ঘ মোগল যোদ্ধা,— তিনি চাঁদখাঁ ।

অস্ত্র সঁতাতে সেনাপতি সায়ের্তাখাঁ চাঁদখাঁকে ডাক বলিয়াছেন । যুদ্ধ-ব্যবসায়ে চাঁদখাঁর কেশ গুরু হইয়াছিল, এ অপবাদ কহ তাঁহাকে কখনও দেয় নাই । মনে

যর্মান্তিক বেদনা পাইয়াছিলেন, অন্তকে তাহা কি জানাইবেন, মনে মনে স্থির করিলেন, কার্য দ্বারা এ অপবাদ দূর করিব, নচেৎ এই যুদ্ধেই এই অকিঞ্চিৎকর প্রাণ ত্যাগ করিব ।

ব্রাহ্মণের আচরণ দেখিয়া তাঁহার সন্দেহ হইয়াছিল । তিনি শিবজীকে বিশেষ করিয়া জানিতেন, শিবজীর অসাধারণ ক্ষমতা, তাঁহার বহুসংখ্য ছুর্গ, তাঁহার অপূর্ব ও দ্রুতগামী অশারোহী সেনা, তাঁহার হিন্দুধর্মে আস্থা, হিন্দুরাজ্যস্থাপনে অভিলাষ, হিন্দু-স্বাধীনতাস্থাপনে দৃঢ় প্রতিজ্ঞা, এসমস্ত চাঁদখাঁর অগোচর ছিল না । মোগলদিগের সহিত যুদ্ধপ্রারম্ভেই যে শিবজী পরাজয় স্বীকার ও সন্ধি বাচনা করিবেন এরূপ সম্ভব নহে, তথাপি এ ব্রাহ্মণ শিবজীর নিদর্শন পত্র দেখাইয়াছে । এ ব্রাহ্মণ কে ? ইহার গুপ্ত অভিসন্ধিই বা কি ?

ব্রাহ্মণের কথা গুলিতেও চাঁদখাঁর সন্দেহ জন্মিয়াছিল, মহারাষ্ট্রীয়দিগের নিন্দা শুনিয়া যখন ব্রাহ্মণের নয়ন প্রজ্বলিত হয় তাহাও তিনি দেখিয়াছিলেন । এ সমস্ত সন্দেহের কথা সায়ের্তাখাঁর নিকট বলেন নাই, সত্য বলিয়া কেন আবার তিরস্কার সহ্য করিবেন ? কিন্তু মনে মনে স্থির করিলেন, এই ভণ্ড দূতকে ধরিব । সেই অবধি দূতের পশ্চাৎ পশ্চাৎ আসিতে-ছিলেন, পথে পথে, গলিতে গলিতে, অদৃষ্ট-ভাবে অনুসরণ করিয়াছিলেন । মুহূর্তের জন্মও ব্রাহ্মণ চাঁদখাঁর নয়নবহিত হইতে পারেন নাই ।

সেনার সহিত ব্রাহ্মণের যে কথা হয় তাহা শুনিলেন । তীক্ষ্ণবুদ্ধি যোদ্ধা তখনই সমস্ত বুঝিতে পারিলেন, এই দূতকে বিনাশ

করিয়া সেনাকে সেনাপতিসদনে লইয়া
যাইয়া প্রতিপত্তি লাভের সঙ্কল্প করিলেন।
মনে মনে ভাবিলেন,—সায়ের্তাখাঁ! বুদ্ধ-
ব্যবসারে বৃথা এ কেশ শুরু করি নাই,
আমি ভীকুও নহি, দিল্লীখবের বিরুদ্ধাচারীও
নহি। অস্ত্র যে যড়যন্ত্রটা ধরিয়া প্রকাশ
করিয়া দিব, তাহার পর বোধ হয় এ
প্রাচীন দাসের কথা তুমি অবহেলা করিবে
না। কিন্তু আশা মায়াবিনী।

মহাদেওজী তুমি হইতে উঠিতে না
উঠিতে চাঁদখাঁ তীর ও বর্ষা ব্যর্থ দেখিয়া
লক্ষ দিয়া তাঁহার উপর আসিয়া পড়িলেন
ও খড়্গ দ্বারা সজোরে আঘাত করিলেন।
খড়্গ বর্ষে লাগিয়া সেবারও প্রতিহত হইল।

“কুকণে আমার অনুসরণ করিয়াছিলে,”
—এই বলিয়া মহাদেওজী আপন আস্তিন
গুটাইয়া তীক্ষ্ণ ছুরিকা আকাশের দিকে
উত্তোলন করিলেন। নিমেষমধ্যে বজ্রমুষ্টি
চাঁদখাঁর বক্ষঃস্থলে অবতীর্ণ হইল, চাঁদখাঁর
মৃতদেহ ধরাতলশায়ী হইল।

ব্রাহ্মণ সূত্র অধরোষ্ঠের উপর দস্ত
স্থাপন করিয়াছিলেন, তাঁহার চক্ষু হইতে
অগ্নি বহির্গত হইতেছিল। ধীরে ধীরে সেই
ছুরিকা পুনরায় লুকাইয়া বলিলেন,—
সায়ের্তাখাঁ! মহারাষ্ট্রীয়দিগের নিন্দা করার
এই প্রথম ফল, ভবানীর কল্যাণে দ্বিতীয়
ফল কল্যাণ ফলিবে।

যোদ্ধার কর্তব্য কার্যে যে সময়ে চাঁদখাঁ
জীবনদান করিলেন, সেনাপতি সায়ের্তাখাঁ
সে সময়ে বড় সূখে নিজা যাইতেছিলেন,
শিবজীকে বশীকরণবিষয়ে সুখস্বপ্ন দেখিতে
ছিলেন।

মহারাষ্ট্রীয় সেনা এই সমস্ত ব্যাপারে
বিস্মিত হইয়া বলিল,—প্রভু কি করিলেন?

কল্যাণ এ বিষয়ে গোল হইবে, আঘাতের
সমুদয় সঙ্কল্প বৃথা হইবে।

ব্রাহ্মণ। কিছুমাত্র বৃথা হইবে না।
আমি জানিয়াছি চাঁদখাঁ অস্ত্র সত্য অস-
মানিত হইয়াছেন, এখন কয়েকদিন সত্য
না যাইলেও কেহ সন্দেহ করিবে না। এই
মৃতদেহ ঐ গভীর কূপে নিক্ষেপ কর, আর
স্বরগ রাখিও, কল্যাণ রজনী এক প্রহরকালে।
সেনা। রজনী এক প্রহরকালে।

ব্রাহ্মণ নিঃশব্দে পুনানগর ত্যাগ করি-
লেন। তিন চারি স্থানে প্রহরিগণ তাঁহাকে
ধরিল, তিনি সায়ের্তাখাঁর স্বাক্ষরিত অসু-
মতিপত্র দেখাইয়া নিরাপদে পূনা হইতে
বহির্গত হইলেন।

সপ্তম পরিচ্ছেদ।

—:~:~:~—

রাজা যশোবন্তসিংহ

কোন ধর্মমতে, কহ দাসে, শুনি,
জাতক, ভাতক, জাতি - এসকলে দিলা
কলাঞ্জলি? শাস্ত্রে বলে গুনবান যদি
পরজন, গুণহীন স্বজন, তথাপি
ধনগুণ স্বজন জের: পর পর সদা।
সধুস্বজন দস্ত।

রজনী দ্বিপ্রহরের সময় রাজপুত্র রাজা
যশোবন্তসিংহ একাকী শিবিরে বসিয়া বসি-
য়াছেন। হস্তে গণ্ডুলস্থাপন করিয়া এই
গভীর নিশীথেও তিনি কি চিন্তা করিতে
ছেন। সম্মুখে কেবল একটা মাত্র দীপ
অলিতেছে, শিবিরে অস্ত্র লোকমাত্র নাই।
সংবাদ আসিল মহারাষ্ট্রীয় দূত সাক্ষাৎ
করিতে আসিয়াছেন। যশোবন্ত তাঁহাকে

আনয়ন করিতে করিলেন, তাঁহারই জন্ত তিনি প্রতীক্ষা করিতেছিলেন ।

মহাদেওজী ঞ্চায়শাস্ত্রী শিবিরে আসিলেন, যশোবন্ত তাঁহাকে সাদরে আহ্বান করিয়া উপবেশন করিতে বলিলেন । উভয়ে উপবেশন করিলেন ।

কণেক যশোবন্ত নিস্তব্ধ হইয়া রহিলেন, কি চিন্তা করিতেছিলেন । মহাদেও নিঃশব্দে ব্রীজপুত্রের দিকে স্তব্ধ দৃষ্টি করিতেছিলেন । পরে যশোবন্ত বলিলেন,— আমি আপনার প্রভুর পত্র পাইয়াছি । তাহাতে যাহা লিখিত আছে অবগত হইয়াছি, তাহা ভিন্ন অন্য কোন প্রস্তাব আছে ?

মহাদেও । প্রভু আমাকে কোন প্রস্তাব করিতে পাঠান নাই, খেদ করিতে পাঠাইয়াছেন ।

যশোবন্ত । কেবল পুনা ও চাকন দুর্গ আমাদিগের হস্তগত হইয়াছে মাত্র, এই জন্ত খেদ ?

মহাদেও । দুর্গনাশে তিনি স্কন্ধ নহেন, তাঁহার অসংখ্য দুর্গ আছে ।

যশোবন্ত । মোগল-যুদ্ধস্বরূপ বিপদে পড়িয়া তিনি খেদ করিতেছেন ?

মহাদেও । বিপদে পড়িলে খেদ করা তাঁহার অভি্যাস নাই ।

যশোবন্ত । তবে কি জন্ত খেদ করিতেছেন ?

মহাদেও । যিনি হিন্দুরাজ-তিলক, যিনি ক্ষত্রিয়কুলাবতংস, যিনি সনাতন ধর্মের রক্ষাকর্তা, তাঁহাকে অস্ত্র স্নেহের দাস দেখিয়া প্রভু স্কন্ধ হইয়াছেন ।

যশোবন্তের মুখমণ্ডল ক্রমশঃ আরক্ত । • মহাদেও তাহা দেখিয়াও দেখি-

লেন না, গম্ভীরস্বরে বলিতে লাগিলেন,— উদয়পুরের রাণার বংশে যিনি বিবাহ করিয়াছেন, মাড়ওয়ারের রাজকন্যা বাহার মন্তকের উপর ধুড হইয়াছে, রাজস্বান বাহার সূখ্যাতিতে পরিপূর্ণ রহিয়াছে, সিপ্রাতীরে বাহার বাহুবিক্রম দেখিয়া আরংজীব ভীত ও বিস্মিত হইয়াছিলেন, সমগ্র ভারতবর্ষ বাহাকে সনাতন হিন্দু-ধর্মের স্তম্ভস্বরূপ জ্ঞান করে, দেশে দেশে, গ্রামে গ্রামে, মন্দিরে মন্দিরে, বাহার জয়ের জন্য হিন্দুমাঝেই, ব্রাহ্মণমাঝেই জগদীশ্বরের নিকট প্রার্থনা করে, অস্ত্র তাঁহাকে মুসলমানের পক্ষ হইয়া হিন্দুর বিরুদ্ধে যুদ্ধ করিতে দেখিয়া প্রভু স্কন্ধ হইয়াছেন । রাজন্ ! আমি সামান্ত দূতমাত্র, আমি কি বলিতেছি জানি না, অপরাধ হইলে মার্জনা করিবেন, কিন্তু এ যুদ্ধসজ্জা কেন ? এ সৈন্তসামন্ত কেন ? এ সমস্ত বিজয়পতাকা কি জন্ত উড্ডীন হইতেছে ? স্বাধিকার বৃদ্ধি করিবার জন্য ? হিন্দুস্বাধীনতা স্থাপন করিবার জন্য ? ক্ষত্রিয়োচিত যশোনাভের জন্ত ? আপনি ক্ষত্রকুলবর্ত ! আপনি বিবেচনা করুন, আমি জানি না ।

যশোবন্ত অধোবদনে রহিলেন । মহাদেও আরও বলিতে লাগিলেন,—আপনি রাজপুত্র, মহারাষ্ট্রীয়েরা রাজপুত্র-পুত্র, পিতাপুত্রে যুদ্ধ সম্ভবে না, স্বয়ং ভবানী এ যুদ্ধ নিবেদন করিয়াছেন । আপনি আত্মা করুন আমরা পালন করিব । • রাজপুত্রের গৌরবই অনাথ ভারতবর্ষের একমাত্র গৌরব, রাজপুত্রের যশোগীত আমাদিগের রমণীগণ এখনও গাইয়া থাকে, রাজপুত্রদিগের উদাহরণ দেখিয়া আমা-

দিগের বালকগণ শিক্ষিত হয়। কত্রকুল-
তিলক। রাজপুত-শোণিতে আমাদের
ধর্ম রক্ষিত হইবার পূর্বে যেন মহারাষ্ট্র
নাম বিলুপ্ত হয়, রাজ্য বিলুপ্ত হয়, আমরা
যেন বর্ষা ও ঋতু ত্যাগ করিয়া পুনরায়
লাল ধারণ করিতে শিখি।

যশোবন্তসিংহ তখন নয়ন উঠাইয়া
ধীরে ধীরে বলিলেন,—দূতপ্রধান !
তোমার কথাগুলি বড় মিষ্ট, কিন্তু আমি
দিল্লীখরের অধীন, মহারাষ্ট্রের সহিত
যুদ্ধ করিব বলিয়া আসিয়াছি, মহারাষ্ট্রের
সহিত যুদ্ধ করিব।

মহাদেও। এবং শত শত স্বধর্মীকে
নাশ করিবেন, হিন্দু হিন্দুর মস্তক ছেদন
করিবে, ব্রাহ্মণ ব্রাহ্মণের বক্ষে ছুরিকা
বসাইবে, কত্রিয়ের শোণিতশ্রোতে কত্রিয়
শোণিতশ্রোত মিশাইবে, শেষে স্লেচ্ছ
সম্রাটের সম্পূর্ণ জয় হইবে।

যশোবন্তের মুখ আরক্ত হইল, কিন্তু
উৎসেগ সহরণ করিয়া কিঞ্চিৎ কর্কশভাবে
বলিলেন,—কেবল দিল্লীখরের জয়ের জন্য
যুদ্ধ আছে, আমি তোমার প্রভুর সহিত
কিংশে মিত্রতা করিব ? শিবজী বিদ্রোহা-
চারী, চতুর শিবজী অস্ত্রকার অঙ্গীকার
অনার্যসে কল্যাণ করে।

এবার ব্রাহ্মণের নয়ন প্রজ্বলিত হইল,
ভিষি ধীরে ধীরে বলিলেন,—মহারাজ।
সাবধান, অলীক নিন্দা আপনাকে মাজে
না। শিবজী কবে হিন্দুর নিকট যে
কাক্য জান করিয়াছেন তাহার অন্যথা
করিয়াছেন ? কবে ব্রাহ্মণের নিকট যে
পণ করিয়াছেন, কত্রিয়ের নিকট যে
প্রতীক্ষা করিয়াছেন, তাহা বিলুপ্ত হইয়া-
ছেন ? দেশে শত শত গ্রাম, শত শত

দেবালয় আছে, অমুসলমান করুন, শিবজী
সত্য পালন করিতে, ব্রাহ্মণকে আশ্রয়
দিতে, হিন্দুর উপকার করিতে, গোবৎ-
সাদি রক্ষা করিতে, দেবদেবীর পূজা দিতে
কবে পরাধুখ ? তবে মুসলমানদিগের
সহিত যুদ্ধ ! জেতা ও বিজিতদিগের
মধ্যে কবে কোন দেশে সখ্যতা ? বহ্ননধ
যখন সর্পকে ধারণ করে, সর্প সে সময়
মৃতবৎ হইয়া থাকে। মৃত বলিল, তাহাকে
পরিত্যাগ করিবা মাত্র জর্জরিত-শরীর
নাগরাজ সময় পাইয়া দংশন করে। এটা
বিদ্রোহাচরণ, না স্বভাবের রীতি ?
কুহুর যখন খরগসকে ধরিবার চেষ্টা
করে, খরগস প্রাণরক্ষার জন্য কত যত্ন
করে, একদিকে পলাইবার উদ্যোগ করিয়া
সহসা অন্যদিকে যায়। এটা চাতুরী,
না স্বভাবের রীতি ? যাবতীয় জীবজন্তুকে
জগদীশ্বর যে প্রাণরক্ষার যত্ন ও উপায়
শিখাইয়াছেন, মনুষ্যকে কি তিনি সে
উপায় শিখান নাই ? আমাদের
প্রাণের প্রাণ, জীবনের জীবনস্বরূপ
স্বাধীনতা যে মুসলমানেরা শত শত বৎসর
অবধি হরণ করিয়াছে, হৃদয়ের শোণিত-
স্বরূপ বল, মান, দেশ-গৌরব ও ধর্ম
বিনাশ করিতেছে, তাহাদিগের সহিত
আমাদিগের সখ্যতা ও সত্যসম্বন্ধ ? তাহা-
দিগের নিকট হইতে যে উপায়ে সেই
জীবনস্বরূপ স্বাধীনতা রক্ষা করিতে পারি,
স্বধর্ম ও জাতিগৌরব রক্ষা করিতে পারি,
সে উপায় কি চতুরতা, সে উপায় কি
নিবনীয় ? জীবন রক্ষার্থ পলায়নপট্ট
যুগের শীতগর্ভ কি বিদ্রোহ ? শাবককে
বাচাইবার জন্য পক্ষী যে অপহারককে
অন্যদিকে লইয়া বাইতে যত্ন করে,

সেটা কি নিশ্চয় ? কজিয়রাজ ?
মিনে মিনে, মুসলমানদিগের নিকট মহারা-
ষ্ট্র চতুরতার নিন্দা শুনিতে পাই, কিন্তু
হিন্দুপ্রেরণা ! আপনি হিন্দু-জীবন রক্ষার
একমাত্র উপায়কে নিন্দা করিবেন না,
শিবজীকে নিন্দা করিবেন না।—মহা-
দেওজীর জলন্ত নয়নধর প্রাণিত

ব্রাহ্মণের চক্ষে জল দোঁধরা বশোবস্ত
ছদরে বেদন পাইলেন। বলিলেন,—
দুঃপ্রবর ! আমি আপনাকে কষ্ট দিতে
চাহি না, যদি অন্যায় বলিয়া থাকি মার্জনা
করিবেন + আমি কেবল এই মাত্র
বলিতেছিলাম যে, রাজপুত্রগণও স্বাধী-
নতা রক্ষা করিতেছে, কিন্তু তাহারা সাহস
ও সমুদ্রগণ ভিন্ন অন্য উপায় জানে না।
মহারাজীয়েরাও কি সেই উপায় অবলম্বন
করিয়া • সেইরূপ ফললাভ করিতে
পারেন না ?

মহাদেও ! মহারাজ ! রাজপুত-
দিগের পুরাতন স্বাধীনতা আছে, বিপুল
অর্থ আছে, হুর্গম পর্ত বা মরুবেষ্টিত
দেশ আছে, সুন্দর রাজধানী আছে,
সহস্র বৎসরের অপূর্ক রণশিক্ষা আছে,
মহারাজীয়েদিগের ইহার কোনটা আছে ?
তাহারা দরিদ্র, তাহারা চিরপরাধীন,
তাহাদের এই প্রথম রণশিক্ষা। আপনা-
দিগের দেশ আক্রমণ করিলে আপনারা
পুরাতন রীত্যুসায়ে যুদ্ধ দেন, পুরাতন
হুর্ক ভেদ ও বিক্রম প্রকাশ করেন,
অসংখ্য রাজপুত সেনার সমুখে দিল্লীধরের
সেনা পলায়ন করে। আমাদিগের দেশ
আক্রমণ করিলে আমরা কি করিব ?
পূর্করীতি বা রণশিক্ষা নাই, অসংখ্য সৈন্য

নাই, তাহারা আছে তাহারা কখনও রণ
খেঁচে নাই। যখন গিজীবর, কানুল,
পলাব, অযোধ্যা, বিহার, মালব, মীর-
এলখিনী রাজধানীকর্ম হইতে সহস্র সহস্র
পুরাতন রণদর্শী যোদ্ধা প্রেরণ করিলেন,
যখন অপরূপ বৃহৎ ও অনিবার্য রণ-অর্থ ও
রণ-গজ প্রেরণ করেন, যখন তাহাদের
কামান, বন্দুক, বারদ, গোলা, রৌপ্যমুদ্রা,
স্বর্ণমুদ্রা সহস্র সহস্র শকটে আনিয়া সাজী-
কৃত করেন, তখন দরিদ্রা মহারাজীয়েরা কি
করিবে ? তাহাদিগের সেরূপ অসংখ্য বৃহৎ
দর্শী সেনা নাই, সেরূপ অর্থ গজ নাই,
সেরূপ বিপুল অর্থ নাই। স্বয়ংগতি ও
পর্তবুদ্ধ ভিন্ন তাহাদিগের আর কি
উপায় আছে ? কজিয়রাজ ! জীবন-
প্রারম্ভে দরিদ্রজাতির এইরূপ আচরণ
ভিন্ন উপায় নাই। জগদীশ্বর করুন
মহারাজীয়েজাতি দীর্ঘজীবী হউক, তাহা-
দিগের অর্থ ও যুদ্ধায়োজনের উপায়
সংস্থান হইলে, দুই তিন শত বৎসরের
রণশিক্ষা হইলে, তাহারাও রাজপুতের
অসাধারণ গুণ অনুকরণ করিবে।

এই সমস্ত কথা শুনিয়া বশোবস্ত
চিত্তায় অভিভূত হইয়া রহিলেন, হস্তে
ললাট স্থাপন করিয়া একাগ্রচিত্তে চিন্তা
করিতে লাগিলেন। মহাদেও দেখিলেন
তাহার বাক্যগুলি নিতান্ত নিশ্চল হয় নাই,
আবার ধীরে ধীরে বলিতে লাগিলেন,—
আপনি হিন্দুশ্রেষ্ঠ, হিন্দুগৌরবসাধনে
সন্দেহ করিতেছেন কেন ? হিন্দুধর্মের
অর্থ অবগ্রহি আপনি ইচ্ছা করেন, শিবজীরও
ইহা ভিন্ন অন্য ইচ্ছা নাই। মুসলমান-
শাসন ধ্বংসকরণ, হিন্দুজাতির গৌরবসাধন
স্থানে স্থানে দেবালয় স্থাপন, সনাতন

ধর্মের গৌরবরক্ষা, হিন্দুশাস্ত্রের আলোচনা
ব্রাহ্মণকে আশ্রয়ান, গোবৎসাদি রক্ষা
করণ, ইহা তিন্ন শিবজীর জন্য উদ্দেশ্য
নাই। এই বিষয়ে যদি তাঁহাকে সাহায্য
করিতে বিমুখ হইয়েন, তবে সহজে এই
কার্য সাধন করুন। আপনি এই দেশের
রাজস্ব গ্রহণ করুন, মুসলমানদিগকে পরাস্ত
করুন, মহারাষ্ট্রে হিন্দুস্বাধীনতা স্থাপন
করুন। আদেশ করুন জুর্গের দ্বার
এইকণ্ঠেই উদঘাটিত হইবে, প্রজারা
আপনাকে কব্র দিবে, আপনি শিবজী
অপেক্ষা সহস্রগুণ বলবান, সহস্রগুণ দূর-
দর্শী, সহস্রগুণ উপযুক্ত, শিবজী সন্তুষ্টচিত্তে
আপনার একজন সেনাপতি হইয়া মুসল-
মানদিগের স্বংসাধন করিবেন। তাঁহার
জ্ঞান্য বাসনা নাই।

এই প্রস্তাবে উচ্চাভিলাষী যশোবন্তের
নয়ন যেন আনন্দে উৎফুল্ল হইল। অনেক-
কণ চিন্তা করিলেন, কিন্তু অবশেষে ধীরে
ধীরে বলিলেন,—মাড়ওয়ার ও মহারাষ্ট্রে
অনেক দূর, এক রাজার অধীনে থাকিতে
পারিব না।

মহাদেও। তবে আপনার উপযুক্ত
পুত্র থাকিলে তাঁহাকেই এই রাজ্য দিন
নচেৎ কোন আত্মীয় যোদ্ধাকে দিন।
শিবজী ক্ষত্রিয় রাজার অধীনে কার্য
করিবে, কিন্তু কদাচ ক্ষত্রিয়ের সহিত যুদ্ধ
করিবে না।

যশোবন্ত। এই বিপদকালে আরং-
জীবের সহিত যুদ্ধ করিয়া এ দেশ রাখিতে
পারিবের এমনত আত্মীয় নাই।

মহাদেও। কোন ক্ষত্রিয় সেনা-
পতিকে নিযুক্ত করুন। হিন্দুধর্ম ও
স্বাধীনতা রক্ষা হইলে শিবজীর মনস্কামনা

পূর্ণ হইবে, শিবজী মানসচিত্তে রাষ্ট্র
পরিচ্যাপ্ত করিয়া বানপ্রস্থ অবলম্বন করি-
বেন।

যশোবন্ত। সেরূপ সেনাপতিও নাই।
মহাদেও। তবে যিনি এই যুদ্ধ
কার্যসাধন করিতে পারিবেন, তাঁহাকে
সাহায্য করুন। আপনার সাহায্যে,
আপনার আশীর্বাদে, শিবজী অবশ্যই
স্বদেশ ও স্বধর্মের গৌরবসাধন করিতে
পারিবেন। ক্ষত্রিয়রাজ! ক্ষত্রিয়যোদ্ধাকে
সহায়তা করুন, ভারতবর্ষে একরূপ হিন্দু নাই,
আকাশে একরূপ দেবতা নাই, যিনি একান্ত
আপনাকে প্রশংসাবাদ না করিবেন।

যশোবন্ত। বিজবর, তোমার তর্ক
অলজ্বনীয়, কিন্তু দিল্লীখর আমাকে স্নেহ
করিয়া এই কার্যে নিযুক্ত করিয়াছেন,
আমি কিরূপে অন্তরূপ আচরণ করিব?
সে কি ভ্রমোচিত?

মহাদেও। দিল্লীখর যে হিন্দুগণকে
কাকের বলিয়া জিজিয়া কর স্থাপন করিয়া-
ছেন, সে কার্য কি ভ্রমোচিত? দেশে
দেশে যে হিন্দুমন্দির, হিন্দুদেবদেবীর
অবমাননা করিতেছেন, সে কি ভ্রমোচিত?
কাশীর পবিত্র মন্দির চূর্ণ করিয়া তাহার
প্রস্তর দ্বারা সেই পুণ্যধামে মসজিদ নির্মাণ
করাইয়াছেন, সে কি ভ্রমোচিত?

ক্রোধকম্পিতস্বরে যশোবন্ত বলি-
লেন,—বিজবর! আর বলিবেন না
যথেষ্ট হইয়াছে! অস্তাবধি শিবজী আমার
মিত্র, আমি শিবজীর মিত্র। অস্তাবধি
শিবজীর পুণ ও আমার পুণ এক, শিবজীর
চেষ্টা ও আমার চেষ্টা অভিন্ন। সেই
হিন্দুবিরোধী দিল্লীখরের বিরুদ্ধে এত দিন
যিনি যুদ্ধ করিয়াছেন সে মহাত্মা কোঁথার?

একবার তাঁহাকে আলিঙ্গন করিয়া হৃদয়ের সস্তাপ দূর করি।

ব্রাহ্মণবেশধারী দূত তখন ব্রাহ্মণবেশ ত্যাগ করিলেন, ব্রাহ্মণের উষ্ণীষের নীচে যোদ্ধার শিরস্ত্রাণ দৃষ্ট হইল, তুলার কুর্টির নীচে লৌহ-বর্ষ প্রকাশিত হইল ! মহা-রাজ্যীয় বীর ধীরে ধীরে বলিলেন,—রাজন্ ! ছদ্মবেশ ধারণ করিয়া আপনার নিকটে আসিয়াছিলাম সে দোষ গ্রহণ করিবেন না। এ দাস ব্রাহ্মণ নহে, মহারাজ্যীয় কত্রিয় ;—নাম মহাদেওজী নহে, দাসের নাম শিবজী !

রাজা যশোবন্তসিংহ বিস্ময় ও হর্ষোৎকুল লোচনে সেই খ্যাতিনামা মহারাষ্ট্র যোদ্ধার দিকে চাহিয়া রহিলেন, চকিত হইয়া সেই দিল্লীখবের প্রতিদ্বন্দ্বী, দক্ষিণাত্যের বীরশ্রেষ্ঠ, শিবজীর দিকে চাহিয়া রহিলেন। কণেক পর গাঢ় শ্বাস করিয়া সানন্দে ও সজল নয়নে সেই পরম শত্রুকে আলিঙ্গন করিলেন। শিবজীও সম্মান ও প্রথ্যের সহিত খ্যাতিনামা রাজপুত্র বীরকে আলিঙ্গন করিলেন।

সমস্ত রাজি কথোপকথন হইল, যুদ্ধের সমস্ত কথা ঠিক হইল, তৎপরে শিবজী বিদায় লইলেন। বিদায় লইবার সময়ে কহিলেন,—মহারাজ, অমুগ্রহ করিয়া কল্য কোন ছলে পুনা হইতে কয়েক ক্রোশ দূরে থাকিলে ভাল হয়।

যশোবন্ত। কেন, কল্য তুমি পুনা হস্তগত করিবার চেষ্টা করিবে ?

মহারাজ্যবীর হাস্ত করিয়া বলিলেন,—না, একটা বিবাহ কার্য সম্পাদন হইবে, মহারাজ থাকিলে শুভকার্যে ব্যাঘাত হইতে পারে।

যশোবন্ত। ভাল দূরেই থাকিব। বিবাহকার্যের যজ্ঞাদি জ্ঞানশাস্ত্রী মহাশয়ের একগুণে স্বরণ আছে কি ?

শিবজী। আছে বৈকি ! আমার শাস্ত্রবিজ্ঞা দেখিয়া দিল্লীর সেনাপতি সায়েরস্তাখাঁ বিস্মিত হইয়াছেন। কল্য তিনি অশ্রুরূপ বিজ্ঞা দেখিবেন।

যশোবন্ত দ্বার পর্য্যন্ত সঙ্গে যাইলেন, পরে বিদায়ের সময়ে বলিলেন,—তবে যুদ্ধবিষয়ে ঘেরূপ কথোপকথন হইল সেই-রূপ কার্য করিবেন।

শিবজী। সেইরূপ কার্য করিবার জন্ত প্রভু শিবজীকে বলিব।

যশোবন্ত। হাঁ, বিস্মৃত হইয়াছিলাম, সেইরূপ কার্য করিতে আপনার স্মৃতিকে বলিবেন। এই বলিয়া হাসিতে হাসিতে যশোবন্তসিংহ শিবিরাত্যন্তরে প্রবেশ করিলেন।

—:—

অষ্টম পরিচ্ছেদ ।

—:—

শিবজী ।

অহর উজ্জ্বল প্রাসি পুষ্টি কলসের ?
অহর পলাকরকঃ ; শোভিত মস্তকে ?
তার চেয়ে শতবার শশিব গগনে,
প্রকাশি অমর বী সন্দের যোতে,
ভাসিব অবস্ত নভ্যের সংগ্রামে,
বেবরত বড় .. না হবে সিংগের।

হেনচন্দ্র বন্দ্যোপাধ্যায় ।

পূর্বদিন এক রক্তিমাজ্জটা দেখা যাইতেছে, এমন সময়ে ব্রাহ্মণবেশধারী শিবজী সিংহ-গড়ে প্রবেশ করিলেন। উষ্ণীষ ও তুলার

কুর্ভি ফেলিয়া দিলেন, প্রাতঃকালের
আগোকে মস্তকের লৌহ শিল্পাগ্রাণ \ রী-
য়ের বর্ষ বকমক করিয়া উঠিল। বন্ধ-লে
তীক্ষ্ণ ছুরিকা, কোবে "ভবানী" নামক
প্রসিদ্ধ খড়্গ। বন্ধঃস্থল বিশাল, শরীর
ঈষৎ খর্ব বটে, কিন্তু সুবন্ধ, সুদৃঢ়বন্ধ ী ও
পেশীগুলি বর্মের নীচে হইতেও দেখা
যাইতেছে। পেশোয়া মুরেশ্বর ত্রিমূল
মানন্দে তাঁহাকে আহ্বান করি বলি-
লেন,—ভবানীর য হউক! আপনি
এতক্ষণ পরে কুশলে কিরিয়া আসিলেন।

শিবজী। আপনার আশীর্ষাদে কোন
বিপদ হইতে উদ্ধার পাইয়াছি?

মুরেশ্বর। সমস্ত । হইয়াছে?

শিবজী। সমস্ত।

মুরেশ্বর। অশ্রু রাত্রি বিবাহ?

শিবজী। অশ্রুট।

মুরেশ্বর। সায়েস্তাখাঁ কিছু জানেন
না? তীক্ষ্ণবুদ্ধি চাঁদখাঁ কিছু জানেন না?

শিবজী। সায়েস্তাখাঁ ভীত শিবজীর
নিকট হইতে সন্ধিপ্ৰার্থনা প্রতীক্ষা করিতে-
ছেন; যোদ্ধা চাঁদখাঁ চিরনিদ্রায় নিম্বিত,
তিনি আর যুদ্ধ করিবেন না।

মুরেশ্বর। রাজা যশোবন্ত?

শিবজী। আপনি পত্রে যে সমস্ত
দেখাইয়াছিলেন তাহাতেই তাঁহার
মন বিচলিত হইয়াছিল। আমি যাইয়াই
দেখিলাম তিনি কিংকর্তব্যবিমূঢ় হইয়া
বহিয়াছেন, সুতরাং অনায়াসেই আমার
কার্য সিদ্ধ হইল।

মুরেশ্বর। ভবানীর জয় হউক!
আপনি এক রাত্রিতে একাকী যে কার্য-
সাধন করিলেন, তাহা সহস্রের অসাধ্য।
যে সমস্ত কার্য প্রবৃত্ত হইয়াছিলেন,

ভাবিলে এখনও ছুৎকম্প হয়। প্রভো,
একপ কার্যে আর প্রবৃত্ত হইবেন না,
আপনার অমঙ্গল হইলে মহারাষ্ট্রের কি
থাকিবে?

শিবজী। মুরেশ্বর! বিপদ ভয়
করিলে অশ্রাবধি জায়গীরদার মাত্র থাকি-
তাম, বিপদ ভয় করিলে এ মহৎ উদ্দেশ্য
কিরূপে সাধন হইবে? চিরজীবন বিপদে
আচ্ছন্ন থাকি ক্ষতি নাই, কিন্তু ভবানী
করুন যেন মহারাষ্ট্র দেশ স্বাধীন হয়।

মুরেশ্বর। বীরশ্রেষ্ঠ! আপনার জয়
অনিবার্য, স্বয়ং ভবানী সহায়তা করিবেন।
কিন্তু দ্বিপ্রহর রজনীতে, শত্রুশিবিরে,
একাকী ছদ্মবেশে?

শিবজী। এত শিবজীর অভ্যন্ত কার্য!
কিন্তু অশ্রু সত্যই অশ্রু একটা মহা বিপদে
পতিত হইয়াছিলাম।

মুরেশ্বর। কি?

শিবজী। এমন মূর্খকেও আপনি
সংস্কৃত শ্লোক শিখাইয়াছিলেন? "যে
আপনার নাম স্বাক্ষর করিতে পারেন না,
সে শ্লোক স্মরণ রাখিবে?"

মুরেশ্বর। কেন, কি হইয়াছিল?

শিবজী। আর কিছু নহে, সায়েস্তাখাঁর
সভায় যাইয়া জ্ঞানশাস্ত্রী মহাশয় প্রায় সমস্ত
শ্লোক গুলি ভুলিয়া গিয়াছিলেন।

মুরেশ্বর। তাহার পর?

শিবজী। হুই একটা মনে ছিল।
তদ্বারাই কার্যসিদ্ধি হইল।

শিবজীর সহিত আমাঙ্গিগের এই
প্রথম পরিচয়; এই স্থলে তাঁহার পূর্ব
বৃত্তান্ত আমরা কিছু বলিতে চাই। ইতি-
হাসক্ত পাঠক ইচ্ছা করিলে এই পরিচয়

অবশিষ্ট অংশ পরিত্যাগ করিয়া যাঁতে পারেন।

শিবজী ১৬২৭ খৃঃ অব্দে জন্মগ্রহণ করেন, সুতরাং আধ্যাত্মিক বিবৃত সময়ে তাঁহার বয়স ৩৬ বৎসর হইয়াছিল। তাঁহার পিতার নাম শাহজী; পিতামহের নাম মল্লজী। আমরা প্রথম অধ্যায়ে ফুলতন দেশের দেশমুখ প্রসিদ্ধ নিম্নলিখিত বংশের কথা বলিয়াছি। সেই বংশের যোগপাল রাওনাথকের ভগিনী দীপাবাইকে মল্লজী বিবাহ করিয়াছিলেন। অনেক দিন অবধি সন্তানাদি না হওয়ায় আহম্মদনগরনিবাসী শাহশরীফ নামক একজন মুসলমান পীরের নিকট মল্লজী অনেক অমুরোধ করেন, এবং পীরও মল্লজীর সন্তানার্থে প্রার্থনাদি করেন। তাহারই কিছু পরে দীপাবাইয়ের গর্ভে একটা সন্তান হওয়াতে মল্লজী সেই পীরের নামানুসারে পুত্রের নাম শাহজী রাখিলেন।

সে সময়ে যাদবরাও নামক আহম্মদনগরে প্রসিদ্ধনামা একজন সেনাপতি ছিলেন; তিনি দশ সহস্র অশ্বারোহীর নেতা, এবং প্রশস্ত জায়গীর ভোগ করিতেন। ১৫৯৯ খৃঃ অব্দে ছলির দিনে মল্লজী আপন সন্তান শাহজীকে লইয়া যাদবরাওয়ের বাড়ী গিয়াছিলেন। শাহজীর বয়স তখন পাঁচ বৎসর মাত্র, যাদবরাওয়ের কন্যা জীজীর বয়স তিন কি চারি বৎসর, সুতরাং বালক-বালিকা বড় আনন্দে একত্রে ক্রীড়া করিতে লাগিল। তদর্শনে যাদবরাও সন্তুষ্ট হইয়া আপন কন্যাকে ডাকিয়া বলিলেন,—“কেমন ছুই এই বালকটাকে বিবাহ করিবি?” পরে স্বস্তান্ত্র লোকদিগকে লক্ষ্য করিয়া বলিলেন,—“ছুইজনে কি সুন্দর যোড়

মিলিয়াছে!” এই সময়েই শাহজী ও জীজী পরস্পরের দিকে কাগ্ন নিরূপণ করায় সকলেই হস্ত করিয়া উঠিল; কিন্তু মল্লজী সহসা দণ্ডায়মান হইয়া বলিলেন,—“বন্ধুগণ, সাক্ষী থাকিও, যাদবরাও আমার বৈবাহিক হইবেন, অম্ব প্রতিশ্রুত হইলেন।” সকলে এই প্রস্তাবে সন্মতি প্রকাশ করিলেন। যাদবরাও উচ্চবংশজ, শাহজীর সহিত আপনার কন্যার বিবাহ দিতে কখনই বাসনা করেন নাই, কিন্তু মল্লজীর এই চতুরতা দেখিয়া বিস্মিত হইয়া রহিলেন।

পরদিন যাদবরাও মল্লজীকে নিমন্ত্রণ করিলেন, কিন্তু বৈবাহিক বলিয়া স্বীকার না করিলে মল্লজী যাঁতবেন না বলিয়া পাঠাইলেন। যাদবরাও সেরূপ স্বীকার করিলেন না, সুতরাং মল্লজী আসিলেন না। যাদবরাওয়ের গৃহিণী যাদবরাও হইতেও বংশমর্যাদার অধিক অভিমানিনী, কথিত আছে যে যাদবরাও রহস্ত করিয়া আপন ভ্রাতার সহিত শাহজীর বিবাহ দিবেন বলিয়াছিলেন বলিয়া তাঁহার গৃহিণী তাঁহাকে বিলক্ষণ ছুই চারি কথা শুনাইয়া দিলেন। মল্লজী সরোষে একটা গ্রামে চলিয়া গেলেন ও প্রকাশ করিলেন যে ভবানী সাক্ষাৎ অবতীর্ণ হইয়া তাঁহাকে বিপুল অর্থ দিয়াছেন। মহারাষ্ট্রীয়দিগের মধ্যে জনশ্রুতি আছে যে ভবানী এই সময়ে মল্লজীকে বলিয়াছেন,—মল্লজী! তোমার বংশে একজন রাজা হইবেন, তিনি শত্রুর জায় গুণাধিত হইবেন, মহারাষ্ট্রদেশে, জায়বিচার পুনঃস্থাপন করিবেন, এবং ব্রাহ্মণ ও দেবালয়ের শত্রুদিগকে দূরীভূত করিবেন। তাঁহার সময় হইতে কাল গণনা

হইবে, ও তাঁহার সম্ভানসম্বন্ধে সপ্তবিংশ পুরুষ পর্যন্ত সিংহাসনারূঢ় থাকিবেন ।

সে যাহা হউক, মল্লজী যে এই সময়ে বিপুল অর্থ পাইয়াছিলেন তাহার সন্দেহ নাই । সেই অর্থের দ্বারা আত্মোন্নতির চেষ্টা করিলেন ও এ বিষয়ে তাঁহার শ্যালক যোগপালও তাঁহাকে বিশেষ সহায়তা করিয়াছিলেন । অচিরে মল্লজী আহম্মদনগরের সুলতানের অধীনে পঞ্চ সহস্র অশ্বারোহীর সেনাপতি হইলেন ও রাজ্য গেতার প্রাপ্ত হইয়া সুবর্ণী ও চাকন দুর্গ এবং তৎপার্শ্বস্থ দেশের ভার প্রাপ্ত হইলেন । তিনি জায়গীরস্বরূপ পূনা ও সোপানগর পাইলেন । তখন আর মাদবরাওয়ের কোন আপত্তি রহিল না । ১৬০৪ খৃঃ অর্কে মহাসমারোহে শাহজীর সহিত জীজীর বিবাহ হইল, আহম্মদনগরে সুলতান স্বয়ং সেই বিবাহে উপস্থিত ছিলেন । তখন শাহজীর বয়ঃক্রম ১০ বৎসর মাত্র । কালক্রমে মল্লজীর মৃত্যুর পর শাহজী পৈতৃক জায়গীর ও পদ প্রাপ্ত হইলেন ।

এই সময়ে দিল্লীর আকবরশাহ আহম্মদনগর রাজ্য দিল্লীর অধীনে আর জন্ত যুদ্ধ করিতেছিলেন । আকবরশাহ কতক পরিমাণে জয়লাভ করিলেন, বং তাঁহার মৃত্যুর পর সম্রাট জাহাঙ্গীরও সেই উত্তরে বাপৃত রহিলেন । এই যুদ্ধকালে শাহজী সুস্থ ছিলেন না । ১৬২০ খৃঃ অর্কে (জাহাঙ্গীরের শাসনকালে) তিনি আহম্মদনগরে প্রধান সেনাপতি মালীক অহম্মদের অধীনে ছিলেন, ও একটা মহাযুদ্ধে আপন মাহস ও বিক্রম প্রকাশ করিয়া সকলেরই সম্মানভাজন হইয়াছিলেন । জাহাঙ্গীরের মৃত্যুর সম্রাট শাহজিহান

সেনাপতি শাহজীকে পঞ্চ সহস্র অশ্বারোহীর সেনাপতি করিয়া অনেক জায়গীর দান করেন । কিন্তু সম্রাটদিগের অগ্গকার অন্ত গ্রহ কাল থাকে না ; তিন বৎসর পর সম্রাট শাহজীর কতকগুলি জায়গীর কাড়িয়া লইলেন । শাহজী বিরক্ত হইয়া বিজয়পুরের সুলতানের পক্ষ অবলম্বন করিলেন, ও মৃত্যু পর্যন্ত বিজয়পুরের সুলতানের অধীনে কার্য্য করিতে লাগিলেন ।

পতনোন্মুখ আহম্মদনগর রাজ্যের স্বাধীনতার জন্তও শাহজী দিল্লীর সেনার সহিত অনেক যুদ্ধ করিলেন । সুলতান শক্রহস্তে পতিত হইলে শাহজী সেই বংশের আর একজনকে সুলতান করিয়া সিংহাসনে প্রতিষ্ঠিত করিলেন, কতকগুলি বিজয়পুরের সাহায্যে দেশ শাসনের সুন্দর রীতি স্থাপন করিলেন, বহুসংখ্যক দুর্গ হস্তগত করিলেন, ও সুলতানের নামে সেনা সংগ্রহ করিতে লাগিলেন ।

সম্রাট শাহজিহান এই সমস্ত দেখিয়া ক্রুদ্ধ হইয়া শাহজী ও তাঁহার প্রভু বিজয়পুরের সুলতানকে দমন করিবার জন্ত বহুসংখ্যক অশ্বারোহী ও পদাতিক প্রেরণ করিলেন । দিল্লীরবের সহিত যুদ্ধ করা বিজয়পুরের সুলতান বা শাহজীর সাধ্য নহে ; কয়েক বৎসর যুদ্ধের পর সন্ধিস্থাপন হইল ; আহম্মদনগর রাজ্য বিলুপ্ত হইল (১৬৩৭) । শাহজী বিজয়পুরের অধীনে জায়গীরদার ও সেনাপতি রহিলেন, এবং সুলতানের আদেশানুসারে কর্ণাট দেশের অনেক অংশ জয় করিলেন । সুতরাং বিজয়পুরের উত্তরে পুনর নিকট তাঁহার যেরূপ জায়গীর ছিল, দক্ষিণ কর্ণাট দেশেও সেইরূপ বহু জায়গীর প্রাপ্ত হইলেন ।

জীজীবাইয়ের গর্ভে শঙ্কুজী ও শিবজী নামে দুই পুত্র হয়। পূর্বেই লিখিত হইয়াছে যে, জীজীর পিতা যাদবরাও পুরাতন দেবগড়ের হিন্দুরাজার বংশ হইতে অবতীর্ণ, এরূপ জনশ্রুতি আছে। একথা যদি যথার্থ হয়, তবে শিবজী সেই পুরাতন রাজবংশোদ্ভূত সন্দেহ নাই। ১৬১০ খৃঃঅব্দে শাহজী টুকানাই নামী আর একটি কন্যার পাণিগ্রহণ করেন। অভিমানিনী জীজীবাই তাহাতে ক্রুদ্ধ হইয়া স্বামীর সংসর্গ ত্যাগ করিয়া পুত্র শিবজীকে লইয়া পুনর জায়গীরে আসিয়া অবস্থিতি করিতেন। শাহজী টুকানাইকে লইয়া কর্ণাট্টে থাকিতেন ও তাহার গর্ভে বেনকাজী নামে একটি পুত্র হইল।

শাহজীর দুইজন অতি বশস্ত ব্রাহ্মণ মন্ত্রী ও কর্মচারী ছিলেন। তন্মধ্যে দাদাজী কানাইদেব পুনর জায়গীর এবং জীজী ও শিবজীর রক্ষণাবেক্ষণ করিতেন।

১৬২৭ খৃঃঅব্দে সুবর্ণীভূর্গে শিবজীর জন্ম হয়। এই ভূর্গ পুনা হইতে অন্তর্মান ২৫ ক্রোশ উত্তরে অবস্থিত। শিবজীর তিন বৎসর বয়সের সময় শাহজী টুকানাইকে বিবাহ করিলেন, সুতরাং জীজীর সহিত তাঁহার বিচ্ছেদ জন্মিল। জীজী সপুত্র পুনায় আসিয়া দাদাজী কানাইদেবের রক্ষণাবেক্ষণে বাস করিতে লাগিলেন। শিবজীর বাসার্থে দাদাজী পুনানগরে একটি বৃহৎ গৃহ নির্মাণ করাইলেন, আনরা ইতিপূর্বে সেই গৃহে সায়েস্তার্থাকে দেখিয়াছি।

মাতাপুত্রে সেই স্থানে বাস করিতে লাগিলেন, ও বাল্যকালাবধি শিবজী দাদাজীর নিকট শিক্ষা প্রাপ্ত হইতে লাগিলেন। শিবজী কখনও নাম লিখিতেও শিখেন নাই,

কিন্তু অল্প বয়সেই ধর্ম্মসাধন ব্যবহার, বর্ষা নিক্ষেপ, নানারূপ মহারাষ্ট্রীয় খড়গ ও ছুরিকা চালন, এবং অস্বারোহণে বিশেষ প্রতিপত্তি লাভ করিলেন। মহারাষ্ট্রীয়মাত্রেই অস্বচালনায় তৎপর, কিন্তু তাহাদিগের মধ্যেও শিবজী বিশেষ সুখ্যাতি লাভ করিলেন। এইরূপ ব্যায়াম ও বুদ্ধিশিক্ষায় বালকের দেহ শীঘ্রই সুদৃঢ় ও বলবান হইয়া উঠিল।

কিন্তু কেবল অস্ত্রবিজ্ঞায় শিবজী কাল অতিবাহিত করিতেন না, যখন অবসর পাইতেন, দাদাজীর চরণোপাস্ত্রে বসিয়া মহাভারত ও রামায়ণের অনন্ত বীরত্বের গল্প শ্রবণ করিতে সড়ট ভালবাসিতেন। শুনিতেন শুনিতেন বালকের হৃদয়ে সাহসের উদ্বেক উদ্ভূত, হিন্দুধর্ম্মে আস্থা দৃঢ়ীভূত হইত, সেই পূর্বকালীন বীরদিগের বীরত্ব অনুকরণ করিবার ইচ্ছা প্রবল হইত, ধর্ম্মবিদ্বেষী মুসলমানদিগের প্রতি বিদ্বেষ জন্মিত। এইরূপ কথা শুনিতেন শিবজীর এরূপ আগ্রহ ছিল যে, অনেক বৎসর পর যখন তিনি দেশে গ্যাতি ও রাজ্য লাভ করিলেন, তখন পর্য্যন্ত কোন স্থানে কথা হইবে শুনিলে, বহু বিপদ ও বহু কষ্ট সহ করিয়াও তথায় উপস্থিত হইবার চেষ্টা করিতেন।

এইরূপে দাদাজীর যত্নে শিবজী অল্পকালমধ্যেই স্বধর্ম্মানুরক্ত ও অতিশয় মুসলমানবিদ্বেষী হইয়া উঠিলেন। তিনি ষোড়শ বর্ষ বয়ঃক্রমে স্বাধীন পলীগীর হইবার জন্য নানারূপ সংকল্প করিতে লাগিলেন। আপনীর জায় উৎসাহী যুবকদিগকে চারিদিকে জড় করিতে লাগিলেন। তিনি পর্ততপরিপূর্ণ কঙ্কণদেশে তাহাদিগের সহিত সর্বদাই যাতায়াত করিতেন। সেই পর্তত বিরূপে উল্লঙ্ঘন করা যায়, কোথায় পথ আছে,

কোন পথে কোন ছর্গে যাওয়া যায়, কোন কোন ছর্গ অতিশয় ছর্গম, কিরূপে ছর্গ আক্রমণ বা রক্ষা করা যায়, এ সকল চিন্তায় বালকের দিন অতিবাহিত হইত । কখন কখন কয়েকদিন ক্রমাগত এই পর্বত ও উপত্যকার মধ্যে যাপন করিতেন, কোনও ছর্গ, কোনও পথ, কোনও উপত্যকা শিবজীর অজ্ঞাত ছিল না । শেষে কিরূপে ছই একটি ছর্গ হস্তগত করিবেন এই চিন্তা করিতে লাগিলেন ।

বালকের এইরূপ কথা শুনিয়া ও আচরণ দেখিয়া বৃদ্ধ দাদাজী ভীত হইতে লাগিলেন । তিনি অনেক প্রবোধবাক্য দ্বারা বালককে সেপথ হইতে আনয়ন করিয়া যাহাতে জায়গীর সুচারুরূপে রক্ষিত হয়, তাহাই শিখাইবার চেষ্টা করিলেন । কিন্তু শিবজীর হৃদয়ে যে বীরত্বের অঙ্কুর স্থাপিত হইয়াছিল, তাহা আর উৎপাটিত হইল না । শিবজী দাদাজীকে পিতৃতুল্য সম্মান করিতেন, কিন্তু যে পথে প্রবর্তিত হইয়াছিলেন, তাহা পরিত্যাগ করিলেন না ।

মাউলীজাতীয়দিগের কষ্টসহিষ্ণুতা ও বিশ্বাসযোগ্যতার জন্য শিবজী তাহাদিগকে বড় ভালবাসিতেন । তাহার যৌবনসুহৃদগণের মধ্যে যশজী-কঙ্ক, তরুজী-মালতী ও বাজী-ফাসলকর নামক তিন জন মাউলীই প্রিয়তম ও অগ্রগণ্য ছিলেন । পরিশেষে ইহাদের সহায়তায় ১৬৪৬ খৃঃ অব্দে তোরণছর্গের কিল্লাদারকে কোনরূপে বশবর্তী করিয়া শিবজী সেই ছর্গ হস্তগত করিলেন । এই আধ্যাতিকার প্রারম্ভেই তোরণছর্গের বর্ণনা করা হইয়াছে, এই প্রথম বিজয়ের সময় শিবজীর বয়সক্রম উনবিংশ বর্ষ মাত্র । ইহারই পরবৎসর তোরণছর্গের দেক্ ক্রোশ দক্ষিণ-পূর্বে একটি তুঙ্গ

গিরিশৃঙ্গের উপর শিবজী একটি নূতন ছর্গ নির্মাণ করাইয়া তাহার নাম রাজগড় রাখিলেন ।

বিজয়পুরের সুলতান এই সমস্ত বিষয়ের সমাচার প্রাপ্ত হইয়া শিবজীর পিতা শাহজীকে তিরস্কার করিয়া পাঠাইলেন, ও এই সমস্ত উপদ্রবের কারণ জিজ্ঞাসা করিলেন । বিজয়পুরের বিখ্যাত কর্মচারী শাহজী এ সমস্ত বিষয়ের বিন্দুবিসর্গও জানিতেন না, তিনি দাদাজীকে ইহার কারণ জিজ্ঞাসা করিলেন । দাদাজী কানাইদেব শিবজীকে পুনরায় ডাকাইলেন । এইরূপ আচরণে সর্বনাশ হইবার সম্ভাবনা জ্ঞান অনেক বুঝাইলেন । তাহার পিতা বিজয়পুরের অধীনে কার্য্য করিয়া কিরূপ বিপুল অর্থ, জায়গীর, ক্ষমতা ও সম্মান লাভ করিয়াছেন, তাহাও বুঝাইলেন । শিবজী পিতৃ সদৃশ দাদাজীকে আর কি বলিবেন, মিষ্টবাক্য দ্বারা উত্তর দান করিলেন, কিন্তু আপন কার্য্যে নিরস্ত হইলেন না । ইহার কিছু দিন পরেই দাদাজীর মৃত্যু হয় । মৃত্যুর প্রাক্কালেই দাদাজী শিবজীকে আর একবার ডাকাইয়া নিকটে আনেন । বৃদ্ধ পুনরায় ভৎসনা করিবেন এই বিবেচনা করিয়া শিবজী তথায় যাইলেন, কিন্তু যাহা শুনিলেন তাহাতে বিস্মিত হইলেন । মৃত্যুশয্যায় যেন দাদাজীর দিবাচকু উন্মীলিত হইল, তিনি শিবজীকে সম্মুখে বলিলেন,—“বৎস, তুমি যে চেষ্টা করিতেছ তাহা হইতে মহত্তর চেষ্টা আর নাই । এই উন্নত পথ অঙ্গুরণ কর, দেশের স্বাধীনতা রক্ষা কর, ব্রাহ্মণ, গোবৎসাদি এবং কৃষকগণকে রক্ষা কর, দেবালয় কলুষিতকারীদিগকে শাস্তি প্রদান কর, ঈশানী যে উন্নত পথ তোমাকে

দেখাইয়া দিয়াছেন, সেই পথ অনুসরণ কর ।” এই বলিয়া বৃদ্ধ চিরনিজায় নিদ্রিত হইলেন । শিবজীর হৃদয়ে এই দিব্য উপদেশ পাইয়া উৎসাহ ও সাহসে দশগুণ ক্ষীত হইয়া উঠিল । তখন শিবজীর বয়ঃক্রম বিংশ বর্ষ মাত্র ।

সেই বৎসরেই চাকন ও কন্দানা দুর্গের কিল্লাদারগণকে অর্থে বশীভূত করিয়া শিবজী উভয় দুর্গ হস্তগত করেন, ও কন্দানার নাম পরিবর্তিত করিয়া সিংহগড় নাম রাখেন । আখ্যায়িকায় চাকন এ সিংহগড়ের কথা পূর্বেই লিখিত হইলাছে । শিবজীর বিমাতা টুকাবাইয়ের ভ্রাতা রাজী, সোপা দুর্গের ভার প্রাপ্ত হইয়াছিলেন । একদিন দ্বি-প্রহর রজনীতে আপন মাউলী সৈন্ত লইয়া শিবজী এই দুর্গ সহসা আক্রমণ করিয়া হস্তগত করেন । মাতুলের প্রতি কোনও অত্যাচার না করিয়া তাঁহাকে কণাটে পিতার নিকট পাঠাইয়া দেন । তৎপরেই পুরন্দর দুর্গের অধীশ্বরের মৃত্যু হওয়ায় তাঁহার পুত্রদিগের মধ্যে ভ্রাতৃকলহ হয়, শিবজী কনিষ্ঠ দুই ভ্রাতার সহায়তা করিবার ছলে আপনি সেই দুর্গ হস্তগত করেন । এই আচরণে তিন ভ্রাতাই শিবজীর উপর বিরক্ত হইলেন, কিন্তু শিবজী যখন দেশের স্বাধীনতারক্ষারূপে আপন মহৎ উদ্দেশ্য তাঁহাদিগকে ব্যক্ত করিলেন, যখন সেই উদ্দেশ্যসাধন জন্য ভ্রাতৃগণ হইতে সহায়তা যাক্কা করিলেন, তখন তাঁহাদিগের ক্রোধ রহিল না । শিবজীর মহৎ উদ্দেশ্য সম্যক বুঝিতে পারিয়া তিন ভ্রাতাই শিবজীর অধীনে কার্য্য করিতে স্বীকৃত হইলেন ।

এইরূপে শিবজী একে একে অনেক দুর্গ হস্তগত করেন, তাহাদিগের নাম

লিখিয়া এই আখ্যায়িকা পূর্ণ করিবার আবশ্যক নাই । ১৬৪৮ খৃঃঅব্দে শিবজীর কাম্ভারী আবাজী স্বর্গদেব কল্যাণদুর্গ ও সমস্ত কল্যাণ প্রদেশ জয় করিলেন । তখন বিজয়পুরের সুলতান ক্রুদ্ধ হইয়া শিবজীর পিতা শাহজীকে কারারুদ্ধ করিলেন ও আদেশ করিলেন যে, নিয়মিত সময়ের মধ্যে শিবজী অধীনতা স্বীকার না করিলে সেই কারাগৃহের দ্বার প্রস্তর দ্বারা একেবারে রুদ্ধ হইবে । শিবজী দিল্লীশ্বরের নিকট আবেদন করিয়া পিতার প্রাণ বাঁচাইলেন, কিন্তু চারিবৎসর কাল শাহজী বিজয়পুরে বন্দীস্বরূপ রহিলেন ।

জৌলীর রাজা চন্দ্ররাওকে শিবজী স্বপক্ষে আনিবার জন্ত ও মুসলমানের অধীনতা-শৃঙ্খল চূর্ণ করিবার জন্ত অনেক পরামর্শ দেন । চন্দ্ররাও যখন তাহা একেবারে অস্বীকার করিলেন, তখন শিবজী নিজ লোক দ্বারা সেই রাজা ও তাঁহার ভ্রাতাকে হত্যা করাইয়া, সহসা রাত্রিযোগে আক্রমণ করত সেই দুর্গ হস্তগত করেন । তিনি সমস্ত জৌলীপ্রদেশ অধিকার করিলেন এবং ঐ বৎসরেই প্রতাপগড় নামক একটা নূতন দুর্গ নির্মাণ করাইলেন । ইহার দুই বৎসর পর শিবজী মুরেশ্বর ও ত্রিমূল পিঙ্গলীকে পেশোয়া করেন এবং সমস্ত কঙ্কণপ্রদেশ জয় করিবার জন্ত বহুসংখ্যক সৈন্তসংগ্রহ করিলেন ।

এবার বিজয়পুরের সুলতান শিবজীকে একেবারে ধ্বংস করিবার মানস করিলেন । ১৬৫২ খৃঃঅব্দে আবুল ফাজেল নামক একজন প্রসিদ্ধ যোদ্ধা ৫০০০ অশ্বারোহী ও ৭০০০ পদাতিক ও বহুসংখ্যক কামান লইয়া যাত্রা করিলেন । তিনি গর্দীত-

ভাবে প্রকাশ করিলেন যে শীঘ্রই অকঞ্চিংকর বিদ্রোহীকে শৃঙ্খলাবদ্ধ করি সুলতানের পায়তখতের নিকট উপস্থিত করিবেন ।

এত সৈন্তের সহিত সম্মুখযুদ্ধ অসম্ভব ; শিবজী সন্ধি প্রার্থনা করিলেন । আবুল ফাজেল গোপীনাথ নামক একজন ব্রাহ্মণকে শিবজী সদনে প্রেরণ করিলেন । প্রতাপ-গড় দুর্গের নিকট সভামধ্যে দুঃস্থ সহিত সাক্ষাৎ ও নানারূপ কথাবার্তা হইল, শিবজী যাপনাথে গোপীনাথের দ্বারা সন্ধি নির্দেশ করা হইল ।

রজনীযোগে শিবজী গোপীনাথের সহিত দেখা করিতে আসিলেন । শিবজীর অসাধারণ বাক্পটুতা ছিল, তিনি গোপীনাথকে অনেক প্রকার বুঝাইয়া বলিলেন, —আপনি ব্রাহ্মণ, আপনি আমার শ্রেষ্ঠ, কিন্তু আমার কথাগুলি শ্রবণ করুন । আমি যাহা করিয়াছি সমস্তই হিন্দুজাতির জন্য, হিন্দুধর্মের জন্ত করিয়াছি । স্বয়ং ভবানী আমাকে ব্রাহ্মণ ও গোবৎসাদিকে রক্ষা করিবার জন্ত উত্তেজনা করিয়াছেন, হিন্দু-দেব ও দেবালয়ের নিগ্রহকারীদিগের দণ্ড দিতে আজ্ঞা দিয়াছেন, ও স্বধর্মের শত্রুর বিরুদ্ধাচরণ করিতে আদেশ করিয়াছেন । আপনি ব্রাহ্মণ, ভবানীর আদেশ সমর্থন করুন এবং আপন জাতীয় ও দেশীয় লোকের মধ্যে স্বচ্ছন্দে বাস করুন ।

গোপীনাথ এই সমস্ত বাক্যে তুষ্ট হইয়া শিবজীর সহায়তা করিতে স্বীকার করিলেন; পরামর্শ স্থির হইল যে কার্যসিদ্ধির জন্ত আবুল ফাজলের সহিত শিবজীর কোন স্থানে সাক্ষাৎ করা আবশ্যিক ।

কয়েকদিন পর প্রতাপগড় দুর্গের নিকটেই সাক্ষাৎ হইল । আবুল ফাজলের

পঞ্চদশ শত সেনা দুর্গ হইতে কিঞ্চিৎ দূরে রহিল, তিনি স্বয়ং একমাত্র সহচরের সহিত শিবিকারোহণে নির্দিষ্ট গৃহে আসিয়া উপস্থিত হইলেন । শিবজী সেই দিন বহু যত্নে প্রাতে স্নান পূজাদি সমাপন করিলেন । স্নেহময়ী মাতার চরণে মস্তক স্থাপন করিয়া তাঁহার আশীর্বাদ মাজা করিলেন ; তুলার কুর্ভি ৭ টুকরার নীচে লৌহবর্ম ও শির-দ্রাণ ধারণ করিলেন ; অবশেষে শিবজী দুর্গ হইতে অবতীর্ণ হইয়া ও দালাসহচর তন্নজী মালশ্রীকে সঙ্গে গিয়া আবুল ফাজলের নিকটে আসিলেন । সহসা আলফনজলে তীক্ষ্ণ ছুরিকা দ্বারা মুসলমানকে ভূতলশায়ী করিলেন ! তৎক্ষণাৎ শিবজীর সেনা আবুল ফাজলের সেনাকে পরাস্ত করিল এবং শিবজী অনেক দুর্গ হস্তগত করিয়া বিজয়পুরের দ্বার পর্যন্ত যাইয়া দেশ লুণ্ঠন করিয়া, আসিলেন ।

বিজয়পুরের সহিত যুদ্ধ আরও তিন বৎসর পর্যন্ত চলিতে লাগিল, কিন্তু কোন পক্ষই বিশেষ জয়লাভ করিতে পারিল না । অবশেষে ১৬৩২ খৃঃঅব্দে শাহজী মধ্যবর্তী হইয়া বিজয়পুর ও শিবজীর মধ্যে সন্ধি সংস্থাপন করিয়া দিলেন । শাহজী যখন শিবজীকে দেখিতে আসিলেন, শিবজী পিতৃভক্তির পরাকাষ্ঠা প্রদর্শন করিয়াছিলেন । আপনি অথ হইতে অবতরণ করিয়া পিতাকে রাজার তুল্য অভিবাদন করিলেন, পিতার শিবিকার সঙ্গে সঙ্গে পদব্রজে চলিলেন, ও পিতা বসিতে আদেশ করিলেও তিনি পিতার সম্মুখে আসন গ্রহণ করিলেন না । কয়েক দিন পুত্রের নিকট থাকিয়া শাহজী পরম তুষ্ট হইয়া বিজয়পুরে যাইলেন, ও সন্ধিসংস্থাপন

করিয়া দিলেন। শিবজী পিতা কর্তৃক সংস্থাপিত এই সন্ধির বিরুদ্ধাচরণ করেন নাই, শাহজীর জীবদ্দশায় বিজয়পুরের বিরুদ্ধে আর যুদ্ধ করেন নাই। তাহার পরও যখন যুদ্ধ হয়, সে সময়ে শিবজী আক্রমণকারী ছিলেন না।

১৬৬২ খৃঃাব্দে এই সন্ধিস্থাপন হয় পূর্বেই বলা হইয়াছে, এই বংশেরই মোগলদিগের সহিত যুদ্ধারম্ভ হয়। আঘাতের আশঙ্কায় এই সময় হইতে আরম্ভ হইয়াছে। মোগলদিগের সহিত যুদ্ধারম্ভের সময় সমস্ত কঙ্কণদেশ শিবজী অধিকৃত করিয়াছিলেন, এবং তাঁহার সপ্ত সহস্র অশ্বারোহী ও পঞ্চাশং সহস্র পদাতিক সেনা ছিল। শিবজীর বয়স তখন পঞ্চত্রিংশ বৎসর।

নবম পরিচ্ছেদ ।

শুভকার্য সম্পাদন ।

যুগে যুগে করে করে নিতা নিরন্তর,
জলুক গগন ব্যাপী অনন্ত বহিতে।
জলুক সে দেবতে ক স্বর্গ সংবেষ্টিয়া,
আহোরাত্রি অবিভ্রান্ত প্রদীপ্ত শিখার,
দক্ষক দানবকুল দেবের বিক্রমে
পুত্র পরম্পরা দৃষ্টি চির শোকানলে।

হেমচন্দ্র বন্দ্যোপাধ্যায় ।

সূর্য্য অন্তাচল-চূড়া অবলম্বন করিয়াছেন, সিংহগড় দুর্গের ভিতর সৈন্তাগণ নিঃশব্দে সজ্জিত হইতেছে, একপ নিঃশব্দে যে দুর্গের কাহিরের লোকও দুর্গের ভিতর কি হইতেছে, তাহা জানিতে পারে নাই।

দুর্গের একটা উন্নত স্থানে কয়েকজন মহাযোদ্ধা দণ্ডায়মান রহিয়াছেন, সেই দুর্গচূড়া হইতে দৃশ্য অতি মনোহর। পূর্ব-দিকে সুন্দর নীরানদী প্রবাহিত হইয়াছে, সেই নদীর উপত্যকা বসন্তকালের নব পুষ্পপত্র ও দুর্বাদলে সুশোভিত হইয়া মনোহর রূপ ধারণ করিয়াছে। উত্তরদিকে বহুবিন্দু তরু, বহুদূর পর্য্যন্ত সুন্দর হরিদর্ণ ক্ষেত্র সূর্য্যকিরণে উজ্জ্বল দেখা যাইতেছে। বহুদূরে বিস্তীর্ণ পুনানগরী সুন্দর শোভা পাইতেছে, যোদ্ধাগণ প্রায় সেই দিকে চাহিয়া রহিয়াছেন, অদ্য রজনীতে সেই নগরীতে কি বিদ্য়ম ঘটনা সংঘটিত হইবে তাহাই চিন্তা করিতেছিলেন। দক্ষিণ ও পশ্চিমদিকে পর্বতের পর পর্বত, যতদূর দেখা যায়, অনন্ত পর্বত অন্তাচলচূড়াবলম্বী সূর্য্যকিরণে অপূর্ব শোভা পাইতেছে। কিন্তু বোধ করি যোদ্ধাগণ এই চমৎকার পর্বতদৃশ্যের বিষয় ভাবিতেছিলেন না, অন্য চিন্তায় অভিভূত রহিয়াছেন।

যে যুদ্ধে বা যে অসমসাহসিক কার্য্যে একেবারে বহুকালের বাহিত ফললাভ হইতে পারে, বা এককালে সর্বনাশ হইতে পারে, তাহার প্রাকালে যুদ্ধের জন্ত অতিশয় সাহসিক হৃদয়ও চিন্তাপূর্ণ হয়। অন্য সায়েস্তার্থী ও মোগল-সৈন্ত ছিন্নভিন্ন ও পরাভূত হইবে, অথবা অসমসাহসে মহারাষ্ট্র-সূর্য্য একেবারে চির অন্ধকারে অন্ত যাইবে, এইরূপ চিন্তা অগত্যা যোদ্ধাদিগের হৃদয়ে উদ্বেক হইতে লাগিল। কেহ এ চিন্তা ব্যক্ত করিলেন না, তথাপি যখন নিঃশব্দে যোদ্ধা যোদ্ধার দিকে নিরীক্ষণ করিলেন, তখন কাহারও মনোগত ভাব লুকায়িত রহিল না। কবল বিংশ বা

পঞ্চবিংশ মাত্র সেনা লইয়া শিবজী শত্রু-সেনার মনো যাইয়া আক্রমণ করিবেন, এরূপ ভীষণ কার্যে শিবজী কখনও লিপ্ত হইয়াছেন কি না সন্দেহ। কেনই বা যোদ্ধাদিগের লগাট মুহূর্তের জন্ত চিন্তা মেঘাচ্ছন্ন না হইবে ?

সেই বীরমণ্ডলীর মধ্যে বহুদশা পেশোয়া মুরেশ্বর ত্রিমূল ছিলেন। অল্প বয়সে তিনি শিবজীর পিতা শাহজীর অধীনে যুদ্ধ-ব্যবসায় লিপ্ত ছিলেন, পরে শিবজীর অধীনে আসিয়া প্রতাপগড়ের চমৎকার দুর্গ তিনিই নির্মাণ করেন। চারি বংশাবধি পেশোয়াপদ প্রাপ্ত হইয়া তিনি সেই পদের যোগ্যতা বিশেষরূপে প্রদর্শন করিয়াছিলেন। আবুল ফাজেলকে শিবজী হত্যা করিলে পর মুরেশ্বরই তাঁহার সেনাকে আক্রমণ করিয়া পরাণ্ড করিয়াছিলেন, পরে মোগলদিগের সহিত যুদ্ধারম্ভ হওনাবধি তিনিই পদাতিক সৈন্তের সরনোবৎ অর্থাৎ সেনাপক্ষ ছিলেন। যুদ্ধকালে সাহসী, বিপদকালে স্থির ও অবিচলিত, পরামর্শে বুদ্ধিমান ও দূরদর্শী, মুরেশ্বর অপেক্ষা কার্য-দক্ষ কর্মচারী ও প্রকৃত বন্ধু শিবজীর আর কেহ ছিল না।

আবাজী স্বর্ণদেব নামে তথায় দ্বিতীয় একজন দূরদর্শী ও যুদ্ধপটু ব্রাহ্মণ ছিলেন। তাঁহার প্রকৃত নাম নীলপস্ত স্বর্ণদেব, কিন্তু আবাজী নামেই তিনি খ্যাত ছিলেন। তিনিই ১৬৪৮ খৃঃ অব্দে কল্যাণদুর্গ ও সমস্ত কল্যাণী প্রদেশ হস্তগত করেন, এবং সম্প্রতি দায়গড়ের প্রসিদ্ধ দুর্গ নির্মাণ আরম্ভ করিয়াছিলেন।

প্রসিদ্ধনামা অন্নজীদত্তও অল্প সিংহগড়ে উপস্থিত ছিলেন। চারি বংশের পূর্বে

তিনি পননগড় হস্তগত করেন, এবং শিবজীর কর্মচারী মনো একজন প্রধান ও অতিশয় কার্যদক্ষ ছিলেন।

অশ্বারোহীর সরনোবৎ অর্থাৎ সেনাপতি নিতাইজী সিংহগড়ে ছিলেন না; তিনি কিরূপে মোগল-সৈন্তের সম্মুখ দিয়া যাইয়া আরঙ্গাবাদ ও আহম্মদনগর ছারখার করিয়া আসিয়াছিলেন, তাহা আমরা সায়েস্তার সভায় চাঁদখাঁর প্রমুখাৎ শুনিয়াছি। সিংহগড়ে সে সময়ে কেবল অল্পসংখ্যক অশ্বারোহী সেনা কর্তাজী গুজ্জর নামক একজন নীচত্ব সেনানীর অধীনে অবস্থিতি করিতেছিল।

পূর্ব অধ্যায়ে শিবজীর তিনজন প্রধান মাউলী বালা-স্বজ্জদের নাম উল্লেখ করা হইয়াছে। তন্মধ্যে বাজী ফাসলকরের তিন বংশের পূর্বেই মৃত্যু হইয়াছিল। তন্মজী মালশ্রী ও বশজী-কঙ্ক অল্প সিংহগড়ে উপস্থিত ছিলেন। বাল্যকালের সৌহার্দ্য, যৌবনের বিদগ্ধ সাহস, ইহার। এখনও ভুলেন নাই। ইহার। শিবজীকে প্রাণসম ভালবাসিতেন, শতবার রজনী-যোগে মাউলী-সৈন্ত লইয়া শিবজীর সহিত শত পর্বতদুর্গ নিঃশব্দে আরোহণ করিয়া সহসা অধিকার করিয়াছিলেন।

সূর্য্য অস্ত গেল। সন্ধ্যার ছায়া যেমন স্তরে স্তরে জগতে অবতীর্ণ হইতেছে, তখনও সেই যোদ্ধামণ্ডলী দুর্গশ্রেণী নিঃশব্দে দণ্ডায়মান, এমন সময়ে শিবজী তথায় আসিয়া উপস্থিত হইলেন। তাঁহার মুখ-মণ্ডল গভীর ও দৃঢ়-প্রতিজ্ঞা-ব্যঞ্জক, ভয়ের লেশমাত্র দৃষ্ট হয় না। বস্ত্রের নীচে তিনি বর্ষ ও অস্ত্রধারণ করিয়াছেন, অল্প নিশিত অসমসাহসিক কার্যের জন্ত প্রস্তুত হইয়া-

ছেন। ঘোড়ার নয়ন উজ্জল, দৃষ্টি স্থির ও অবিচলিত।

শিবজী ধীরে ধীরে বলিলেন,—সমস্ত প্রস্তুত, বহুগণ বিদায় দিন।

মুরেশ্বর। তবে স্থির করিয়াছেন, অস্ত্র রজনীতে স্বর্ণদেব কি অন্নজী কি আমাকে সঙ্গে যাইতে দিবেন না? মহাশয়! বিপদকালে কবে আমরা আপনার সঙ্গ পরিত্যাগ করিয়াছি?

শিবজী। পেশোয়াজী! ক্ষমা করুন, আর অনুরোধ করিবেন না। আপনাদের সাহস, আপনাদের বিক্রম, আপনাদের বিজ্ঞতা আমার নিকট অবিদিত নাই, কিন্তু অস্ত্র ক্ষমা করুন। ভবানীর আদেশে আমি অস্ত্র বিষম প্রতিজ্ঞা করিয়াছি, অস্ত্র আমিই এই কার্য সাধন করিব, নচেৎ অকিঞ্চিৎকর প্রাণ বিসর্জন দিব। আশীর্বাদ করুন জয়লাভ করিব; কিন্তু যদি অমঙ্গল হয়, যদি অস্ত্রকার কার্যে নিধন প্রাপ্ত হই, তথাপি আপনারা তিনজন থাকিলে মহারাজের সকলেই রহিল। আপনারা আমার সহিত বিনষ্ট হইলে কাহার দূরদর্শী বুদ্ধিবলে দেশ থাকিবে? কাহার বাহুবলে স্বাধীনতা থাকিবে? হিন্দুগৌরব কে রক্ষা করিবে? যাত্রাকালে আর অনুরোধ করিবেন না।

পেশোয়া বুঝিলেন আর অনুরোধ করা বৃথা, স্তম্ভাং আর কিছু বলিলেন না। তখন আপেক্ষাকৃত মৃদুস্বরে শিবজী পেশোয়াকে সম্বোধন করিয়া বলিলেন,—মুরেশ্বর, আপনি পিতার নিকট কার্য করিয়াছেন, আপনি আমার পিতৃতুল্য; আশীর্বাদ করুন যেন আজ জয়লাভ করিতে পারি, ব্রাহ্মণের আশীর্বাদ অবশ্যই ফলিবে।

আবাজী! অন্নজী! আশীর্বাদ করুন, আমি কার্যে প্রস্থান করি।

মুরেশ্বর, আবাজী ও অন্নজী সজলনয়নে মহারাজ-বীরকে আশীর্বাদ করিলেন। তৎপর শিবজী তাঁহার মাউলী মুহম্মদহয় তন্নজী ও যশজীকে সম্বোধন করিয়া বলিলেন,—বালামুহম্মদ! বিদায় দেও।

তন্নজী। প্রভো! কি অপরাধে আমরা আপনাকে সঙ্গে যাইতে নিষেধ করিতে ছেন? কোন নৈশ ব্যাপারে, কোন দুর্গজয়ের সময় আমরা প্রভুর সঙ্গে না ছিলাম? পূর্বকাল স্বরণ করিয়া দেখুন, কঙ্কণদেশে আপনার সহিত কে ভ্রমণ করিত? শৈলচূড়ে, উপত্যকায়, পর্বত-গহ্বরে, তরঙ্গিনীতীরে কে আপনার সহিত দিবার শিকার করিত, রজনীতে একত্র শয়ন করিত, বা দুর্গজয়ের পরামর্শ করিত? যশজী, মৃত বাজী আর এই দাস তন্নজী। বাজী প্রভুর কার্যে হত হইয়াছে, আমরা দেবতা তাহা ভিন্ন অস্ত্র বাসনা নাই। অনুমতি করুন অস্ত্র প্রভুর সঙ্গে যাই, জয়লাভ হইলে প্রভুর আনন্দে আনন্দিত হইব, যদি প্রভু বিনষ্ট হন, আমাদের এখানে জীবিত থাকিলে কোন উপকার নাই। আমাদের এরূপ বুদ্ধিবল নাই যে, রাজকার্যে কোন সাহায্য করি। আপনার বালামুহম্মদকে বঞ্চিত করিবেন না।

শিবজী দেখিলেন, তন্নজীর চক্ষে জল। মুগ্ধ হইয়া তন্নজী ও যশজীকে আলিঙ্গন করিয়া বলিলেন,—ব্রাতঃ! তোমাদিগকে অদেয় আমার কিছুই নাই শীঘ্র রণসজ্জা করিয়া লও।

তৎপরে শিবজী অন্তঃপুরে প্রবেশ করিলেন। চঃখিনী জীজী একাকী একটা

ঘরে উপবেশন করিয়া চিন্তা করিতেছিলেন, পুত্রের অশুকার বিপদে রক্ষাপ্রার্থনা করিতেছিলেন, এমনত সময়ে শিবজী আসিয়া বলিলেন,—মাতঃ ! আশীর্বাদ করুন, বিদায় হই ।

জীজী স্নেহপূর্ণস্বরে বলিলেন,—বৎস ! আইস একবার তোমাকে আলিঙ্গন করি । কবে তোমার এ বিপদরাশি শেষ হইবে, কবে এ ছঃগিনীর শোক ও চিন্তা শেষ হইবে ।

শিবজী । মাতঃ ! আপনার আশীর্বাদে কবে কোন বিপদ হইতে উদ্ধার না হইয়াছি ? কোন বৃদ্ধে জয়ী না হইয়াছি ?

জীজী । বৎস ! দীর্ঘ-জয়ী হও, ঈশানী তোমাকে রক্ষা করুন । এই বলিয়া মাতা স্নেহে শিবজীর মস্তকে হাত দিলেন, ছই নয়ন বহিয়া অশ্রুজল শীর্ণ বক্ষঃস্থলের উপর পড়িতে লাগিল ।

শিবজী সকলের নিকট বিদায় লইয়া-ছেন ; এতক্ষণ তাঁহার দৃষ্টি স্থির ও স্বর অকম্পিত ছিল ; এক্ষণ আর সম্বরণ করিতে পারিলেন না, চক্ষুদ্বয় ছল ছল করিতে লাগিল । উদ্বেগকম্পিতস্বরে শিবজী বলিলেন,—স্নেহময়ী জননি ! আপনিই আমার ঈশানী, আপনাকে যেন ভক্তি-ভাবে চিরজীবন পূজা করি, আপনার আশীর্বাদে সকল বিপদ তুচ্ছ জ্ঞান করিব ।

রুক্মাজীজী বহু অশ্রুপাত করিয়া বিদায়কালে বলিলেন,—বৎস ! হিন্দুধর্মের জয়সাধন কর, স্বয়ং দেবরাজ শঙ্কু তোমার সাহায্য করিবেন । আমার পিতৃকুল দেবগড়ের অধিপতি ছিলেন, হিন্দুধর্মের অবলম্বন ছিলেন । বাছা আমি আশীর্বাদ করি-

তেছি, তুমিও মহারাষ্ট্র দেশে রাজা হও, দাক্ষিণাত্যে হিন্দুধর্মের অবলম্বন হও ।

সমস্ত সেনা সজ্জিত । শিবজী নিঃশব্দে অশ্বারোহণ করিলেন, নিঃশব্দে সৈন্তগণ ছুর্গদ্বার অতিক্রম করিল ।

ছুর্গদ্বার অতিক্রম করিবার সময়ে একজন অতি অল্পবয়স্ক যোদ্ধা শিবজীর সম্মুখে আসিয়া শির নমাইল ; তাহাকে চিনিলেন, জিজ্ঞাসা করিলেন,—রঘুনাথজী হাবিলদার ! এ সময়ে তোমার কি প্রার্থনা ?

রঘুনাথ । প্রভু, যে দিন তোরগছুর্গ হইতে পত্রাদি আনিয়াছিলাম সে দিন প্রসন্ন হইয়া পরস্কার অঙ্গীকার করিয়া ছিলেন ।

শিবজী ! অতঃ এই উৎকট ব্যাপারের প্রারম্ভে কি পুরস্কার চাহিতে আসিয়াছ ?

রঘুনাথ । এই পুরস্কার চাই যে এই উৎকট ব্যাপারে আমাকে যাইতে দিন । যে পঞ্চবিংশ মাউলী যোদ্ধার সহিত পুনানগরে প্রবেশ করিবেন, দাসকে তাহাদের সহিত যাইতে আদেশ করুন ।

শিবজী । রাজপুত্রবালক ! কেন ইচ্ছা-পূর্বক এ সঙ্কটে আসিতেছ ? অল্প বয়সে কেন প্রাণ হারাইতে উৎসুক হইয়াছ ?

রঘুনাথ । রাজন্ ! আপনার সঙ্গে যাইলে প্রাণ হারাইব এরূপ আশঙ্কা করি না । যদি হারাই, আমার জন্ম আক্ষেপ করিবে জগতে এরূপ কেহই নাই । আর যদি প্রভুকে কার্য্য দ্বারা সন্তুষ্ট করিতে পারি, জীবিত থাকিয়া প্রত্যাগমন করিতে পারি তবে,—তবে 'ভবিষ্যতে আমার মঙ্গল ।

রঘুনাথের সেই কৃষ্ণ কেশগুচ্ছগুলি ভ্রমরবিনিমিত নয়নের উপর পড়িয়াছে, বালকের সরল উদার মুখমণ্ডলে যোদ্ধার স্থিরপ্রতিজ্ঞা বিরাজ করিতেছে ।

অল্পবয়স্ক যোদ্ধার এইরূপ কথা শুনিয়া ও উদ্ভয় মুখমণ্ডল দেখিয়া শিবজী সন্তুষ্ট হইলেন, ও সঙ্গে পুনার ভিতর যাইতে অনুমতি দিলেন । রঘুনাথ আবার শির নত করিয়া পরে লক্ষ দিয়া অশ্বে আরোহণ করিলেন ।

সিংগড় হইতে পূনা পর্য্যন্ত সমস্ত পথে শিবজী নিজ সৈন্ত রাখিলেন । সন্ধ্যার ছায়ায় নিঃশব্দে সেই পথের স্থানে স্থানে সেনা সন্নিবেশ করিতে লাগিলেন । একটা দীপ জ্বলিলে বা সৈন্তেরা শব্দ করিলে পুনায় ঠাঁচার এই কার্য্য প্রকাশ হইতে পারে, সুতরাং নিঃশব্দে অন্ধকারে সৈন্ত সন্নিবেশ করিতে লাগিলেন ।

সে কার্য্য শেষ হইল, রজনী ভ্রমতে গাঢ় অন্ধকার বিস্তার করিল । শিবজী, তন্নজী ও যশজী ২৫ জন মাত্র মাউলী লইয়া পুনায় নিকটে একটা বৃহৎ বাগানে পঁহুছিয়া তথায় লুক্কায়িত রহিলেন । রঘুনাথ ছায়ার মত প্রভুর পশ্চাৎ পশ্চাৎ রহিলেন ।

আরও গাঢ়তর অন্ধকার সেই আত্মকাননকে আবৃত করিল, সন্ধ্যার শীতল বায়ু আসিয়া সেই কাননের মধ্যে মর্ষর শব্দ করিতে লাগিল । সন্ধ্যার পথিক একে একে সেই কাননের পার্শ্ব দিয়া পূনাভিমুখে চলিয়া যাইল, নিবিড় অন্ধকার ভিন্ন আর কিছু দেখিল না, পত্নের মর্ষর শব্দ ভিন্ন আর কিছু শ্রবণ করিল না ।

ক্রমে পুনার গোলমাল নিস্তক হইল, দীপাবলী নির্বাণ হইল, নিস্তক নগরে কেবল প্রহরিগণ এক একবার উচ্চ শব্দ করিতে লাগিল, ও সময়ে সময়ে শৃগালের বায়ুপথে আসিতে লাগিল ।

-ঢং ঢং ঢং সহসা শব্দ হইয়া উঠিল শিবজীর হৃদয় চমকিত হইল । সেই দিকে চাহিয়া দেখিলেন, গলির মধ্যে শব্দ হইতেছিল, নগরের বাহির হইতে দেখা যায় না ।

ঢং ঢং ঢং পুনরায় শব্দ হইল, আবার চাহিয়া দেখিলেন । বহুলোকে দীপাবলী লইয়া বাহ্য করিতে করিতে প্রশস্ত পথ দিয়া আসিতেছে ;—এই বরযাত্রা !

বরযাত্রা নিকটে আসিল । পুনায় চারিদিকে প্রাচীর নাই, স্পষ্ট দেখা যাইতেছে । পথ লোকে সমাকীর্ণ, ও নানা বাদ্যযন্ত্র দ্বারা অতি উচ্চ রব হইতেছে । অনেক অশ্বারোহী, অধিকাংশ পদাতিক ।

শিবজী নিঃশব্দে বাগানস্থল তন্নজী ও যশজীকে আলিঙ্গন করিলেন । পরস্পরে পরস্পরের দিকে চাহিলেন মাত্র । “হয়ত এই শেষ বিদায়”—এই ভাব সকলের মনে জাগরিত হইল ও নয়নে বাস্ক হইল, কিন্তু বাক্য অনাবশ্যক । নিঃশব্দে শিবজী ও ঠাঁচার লোক সেই যাত্রিদিগের সহিত মিশিয়া গেলেন ।

যাত্রিগণ সায়েস্তাখাঁর বাটীর নিকট দিয়া যাইল, বাটীর কামিনীগণ গনাক্ষে আসিয়া সেই বহুলোকসমারোহ দেখিতে লাগিলেন । ক্রমে যাত্রিগণ চলিয়া গেল, কামিনীগণও শয়ন করিতে গেলেন, যাত্রিদিগের মধ্যে প্রায় ত্রিংশৎ জন খাঁ সাহেবের গৃহের নিকট লুক্কায়িত রহিল তাহা কেহ দেখিতে পাইল না । ক্রমে বরযাত্রার গোল থামিয়া গেল ।

রজনী আরও গভীর হইল । সায়েস্তাখাঁর বন্ধনগৃহের উপর একটা গবাক্ষ ছিল, তথায় অল্প অল্প শব্দ হইতে লাগিল । খাঁ সাহেবের পরিবারের কামিনীগণ সকলে

মিষ্টিত অথবা নিজালু, সে শব্দ শুনিয়াও গ্রাহ্য করিলেন না ।

একখানি ইষ্টকের পর আর একখানি, পরে আর একখানি সরিল, বুর বুর করিয়া বালুকা পড়িল । নারীগণ তখন সন্ধিগ্ন হইয়া সেই স্থান দেখিতে আসিলেন, ছিদের ভিতর দিয়া একজন পরে আর একজন, পরে আর একজন যোদ্ধা পিপীলিকা সারের শ্রায় গৃহে প্রবেশ করিতেছে ! তখন চীৎকার শব্দ করিয়া যাইয়া সায়েস্তা-খাঁর নিদ্রাভঙ্গ করিয়া তাঁহাকে সমুদায় অব-গত করিলেন ।

শিবজী সন্ধিপ্রার্থনার মিনতি করিতে-ছেন, খাঁ সাহেব এষ্টরূপ স্বপ্ন দেখিতে-ছিলেন-। সহসা জাগরিত হইয়া শুনিলেন, শিবজী পূনা হস্তগত করিয়া তাঁহার প্রাসাদ আক্রমণ করিয়াছেন !

পলায়নার্থে এক দ্বারে আসিলেন, দেখিলেন বর্মধারী মহারাষ্ট্রীয় যোদ্ধা ! অগ্নি দ্বারে আসিলেন, তাহাই দেখিলেন । সবয়ে সমস্ত দ্বার রুদ্ধ করিলেন, গবাক্ষ দিয়া পলাইবার উপক্রম করিতেছিলেন, এমত সময়ে সবয়ে শুনিলেন, “হর হর মহাদেও” বলিয়া মহারাষ্ট্রীয়গণ পার্শ্বের গৃহ পরিপূর্ণ করিল ।

তখন রাজপুরী আক্রান্ত হইয়াছে বলিয়া চারিদিকে গোল হইল । প্রাসাদের রক্ষকগণ সহসা আক্রান্ত হইয়া হতজ্ঞান হইয়াছিল, অনেকেই হত ও আহত হইয়া-ছিল । তথাপি অবশিষ্ট লোক প্রভুর রক্ষার্থ দৌড়িয়া আসিল ও সেই পঞ্চবিংশ জন মাউলীকে চারিদিকে বেঠন করিল ।

শিবজী ভীষণরবে সেই প্রাসাদ পরি-পূর্ণিত হইল । প্রাসাদের

হইয়াছে, অন্ধকারে মাউলীগণ চীৎকার করিয়া যুদ্ধ করিতে লাগিল, অন্ধকারে হিন্দু ও মুসলমান যুদ্ধ করিতেছে । কবাটের বনবনা শব্দ, আক্রমণকারীদিগের মুহূর্হঃ উল্লাসরব, এবং আক্রান্ত ও আহতদিগের আর্তনাদে প্রাসাদ পরিপূর্ণিত হইল । সেই সময়ে শিবজী বর্ষা হস্তে লক্ষ দিয়া যোদ্ধা দিগের মধ্যে পড়িলেন, “হর হর মহাদেও” বলিয়া চীৎকার করিয়া উঠিলেন । মাউলী-গণ সঙ্গে সঙ্গে ছফার করিয়া উঠিল, মোগল প্রহরীগণ পলায়ন করিল, অথবা সমস্ত হত ও আহত হইল । শিবজী ভীষণ বর্ষাঘাতে দ্বার ভগ্ন করিয়া সায়েস্তা-খাঁর শয়নঘরে আসিয়া পড়িলেন ।

সেনাপতির রক্ষার্থে তৎক্ষণাৎ কয়েক-জন মোগল সেই ঘরে ধাবমান হইল । শিবজী দেখিলেন সম্মুখে মৃত চাঁদখাঁর বিক্রমশালী পুত্র শম্শের খাঁ ! পিতা অপ-মানিত হইয়া প্রাণ হারাষ্টয়াছে, তথাপি পুত্র সেই প্রভুর জগ্ন প্রাণ দিতে প্রস্তুত ও অগ্রগণ্য । শিবজী এক মুহূর্ত্ত দণ্ডায়মান হইলেন, কোম্পে খড়্গ রাগিয়া বলিলেন,— যুবক, তোমার পিতার রক্তে একগণ্ড আমার হস্ত কলুষিত রহিয়াছে, তোমার জীবন লইব না, পণ ছাড়িয়া দাও ।

শম্শের খাঁ উত্তর করিলেন না । শম্শের খাঁর নয়ন অগ্নিবৎ জ্বলন্ত । শিবজী আত্মরক্ষার প্রয়াস পাঠবার পূর্বেই শম্শেরের উজ্জ্বল খড়্গ আপন মস্তকোপরি দেখিলেন ।

শিবজী মুহূর্ত্তের জগ্ন প্রাণের আশা ত্যাগ করিয়া ইষ্টদেবতা ভবানীর নাম লই-লেন, সহসা দেখিলেন পশ্চাৎ হইতে একটা বর্ষা আসিয়া খড়্গধারী শম্শেরকে ভূতল-

শায়ী করিল। পশ্চাতে দেখিলেন, রণ-
নাগজী হাবিলদার !

শিবজী। হাবিলদার ! এ কার্য
আমার স্বরণ থাকিবে ! কেবল এইমাত্র
বলিয়া শিবজী এসে হইলেন ।

এই অবসরে গবাক্ দিয়া র জুঅবলম্বন
করিয়া সায়েস্তাখাঁ পলাইলেন । কয়েক জন
মাউলী সেই গবাক্‌মুখে ধাবমান হইয়াছিল,
একজন খড়্গের আঘাত করিয়াছিল তাহা
সায়েস্তাখাঁর অ নীতে লাগিয়া একটা
অঙ্গুলী ছেদন ন, কিন্তু সায়েস্তাখাঁ আর
পশ্চাতে না দেখিয়া পলায়ন করিলেন ।
তাহার পুত্র আবদুল ফতেখাঁ ও সমস্ত
প্রহরী নিহত হইল । তখন শিবজী দেখি-
লেন ঘর, প্রাঙ্গণ, বারাণ্ডা রক্তে রঞ্জিত
হইয়াছে, স্থানে স্থানে প্রহরিগণের মৃতদেহ
পাতত রহিয়াছে, স্ত্রীলোক ও পলাতক-
গণের আর্তনাদে প্রাসাদ পরিপূর্ণিত হই-
তেছে, মাউলীগণ মোগলদিগের ধ্বংস-
সাধনার্থ চারিদিকে ধাবমান হইতেছে ।
মশালের অস্পষ্ট আলোকে কাহারও মৃত-
দেহ, কাহারও ছিন্নমুণ্ড, কোথাও বা রক্ত-
প্রণালী ভীষণ দেখাইতেছিল । তখন
শিবজী আপন মাউলীদিগকে নিকটে
ডাকিলেন । সকল সময়ে, সকল যুদ্ধেই,
তিনি জয়লাভ করিলে পর বৃথা প্রাণনাশ
দেখিলে বিরক্ত হইতেন, এবং শত্রুরও
সেরূপ প্রাণনাশ যাহাতে না হয় সে জন্ত
যথেষ্ট যত্ন করিতেন । শিবজী আদেশ
করিলেন,—আমাদের কার্য সিদ্ধ হইয়াছে,
ভীক্ সায়েস্তাখাঁ আর আমাদের সহিত যুদ্ধ
করিবে না, এক্ষণে দ্রুতবেগে সিংহগড়াভি-
মুখে চল ।

অকস্মাৎ রজনীতে শিবজী অনায়াসে

পুনা হইতে বহির্গত হইয়া সিংহগড়ের দিকে
ধাবমান হইলেন, প্রায় দুই ক্রোশ আসিয়া
মশাল জালিবার আদেশ দিলেন । বহু-
সংখ্যক মশাল জলিল । পুনা হইতে
সায়েস্তাখাঁ দেখিতে পাইলেন মহারাষ্ট্র
সেনা নিরাপদে সিংহগড়ে উঠিল ।

পর দিন প্রাতে ক্রুদ্ধ মোগলগণ সিংহ-
গড় আক্রমণ করিতে আসিল, কিন্তু গড়ের
কামানের গোলায় ছিন্ন ভিন্ন হইয়া পলায়ন
করিল । কর্তাজী গুজর ও তাঁহার অধীনস্থ
মহারাষ্ট্রীয় অখারোহিগণ বহুদূর পর্য্যন্ত
পশ্চাৎদাবন করিয়া গেল ।

অল্প বিপদে সাহনী বোদ্ধার আরও
যুদ্ধ পিপাসা বৃদ্ধি হয়, কিন্তু সায়েস্তাখাঁ সেরূপ
যোদ্ধা ছিলেন না । তিনি আরঞ্জীবকে
একখানি পত্র লিখিলেন, তাহাতে নিজ
সৈন্তের যথেষ্ট নিন্দা করিলেন, ও যশোবন্ত
অর্থে বশীভূত হইয়া শিবজীর পক্ষাচরণ
করিতেছে এইরূপ জানাইলেন । আর-
জীব দুই জনকেই প্রকর্ণণা বিবেচনা
করিয়া ডাকাইয়া পাঠাইলেন, এবং নিজপুত্র
মুলতান মোরাজীমকে দক্ষিণে পাঠাইলেন,
পরে তাহার সহায়তা করিবার জন্ত যশো-
বন্তকে পুনর্বার পাঠাইলেন ।

ইহার পর এক বৎসরের মধ্যে বিশেষ
কোন যুদ্ধকার্য ইল না । ১৬৬৪ খৃঃ-
অব্দের প্রারম্ভেই শিবজীর পিতা শাহজীর
কাল হওয়ায় শিবজী সিংহগড়ই শ্রাদ্ধাদি
সমাপন করিয়া পরে রায়গড়ে যাইয়া রাজা
উপাদি গ্রহণ করিলেন, ও নিজনামে
মুদ্রা অঙ্কিত করিতে লাগিলেন । আমরা
এখন এই নবভূপতির নিকট বিদায় লইব ।

পাঠক ! বহুদিবস হইল তোরণ দুর্গ
হইতে আসিয়াছি ; চল এই অবসরে

একবার সেই ভ্রুর্গে যাইয়া কি হইতেছে দেখি ।

দশম পরিচ্ছেদ ।

আশা ।

যদি পোড়া অথি বসি রসালের ওলে,
ভ্রাস্ত্রিমদে মাত্ত ভাবি পাইব সত্বরে
পাদপদ্ম ! কাঁপে হিরা তরুতরু করি
শুনি যদি পদশব্দ !

মধুসূদন দত্ত ।

যে দিন রঘুনাথ তোরণভ্রুর্গে আসিয়া-
ছিলেন, যে দিন তাঁহার হৃদয় উৎক্লিষ্ট হয়,
সেই দিন প্রথম প্রেমের আনন্দময়ী লহ-
রীতে একটা বালিকা-হৃদয় ভাসিয়া গিয়া-
ছিল। উদ্যানে সন্ধ্যার সময় সরযুর
দৃষ্টি সহসা সেই তরুণ স্বদেশীয় যোদ্ধার
উপর পতিত হইল, বালিকা সহসা চমকিত
হইলেন। আবার চাহিলেন, আবার সেই
উদার বদনমণ্ডল; সেই উন্নত তরুণ
যুদ্ধবেশধারী অবয়ব দেখিলেন, পরে ধীরে
ধীরে গৃহের ভিতর যাইলেন।

রজনীতে সরযু সেই স্বদেশীয় তরুণ
যোদ্ধাকে ভোজন করাইতে যাইলেন।
পার্শ্বে দণ্ডায়মান হইয়া দেব-বিনিন্দিত
অবয়বের দিকে চাহিয়া রহিলেন। যখন
চারি চক্ষুর মিলন হইল, তখন লজ্জারত-
বদনা ধীরে ধীরে সরিয়া আসিলেন।

সরিয়া আসিলেন, কিন্তু হৃদয়ে একটা
নূতন ভাব উদয় হইল। রঘুনাথ তাঁহার
দিকে সোদেগ দৃষ্টি করিলেন কেন ?
রঘুনাথ কি স্বদেশীয় বালিকার প্রতি একটু

স্নেহের সহিত নয়নক্ষেপ করিয়াছেন ?
তরুণ যোদ্ধার কি সরযুর প্রতি একটু
মমতা জন্মিয়াছে ?

পরদিন আবার সেই তরুণ যোদ্ধাকে
দেখিলেন, আবার হৃদয় একটু উদ্বিগ্ন হইল।
পরে যখন রঘুনাথের আনন্দনীয় বাক্যগুলি
শুনিলেন, রঘুনাথ যখন সরযুর গলায়
কণ্ঠমালা পরাইয়া দিলেন, বালিকার শরীর
শিহরিয়া উঠিল, হৃদয় আনন্দ ও উদ্বেগে
প্লাবিত হইল। যখন বিদায় লইয়া যোদ্ধা
অখারু চ হইয়া চলিয়া গেলেন, সরযু গবাক্ষ-
পার্শ্বে দাঁড়াইয়া সেই দিকে চাহিয়া
রহিলেন।

অনেকক্ষণ পর্য্যন্ত বালিকা গবাক্ষপার্শ্বে
দণ্ডায়মান রহিলেন। অশ্রু ও অশ্রুরোহী
অনেকক্ষণ চলিয়া গিয়াছে, কিন্তু বালিকা
নিম্পন্দে সেই দিকে চাহিয়া রহিয়াছেন।
দিবালোকে পর্ব্বলমালা অনেক দূর পর্য্যন্ত
দেখা যাইতেছে, তাহার উপর যতদূর
দেখা যায়, পর্ব্বতবৃক্ষ সমুদ্রের লহরীর মত
বায়ুতে জ্বলিতেছে। উপরে পর্ব্বতশৃঙ্গ
হইতে স্থানে স্থানে জলপ্রপাত পতিত
হইতেছে, সেই স্বচ্ছ জল একটা নদীরূপে
বহিয়া যাইতেছে। নীচে সুন্দর উপত্যকার
গ্রামের কুটার দেখা যাইতেছে, সুন্দর
হরিদ্বর্ণ ক্ষেত্রে সমস্ত দেখা যাইতেছে,
তাহার মধ্য দিয়া পর্ব্বতকন্ঠা তরঙ্গিণী ধীরে
ধীরে বহিয়া যাইতেছে, ও মেঘবিবর্জিত
সূর্য্য এই সুন্দর দৃশ্যের উপর দিয়া আপন
আলোক-হিলোল আনন্দে গড়াইয়া
দিতেছে। কিন্তু সরযু এ সমস্ত দেখিতে-
ছিলেন না, তাঁহার মন এ সমস্ত দৃশ্যে মগ্ন
ছিল না।

সরযু অদ্য সমস্ত দিন একটু অশ্রুমনস্ক।

রহিলেন । সায়ংকালে পিতার ভোজনের সময় নিকটে বসিলেন, স্বহস্তে পিতার শয্যা রচনা করিয়া দিলেন, পরে ধীরে ধীরে আপন শয়নাগারে যাইলেন । নিস্তরু রজনীতে সরযু উঠিয়া ধীরে ধীরে সেই গবাক্ষপার্শ্বে যাইয়া নিঃশব্দে উপবেশন করিয়া চন্দ্রালোক দেখিতে লাগিলেন ।

একাদশ পরিচ্ছেদ ।

চিন্তা !

এস, তুমি, এস নাথ, রণ পরিহারি
কেলি দূরে বশ, চর্য, অসি, তুণ, ধনুঃ,
তাজি রথ পদব্রজে এস মোর পাশে ।

মধুসূদন দত্ত ।

জনার্দন স্বভাবতঃই সরলস্বভাব লোক ছিলেন, সমস্ত দিন শাস্ত্রানুশীলন বা দেব-পূজায় রত থাকিতেন, প্রভাতে সায়ংকালে কিল্লাদিবের নিকট সাক্ষাৎ করিতে যাই-তেন, কদাচ বাটীতে থাকিতেন । পালিত কন্যাকে অতিশয় ভালবাসিলেন, ভোজনের সময় কন্যাকে নিকটে না দেগিলে তাঁহার আহার হইত না, রজনীতে কখন কখন শাস্ত্রের গল্প বলিতেন, সরযু বসিয়া শুনি-তেন । এতদ্বিন্ন প্রায়ই আপন কার্যে রত থাকিতেন; বালিকার মনে একদিন একটা নূতন ভাব উদয় হইল, বৃদ্ধ জনার্দন কেমন করিয়া জানিবেন ?

বালিকার হৃদয়ে একদিন সহসা যে ভাব উদয় হয়, তাহা অধিক দিন স্থায়ী হয় না, একদিন সন্ধ্যাকালে সরযুর হৃদয়ে সহসা যে ভাবের উদ্রেক হইল, তাহা দুই

চারি দিবসের মধ্যে অনেকটা হ্রাস প্রাপ্ত হইল । তথাপি নারীর হৃদয়ে এরূপ ভাব একেবারে লীন হয় না, মধ্যে মধ্যে সেই তরুণ যোদ্ধার কথা সরযুর হৃদয়ে জাগরিত হইত । বিশেষ সরযু জন্মাবধি একাকিনী, জনার্দন ভিন্ন তিনি ভালবাসিবার লোক কাহাকেও কখন দেখেন নাই, কাহাকেও জানিতেন না, স্মৃতরাং বাল্যকাল অবধিই ধীর, শাস্ত, চিন্তাশীল । প্রথম যৌবনে যে রূপ দেখিয়া একদিন সরযুর হৃদয় আলোড়িত হইল, সায়ংকালে, প্রভাতে ও গভীর রজনীতে সেই রূপটী সময়ে সময়ে সরযুর হৃদয়ে জাগরিত হইত ।

কল্পনা মায়াবিনী ! সরযু যখন দিনান্তে একাকিনী গবাক্ষ পার্শ্বে বসিয়া থাকিতেন, অথবা নিশিথে চন্দ্রালোকে সেই পুষ্পো-দ্যানে বিচরণ করিতেন, তখন কতরূপ কল্পনা তাঁহার হৃদয়ে জাগরিত হইত ! সেই তরুণ যোদ্ধা এতদিনে যুদ্ধের উল্লাসে মগ্ন হইয়াছেন, দুর্গ হস্তগত করিয়াছেন, শত্রু ধ্বংস করিতেছেন, বিক্রম ও বাহুবলে বীরনাম ক্রয় করিতেছেন, সরযুর কথা কি এক একবার তাঁহার মনে জাগরিত হয় ? পুরুষের মন ! নানা কার্য, নানা চিন্তা, নানা শোক, নানা উল্লাসে সর্বদাই পরিপূর্ণ থাকে । জীবন আশাপূর্ণ, নানা আশায় অতিবাহিত হয়, আশা ফলবতী হউক আর নাই হউক, জীবন সর্বদা উল্লাসপূর্ণ থাকে । রাজদ্বারে, যুদ্ধক্ষেত্রে শোকগৃহে বা নাট্যশালায়, নানা কার্যে, নানা চিন্তায় পূর্ণ থাকে, তাহারা কি এক চিন্তা চির কাল হৃদয়ে ধারণ করে ? তথাপি মায়াবিনী আশা সরযুকে কাণে কাণে বলিয়া দিত,—বোধ হয় কখন কখন

সরযুর কথা সেই তরুণ যোদ্ধার হৃদয়ে
জাগরিত হয় ।

আবার চিন্তা আসিত ;—তরুণ যোদ্ধা
কি এখনও এ তোরণ দুর্গের কথা ভাবেন ?
এ কালে এ বয়সে কি তাঁহার মন স্থির
আছে ? হায় ! নদীর উর্ধ্ব পার্শ্বস্থ
পুষ্পটীকে লইয়া ঋণকাল খেলা করে,
পুষ্প আনন্দে নাচিয়া উঠে, তাহার
পর উর্ধ্ব কোথায় চলিয়া যায়, পুষ্পটী
ভুঁকাইয়া যায়, কিন্তু জল আর ফেরে না !
তথাপি মায়াবিনী আশা সরযুর কাণে
কাণে বলিয়া দিত,—বোধ হয় একদিন সেই
তরুণ যোদ্ধা তোরণ দুর্গে ফিরিয়া আসিবেন ।

নিশীথে সেই যখন উন্নত দুর্গ ও চারিদিকে
পর্বতমালা চক্রে স্বধাকিরণে নিস্তন্ধে স্তম্ভ
হইত, তখন নীল আকাশ ও শুভ্র চক্রে
দিকে চাহিতে চাহিতে বালিকার হৃদয়ে কত
কল্পনা উদয় হইত, কে বলিবে ? বোধ হইত
যেন সেই পর্বত-পথ দিয়া একজন নবীন
অখারোহী আসিতেছেন, অশ্ব শ্বেতবর্ণ,
আরোহীর গুচ্ছ গুচ্ছ কেশ ললাট ও নয়ন
ঈষৎ আবৃত করিয়াছে । যেন দুর্গে আসিয়া
অখারোহী অবতরণ করিলেন, যেন তাঁহার
মস্তকে সুবর্ণ-খচিত শিরস্রাণ, বলিষ্ঠ সুগোল
বাহুতে সুবর্ণের বাজু, দক্ষিণহস্তে দীর্ঘ বর্ষা ।
যেন যোদ্ধা আবার আহা করিতে
বসিলেন, সরযু তাঁহাকে ভোজন করাইতে
ছেন । অথবা রজনীতে সেই ছাদে
সরযু সেই যোদ্ধার নিকট সলজ্জ হইয়া
দণ্ডায়মান রহিয়াছেন, যোদ্ধার যেন আন-
ন্দের সহিত সরযুর নিকট যুদ্ধকথা বর্ণনা
করিতেছে ।

কল্পনার শেষ নাই, অগাধ সমুদ্র-
হিল্লোলের স্থায় একটীর পর আর একটী

আইসে, তাহার পর আর একটী । সরযু
আবার ভাবিলেন, যেন যুদ্ধ হইয়া গিয়াছে,
তরুণ সেনাপতি বহু খ্যাতিলাভ করিয়াছেন,
বড় উপাধি পাইয়াছেন, কিন্তু সরযুকে
ভুলেন নাই । যেন পিতা তাঁহার সহিত
সরযুর বিবাহ দিতে সম্মত হইলেন, যেন ঘর-
লোকে পরিপূর্ণ, চারিদিকে দীপ জলিতেছে,
বাদ্য বাজিতেছে, গীত হইতেছে, আর কত
কি হইতেছে সরযু জানেন না, ভাল দেখিতে
পাইতেছেন না । যেন সরযু অবগুষ্ঠনবতী
হইয়া সেই দেব প্রতিমূর্তির নিকট বাসলেন ।
যেন যুবকের হস্তে আপন শ্বেদাক্ত কম্পিত
হস্তটী রাখিলেন, যেন রজনীতে সেই
জীবিতেশ্বরকে পাইলেন । আনন্দ বালিকা
হৃদয় ক্ষীত হইল, সরযু ! সরযু ! পাগলিনী
হইও না ।

আবার কল্পনা আসিল । রঘুনাথ
খাতাপন্ন হয়েন নাই, রঘুনাথ উপাধি প্রাপ্ত
হয়েন নাই, রঘুনাথ দরিদ্র, কিন্তু সরযুকে
বিবাহ করিয়াছেন । পর্বতের নীচে ঐ
যে সুন্দর উপত্যকা দেখা যাইতেছে,
যেখানে শান্তবাহিনী নদী চক্রালোকে ধীরে
ধীরে বহিয়া যাইতেছে, যেখানে হরিদ্রর্ণ
সুন্দর বিস্তীর্ণ ক্ষেত্র চক্রালোকে স্তম্ভ
রহিয়াছে, ঐ রমণীয় স্থানে অনেক গুলি
কুটারের মধ্যে যেন একটী ক্ষুদ্র কুটার
সরযুর ! যেন দিবাবসানে সরযু সহস্বে রক্তন
কার্য্য সমাপন করিয়াছেন, যেন যত্ন পূর্বক
জীবিতনাথের জন্ত অন্ন প্রস্তুত করিয়া
রাখিয়াছেন, কুটার সম্মুখে সুন্দর দুর্কার
উপর বসিয়া রহিয়াছেন । যেন দূর
ক্ষেত্রের দিকে চাহিতেছেন, যেন সেই
দিক হইতেই সমস্ত দিনের পরিশ্রমের পর
একজন দীর্ঘকায় পুরুষ কুটারান্তিমুখে

আসিতেছেন । সরযুর হৃদয় নৃত্য করিয়া উঠিল, যেন সেই পুরুষশ্রেষ্ঠ আসিয়া সরযুকে একটি নূতন কণ্ঠমালা পরাইয়া দিলেন । পুলকে বালিকার হৃদয় আশ্বাসিত হইল, সরযু ! সরযু ! পাগলিনী হইও না ।

এইরূপে এক মাস, দুই মাস, তিন মাস অতীত হইল, বৎসর অতিবাহিত হইল কিন্তু সরযুর কল্পনালহরী শেষ হইল না । যে স্বদেশীয় তরুণ যোদ্ধাকে সরযু এই বিদেশে একদিন সম্বন্ধে খাওয়াইয়াছিলেন তাঁহার কমনীয় মুখ খানি কল্পনার সঙ্গে সঙ্গে সময়ে সময়ে বালিকার মনে জাগরিত হইত ! যে দীর্ঘকায় পুরুষ সম্বন্ধে সরযুবালার গলায় প্রিয় কণ্ঠহার পরাইয়া দিয়াছিলেন, তাঁহার আনন্দনীয় রূপ ও দেবতুল্য আকৃতি কল্পনার সঙ্গে সঙ্গে সর্বদাই সরযুর হৃদয়ে উদ্ভিত হইত ! কল্পনা কি মায়াবিনী ?

দ্বাদশ পরিচ্ছেদ ।

পুনর্নির্গমন :

—চেতন পাইয়া

মিলি যুব ধাখি, দেখি তোমার সঙ্গুখ !

মধুহৃদয় দত্ত ।

কল্পনা, মায়াবিনী নহে, সরযুবালার চিন্তা মিথ্যাবাদিনী নহে, বালিকার আশা বিশ্বাসঘাতিনী নহে ।

একদিন সন্ধ্যার সময় সরযু পুনরায় সেই পুষ্পাদ্যানে পুষ্প তুলিতেছেন, এবং মধ্যো মধ্যো কি মনে করিয়া হৃদয়ের সেই কণ্ঠহারের বন্ধকে নিরীক্ষণ করিতেছেন ।

সরযুর রূপ পূর্ববৎ স্নিগ্ধ ও আনন্দনীয়, সরযুর মুখমণ্ডলও পূর্ববৎ কমনীয় ও শান্ত । তথাপি এক বৎসরে সে রূপে কিছু পরিবর্তন ঘটিয়াছে, নব আশা নব উল্লাসে সে মুখমণ্ডল অধিকতর কমনীয় কান্তি ধারণ করিয়াছে । নূতন জ্যোতিঃতে সে চক্ষুর্ষয় আলোকিত হইয়াছে, নূতন উদ্বেগ ও নূতন লাভণো সে শরীর টগমল করিতেছে, সরযুর হৃদয়, মন, দেহ পরিবর্তিত হইয়াছে, সরযু বালিকা নহেন, প্রথম যৌবনে পদার্পণ করিয়াছেন । রূপবতী, চিন্তাবতী, যৌবন-সম্পন্ন সরযুবালার পুষ্প তুলিতেছেন এবং মনো মনো সেই কণ্ঠমালার দিকে দেখিয়া কি চিন্তা করিতেছেন, একরূপ সময়ে দ্বারদেশে একজন তরুণ রাজপুত্র যোদ্ধা অশ্ব হইতে অবতরণ করিলেন । পুষ্প তুলিতে তুলিতে রাজপুত্রকুমারী সেই দিকে চাভিলেন,—সহসা শিহরিয়া উঠিলেন,—সে দিক হইতে আর নয়ন ফিরাইতে পারিলেন না ।

রাজপুত্র যোদ্ধাও সেই পুষ্পাদ্যানে সেই রাজপুত্রবালাকে পুনরায় দেখিতে পাইলেন । এক দিন নির্মাণে যাহার রূপ দেখিয়া বিমোহিত হইয়াছিলেন, এক দিন প্রভাতে যাহার পবিত্র কণ্ঠে প্রিয় কণ্ঠমালা পরাইয়া দিয়াছিলেন, যুদ্ধে ও সঙ্কটে, শিবিরে ও সৈন্য মধ্যো যাহার চিন্তা মনো মনো যোদ্ধার হৃদয়ে জাগরিত হইয়াছে, নির্মাণে, স্বপ্নযোগে যাহার কমনীয় লজ্জারঞ্জিত মুখখানি সর্বদাই যোদ্ধার সঙ্গুখে উদয় হইয়াছে, অদ্য বহুদিন পর সেই আনন্দনীয় রূপলাবণ্য, সেই লজ্জারঞ্জিত মুখখানি দেখিয়া রঘুনাথ কণেক বাক্যশূন্য ও নিশ্চেষ্ট হইয়া রহিলেন ।

চন্দ্র ! রঘুনাথ ও সরযুর উপর সুধাবর্ষণ কর, তুমি নিশীথে জাগরণ করিয়া সকল দেখিতে পাও, কিন্তু জগতে এরূপ দৃশ্য আর দেখে নাই। তরুণ বয়সে যখন মন প্রথম প্রণয়োল্লাসে উৎফুল্ল হয়, যখন নবজাত চন্দ্রকরের স্তায় নবজাত প্রণয়ের আনন্দ-হিলোল মানস-জগতে গড়াইতে থাকে, যখন যৌবনের প্রথম প্রণয়ে সমস্ত জগৎ সিক্ত করে, আকাশও মেদিনী প্রাবিত করে, তখনই যেন এ জগতে ইন্দুপুরী অবতীর্ণ হয় ! ঋণেক পর সরযুবালা অবনতমুখী হইয়া মন্দিরে প্রবেশ করিলেন, ও পিতাকে এই রঘুনাথজীর আগমনের সংবাদ দিলেন। জনার্দন দেবও বহু সন্মান সহকারে শিবজীর দূতকে আহ্বান করিলেন।

সন্ধ্যার সময় রঘুনাথ পুরোহিতের সম্মুখে উপবেশন করিয়া সমস্ত সমাচার জ্ঞাত করাইলেন। সাংস্কার্য পরাস্ত হইয়া দিল্লী প্রত্যাবর্তন করিয়াছেন, শিবজী রাজ-গড়ে যাওয়া রাজ-উপাধি গ্রহণ করিয়াছেন, দেশশাসনের সুন্দর বন্দোবস্ত করিতেছেন। কিন্তু দিল্লীর সম্রাট শিবজীকে জয় করিবার জন্য অম্বরাদিপতি মহাপরাক্রান্ত রাজা জয়সিংহকে প্রেরণ করিতেছেন, তাহা শুনিয়া মহারাত্ররাজ চিন্তিত হইয়াছেন। মহারাত্ররাজ সম্ভবতঃ রাজা জয়সিংহের সহিত সন্ধিস্থাপন করিবেন, এবং সেই কার্য সম্পাদনার্থ অম্বর দেশীয় শাস্ত্রজ্ঞ জনার্দন দেবকে স্বরণ করিয়াছেন। রাজার আজ্ঞায় রঘুনাথ পুরোহিতকে লইতে আসিয়াছেন, শিবিকাদি প্রস্তুত আছে। যদি পুরোহিত মহাশয়ের সুবিধা হয়, দুই চারি দিনের মধ্যেই রাজগড় গমন করিলে ভাল হয়, রাজা এইরূপ আজ্ঞা দিয়াছেন।

ঘরের একপার্শ্বে সরযুবালা আহারের আয়োজন করিতেছিলেন, পাঠককে বলা বাহুল্য যে এ কথাগুলি সমস্ত সরযুর কাণে উঠিল। পিতা রাজধানীতে যাইবেন? রাজাদেশে এই তরুণ যোদ্ধা আমাদিগকে লইতে আসিয়াছেন?—সরযুর হৃদয় নৃত্য করিয়া উঠিল, হস্ত হইতে জলের পাত্র পড়িয়া গেল, লজ্জাবনতমুখী পুলকিত-গাত্রী সরযুবালা ঘর হইতে নিজ্রাস্ত হইল।

তখন রঘুনাথ অনেকক্ষণ ধরিয়া ধীরে ধীরে জনার্দন দেবের সহিত কি কথা কহিতে লাগিলেন। আপনার দেশের কথা কহিলেন, জাতিকুলের পরিচয় দিলেন, পিতামাতার পরিচয় দিলেন, জনার্দনকে পিতা বলিয়া সম্বোধন করিতে লাগিলেন। জনার্দনও রঘুনাথের উন্নত কুলের পরিচয় পাইয়া এবং যুবকের বীণ্য সৌন্দর্য্যগুণ ও বিনয় আলোচনা করিয়া তুষ্ট হইলেন, এবং রঘুনাথকে পুত্র বলিয়া সম্বোধন করিলেন। রঘুনাথের আহারের সময় হইয়াছে, সরযু সমস্ত প্রস্তুত করিয়াছেন। বৃদ্ধ জনার্দন গাত্রোথান করিয়া হুটুচিঙে রঘুনাথকে আলিঙ্গন করিয়া বলিলেন,—বৎস রঘুনাথ, এখন আহার করিতে বইস। আজ তোমার পরিচয় পাইয়া বড় তুষ্ট হইলাম, তোমার বংশ আমার অপরিচিত নহে, তোমার গুণও বংশোচ্চিত। মা, সরযুকে আমি কন্যা বলিয়া গ্রহণ করিয়াছি, তোমাকেও আজি পুত্র বলিয়া গ্রহণ করিলাম। আর যদি ভগবান করেন, এই যুদ্ধশেষে তোমার স্তায় উপযুক্ত পাত্রে সরযুকে সমর্পণ করিতে পারি, তাহা হইলে নিশ্চিত হইয়া এই মানবলীল্য-সম্বরণ

করিব । জগদীশ্বর তোমাকে ও মা সরযুকে সুখে রাখুন ।

এই কথা শুনিয়া রঘুনাথের চক্ষুতে জল আসিল, ধীরে ধীরে পুরোহিতের চরণতলে প্রণত হইয়া কহিলেন,—পিতা, আশীর্বাদ করুন যেন এ দরিদ্র সৈনিক আপনার অভিলাষ পূর্ণ করিতে পারে । রঘুনাথ দরিদ্র হাবিলদার মাত্র, এক্ষণে তাহার নাম নাই, সূর্য নাই, পদ নাই । কিন্তু 'জগদীশ্বর সহায় হউন, পিতা আশীর্বাদ করুন, রঘুনাথ এ অমূল্য রত্ন লাভ করিতে যত্নবান হইবে ।

এ আনন্দময়ী কথা সরযুবালার কাণে পৌঁছিল, বায়ু-তীড়িত পত্রের স্থায় তাঁহার দেহলতা কম্পিত হইতেছিল ।

সে দিন রঘুনাথ কিছুই আহার করিতে পারিলেন না, আরক্তমুখী সরযুও ভাল করিয়া আহার করাইতে পারিলেন না ।

ত্রয়োদশ পরিচ্ছেদ ।

রাজগড় যাত্রা ।

দেখিব যেনে স্বপ্ন জাগি হে হৃৎনে ।

মধুসূদন ৬৩ ।

যাত্রার আয়োজন করিতে পাঁচ সাত দিন বিলম্ব হইল । রঘুনাথ পুরোহিতের আলায়েই অবস্থান করিতে লাগিলেন । প্রাতঃকালে ও সন্ধ্যার সময় সরযুকে উঠানে ফুল তুলিতে দেখিতেন, মধ্যাহ্নে ও অপরাহ্নে সরযুর প্রিয় হস্ত হইতে আহার গ্রহণ করিতেন । এ পাঁচ সাত দিনের মধ্যে

রঘুনাথ সাহস করিয়া সরযুর সহিত কথা কহিতে পারিলেন না । সরযুকে দেখিলেই রঘুনাথের হৃদয় সজোরে আঘাত করিত, কুমারীও অবগুণ্ঠন টানিয়া সরিয়া যাইতেন ।

তোষণ হুগ হইতে রাজগড় যাত্রা কালে সরযুর শিবিকার সঙ্গে সঙ্গে একজন অশ্বারোহী চলিত, পর্বত-পথে, বা জঙ্গলে, বৃক্ষশূণ্য ময়দানে বা নদীতীরে, সে অশ্বারোহী মুহূর্ত্তের জন্তুও শিবিকা হইতে দূরে যাইত না । নিশীথে যখন সরযু সহ-চরীর সহিত সামান্ত কোন মন্দিরে, দোকানে বা ভদ্র-গৃহে আশ্রয় গ্রহণ করিতেন, রজনীতে সময়ে সময়ে একজন অনিদ্র যোদ্ধা বসি হস্তে তথায় পদচালন করিত ।

নারী যাত্রাই এ সকল বিষয় বুঝিতে পারে, এ সকল বিষয় দেখিতে পায় । পুরুষের যত্ন, পুরুষের আগ্রহ, পুরুষের হৃদয়ের আবেগ নারীর চক্ষুতে গোপন থাকে না । সরযু শিবিকার ভিতর হইতে সেই অবিশ্রান্ত অশ্বারোহীকে দেখিতেন, নিশীথে সেই অনিদ্র যোদ্ধাকে দেখিতেন । সেই দেব-বিনিমিত আকৃষ্ণ দেখিতে দেখিতে সরযুর নয়ন ঝলসিত হইল, সেই হৃৎমনীয় আগ্রহচিহ্ন দেখিয়া সরযুর হৃদয় আনন্দ, প্রেম ও উদ্বেগে প্রাবৃত হইল ।

সন্ধ্যার সময় যখন সরযু সেই যোদ্ধাকে ভোজন করাইতে আসিতেন, মৌনাবলম্বী যোদ্ধার দর্শনে সরযু অবনতমুখী হইতেন, ভাল করিয়া আহার করাইতে পারিতেন না । প্রাতঃকালে শিবিকায় আরোহণের সময় যখন সরযু সেই যোদ্ধাকে অশ্বপৃষ্ঠে উপবিষ্ট দেখিতেন,

তাঁহার গ্লান মুখমণ্ডল হইতে সরষু সহজে নয়ন ফিরাইতে পারিতেন না ।

কয়েক দিন এইরূপে ভ্রমণান্তর সকলে রাজগড়ে উপস্থিত হইলেন । জনার্দন সন্ধ্যার সময় দুর্গের নীচে একটা গ্রামে উপস্থিত হইয়া মহারাষ্ট্রীয়-রাজের নিকট সমাচার পাঠাইলেন, রাজার অনুমতি হইলে পরদিবস দুর্গে প্রবেশ করিবেন ।

সেই দিন রজনীতে আহাৰাদি প্রস্তুত করিতে কিছু বিলম্ব হইল । জনার্দন কিছু জলযোগ করিয়া শয়ন করিতে যাইলেন, রাত্রি এক প্রহরের সময় সরযুবালা রঘুনাথকে ভোজন করাইলেন ।

ভোজনান্তে রঘুনাথ অশ্রুদিনের শ্রায় গৃহ হইতে বহিষ্কৃত হইলেন না, ক্ষণেক ইতস্ততঃ করিতে লাগিলেন । অনেকক্ষণ পর যেখানে সরযু একাকী বসিয়াছিলেন, তথায় ধীরে ধীরে যাইয়া নতশীরে দণ্ডায়মান হইলেন । হৃদয়ের উদ্বেগ দমন করিয়া স্থিরস্বরে কহিলেন,—দেবি, এক্ষণে আমাকে বিদায় দিন ।

রঘুনাথের উচ্চারিত এই কথাগুলি যেন ভূষিণের পক্ষে বারি ধারার শ্রায় সরযুর কাণে লাগিল । সরযুর হৃদয় নাচিয়া উঠিল, সরযু আরক্ত মুখ নত করিয়া ক্ষণেক দণ্ডায়মান হইলেন ।

রঘুনাথ পুনরায় বলিলেন,—দেবি বিদায় দিন, কল্যাণ আপনারা রাজপ্রাসাদে যাইবেন, এ দরিদ্র সৈনিক পুনরায় নিজ কার্যে যাইতে বাসনা করে ।

এ কথা শুনিয়া সরযু লজ্জা বিস্মৃত হইলেন, নয়ন স্বয়ে জল মুছিয়া নারীর মমতা-পূর্ণ স্বরে বলিলেন,—আপনি আমাদিগের

জন্ত যে যত্ন করিয়াছেন, পিতার জন্ত, আমার জন্ত যে পরিশ্রম করিয়াছেন, তাহার জন্ত ভগবান্ আপনাকে যুদ্ধে জয়ী করুন, আপনার মনস্কামনা পূর্ণ করুন । আমরা সে যত্নের কি প্রতিদান করিতে পারি ?

রঘুনাথ বিনীত স্বরে উত্তর দিলেন,—রাজাদেশে আপনাদিগকে রাজগড়ে নিরাপদে আনিতে পারিয়াছি এটা আমার পরম ভাগ্য, ইহাতে আমার কিছু শঙ্কণ নাই । তথাপি দরিদ্র সৈনিকের যত্নে যদি তুষ্টি হইয়া থাকেন, তবে,—তবে,—এ দরিদ্র সৈনিককে বিস্মৃত হইবেন না ।

কথাটা সরষু বুঝিলেন, মুখখানি অবনত করিলেন । রঘুনাথ তখন সাহস পাইয়া, লজ্জা বিস্মরণ করিয়া কহিতে লাগিলেন,—এ দরিদ্র সৈনিক যদি উচ্চ আশা করিয়া থাকে, আপনি অপরাধ লইবেন না । আপনার পিতা প্রসন্ন চক্ষুতে আমার প্রতি দৃষ্টি করিয়াছেন, ভরসা করি আপনিও আমার প্রতি অপ্রসন্ন হইবেন না । যদি ভগবান্ আমার মনোবাঞ্ছা পূর্ণ করেন, যদি জীবনের চেষ্টা ও আশা ফলবতী হয়, তবে একদিন মনের কথা বলিব, সে পর্য্যন্ত এ দরিদ্র সৈনিকে এক একবার স্মরণ পথে স্থান দিবেন ।

বিনীত ভাবে বিদায় লইয়া রঘুনাথ চলিয়া গেলেন । সরযু একদণ্ড কাল সেই পথ চাহিয়া রহিলেন, মনে মনে কি চিন্তা করিতে লাগিলেন । দ্বিপ্রহর রজনীর সময় একটা দীর্ঘশ্বাস ত্যাগ করিয়া মনে মনে বলিলেন,—সৈনিক শ্রেষ্ঠ ! তুমি চিরকাল এ দাসীর স্মরণ পথে আগ্রিত থাকিবে, ভগবান্ সাক্ষী থাকিবেন ।

চতুর্দশ পরিচ্ছেদ ।

রাজা জয়সিংহ ।

নরকুলোত্তম ভূমি—

বিষ্ণু! বুদ্ধি, বাহবলে অতুল ভগতে ।

মধুসূদন দত্ত ।

পূর্বেই বলা হইয়াছে যে আরংজীব সায়েস্তাখাঁ ও যশোবন্তসিংহ উভয়কেই অ-কর্মণ্য বিবেচনা করিয়া তাঁহাদিগকে ডাকা-ইয়া পাঠাইয়াছিলেন, ও নিজ পুত্র সুলতান মোয়াজ্জীমকে দক্ষিণে প্রেরণ করেন। এবং তাঁহার সহায়তার জন্ত যশোবন্তকে পুনরায় প্রেরণ করেন। তাঁহারাও বিশেষ ফললাভ করিতে না পারায় সম্রাট অবশেষে তাঁহাদিগকে স্থানান্তরিত করিয়া অম্বরাধি-পতি প্রসিদ্ধনামা রাজা জয়সিংহ ও তাঁহার সহিত দিলওয়ারখাঁ নামক একজন বিক্রম-শালী আফগান সেনাপতিকে দক্ষিণে প্রেরণ করিলেন। ১৬৬৫ খৃঃ অব্দের চৈত্র-মাসের শেষযোগে জয়সিংহ পুনায় উপস্থিত হইলেন। সায়েস্তাখাঁর আয় নিরুৎসাহ হইয়া বসিয়া না থাকিয়া তিনি দিলওয়ার-খাঁকে পুরন্দর দুর্গ আক্রমণ করিতে আদেশ করিলেন, এবং স্বয়ং সিংহগড় বেটন করিয়া রাজগড় পর্যন্ত সৈন্তে অগ্রসর হইলেন।

শিবজী হিন্দু-সেনাপতির সহিত যুদ্ধ করিতে পরাজুথ, বিশেষ জয়সিংহের নাম, সৈন্তসংখ্যা, তীক্ষ্ণবুদ্ধি ও দোর্দণ্ডপ্রতাপ তাঁহার নিকট অবিভূতি ছিল না। সেরূপ পরাক্রান্ত সেনাপতি বোধ হয় সম্রাট আরংজীবের আর কেহই ছিলেন না। তাৎক্ষণিক ফারসী ভ্রমণকারী বেণীয়ে

লিখিয়া গিয়াছেন যে, সমগ্র ভারতবর্ষে জয়সিংহের আয় বিচক্ষণ, বুদ্ধিমান, দূরদর্শী লোক আর একজনও ছিলেন না। শিবজী প্রথম হইতেই ভয়োদায় হইলেন, ও বার বার জয়সিংহের নিকট সন্ধিপ্রস্তাব পাঠাইতে লাগিলেন, কিন্তু তীক্ষ্ণবুদ্ধি জয়সিংহ প্রথমে এ সমস্ত প্রস্তাব বিশ্বাস করিলেন না। অবশেষে শিবজীর বিশ্বস্ত যন্ত্রী রঘুনাথপন্ত আয়শাস্ত্রী দূতবেশে জয়সিংহের নিকট আসিলেন, ও রাজাকে বিশেষ করিয়া বুঝাইলেন, যে শিবজী রাজা জয়সিংহের সহিত চতুরতা করিতেছেন না, তিনিও ক্ষত্রিয়, ক্ষত্রোচিত সম্মান তিনি জানেন! শাস্ত্রজ্ঞ ব্রাহ্মণের এই সত্যবাক্য রাজা জয়সিংহ বিশ্বাস করিলেন, তখন ব্রাহ্মণের হস্তধারণ করিয়া বলিলেন,— দ্বিজবর! আপনার বাক্যে আমি আশ্বস্ত হইলাম। রাজা শিবজীকে জানাইবেন যে, দিল্লীর সম্রাট তাঁহার বিদ্রোহচরণ মার্জনা করিবেন, পরন্তু তাঁহাকে যথেষ্ট সম্মান করিবেন, সেজন্ত আমি বাক্যদান করিতেছি। আপনার প্রভুকে বলিবেন, আমি রাজপুত, রাজপুতের বাক্য অশ্রুথা হয় না।

ইহার কয়েক দিন পর বর্ষাকালে রাজা জয়সিংহ আপন শিবেরে সভার মধ্যে বসিয়া রহিয়াছেন, একজন প্রহরী আসিয়া সংবাদ দিল,—মহারাজের জয় হউক! রাজা শিবজী স্বয়ং বহির্দ্বারে দণ্ডায়মান রহিয়াছেন, মহারাজের সহিত সাক্ষাৎ প্রার্থনা করিতেছেন।

সভাসদ সকলে বিস্মিত হইলেন, রাজা জয়সিংহ স্বয়ং শিবজীকে আহ্বান করিতে শিবিরের বাহিরে যাইলেন। বহু সমাদর-

পূর্ব ঠাঁহাকে আহ্বান ও আলিঙ্গন করিয়া শিবিরভ্যন্তরে আনিলেন ও রাজ-গদিতে আপনার দক্ষিণদিকে বসাইলেন ।

শিবজীও এইরূপ সমাদর পাইয়া যথেষ্ট সম্মানিত হইলেন । রাজা জয়সিংহ ক্রণেক মিষ্টালাপ করিয়া অবশেষে বলিলেন,—রাজন ! আপনি আমার শিবিরে আসিয়া আমাকে সম্মানিত করিয়াছেন, এই শিবির আপন গৃহের ত্রায় বিবেচনা করিবেন ।

শিবজী । রাজন ! এ দাস কবে আপনার আজ্ঞাপালনে বিমুখ ? রঘুনাথ-পুত্র দ্বারা আপনি দাসকে আসিতে আদেশ করিয়াছিলেন, দাস উপস্থিত হইয়াছে । আপনার মহৎ আচরণে আমিই সম্মানিত হইয়াছি ।

জয়সিংহ । হাঁ রঘুনাথ ত্রায়শাস্ত্রীকে যাহা বলিয়াছিলাম তাহা স্মরণ আছে ! রাজন ! আমি যাহা বলিয়াছিলাম তাহা করিব, দিল্লীর আপনার বিদ্রোহাচরণ মার্জনা করিবেন, আপনাকে রক্ষা করিবেন, আপনাকে যথেষ্ট সম্মান করিবেন, এ বিষয়ে আমি বাক্যদান করিয়াছি, রাজপুত্রের কণা অন্তণা হয় না ।

এইরূপে ক্রণেক কণোপকথনের পর সভান্তর হইল, শিবিরে শিবজী ও জয়সিংহ ভিন্ন আর কেহই রহিল না । তখন শিবজী কপট আনন্দ-চিহ্ন ত্যাগ করিলেন, হস্তে গণ্ডস্থল স্থাপন করিয়া চিন্তা করিতে লাগিলেন, জয়সিংহ দেখিলেন, ঠাঁহার চক্ষে জল ।

জয়সিংহ । রাজন ! আপনি যদি আত্মসমর্পণ করিয়া ক্ষুণ্ণ হইয়া থাকেন, সে খেদ মিশ্রয়োজন । আপনি বিশ্বাস

করিয়া আমার নিকটে আসিয়াছেন, রাজপুত্র বিশ্বস্তের উপর হস্তক্ষেপ করিবে না । অদ্যই রজনীতে আমার অশ্বশালা হইতে অশ্ব বাছিয়া লউন, পুনরায় প্রস্থান করুন । আপনি নিরাপদে আসিয়াছেন, নিরাপদে যাইবেন, আমার আদেশে কোনও রাজপুত্র আপনার উপর হস্তক্ষেপ করিবেন না । পরে যুদ্ধে জয়লাভ করিতে পারি ভাল, না পারি ক্ষতি নাই, কিন্তু কৃত্রিমধর্ম কদাচ বিস্মৃত হইব না ।

শিবজী । মহারাজ ! ভবাদৃশ লোকের নিকট পরাজয়স্বীকার করিয়া আত্মসমর্পণ করিয়াছি, তাহাতে খেদ নাই । বাল্যকাল অবধি যে হিন্দুধর্মের জন্ত, যে হিন্দুগৌরবের জন্ত চেষ্টা করিয়াছি, সে মহৎ উদ্যম, সে উন্নত উদ্দেশ্য শেষ হইল, সেই চিন্তায় হৃদয় বিদীর্ণ হইতেছে । কিন্তু সে বিষয়েও মন স্থির করিয়াই আপনার শিবিরে আসিয়াছিলাম, সেজন্তও এখন খেদ করিতেছি না ।

জয়সিংহ । তবে কিজন্ত ক্ষুণ্ণ হইয়াছেন ?

শিবজী । বাল্যকাল হইতে আপনাদের গৌরব-গীত গাঁইতে ভালবাসিতাম, অদ্য দেখিলাম যে গীত মিথ্যা নহে, জগতে যদি মাহাত্ম্য, সত্য, ধর্ম থাকে তবে রাজপুত্র-শরীরে আছে । এ রাজপুত্র কি যবনের ধীনতা স্বীকার করিবেন ? মহারাজা জয়সিংহ কি যবন আরজীবের সেনাপতি ?

জয়সিংহ । ক্ষত্রিয়রাজ ! সেটা প্রকৃত হৃৎখের কারণ । কিন্তু রাজপুত্রের সহজে অধীনতা স্বীকার করেন নাই, যত দিন সাধ্য দিল্লীর সহিত যুদ্ধ করিয়াছিল, বিধির নিকর্ষে পরাধীন হইয়াছে । মেওয়ারের বীর-প্রবর প্রাতঃস্মরণীয় প্রতাপ অসাধ্য-সাধনেরও বন্দ করিয়াছিলেন, কিন্তু ঠাঁহার সন্ততিও

দিল্লীর করপ্রদ, এ সমস্ত বোধ হয় মহাশয় অবগত আছেন ।

শিবজী । আছি । সেই জন্তই জিজ্ঞাসা করিতেছি, ঠাঁহাদের সহিত আপনাদিগের এত দিনের বৈরভাব, ঠাঁহাদের কার্যে আপনি এরূপ মন্বর্শাল কি জন্ত ?

জয়সিংহ : যখন দিল্লীশ্বরের সেনাপতিত্ব গ্রহণ করিয়াছি, তখন ঠাঁহার কার্য-সিদ্ধির জন্ত সত্যদান করিয়াছি । যে বিষয়ে সত্যদান করিয়াছি তাহা করিব ।

শিবজী । সকলের নিকট সকল সময় কি সত্য পালনীয় ? ঠাঁহারা আমাদের দেশের শত্রু, দুর্গের বিরুদ্ধাচারী, ঠাঁহাদের সহিত সত্য সম্পর্ক কি ?

জয়সিংহ । আপনি ক্ষত্রিয় হইয়া একথা জিজ্ঞাসা করিতেছেন ? রাজপুত্রকে একথা জিজ্ঞাসা করিতেছেন ? রাজপুত্রের ইতিহাস পাঠ করুন, তাহারা বহুশত বৎসর মুসলমানদিগের সহিত যুদ্ধ করিয়াছে, কখনও সত্য লঙ্ঘন করে নাই । কখন জয়লাভ করিয়াছে, অনেক সময়ে পরাস্ত হইয়াছে, কিন্তু জয়ে পরাজয়ে, সম্পদের বিপদে সর্বদা সত্যপালন করিয়াছে । এখন আমাদের সে গৌরবের স্বাধীনতা নাই, কিন্তু সত্যপালনের গৌরব আছে । দেশে, বিদেশে, মিত্রমণ্ডো, শত্রুমণ্ডো, রাজপুত্রের নাম গৌরবাম্বিত ! ক্ষত্রিয়েরা চৌডরময় বন্দদেশ জয় করিয়াছিলেন, মানসিংহ কাবুল হতে উড়িয়া পলায়িত দিল্লীশ্বরের নিজমপত্রাক। উড়াইয়াছিলেন, কেহ কখনও জন্ত বিধাদেশক বিরুদ্ধাচরণ করেন নাই, মুসলমান সম্রাটের নিকট যত্ন সত্য করিয়াছিলেন তাহা পালন করিতে ক্রটি করেন নাই । মহারাষ্ট্ররাজ ! রাজ-

পুত্রের কথাই সন্ধিপত্র, অনেক সন্ধিপত্র লঙ্ঘন হইয়াছে, রাজপুত্রের কথা লঙ্ঘন হয় নাই !

শিবজী । মহারাজ যশোবন্তসিংহ হিন্দুধর্মের একজন প্রধান প্রেরী, তিনি মুসলমানের জন্ত হিন্দুর বিরুদ্ধে যুদ্ধ করিতে অস্বীকার করিয়াছিলেন ।

জয়সিংহ । যশোবন্ত বীরশ্রেষ্ঠ, যশোবন্ত হিন্দুধর্মের প্রেরী, সন্দেহ নাই । ঠাঁহার মাড়ওয়ারদেশ মরুভূমিময়, ঠাঁহার মাড়ওয়ারী সেনা অপেক্ষা কঠোর জাতি ও সাহসী সেনা জগতে নাই । যদি যশোবন্ত সেই মরুভূমিতে বেষ্টিত হইয়া সেই সেনার সাহায্যে হিন্দুস্বাধীনতা রক্ষার যত্ন করিতেন, আমি তাহাকে সাধুবাদ করিতাম । যদি জয়ী হইয়া আরাজীবকে পরাস্ত করিয়া দিল্লীতে হিন্দুপতাকা উড়ান করিতেন, আমি তাহাকে সম্রাট বলিয়া সম্মান করিতাম । অথবা যদি যুদ্ধে পরাস্ত হইয়া স্বদেশ ও স্বধর্ম রক্ষার্থে সেই মরুভূমে প্রাণত্যাগ করিতেন, আমি তাহাকে দেবতা বলিয়া পূজা করিতাম । কিন্তু যে দিন তিনি দিল্লীশ্বরের সেনাপতি হইয়াছেন, সেই দিন তিনি মুসলমানের কার্যসিদ্ধিরে ত্রুতী হইয়াছেন । এত গ্রহণ করিয়া তাহা লঙ্ঘন করা ক্ষমোচিত কার্য হয় নাই, যশোবন্ত কলঙ্ক আপন যশোরশি মান করিয়াছেন । তিনি সিপ্রানদীতীরে আরাজীবের নিকট পরাস্ত হইয়া অবশি আরাজীবের অভিশয় বিবেচনা, নচেৎ তিনি এ গর্হিত কার্য করিতেন না ।

চতুর শিবজী দেখিলেন, জয়সিংহ যশোবন্তসিংহ নহেন । কণেক পর আবার বলিলেন,—হিন্দুধর্মের উন্নতি চেষ্টা কি

গর্হিত কার্য্য ? হিন্দুকে ভ্রাতা মনে করিয়া সহায়তা করা কি গর্হিত কার্য্য ?

জয়সিংহ । আমি তাহা বলি নাই । যশোবন্ত কেন আরংজীবের কার্য্য ত্যাগ করিয়া জগতের সাক্ষাতে, ভগবানের সাক্ষাতে আপনার সহিত যোগ দিলেন না ? আপনি যে রূপ স্বাধীনতার চেষ্টা করিতেছেন, তিনি সেইরূপ করিলেন না কি জন্ত ? সম্রাটের কার্য্যে থাকিয়া গোপনে বিরুদ্ধাচরণ করা কপটাচরণ । ক্ষত্রিয়রাজ ! কপটাচরণ ক্ষত্রোচিত কার্য্য নহে ।

শিবজী । তিনি আমার সহিত প্রকাণ্ডে যোগ দিলে দিল্লীধর ঐশ্বর্য্য সেনাপতি পাঠাইতেন, সম্ভবতঃ আমার উভয়ে পরাস্ত ও হত হইতাম ।

জয়সিংহ । যুদ্ধে মরণ ক্ষত্রিয়ের নৌ-ভাগ্য । কপটাচরণ ক্ষত্রিয়ের অবমাননা ।

শিবজীর মুখ আরক্ত হইল, তিনি বলিলেন,—রাজপুত্র ! মহারাষ্ট্রীয়েরাও যত্না ভয় করে না, যদি এই অকিঞ্চিৎকর জীবন দান করিলে আমরা উদ্দেশ্য-সাধন হয়, হিন্দু-স্বাধীনতা হিন্দু-গৌরব পুনঃস্থাপিত হয়, তবে ভবানীর সাক্ষাতে এই মুহূর্ত্তে এই বক্ষঃস্থল বিদীর্ণ করিতে পারি । অথবা রাজপুত্র, আপনি অব্যর্থ বর্ষা পারল করুন, এই হৃদয়ে আঘাত করুন, সহাস্রবদনে প্রাণত্যাগ করি । কিন্তু যে হিন্দু-গৌরবের বিদয় দ্বাদশকালে স্বপ্ন দেখিতাম, বাহার জন্ত শত যুদ্ধ গুলিলাম, শত শত্রুকে পরাস্ত করিলাম, এই বিশ বৎসর পর্ত্তে, উপত্যকায়, শিবিরে, শত্রুমধ্যে নিবসে, সায়ংকালে গভীর নিশীথে, চিন্তা করিয়াছি, সে গৌরব ও স্বাধীনতার আশা ত্যাগ করিতে হৃদয়ে বাধা লাগে । যুদ্ধে প্রাণ দিলে কি সে স্বাধীনতা রক্ষা হইবে ?

জয়সিংহ শিবজীর তেজস্বী কথা গুলি শ্রবণ করিলেন, চক্ষুতে জল দেখিলেন, কিন্তু পূর্ব্ববৎ স্থিরভাবে উত্তর করিলেন,—সত্য-পালনে যদি সনাতন হিন্দুধর্ম্মের রক্ষা না হয়, সত্য-লঙ্ঘন হইবে ? বাঁয়ের শোণিতে যদি স্বাধীনতা-বীজ অঙ্কুরিত না হয়, তবে বাঁয়ের চাতুরীতে হইবে ?

শিবজী পরাস্ত হইলেন । অনেকক্ষণ পর পুনরায় ধীরে ধীরে বলিলেন,—মহা-রাজ ! আমি আপনাকে পিতৃতুল্য জ্ঞান করি, আপনার জায় ধর্ম্মজ্ঞ, তীক্ষ্ণবুদ্ধি যোদ্ধা আমি কখনও দেখি নাই, আমি আপনার পুত্র তুল্য, একটা কথা জিজ্ঞাসা করিব, আপনি পিতৃতুল্য সম্পরামর্শ দিন । আমি বাণ্যকালে মগন কক্ষণ-প্রদেশের অসংখ্য পদত ও উপত্যকায় ভ্রমণ করিতাম, আমার হৃদয়ে চিন্তা আসিত, স্বপ্ন উদ্ভিত হইত । ভাবিতাম যেন সাক্ষাৎ ভবানী আনাকে স্বাধীনতা স্থাপনের জন্ত আদেশ করিতেছেন, যেন দেবালয়ের সংখ্যা বৃদ্ধি করিতে, ব্রাহ্মণদিগের সম্মান বৃদ্ধি করিতে, গোবৎসাদি রক্ষা করিতে, ধর্ম্মবিরোধী মুসলমানদিগকে দূর করিতে দেবী সাক্ষাৎ উত্তেজনা করিতেছেন । আমি বালাক ছিলাম, সেই স্বপ্নে ভুলিলাম, সদর্পে গজা গ্রহণ করিলাম, বীরশ্রেষ্ঠদিগকে জড় করিলাম, জর্গ অধিকার করিতে লাগিলাম ! সৌবনেও সেই স্বপ্ন দেখিয়াছি, হিন্দুনাগের গৌরব, হিন্দুধর্ম্মের প্রাধান্য, হিন্দুস্বাধীনতা সংস্থাপন ! সেই স্বপ্ন বলে দেশ জয় করিয়াছি, শত্রু জয় করিয়াছি, রাজ্য বিস্তার করিয়াছি, দেবালয় স্থাপন করিয়াছি ! ক্ষত্রিয়রাজ ! আমার এ উদ্দেশ্য কি মন্দ ? এ স্বপ্ন কি অলীক

স্বপ্নমাত্র ? আপনি পুত্রকে উপদেশ দিন ।

বহুদূরদর্শী ধর্মপরায়ণ রাজা জয়সিংহ কণেক নিস্তক হইয়া রহিলেন, পরে গভীরস্বরে দীর্ঘে দীর্ঘে বলিলেন, — রাজন্ ! আপনার উদ্দেশ্য অপেক্ষা মহত্তর উদ্দেশ্য আমি জানি না, আপনার স্বপ্ন অপেক্ষা প্রকৃত আর কিছুই আমি জানি না । শিবজী ! আপনার মহৎ উদ্দেশ্য আমার নিকটে অবিন্দিত নাহি, আমি, শত্রুর নিকট, মিত্রের নিকটে আপনার উদ্দেশ্যের প্রশংসা করিয়াছি, পুত্র রাম সিংহকে আপনার উদ্যোগ দেখাইয়া শিক্ষা দিয়াছি, রাজপুত্রস্বাধীনতার গোঁরব এখনও বিস্মৃত হয় নাহি । আর শিবজী ! আপনার স্বপ্নও স্বপ্ন নহে, চারিদিকে যত দেখি, মনে মনে চিন্তা করি, বোধ হয় মোগল রাজ্য আর থাকে না, যন্ন, চেষ্টা, সকলই বিফল ! মুসলমান-রাজ্য কলঙ্কবাপিতে পূর্ণ হইয়াছে, বিলাসপ্রিয়তায় উজ্জরিত হইয়াছে, হিন্দু প্রতি অভ্যাচারে শাপগ্রস্ত হইয়াছে, পতনোন্মুখ গৃহের ছায় আর দাঁড়াইতে পারে না । শীঘ্র কি বিলম্বে এই প্রাসাদ তুল্য মোগল রাজ্য বোধ হয় পুলিসাৎ হইবে, তাহার পর পুনরায় হিন্দুর প্রধাত্য । মহারাষ্ট্রীয় জীবন আকরিত হইতেছে, মহা-রাষ্ট্রীয় মৌরব-ওরে বোধ হয় ভারতবর্ষ দাবিত হইবে । শিবজী ! আপনার স্বপ্ন স্বপ্ন নহে, ভবানী আপনাকে মিথ্যা উদ্ভে-জনা করেন নাহি ।

উৎসাহে জানন্দে শিবজীর শরীর কণ্ট-কিত হইয়া উঠিল । তিনি পুনরায় জিজ্ঞাসা করিতেন, — তবে ভবাদৃশ মহাত্মা সেই পতনোন্মুখ মোগল-প্রাসাদের একমাত্র স্তম্ভ স্বরূপ বৃদ্ধিযাছেন কি জন্ত ?

জয়সিংহ : সত্যপালন ক্ষত্রিয়ধর্ম, যাহা সত্য করিয়াছি তাহা পালন করিব । কিন্তু অসাধ্য-সাধন হয় না, পতনোন্মুখ গৃহ পতিত হইবে ।

শিবজী । ভাল, সত্যপালন করুন, কপটাচারী আরংজীবের নিকটও আপনার বন্দোবস্ত দেখিয়া দেবতারাও বিস্মিত হইয়া আপনার সাধুবাদ কারবেন । কিন্তু আমি আরংজীবের নিকট কখনও সত্য করি নাই, আমি যদি বাকিবলে স্বদেশের উন্নতি মানবের প্রয়াস পাঠি, আরংজীবকে পরাস্ত করিতে পারি, তাহা কি নিন্দনীয় ?

জয়সিংহ : মহারাষ্ট্র ! চাতুরী যোদ্ধার পক্ষে সকল সময়ে নিন্দনীয়, বিশেষতঃ মহৎ উদ্দেশ্য-সাধনে 'চাতুরী' অধিকতর নিন্দনীয় । মহারাষ্ট্রীয়দিগের গোঁরবার্দ্ধি আননাগে, মোগল বধ তাহাদের গর্বজনক ক্রমস্বয়ং যদি পাইবে, বোধ হয় তাহারা ভারতবর্ষের আদর্শ হইবে । কিন্তু শিবজী ! অদ্য আপনি যে শিক্ষা দিতে-ছেন, সে শিক্ষা কদাচ ভুলিবে না । আমার কথায় দোষ গ্রহণ করিবেন না, অদ্য আপনি নগর লুণ্ঠন করিতে শিখাইতে-ছেন, কল্যাণ তাহারা ভারতবর্ষ লুণ্ঠন করিবে, অথ আপনি চতুরতা দ্বারা জয়লাভ করিতে শিখাইতেছেন, পরে তাহারা সম্মুখ পুঙ্ক কখনই শিখিবে না । যে জাতি অচিরে ভারতের অধীশ্বর হইবে, আপনি সেই জাতির বাণ্য শ্রুত, গুরুত্ব ছায়া ধর্ম শিক্ষা দিন । অথ আপনি মন্দশিক্ষা দিলে শতবর্ষ পর্যন্ত দেশে দেশে সেই শিক্ষার ফল দৃষ্ট হইবে । এক বহুদর্শী রাজপুত্রের কথা গ্রহণ করুন, মহারাষ্ট্রীয়দিগকে সম্মুখ-স্বপ্ন শিক্ষা দিন, চতুরতা বিস্মৃত হইতে বলুন ।

আপনি হিন্দুশ্রেষ্ঠ ! আপনার মহৎ উদ্দেশ্যে আমি শতবার ধন্যবাদ করিয়াছি, আপনি এই উন্নত শিক্ষা না দিলে কে দিবে ? মহারাষ্ট্রের শিক্ষা গুরু ! সাবধান ! আপনার প্রত্যেক কার্যের ফল বচনাল বাপী, বহুদেশবাপী হইবে !

এই মহৎবাক্য শুনিয়া শিবজী ক্ষণেক ভ্রান্তিত রহিলেন, শেষে বলিলেন, —আপনি গুরুর গুরু, আপনার উপদেশ গুলি শিরোধার্য্য। কিন্তু অণ্ড আমি আরংজীবের অধীনতা স্বীকার করিলাম, শিক্ষা কেব দিব ?

জয়সিংহ ! জয় পরাক্রমের স্থিতি নাই। অণ্ড আমার জয় হইল, কলা আপনার জয় হইতে পারে। অণ্ড আপনি আরংজীবের অধীন হইলেন, ঘটনাক্রমে কলা স্বাধীন হইতে পারেন।

শিবজী। লগদীশ্বর তাহাই কখন, কিন্তু আপনি আরংজীবের সেনাপতি থাকিতে আমার স্বাধীন হওয়ার আশা বৃথা ! স্বয়ং ভবানী হিন্দু-সেনাপতির সহিত যুদ্ধ করিতে নিষেধ করিয়াছেন।

জয়সিংহ ! জীবৎ হাসিয়া বলিলেন, — শরীর ক্ষণভঙ্গুর এ বৃদ্ধ শরীর কতদিন থাকিবে ? কিন্তু যতদিন থাকিবে, সত্য-পালনে বিরত হইবে না।

শিবজী। আপনি দীর্ঘজীবী হউন।

জয়সিংহ ! শিবজী ! এক্ষণে বিদায় দিন, আমি আরংজীবের পিতার নিকট কার্য্য করিয়াছি। এক্ষণে আরংজীবের অধীনে কার্য্য করিতেছি, যতদিন জীবিত থাকিব, দিল্লীর এ বৃদ্ধ সেনা বিদ্রোহাচরণ করিবে না। কিন্তু ক্ষত্রিয়প্রবর ! নিশ্চিন্ত থাকুন, মহারাষ্ট্রের গোরব ও হিন্দু

প্রীবাণ্ড অনিবার্য্য ! বৃদ্ধের বচন গ্রাহ্য করুন, মোগলরাজ্য আর থাকে না, হিন্দু-তেজ আর নিবারিত হয় না। অচিরে দেশে দেশে হিন্দুর গোরবনাম, আপনার গোরব নাম প্রতিধ্বনিত হইবে।

শিবজী অশ্রুপূর্ণগোচনে জয়সিংহকে আলিঙ্গন করিয়া বলিলেন, —বন্দ্যাত্মন ! আপনার যুগে পুষ্পচন্দন পড়ুক, আপনার কথাই সেন সাধক হয় ! আপনার সাহায্য করিব না, আমি আত্মসমর্পণ করিয়াছি কিন্তু যদি ঘটনাক্রমে পুনরায় স্বাধীন হইতে পারি, তবে ক্ষত্রিয়প্রবর ! আর একদিন আপনার সহিত সাক্ষাৎ করিব, আর এক দিন পিতার চরণোপাঙ্গে কস্যম উপদেশ গ্রহণ করিব।

পঞ্চদশ পরিচ্ছেদ।

দুর্গবিজয়।

সৌমিক এবং সনরতরঙ্গ

উখলিল, সিধু খখা ঘণি বায়ু সং নিখোষে।

মধুসূদন দণ্ড।

শাঘুই সন্ধি স্থাপন হইল। শিবজী মোগলদিগের নিকট হইতে যে যে দুর্গ জয় করিয়াছেন তাহা ফিরাইয়া দিলেন, বিলুপ্ত আহম্মদনগর রাজ্যের মধ্যে যে ছাত্রিশং দুর্গ অধিকার বা নিষ্কাণ করিয়াছেন, তাহার মধ্যেও বিংশটি ফিরাইয়া দিলেন, অবশিষ্ট ছাদশটিমাত্র আরংজীবের অধীনে জায়গীর স্বরূপ রাখিলেন। যে প্রদেশ তিনি সম্রাটকে দিলেন তাহার বিনিময়ে বিজয়পুর রাজ্যের অধীনস্থ কতক প্রদেশ সম্রাট শিবজীকে

দান করিলেন, ও শিবজীর অষ্টমবর্ষীয় বালক শম্ভুজী পাঁচ হাজারীর মঙ্গলদায়ক পদ প্রাপ্ত হইলেন।

শিবজীর সহিত যুদ্ধসমাপ্তির পর রাজা জয়সিংহ বিজয়পুরের রাজ্য ধ্বংস করিয়া সেই প্রদেশ দিল্লীশ্বরের অধীনে অনিবার্য করিতে লাগিলেন। শিবজীর পিতা বিজয়পুরের সহিত শিবজীর যে সাক্ষাৎপন করিয়াছিলেন, শিবজী তাহা লঙ্ঘন করেন নাই, কিন্তু শিবজীর বিপদকালে বিজয়পুরের সুলতান সাক্ষি বিস্মরণ হইয়া শিবজীর রাজ্য আক্রমণ করিতে সঙ্কচিত হইলেন নাই। সুতরাং শিবজী এক্ষণে জয়সিংহের পক্ষা বলস্বন করিয়া বিজয়পুরের সুলতান আলী আদিলশাহের সহিত যুদ্ধারম্ভ করিলেন, এবং আপন মাউলী সৈন্য দ্বারা বহুসংখ্যক ভূগর্ভস্থগত করিলেন।

জয়সিংহের সহিত শিবজীর সদ্ভাব উত্তরোত্তর বৃদ্ধি হইতে লাগিল, এবং পরস্পরের মধ্যে অতিশয় স্নেহ জন্মাইল। উভয়ে সর্বদাই একত্র থাকিতেন ও যুদ্ধে পুরস্পরের সহায়তা করিতেন। বলা বাহুল্য যে, শিবজীর একজন তুঙ্গ হাবিলদার সর্বদাই জয়সিংহের একজন পুরোহিতের সদনে যাইতেন। নাম বলিবার কি আবশ্যিক আছে ?

সরলস্বভাব পুরোহিত জনাঙ্গন ক্রমে রঘুনাথকে পুত্রবৎ দেখিতে লাগিলেন, সর্বদাই গৃহে আহ্বান করিতেন। রঘুনাথও অবসর পাইলেই সেই সরল স্বভাব পুরোহিতের নিকট আসিতেন, তাঁহার নিকট রাজস্থানের সংবাদ পাইতেন, রাজা জয়সিংহের কথা শুনিতে, স্বদেশের কথা শুনিতে। কখন কখন বা বঙ্গনী দ্বিপ্রহর

পর্যন্ত বসিয়া যুদ্ধের কথা কহিতেন, পর্বত-ভূগর্ভ আক্রমণের কথা, শত্রু-শিবির আক্রমণের কথা, জঙ্গল বা গিরিচূড়ায় ভীষণ যুদ্ধের কথা বর্ণনা করিতেন। এ সকল কথা বলিতে বলিতে যোদ্ধার নয়ন প্রজলিত হইত, স্বর কম্পিত হইত, মুগ্ধগুণ আরম্ভ হইয়া উঠিত।

যুদ্ধ জনাঙ্গন সময়ে যুদ্ধবাস্তা শুনিতে, পাশ্বের ধরে নীরবে বসিয়া সরল বালা সেই জলন্ত কথাগুলি শুনিতে, নীরবে অশ্রুজন ভাগ করিতেন, নীরবে ভগবানের নিকট সেই তুঙ্গ যোদ্ধাকে রক্ষা করিবার জন্য প্রার্থনা করিতেন। রজনী দ্বিপ্রহরের সময় কথা সাক্ষ হইত, সরলবালা আহাৰ আনিয়া দিতেন, বতস্বন রঘুনাথ আহাৰ করিতেন, সরল নীরবে সেই দেবমন্দির দিকে চাহিয়া চাহিয়া ভূপূলাভ করিতেন না। ভোজনান্তে যদি যোদ্ধা যুদ্ধক্ষেত্রে নিদ্রা চাহিতেন, বা অন্য ছুই একটা কথা কহিতেন, সরলখুমতী উদ্ভিয়া সরলবালা গাধার উত্তর দিতে পারিতেন না। লজ্জার তাহার গণ্ডস্থল আরম্ভ বর্ণ হইত, নয়ন দুইটা মুদিত হইত, এবং গুণ্ডন চানিয়া সরল সরিয়া যাইতেন, সহচরীকে দিয়া উত্তর পাঠাইয়া দিতেন।

কিন্তু উত্তরের আবশ্যিক কি ? সরল নয়নের ভাষা রঘুনাথ বুঝিতেন, রঘুনাথের নয়নের ভাষা সরল বুঝিতেন। উত্তরের জীবন, মন, প্রাণ, প্রথম প্রণয়ের অনির্কটনীয় আনন্দলহরীতে প্রাবিত হইতেছিল, উত্তরের হৃদয় প্রথম প্রণয়ের উদ্বোধে উৎক্লিষ্ট হইতেছিল।

অঙ্গিন মধ্যে বিজয়পুরের অধীনস্থ

অনেকগুলি দুর্গ হস্তগত করিয়া শিবজী অবশেষে একটা দুর্গম পর্বতদুর্গ লইবার মানস করিলেন। তিনি কবে কোন দুর্গ আক্রমণ করিবেন, পূর্বে কাহাকেও তাহার সংবাদ দিতেন না, নিজের সৈন্তেরাও পূর্বে কিছুমাত্র জানিতে পারিত না। দ্বিবাভাগে সেই দুর্গ হইতে ৫।৬ ক্রোশ দূরে জয়সিংহের শিবিরের নিকটেই তাঁহার শিবির ছিল, সায়ংকালে এক সহস্র মাউলী ও মহারাষ্ট্রীয় সেনাকে প্রস্তুত হইতে করিলেন, এক প্রহর রজনীর সময় গভীর অন্ধকারে প্রকাশ করিলেন যে, রুদ্রমণ্ডল দুর্গ আক্রমণ করিবেন। নিঃশব্দে সেই এক সহস্র সেনাসমেত দুর্গাভিমুখে গমন করিলেন।

অন্ধকার নিশাথে নিঃশব্দে দুর্গতলে উপস্থিত হইলেন। চারিদিকে সমভূমি, তাহার মধ্যে একটি উচ্চ পর্বতশৃঙ্গের উপর রুদ্রমণ্ডল দুর্গ নির্মিত হইয়াছে। পর্বতে উঠিবার একমাত্র পথ আছে, এক্ষণে যুদ্ধকালে সেই পথ রুদ্ধ হইয়াছে। অস্থান্য দিকে উঠা অতিশয় কষ্টসাধ্য, পথ নাই, কেবল জঙ্গল ও শিলারাশি পরিপূর্ণ। শিবজী সেই কঠোর দুর্গম স্থান দিয়া সেনাগণকে পর্বত আরোহণ করিতে আদেশ দিলেন, তাঁহার মাউলী ও মহারাষ্ট্রীয় সেনা যেন পর্বত-বিড়ালের ন্যায় বৃক্ষ ধরিয়া শৈল হইতে শৈলাস্তরে লক্ষ দিতে-দিতে পর্বত আরোহণ করিতে লাগিল। কোন স্থানে দাঁড়াইয়া, কোন স্থানে বসিয়া, কোথাও বৃক্ষের ডাল ধরিয়া লখনান হইয়া, কোথাও লক্ষ দিয়া সৈন্যগণ অগ্রসর হইতে লাগিল, মহারাষ্ট্রীয় সেনা ভিন্ন আর কোন জাতীয় সৈন্ত

এরূপ পর্বত আরোহণে সমর্থ কি না সন্দেহ।

অর্ধেক পথ উঠিলে পর শিবজী সহসা দৌখলেন, উপরে দুর্গপ্রাচীরের উপর কতকগুলি মশালের আলোক জ্বলিল। চিন্তাকুল হইয়া ক্ষণেক দণ্ডায়মান রহিলেন, শক্ররা কি তাঁহার আগমন-বার্তা শুনিতে পাইয়াছেন? নচেৎ প্রাচীরের উপর এরূপ আলোক জ্বলিল কেন? আলোকের কিরণ দুর্গের নীচে পর্য্যাপ্ত পতিত হইয়াছে, যেন দুর্গবাসিগণ শত্রুকে প্রতীক্ষা করিয়াই এই আলোক জ্বালিয়াছে, যেন অন্ধকারে আবৃত হইয়া কেহ দুর্গ আক্রমণ করিতে না পারে। শিবজী নিজ সৈন্তগণকে আরও সতর্কভাবে বৃক্ষ ও শৈলরাশির অন্তরাল দিয়া ধীরে ধীরে আরোহণ করিতে আদেশ করিলেন। নিঃশব্দে মহারাষ্ট্রীয়গণ সেই পর্বতে আরোহণ করিতে লাগিল, যেখানে বড়বৃক্ষ, সেখানে ঝোপ, যেখানে শৈলরাশি সেই সেই স্থান দিয়া বৃক্ষে হাঁটিয়া উঠিতে লাগিল। শব্দমাত্র নাই, অন্ধকারে নিঃশব্দে শিবজী সেই পর্বতে উঠিতে লাগিলেন।

ক্ষণেক পর মহারাষ্ট্রীয়গণ একটা পরিষ্কার স্থানের নিকট আসিয়া পড়িল, উপর হইতে আলোক তথায় স্পষ্টরূপে পতিত হইয়াছে, সেস্থান দিয়া সৈন্ত যাইলে উপর হইতে দেখা যাওয়ার অতিশয় সম্ভাবনা। শিবজী পুনরায় দণ্ডায়মান হইলেন, বৃক্ষের অন্তরালে দণ্ডায়মান হইয়া এদিকে ওদিকে দেখিতে লাগিলেন। সম্মুখে দেখিলেন প্রায় শত হস্ত পরিমাণ স্থানে বৃক্ষমাত্র নাই, পরে পুনরায় বৃক্ষশ্রেণী রহিয়াছে। এই শত হস্ত কিরূপে যাওয়া যাবে? পার্শ্বে দেখিলেন, দাঁড়াইবার কোন

উপায় নাই, নীচে দেখিলেন, অনেক দূর আসিয়াছেন, পুনরায় নীচে যাইয়া অন্ত-পথ অবলম্বন করিলে ছুর্গে আসিবার পূর্বেই প্রাতঃকাল হইতে পারে। শিবজী ক্ষণেক নিঃশব্দে দণ্ডায়মান রহিলেন, পরে বালাকালের স্তম্ভ বিখ্যাসী মাউলী যোদ্ধা তন্নজী-মালশ্রীকে ডাকাইলেন, দুইজনে সেই বৃক্ষের অন্তরালে দণ্ডায়মান হইয়া ক্ষণেক অতি মৃদুস্বরে পরামর্শ করিতে লাগিলেন। ক্ষণেক পর তন্নজী চলিয়া যাইল, শিবজী অপেক্ষা করিতে লাগিলেন, তাঁহার সমস্ত সৈন্য নিঃশব্দে অপেক্ষা করিতে লাগিল।

অর্দ্ধ দণ্ডের মধ্যে তন্নজী ফিরিয়া আসিল। শিবজীর নিকট আসিয়া অতি মৃদুস্বরে কি কহিল, শিবজী ক্ষণমাত্র চিন্তা করিয়া বলিলেন,—তাহাই হউক, অস্ত্র উপায় নাই।

বৃষ্টির জল অবতরণে এক স্থান ধোত ও ক্ষত হইয়া প্রণালীর ত্রায় হইয়াছিল। দুই পার্শ্ব উচ্চ, মধ্যস্থল গভীর, সেই প্রণালী দিয়া বৃকে হাঁটিয়া যাইলে সম্ভবতঃ দুই পার্শ্বে উচ্চ পাড় থাকায় শক্ররা দেখিতে পাইবে না, এই পরামর্শ স্থির হইল। সমস্ত সৈন্য ধীরে ধীরে সেই প্রণালীর মধ্য দিয়া পর্বত আরোহণ করিতে লাগিল। শত শত শিলাখণ্ডে উপর দিগ্ন নিস্তম্ভ অক্ষকার রজনীতে সহস্র সেনা নিঃশব্দে পর্বত আরোহণ করিতে লাগিল। অচিরে উপ-রিস্থ বৃক্ষশ্রেণীর মধ্যে যাইয়া প্রবেশ করিল, শিবজী মনে মনে ভবানীকে ধন্যবাদ করিলেন।

সহস্রা উৎসব পার্শ্ব একজন সেনা তিত হইল, শিবজী দেখিলেন তাহার

বক্ষঃস্থলে তীর লাগিয়াছে! আর একটা তীর, আর একটা, আরও বহুসংখ্যক তীর! শক্রগণ জাগরিত হইয়া রহিয়াছে, শিবজীর সৈন্য প্রণালী দিয়া আরোহণ করিবার সময় তাহারা দেখিতে পাইয়াছে, এবং সেই দিকে তীর নিক্ষেপ করিয়াছে।

শিবজীর সমস্ত সৈন্য বৃক্ষের অন্তরালে দণ্ডায়মান হইল, তীরনিক্ষেপ থাকিয়া গেল, কিন্তু শিবজী বুঝিলেন শক্ররা তাঁহার আগমন জানিতে পারিয়াছে। তিনি ছুর্গদিকে চাহিয়া দেখিলেন, এখন অনেকগুলি আলোক প্রজ্জ্বলিত হইয়াছে, সময়ে সময়ে প্রহরিগণ এদিক ওদিক যাইতেছে। তখন তিনি ছুর্গপ্রাচীর হইতে কেবলমাত্র পঞ্চাশ হস্ত দূরে। বুঝিলেন সৈন্যগণ সতর্ক হইয়াছে, ভীষণ যুদ্ধ বিনা অস্ত্র ছুর্গ হস্তগত হইবার নহে!

শিবজীর চরসহচর তন্নজী এ সমস্ত দেখিল; ধীরে ধীরে বলিল,—রাজন! এখনও নামিয়া যাইবার সময় আছে, অস্ত্র ছুর্গ হস্তগত না হয় কলা হইবে, কিন্তু অস্ত্র চেষ্টা করিলে সকলের বিনাশ হইবার সম্ভাবনা। শিবজী গভীরস্বরে বলিলেন,—জয়সিংহের নিকট যাহা বলিয়াছি তাহা করিব, অস্ত্র ক্রন্দম গুল লইব অথবা এই মুহূর্তে প্রাণত্যাগ করিব।

শিবজী নিস্তম্ভে সেই বৃক্ষশ্রেণীর ভিতর দিয়া অগ্রসর হইতে লাগিলেন। শক্রকে ভুলাইবার জন্য একশত সৈন্যকে ছুর্গের অপর পার্শ্বে যাইয়া গোল করিতে আদেশ করিলেন। অল্পক্ষণের মধ্যে ছুর্গের অপর পার্শ্বে বৃক্ষের শব্দ শুনা গেল, সেই দিক হইতে শিবজী ছুর্গ আক্রমণ করিয়াছেন বিবেচনা করিয়া ছুর্গস্থ প্রহরী ও সৈন্য সকল

সেই দিকে ধাবমান হইল, এদিকে প্রাচীরোপরি যে আলোক জ্বলিতেছিল তাহা নিবিয়া যাইল ! তখন শিবজী বলিলেন,— মহারাজীয়াগণ ! শত যুদ্ধে তোমরা আপন বিক্রমের পরিচয় দিয়াছ, শিবজীর নাম রাখিয়াছ, অস্ত্র আর একবার সেই পরিচয় দাও । তুমুজী ! বাল্যকালের সৌন্দর্যের পরিচয় অস্ত্র প্রদান কর ।

প্রভুবাক্যে সকলের হৃদয় সাহসে পরিপূর্ণ হইল, নিঃশব্দে সেই গভীর অন্ধকারে সকলে অগ্রসর হইল, অচিরে দুর্গপ্রাচীরের নিকট পৌঁছিল । রজনী দ্বিপ্রহর অতীত হইয়াছে, আকাশে আলোক নাই, ভ্রুগতে শব্দ নাই, কেবল রহিয়া রহিয়া নৈশ বায়ু সেই পর্বত-বৃক্ষের ভিতর দিয়া গর্ম্মরশ্মিকে প্রবাহিত হইতেছে ।

রুদ্ধমণ্ডলের প্রাচীর হইতে শিবজী বিংশ হস্ত দূরে আছেন, এমন সময় দেখিলেন প্রাচীরের উপর একজন প্রহরী, বৃক্ষের ভিতর শব্দ শ্রবণ করিয়া প্রহরী পুনরায় এই দিকে আসিয়াছে । একজন মাউলী নিঃশব্দে একটা তীর নিক্ষেপ করিল, হতভাগ্য প্রহরীর মৃত শরীর প্রাচীরের বাহিরে পতিত হইল ।

সেই শব্দ শুনিয়া আর এক জন, দুই জন, দশ জন, শত জন, ক্রমে দুই তিন শত জন সৈনিক প্রাচীরের উপর ও নীচে জড় হইল । শিবজী রোষে ওষ্ঠের উপর দস্ত-স্থাপন করিলেন, আর লুক্কায়িত থাকিবার উপায় দেখিলেন না, সৈন্যকে অগ্রসর হইবার আদেশ দিলেন ।

তৎক্ষণাৎ মহারাজীয়াদিগের “হর হর মহাদেও” যুদ্ধনাদ গগনে উখিত হইল, একদল প্রাচীর উলঙ্ঘন করিবার জন্ত

দৌড়িয়া গেল, আর একদল বৃক্ষের ভিতর থাকিয়াই ক্রিপ্রহস্তে প্রাচীরারোহী মুসলমানদিগকে তীর দ্বারা বিদ্ধ করিতে লাগিল । মুসলমানেরাও শত্রুর আগমনে কিছুমাত্র ভীত না হইয়া “আল্লাহ আকবর” শব্দে আকাশ ও মেদিনী কম্পিত করিল, কেহ বা প্রাচীরের উপর হইতে তীর নিক্ষেপ করিতে লাগিল, কেহ বা উৎসাহ পরিপূর্ণ হইয়া প্রাচীর হইতে লক্ষ দিয়া আসিয়া বৃক্ষমধ্যেই মহারাজীয়াদিগকে আক্রমণ করিল ।

শীঘ্রই সেই প্রাচীরতলে ও বৃক্ষমধ্যে যুদ্ধ আরম্ভ হইল । প্রাচীরের উপরিস্থ মুসলমানেরা বর্ষাচালনে আক্রমণকারিদিগকে হত করিতে লাগিল, তাহারাও অব্যর্থ তীরসঞ্চালনে মুসলমানদিগকে বিনাশ করিতে লাগিল । রাশি রাশি মৃতদেহে প্রাচীরপার্শ্ব পরিপূর্ণ হইল; যোদ্ধগণ সেই মৃতদেহের উপর দণ্ডায়মান হইয়াই খড়্গ বা বর্ষাচালন করিতে লাগিল । শত শত মুসলমান বৃক্ষের ভিতর পর্য্যস্ত আসিয়াছিলেন, শিবজীর মাউলীগণ একেবারে ব্যাঘ্রের স্থায় লক্ষ দিয়া তাহাদিগকে আক্রমণ করিল, প্রবলপ্রতাপ আফগানেরাও যুদ্ধে অপটু নহে, যুদ্ধক্ষেত্রে সেই পর্বত দিয়া বহিয়া পড়িতে লাগিল । বৃক্ষের অন্তরালে, ষোপের ভিতর, শিলামাশির পার্শ্বে, শত শত মহারাজীয়াগণ দণ্ডায়মান হইয়া অব্যর্থ তীর সঞ্চালন করিতে লাগিল, বৃক্ষপত্র ও বৃক্ষশাখার ভিতর দিয়া সেই অব্যর্থ তীরশ্রেণী মুসলমান-সংখ্যা ক্ষীণতর করিতে লাগিল ।

সহসা এ সমস্ত শব্দকে ডুবাইয়া প্রাচীর হইতে “শিবজীকি জয়” এইরূপ বজ্রনাদ

উখিত হইল, মুহূর্ত্তের জন্ত সকলেই সেই দিকে চাফিয়া দেখিল। দেখিল, শত্রুসৈন্য ভেদ করিয়া, রক্তাপ্লুত বর্ষার উপর ভর দিয়া, একজন রাজপুত্র যোদ্ধা এক লক্ষ ক্রমগুণের প্রাচীরের উপর উঠিয়াছেন। তথায় পাঠানদিগের পতাকা পদাঘাতে ফেলিয়া দিয়াছেন, পতাকাধারী প্রহরীকে খড়্গাচালনে হত করিয়াছেন, প্রাচীরোপরি দণ্ডায়মান হইয়া সেই অপূর্ব যোদ্ধা বক্তৃ-নাতে “শিবজীকি জয়” শব্দ করিয়াছিলেন। সেই যোদ্ধা রঘুনাথজী হাবিলদার !

হিন্দু ও মুসলমান এক মুহূর্ত্তের জন্ত যুদ্ধে ক্ষান্ত হইয়া বিশ্বয়োৎফুল্ললোচনে তারকালোকে সেই দীর্ঘমূর্ছির প্রতি দৃষ্টি করিল। যোদ্ধার লৌহনির্মিত শিরস্ত্রাণ তারকালোকে চক্ৰক্ করিতেছে, হস্ত ও বাহুবয় রক্তে আপ্লুত, বিশাল বক্ষের উপর ছই একটি তীর লাগিয়া রহিয়াছে, দীর্ঘ-হস্তে রক্তাপ্লুত দীর্ঘ বর্ষা, উজ্জল নয়ন গুচ্ছ গুচ্ছ ক্রমকেশে আবৃত। পোতের সম্মুখে উর্ষিরাশির ঞায় শত্রুরা এই যোদ্ধার ছই পাশ্বে মুহূর্ত্তের জন্ত সচকিত হইয়া সরিয়া গেল, মুহূর্ত্তের জন্ত বোধ হইল যেন স্বয়ং-রগদেব দীর্ঘ বর্ষা হস্তে আকাশ হইতে প্রাচীরোপরি অবতীর্ণ হইয়াছেন।

কণকালমাত্র সকলে নিস্তব্ধ রহিল, পরে আফগানগণ শত্রু প্রাচীরে উঠিয়াছে দেখিয়া চারিদিক হইতে বেগে আসিতে লাগিল, রঘুনাথকে চারিদিকে শত্রুদল ক্রমমেঘের ঞায় আসিয়া বেঠেন করিল। রঘুনাথ খড়্গা ও বর্ষা চালনে অদ্বিতীয়, কিন্তু শত লোকের সহিত যুদ্ধ অসম্ভব, রঘুনাথের জীবন সংশয়।

তখন ময়ূরীশয় রঘুনাথের বিক্রম

দেখিয়া উৎসাহিত হইয়া সেই প্রাচীরের দিকে ধাবমান হইল, বাঘের ঞায় লক্ষ দিয়া প্রাচীরে উঠিল, রঘুনাথের চারিদিকে বেঠেন করিয়া যুদ্ধ করিতে লাগিল ! দশ, পঞ্চাশ, ছই, তিন শত জন সেই প্রাচীরের উপর বা উভয় পাশ্বে আসিয়া জড় হইল, ছুরিকা ও খড়্গাঘাতে পাঠানদিগের সারি ছিন্ন ভিন্ন করিয়া পথ পরিষ্কার করিল, মহানাতে দুর্গ পরিপূরিত করিল ! সহস্র মহারাত্নীয়েব সহিত ছই তিন শত পাঠানের যুদ্ধ করা সম্ভব নহে, তাঁহারা মহারাত্নীয়েব গতিরোধ করিতে পারিল না।

তখন শিবজী ও তন্নজী প্রাচীর হইতে লক্ষ দিয়া দুর্গের ভিতরদিকে ধাবমান হইতেছেন ; সৈন্যগণ বুকিল, আর এ স্থানে যুদ্ধের আবশ্যক নাই, সকলেই প্রভুর পশ্চাৎ পশ্চাৎ দুর্গের ভিতর দিকে ধাবমান হইল।

শিবজী বিছাৎগতিতে কিল্লাদারের প্রাসাদে উপস্থিত হইলেন, সে প্রাসাদ অতিশয় কঠিন ও সুরক্ষিত। শিবজীর আদেশ অনুসারে মহারাত্নীয়েব সেই প্রাসাদ বেঠেন করিল ও বাহিরের প্রহরী সকলকে হত করিল। শিবজী তখন বক্তৃ-নাতে কিল্লাদারকে বলিলেন,—দ্বার খুলিয়া দাও, নচেৎ প্রাসাদ দাহ করিব ! নির্ভীক পাঠান উত্তর করিলেন,—অগ্নিতে দাহ হইব, কিন্তু কাফেরের সম্মুখে দ্বার খুলিব না।

তৎক্ষণাৎ মহারাত্নীয়েবগণ মশাল আনিয়া দ্বারে জানালায় অগ্নিদান করিতে লাগিল। উপর হইতে কিল্লাদার ও তাঁহার সঙ্গিগণ তীর নিক্ষেপ দ্বারা প্রাসাদে অগ্নিদান নিবারণ করিবার চেষ্টা পাইলেন। অনেক মহারাত্নীয়েব মশাল হস্তে ভূতলশায়ী হইল, কিন্তু অগ্নি জ্বলিল।

প্রথমে দ্বার, গবাক্ষ, পরে কড়িকাঠ, পরে সেই বিস্তীর্ণ প্রাসাদ সমস্ত অগ্নিতে জলিয়া উঠিল। সেই প্রচণ্ড আলোক ভীষণ-নাদে আকাশের দিকে উগিত হইল, ও রজনীর অন্ধকারকে আলোকময় করিল। বহুদূর পর্য্যন্ত পর্বতে ও উপত্যকা হইতে সেই আলোক দৃষ্ট হইল, সেই দাহের শব্দ শ্রুত হইল, সকলে জানিল শিবজীর দুর্দমনীয় ও অপ্রতিহত সেনা মুসলমান-দুর্গ জয় করিয়াছে।

বীরের যাহা সাধ্য পাঠান কিল্লাদার রহমৎখাঁ তাহা করিয়াছিলেন, এক্ষণে বীরের শ্রায় মরিতে বাকী ছিল। যখন গৃহ অগ্নি পূর্ণ হইল, রহমৎখাঁ ও সঙ্গিগণ লক্ষ দিয়া ছাদ হইতে ভূমিতে অবতরণ করিলেন। এক এক জন এক এক মহাবীরের শ্রায় খড়্গচালনা করিতে লাগিলেন, সেই খড়্গচালনায় বহু মহারাষ্ট্রীয় হত হইল।

সকলে সেই মুসলমানদিগকে বেঁধেন করিল, তাহারা শত্রুর মধ্যে একে একে হত হইতে লাগিল। এক জন, দুইজন, দশজন হত হইল। রহমৎখাঁ আহত ও ক্ষীণ, কিন্তু তখনও সিংহবীর্যের সহিত যুদ্ধ করিতেছেন। মহারাষ্ট্রীয়গণ তাঁহাকে চারিদিকে বেঁধেন করিয়া খড়্গ উত্তোলিত হইয়াছে, তাঁহার জীবনের আশা নাই, এক্ষণ সময় উচ্চৈঃস্বরে শিবজীর আদেশ শ্রুত হইল,—“কিল্লাদারকে বন্দী কর, বীরের প্রাণসংহার করিও না।” ক্ষীণ আহত আফগানের হস্ত হইতে শিবজীর সেনাগণ খড়্গ কাড়িয়া লইল, তাঁহার হস্ত বন্ধন করিয়া তাঁহাকে বন্দী করিয়া রাখিল।

মহারাষ্ট্রীয়েরা প্রাসাদের অগ্নি নির্বাণ করিতেছে, এমন সময় শিবজী দেখিলেন

দুর্গের অপর দিকে কৃষ্ণবর্ণ মেঘের শ্রায় প্রায় পাঁচশত আফগানসৈন্য সম্ভ্রিত হইয়া পর্বতে উঠিতেছে। শিবজী দুর্গপ্রাচীর আক্রমণ করিবার পূর্বে যে একশত সেনাকে অপর পার্শ্বে পাঠাইয়া দিয়াছিলেন, তাহারা সেই দিকে গোল করাতে দুর্গের অধিকাংশ সেনা সেই দিকেই গিয়াছিল। চতুর মহারাষ্ট্রীয়গণ ঋণেক বৃক্ষের অন্তরাল হইতে যুদ্ধ করিয়া ক্রমে ক্রমে পলায়ন করিতে লাগিল, তাহাতে মুসলমানেরা উৎসাহিত হইয়া পর্বতের তল পর্য্যন্ত সেই একশত মহারাষ্ট্রীয়ের পশ্চাদ্ধাবন করিয়াছিল, অপর দিকে শিবজী আক্রমণ করিয়া যে দুর্গ হস্তগত করিয়াছিলেন তাহা তাহারা কিছুই জানিতে পারে নাই।

পরে যখন প্রাসাদের আলোকে ক্ষেত্র গ্রাম, পর্বত ও উপত্যকা উদ্দীপ্ত হইয়া উঠিল, তখন সেই অধিকাংশ মুসলমানগণ আপনাদিগের ভয় জানিতে পারিয়া পুনরায় দুর্গারোহণ করিয়া শত্রু বিনাশ করিতে কৃতসঙ্কল্প হইল। শিবজী অসংখ্য সেনাকে পরাস্ত করিয়া দুর্গজয় করিয়াছিলেন, এক্ষণে দেখিলেন, পাঁচশত যোদ্ধা দ্রুতবেগে সেই পর্বতদুর্গ আরোহণ করিতেছে। দেখিয়া তাঁহার মুখ গম্ভীর হইল।

স্বতীক্ৰম নয়নে দেখিলেন, দুর্গের মধ্যে কিল্লাদারের প্রাসাদই সর্বাপেক্ষা দুর্গম স্থান। চারিদিকে প্রস্তরময় প্রাচীর, অগ্নিতে সে প্রাচীরের কিছুমাত্র অনিষ্ট হয় নাই। প্রাসাদের দ্বার ও গবাক্ষ জলিয়া গিয়াছে, কোথায়ও বা ঘর পড়িয়া প্রস্তর স্তূপাকার হইয়াছে। তীক্ষ্ণনয়ন শিবজী মুহূর্ত্তের মধ্যে দেখিলেন, অধিক সংখ্যক সৈন্তের

বিক্রমে যুদ্ধ করিবার স্থল ইহা অপেক্ষা উৎকৃষ্টতর আর হইতে পারে না ।

মুহূর্ত্ত মধ্যে মনে সমস্ত ধারণা করিলেন । তন্নজী ও দুইশত সেনাকে সেই প্রাসাদে সন্নিবেশিত করিলেন, প্রাচীরের পার্শ্বে তীরন্দাজ রাখিলেন, দ্বার ও গবাক্ষের পার্শ্বে তীরন্দাজ রাখিলেন, ছাদের উপর বর্ষাধারী যোদ্ধগণকে সন্নিবেশিত করিলেন । কোথাও প্রস্তর পরিষ্কার করিলেন, কোথাও অধিক প্রস্তর একত্র করিলেন, মুহূর্ত্ত মধ্যে সমস্ত প্রস্তুত । তখন হাশ্রু করিয়া তন্নজীকে কহিলেন,—তন্নজী, শত্রুরা যদি এই প্রাসাদ আক্রমণ করে, তুমি ইহা রক্ষা করিতে পারিবে । কিন্তু শত্রুকে এই স্থানে আসিতে দিবার পূর্বেই বোধহয় পরাস্ত করা নাহিতে পারে, তাহারা এখনও পর্বত আরোহণ করিতেছে, এই সময়ে আক্রমণ করা উচিত । তন্নজী দুইশত সৈন্য সহিত এই স্থানে অবস্থিত কর, আমি একবার উদ্যোগ করিয়া দেখি ।

তন্নজী । তন্নজী এখানে অবস্থিত করিবে না, একজন মহারাষ্ট্রীয়ও এ স্থানে অবস্থিত করিবে না ! ক্ষত্রিয়রাজ ! আপনি এই প্রাসাদ রক্ষা করুন, সমস্ত সুশৃঙ্খলা করুন । আগন্তুক শত্রুদিগকে তাড়াইয়া দিতে আপনার ভৃত্যেরা কি সক্ষম নহে ?

শিবজী ক্রমং হাস্য করিয়া বাললেন,— তন্নজী ! তোমার কথাই ঠিক ! আমি সম্মুখে শত্রু দেখিয়া যুদ্ধ-লুক্ক হইয়াছিলাম, কিন্তু তোমার পরামর্শই উৎকৃষ্ট, এই স্থানেই আমার থাকা কর্তব্য । আমার হাবিলদার-দিগের মধ্যে কে দুইশত মাত্র সেনা লইয়া ঐ আফগানদিগকে অক্লান্তে সহসা আক্রমণ করিয়া পরাস্ত করিতে পরিবে ?

পাঁচ সাত, দশ জন হাবিলদার একে-বারে দণ্ডায়মান হইলেন, সকলে গোল করিয়া উঠিল । রঘুনাথ তাহাদের এক পার্শ্বে দণ্ডায়মান হইলেন, কিন্তু কথা কহিলেন না, নিঃশব্দে মৃত্তিকার দিকে চাহিয়া রহিলেন ।

শিবজী ধীরে ধীরে সকলের দিকে চাহিয়া, পরে রঘুনাথকে দেখিয়া বলিলেন,—হাবিলদার ! তুমি ইহাদের মধ্যে সর্ব-কনিষ্ঠ, কিন্তু ঐ বাহতে তুমি অল্পবয়সী ধারণ কর, অদ্য তোমার বিক্রম দেখিয়া পরিতুষ্ট হইয়াছি । রঘুনাথ ! তুমিই অল্প ভ্রূগবিজয় আরম্ভ করিয়াছ, তুমিই শেষ কর ।

রঘুনাথ নিঃশব্দে ভূমি পর্য্যন্ত শির নমাইয়া দুইশত সেনার সহিত বিজাং-গতিতে নয়নের বহির্গত হইলেন । শিবজী তন্নজীর দিকে চাহিয়া বলিলেন,—ঐ হাবিলদার রাজপুত্রজাতীয়, উহার যুগ্মশূল ও আচরণ দেখিলে কোন উন্নত বীর-বংশোদ্ভব বলিয়া বোধ হয় । কিন্তু হাবিলদার কখনও বংশের বিবয় একটা কথাও বলে না, আপন অসাধারণ সাহস সম্বন্ধে একটা গর্ভিত বাক্যও উচ্চারণ করে না । একদিন পুনায় রঘুনাথ আমার পাণরক্ষা করিয়াছিল, অদ্য রঘুনাথই ভ্রূগবিজয়ে অগ্রসর হইয়াছিল । আমি এ পর্য্যন্ত কোনও পুরস্কার দিই নাই, কল্যা রাজসভার রাজা জয়সিংহের সম্মুখে রাজপুত্র হাবিলদারকে উচিত পুরস্কার দিব ।

রঘুনাথজী যে কার্যের ভার লইলেন, তাহা সম্পন্ন করিলেন । আফগানগণ এখনও পর্বত আরোহণ করিতেছে, এমন সময়ে প্রাচীরের উপর হইতে মহারাষ্ট্রীয়গণ বর্ষা-নিষ্ক্ষেপ করিল, পরে “হর হর মহাদেব”

ভীষণনাদে যুদ্ধের উপক্রম করিল। সে যুদ্ধ হইল না। প্রাচীরের উপর মশালের আলোকে অসংখ্য শত্রু দেখিয়া আফগানগণ ছুঁইয়া উঠিয়া কঁপিয়া উঠিয়া জানিয়া পুনরায় পরিত অবতরণ করিয়া পলাইল। মাউলীগণ পশ্চাৎদিক করিল, উন্নত মাউলীদিগের অব্যবহিত ছুরিকা ও খড়্গাঘাতে আফগানগণ নিপতিত হইতে লাগিল।

রঘুনাথ তখন উচ্চৈঃস্বরে আদেশ দিলেন,—পলাতনকে যাইতে দাও, তত্যা করিও না, শিবজীর আদেশ পালন কর। যুদ্ধ শেষ হইল, আফগানগণ পরিত অবতরণ করিয়া পলাইল।

তখন রঘুনাথ দুর্গের প্রাচীরের স্থানে স্থানে প্রহরী সংস্থাপন করিলেন, গোলা বারুদ ও অস্ত্রশস্ত্রের ঘরে আপন প্রহরী সন্নিবেশিত করিলেন, দুর্গের সমস্ত ঘর সমস্ত স্থান হস্তগত করিয়া সুরক্ষার আদেশ দিয়া শিবজীর নিকট যাইয়া শির নমাইয়া সমস্ত সমাচার নিবেদন করিলেন।

যখন উদার রক্তমাচ্ছটা পূর্কদিকে দৃষ্ট হইল, প্রাতঃকালের সুন্দর শীতল বায়ু বহিতে লাগিল, তখন সমস্ত দুর্গ শব্দশূন্য নিস্তর। যেন এই সুন্দর শান্ত পাদপমণ্ডিত পরিতপনের ধোঁয়ায় আশ্রয়, যেন যুদ্ধের পৈশাচিক রব কখনও এখানে শব্দ হয় নাই।

ষোড়শ পরিচ্ছেদ ।

বিজেতার পুরস্কার ।

ছিন্ন ভাষারের স্থায়ী বাল্য বাঞ্ছা হুরে য'র,
তাপদক জীবনের কক্ষা বায়ু প্রহারে ।

পেড়ে থাকে দূরগত জীর্ণ অভিলাষ যত ।
ছিন্ন পতাকার মত ভয় দুর্গ প্রাকারে ॥

হেমচন্দ্র বন্দ্যোপাধ্যায় ।

পরদিন অপরাহ্নে সেই দুর্গোপরি অপরূপ সভা সন্নিবেশিত হইল। রোপ্য-বিনির্গত চারি স্তম্ভের উপর রক্তবর্ণের চক্রাতপ, নীচেও রক্তবর্ণ বন্ধে মণ্ডিত রাজগদীর উপর রাজা জয়সিংহ ও রাজা শিবজী উপবেশন করিয়া আছেন। চারি পার্শ্বে মৈত্রাগণ বন্দুক লইয়া শ্রেণীবদ্ধ হইয়া দণ্ডায়মান রহিয়াছে, সেই বন্দুকের কিরীচ হইতে রক্তবর্ণের পতাকা অপরাহ্নের বায়ু-হিল্লোলে নৃত্য করিতেছে। চারিদিকে শত শত লোক দিল্লীখবের, জয়সিংহের ও শিবজীর জয়নাদ করিতেছে।

জয়সিংহ সহাস্রবদনে শিবজীকে বলিলেন—আপনি দিল্লীখবের পক্ষাবলম্বন করিয়া অবধি তাঁহার দক্ষিণহস্তস্বরূপ হইয়াছেন। এ উপকার দিল্লীখব কখনই বিস্মৃত হইবেন না, আপনার সকল চেষ্টায় জয় হইয়াছে।

শিবজী। যেখানে জয়সিংহ সেই-
খানেই জয় !

জয়সিংহ। বোধ করি আমরা শীঘ্রই
বিজয়পুর হস্তগত করিতে পারিব, আপনি

এক রাত্রির মধ্যে এই দুর্গ অধিকার করিবেন তাহা আমি কখনই আশা করি নাই !

শিবজী । মহারাজ ! দুর্গ-বিজয় বাল্যকাল হইতে শিক্ষা করিয়াছি । তথাপি যেরূপ অনায়াসে দুর্গ লইব বিবেচনা করিয়া ছিলাম, সেরূপ পারি নাই ।

জয়সিংহ । কেন ?

শিবজী । মুসলমানদিগকে স্থপ্ত পাইব বিবেচনা করিয়াছিলাম, দেখিলাম সকলে জাগ্রৎ ও সমজ্জ ! পূর্বে কখনও দুর্গজয় করিতে আমার এত সৈন্য হত হয় নাই ।

জয়সিংহ ! বোধ করি এক্ষণ যুদ্ধের সময় বলিয়া রজনীতে সর্কদাই শব্দরা সমজ্জ থাকে ।

শিবজী । সত্য, কিন্তু এত দুর্গ জয় করিয়াছি, কোথাও সৈন্যগণকে একপ প্রস্তুত দেখি নাই ।

জয়সিংহ । শিক্ষা পাইয়া ক্রমেই সতর্ক হইতেছে । কিন্তু সতর্কই থাকুক আর নাই থাকুক, রাজা শিবজীর গতি রোধ করা অসাধ্য, শিবজীর জয় অনিবার্য !

শিবজী । মহারাজের প্রসাদে দুর্গ জয় হইয়াছে বটে, কিন্তু কল্যা রজনীর ক্ষতি জীবনে পূরণ হইবে না । সহস্র আক্রমণকারীর মধ্যে দুই তিন শত জনকে আমি আর এ জীবনে দেখিব না, সেরূপ দৃঢ়প্রতিজ্ঞ বিখ্যাত সেনা বোধ হয় আর পাইব না । শিবজী ক্ষণেক শোকাবুল হইয়া রহিলেন । পরে বন্দিগণকে আনয়নের আদেশ করিলেন ।

রহমৎখাঁর অধীনে সহস্র সেনা সেই দুর্গমু দুর্গ রক্ষা করিত, কল্যাকার যুদ্ধের

পর কেবল দুই এক শত বন্দীরূপে আছে । অন্য সমস্ত হত বা পলায়ন করিয়াছে । বন্দীদিগের হস্তদ্বয় পশ্চাদিকে বদ্ধ, তাহারা সভাসম্মুখে উপস্থিত হইল ।

শিবজী আদেশ করিলেন,—সকলের হস্ত খুলিয়া দাও । আফগান সেনাগণ ! তোমরা বীরের নাম রাখিয়াছ, তোমাদের আচরণে আমি পরিতুষ্ট হইয়াছি । তোমরা স্বাধীন । ইচ্ছা হয় দিল্লীখবের কার্যে নিযুক্ত হও, নচেৎ আপন প্রভু বিজয়পুরের স্থলতানের নিকট চলিয়া যাও, আমার আদেশে কেহ তোমাদের কেশাগ স্পর্শ করিবে না ।

শিবজীর এই সদাচরণ দেখিয়া কেহই বিস্মিত হইল না । সকল যুদ্ধে, সকল দুর্গনিজয়ের পর, তিনি বিজিতদিগের প্রতি যথেষ্ট দয়াপ্রকাশ ও সদাচরণ করিতেন, তাঁহার বন্ধুগণ কখন কখন তাঁহাকে এজন্য দোষ দিতেন, কিন্তু তিনি গ্রাহ্য করিতেন না । শিবজীর সদাচরণে বিস্মিত হইয়া আফগানগণ অনেকেই দিল্লীখবের বেতনভোগী হইতে স্বীকার করিল ।

পরে শিবজী কিল্লাদার রহমৎখাঁকে আনিবার আদেশ দিলেন । তাঁহারও হস্তদ্বয় পশ্চাদিকে বদ্ধ, তাঁহার ললাটে গজোর আঘাত, বাহুতে তীর বিদ্ধ হইয়া ক্ষত হইয়াছে ! বীর সদর্পে সভা-সম্মুখে দণ্ডায়মান হইলেন, সদর্পে শিবজীর দিকে চাহিলেন ।

শিবজী সেই বীরশ্রেষ্ঠকে দেখিয়া স্বয়ং আসন ত্যাগ করিয়া গজোর দ্বারা হস্তের বন্ধু কাটিয়া ফেলিলেন, পরে বীরে ধীরে বলিলেন,—বীরব ! যুদ্ধের নিয়মঃ

হুসারে আপনার হস্তদ্বয় বদ্ধ হইয়াছিল, আপনি এক রজনী বন্দীরূপে ছিলেন, আমার সে দোষ মার্জনা করুন। আপনি একগুণে স্বাধীন। জয় পরাজয় ভাগ্যক্রমে ঘটে, কিন্তু আপনার জায় যোদ্ধার সহিত যুদ্ধ করিয়া আমিই সম্মানিত হইয়াছি।

রহমৎখাঁ প্রাণদণ্ডের আদেশ প্রত্যাশা করিতেছিলেন, তাহাতেও তাঁহার স্থির গর্ভিত নয়নের একটি পত্রও কম্পিত হয় নাই, কিন্তু শিবজীর এই অসাধারণ উদ্ভতা দেখিয়া তাঁহার হৃদয় বিচলিত হইল। যুদ্ধসময়ে শক্রমধ্যে কেহ কখনও রহমৎখাঁর কাতরতা-চিহ্ন দেখেন নাই, অথচ বৃদ্ধের দুই উজ্জ্বল চক্ষু হইতে দুই বিন্দু অশ্রু পতিত হইল। রহমৎখাঁ মুখ ফিরাইয়া তাহা মোচন করিলেন, ধীরে ধীরে বলিলেন,—ক্ষত্রিয়রাজ! কলা নিশীথে আপনার বাহুবলে পরাস্ত হইয়াছিলাম, অথচ আপনার ভদ্রাচরণে তদনিক পরাস্ত হইলাম। যিনি হিন্দু ও মুসলমান-দিগের অধীশ্বর, যিনি পাদশাহের উপর পাদশাহ, জমীন ও আসমানের সুলতান, তিনি এইজন্য আপনাকে নূতন রাজা বিস্তারের ক্ষমতা দিয়াছেন।

জয়সিংহ। পাঠান-সেনাপতি, আপনার উচ্চপদের যোগাতা আপনি প্রমাণ করিয়াছেন। দিল্লীশ্বর আপনার জায় সেনা পাইলে আরও পদবৃদ্ধি করিবেন সন্দেহ নাই। দিল্লীশ্বরকে কি লিখিতে পারি যে আপনার জায় বীরশ্রেষ্ঠ তাঁহার সৈন্যের একজন প্রধান কর্মচারী হইতে সম্মত হইয়াছেন?

রহমৎখাঁ। মহারাজ! আপনার প্রস্তাবে আমি যথেষ্ট সম্মানিত হইলাম,

কিন্তু আজীবন বাহার কার্য করিয়াছি, তাঁহাকে পরিত্যাগ করিব না। যতদিন এ হস্ত খজা ধরিতে পারিবে, বিজয়পুরের জগ্ন ধরিবে।

শিবজী। তাহাই হউক! আপনি অথ রাত্রি বিশ্রাম করুন, কলা প্রাতে আমার একদল সেনা আপনাকে বিজয়পুর পর্য্যন্ত নিরাপদে পৌছিয়া দিবে।

রহমৎখাঁ। ক্ষত্রিয় প্রবর আপনি আমার সহিত ভদ্রাচরণ করিয়াছেন, আমি অভদ্রাচরণ করিব না, আপনার নিবট কোন বিষয় গোপন রাখিব না। আপনার সেনার মধ্যে বিশেষ অনুসন্ধান করিয়া দেখুন, সকলে প্রভুভক্ত নহে। কলা দুর্গাক্রমণের গোপনানুসন্ধান আমি পূর্বেই প্রাপ্ত হইয়াছিলাম, সেইজগ্নই সমস্ত সেনা সমস্ত রাত্রি সমাজ ও প্রস্তুত ছিল। অনুসন্ধানদাতা আপনিই একজন সেনা। ইহার অধিক বলিতে পারি না, সত্য লজ্জন করিব না। এই বলিয়া রহমৎখাঁ ধীরে ধীরে প্রহরিগণের সহিত প্রাসাদাভিমুখে চলিয়া গেলেন।

রোমে শিবজীর মুখমণ্ডল একেবারে কৃষ্ণবর্ণ ধারণ করিল, নয়ন হইতে অশ্রু-ফুলিঙ্গ বাহির হইতে লাগিল শরীর কাঁপিতে লাগিল। তাঁহার বন্ধগণ বুঝিলেন একগুণে পরামর্শ দেওয়া বুঝা, তাঁহার সৈন্তগণ বুঝিল অথচ পমাদ উপস্থিত।

জয়সিংহ শিবজীকে এতদবস্থায় দেখিয়া তাঁহাকে কথঞ্চিৎ শান্ত করিয়া পরে সৈন্তদিককে লক্ষ্য করিয়া বলিলেন,— এই দুর্গ আক্রমণ করা হইবে, তোমরা কখন জানিয়াছিলে?

সৈন্যগণ উত্তর দিল,—এক প্রহর রজনীতে ।

জয়সিংহ । তাহার পূর্বে কেহই এ কথা জানিতে না ?

সৈন্যগণ । রজনীতে কোন একটা দুর্গ আক্রমণ করিতে হইবে জানিতাম ; এই দুর্গ আক্রমণ করিতে হইবে তাহা জানিতাম না ।

জয়সিংহ । ভাল, কোন সময়ে তোমরা দুর্গে পৌছিয়াছিলে ?

সৈন্যগণ । অমুমান দেড় প্রহর রজনীর সময় ।

জয়সিংহ । উত্তম এক প্রহর হইতে দেড় প্রহর মধ্যে তোমরা সকলেই কি একত্র ছিলে ? কেহ অনুপস্থিত ছিল না ? যদি হইয়া থাকে প্রকাশ কর । একজনের দোষের জন্য সহস্র জনের গ্লানি অনুচিত । তোমরা দেশে দেশে গ্রামে গ্রামে রাজা শিবজীর অধীনে যুদ্ধ করিয়াছ, রাজা তোমাদিগকে বিশ্বাস করেন, তোমরাও একরূপ প্রভু কণন ও পাঠিবে না । আপনাদিগকে বিশ্বাসের যোগ্য প্রমাণ কর, যদি কেহ বিদ্রোহী থাকে তাহাকেও আনিয়া দাও । যদি সে কল্যা রজনীর যুদ্ধে মরিয়া থাকে তার নাম কর, অত্যাচার সন্দেহে কেন সকলের নাম কলুষিত হইতেছে ?

সৈন্যগণ তখন কল্যকার কথা স্মরণ করিতে লাগিল, পরস্পরে কথা বহিতে লাগিল, শিবজীর ক্রোধ কিঞ্চিৎ হ্রাস হইল । কিঞ্চিৎ মুস্থ হইয়া শিবজী বলিলেন,—মহারাজ ! অত্যাচার যদি সেই কপট সৈন্যকে বাহির করিয়া দিতে

পারেন, আমি চিরকাল আপনার নিকট ঋণী থাকিব ।

চন্দ্ররাজ নামে একজন জুমলাদর অগ্রসর হইয়া ধীরে ধীরে বলিলেন,—রাজন্ ! কল্যা এক প্রহর রজনীর সময় যখন আমরা যুদ্ধযাত্রা করি, তখন আমার অধীনস্থ একজন হাবিলদারকে অনুসন্ধান করিয়া পাই নাই । যখন দুর্গতলে পহুছিলাম তখন তিনি আমাদের সহিত যোগ দিলেন ।

শিবজী । সে কে, এখনও জীবিত আছে ?

বিদ্রোহীর নাম শুনিবার জন্য সকলে নিস্তব্ধ ! শিবজীর ধন ধন নিখাসের শব্দ শুনা গাইতেছে, সভাতলে একটা সূচীকা পড়িলে বোধ হয় তাহার শব্দ শুনা যায় । সেই নিস্তব্ধতার মধ্যে চন্দ্ররাজ ধীরে ধীরে বলিলেন,—“রঘুনাথজী হাবিলদার !”

সকলে নিকীক, বিষয়স্তুক !

চন্দ্ররাজ একজন প্রসিদ্ধ বোদ্ধা ছিলেন, কিন্তু রঘুনাথের আগমনাবধি সকলে চন্দ্ররাজের নাম ও বিক্রম বিস্তৃত হইয়াছিল । মানবপ্রকৃতিতে ঈর্ষার স্থায় ভীষণ বনবতী প্রবৃত্তি আর নাই ।

শিবজীর মুখমণ্ডল পুনরায় ক্রুদ্ধবর্ণ হইয়া উঠিল, ওঁচুে দস্ত স্থাপন করিয়া চন্দ্ররাজকে লক্ষ্য করিয়া সরোবে বলিলেন,—রে কগটাচারি । তথা এ কপট অভিযোগ করিতেছিন্ ! তোর নিন্দা রঘুনাথের যশোরাশি স্পর্শ করিবে না, রঘুনাথের আচরণ আমি স্বচক্ষে দেখিয়াছি । কিন্তু মিথ্যা নিন্দকের শাস্তি সৈন্যেরা দেখুক ।

সেই বস্ত্রহস্তে শিবজী লৌহবর্ষা উত্তো-

লন করিয়াছেন, সহসা রঘুনাথ সঙ্গুথে আসিয়া বলিলেন,—মহারাজ ! প্রভু চক্ররাণ্ডের প্রাণসংহার করিবেন না, তিনি মিথ্যাবাদী নহেন, আমার দুর্গতলে আসিতে বিলম্ব হইয়াছিল।

আবার সভাস্থল নিস্তরু, সকলে নির্ঝাঁকু বিশ্বয়স্তরু !

শিবজী ক্ষণকাল প্রস্তর-প্রতিমূর্তির ন্যায় নিশ্চেষ্ট হইয়া রহিলেন, পরে ধীরে ললাটের স্বৈর্দাবন্দু মোচন করিয়া বলিলেন,—আমি কি স্বপ্ন দেখিতেছি ? তুমি রঘুনাথ তুমি এই কান্না করিয়াছ ? তুমি যে প্রাচীর লঙ্ঘনের সময় একাকী দুন্দমনীয় তেজে অগ্রসর হইয়াছিলে, তুমি যে দুইশত মাত্র সেনা লইয়া পাচশত আকগানকে দুর্গের নীচে পর্য্যন্ত হটাঁয়া দিয়াছিলে, তুমি বিদ্রোহাচরণ করিয়া কিল্লাদারকে পূর্বে আক্রমণ সংবাদ দিয়াছিলে ?

রঘুনাথ ধীরে ধীরে উত্তর করিলেন,—প্রভু, আমি সে দোষে নির্দোষী।

দীর্ঘকায় নির্ভীক তরুণ যোদ্ধা শিবজীর অগ্নিদৃষ্টির সঙ্গুথে নিষ্কম্প হইয়া দণ্ডায়মান রহিয়াছেন, চক্ষের পলক পড়িতেছে না, একটা পত্র পর্য্যন্ত কম্পিত হইতেছে না। সভাস্থ সকলে এবং চারিদিকে অসংখ্য লোক রঘুনাথের দিকে তীব্র দৃষ্টি করিতেছে, রঘুনাথজী স্থির, অবিচলিত, অকম্পিত, তাঁহার বিশাল বক্ষঃস্থল কেবল গভীর নিশ্বাসে ক্ষীত হইতেছে ! কল্যাণের অসংখ্য শক্রমধ্যে প্রাচীরোপরি একাকী দণ্ডায়মান হইয়াছিলেন, অল্প তদপেক্ষা অধিক সঙ্কট মধ্যে যোদ্ধা সেইরূপ বীর, সেইরূপ অবিচলিত।

শিবজী উজ্জ্বল করিয়া বলিলেন,—তবে

কি জন্ত আমার আজ্ঞা লঙ্ঘন করিয়া এক প্রহর রজনীর সময় অনুপস্থিত ছিলে ?

রঘুনাথের ওষ্ঠ ঈষৎ কম্পিত হইল, কিন্তু তিনি কোন উত্তর না করিয়া ভূমির দিকে চাহিয়া রহিলেন !

রঘুনাথকে নির্ঝাঁকু দেখিয়া শিবজীর সন্দেহ বৃদ্ধি হইল, নয়নদ্বয় পুনরায় রক্তবর্ণ হইল, ক্রোধকম্পিতস্বরে বলিলেন,—কপটাচারিন্ ! এই জন্ত বীরত্ব প্রদর্শন করিয়াছিলে। কিন্তু কুৎসনে শিবজীর নিকট ছলনা চেষ্টা করিয়াছিলে।

রঘুনাথ সেইরূপ ধীর অকম্পিতস্বরে বলিলেন,—রাজন ! ছলনা ও কপটাচরণ আমার বংশের রীতি নহে, বোধ হয় প্রভু চক্ররাণ্ড তাহা জানিতে পারেন।

রঘুনাথের স্থিরভাব শিবজীর ক্রোধে আছত্তি স্বরূপ হইল, তিনি কর্কশভাবে বলিলেন,—পাপিষ্ঠ ! পরিত্রাণ চেষ্টা বৃথা ! ক্ষুণ্ড সিংহের গ্রাসে পড়িয়া পলায়ন করিতে পার, কিন্তু শিবজীর জলন্ত ক্রোধ হইতে পরিত্রাণ নাই।

রঘুনাথ পূর্ববৎ ধীরে ধীরে উত্তর করিলেন,—আমি মহারাজের নিকট পরিত্রাণ প্রার্থনা করি না, মনুষ্যের নিকট ক্ষমা প্রার্থনা করি না, জগদীশ্বর আমার দোষ মার্জনা করুন।

ক্ষিপ্তপ্রায় শিবজী বর্ষা উত্তোলন করিয়া বজ্রনাদে আদেশ করিলেন,—বিদ্রোহাচরণের শাস্তি প্রাণদণ্ড।

রঘুনাথ সেই বজ্রমুষ্টিতে তীক্ষ্ণ বর্ষা দেখিলেন, তখনও সেই অবিচলিত স্বরে বলিলেন,—যোদ্ধা যরণে প্রস্তুত আছে, বিদ্রোহাচরণ সে করে নাই।

শিবজী আর সহ্য করিতে পারিলেন

না, অব্যর্থ মুষ্টিতে সেই বর্ষা কম্পিত হইতেছে, একরূপ সময়ে রাজা জয়সিংহ তাঁহার হস্তধারণ করিলেন ।

তখন শিবজীর মুখমণ্ডল ক্রোধে বিকৃত হইয়াছিল, শরীর কম্পিত হইতেছিল, তিনি জয়সিংহের প্রতিও সমুচিত সম্মান বিস্মৃত হইয়া কর্কশস্বরে কহিলেন,—হস্ত ত্যাগ করুন । রাজপুত্রদিগের কি নিয়ম জানি না, জানিতে চাহি না, মহারাষ্ট্রীয়দিগের সনাতন নিয়ম, বিদ্রোহীর শাস্তি প্রাণদণ্ড । শিবজী সেই নিয়ম পালন করিবে ।

জয়সিংহ কিছুমাত্র ক্রুদ্ধ না হইয়া বীরে বীরে বলিলেন,—ক্ষত্রিয়রাজ ! অত্ন ধাড়া করিবেন, কল্যা তাহা অন্তথা করিতে পারিবেন না । এই যোদ্ধার অত্ন প্রাণদণ্ড করিলে চিরকাল সেজন্ত অত্নতাপ করিবেন ! যুদ্ধব্যবসায় আমার কেশ শুরু হইয়াছে, আমার মত গ্রহণ করুন, এ যোদ্ধা বিদ্রোহী নহে । কিন্তু সে বিচারে এক্ষণে আবশ্যক নাই ; আপনি আমার সুহৃদ, সুহৃদের নিকট আমি এষ্ট রাজপুত্র যোদ্ধার প্রাণ ভিক্ষা করিতেছি । আমাকে ভিক্ষা দান করুন ।

শিবজী জয়সিংহের ভদ্রতা দেখিয়া ঈর্ষ্য অপ্রতিভ হইলেন, কহিলেন,—তাত ! আমার পরুষবাক্য মার্জনা করুন, আপনার কথা কখনও অবহেলা করিব না, কিন্তু শিবজী বিদ্রোহীকে ক্ষমা করিবে তাহা কখনও মনে ভাবে নাই । হাবিলদার ! রাজা জয়সিংহ তোমার জীবন রক্ষা করিলেন, কিন্তু আমার সঙ্গুথ হইতে দূর হও, শিবজী বিদ্রোহীর মুখদর্শন করিতে চাহে না ।

রঘুনাথ সভাস্থল ত্যাগ করিবার উপক্রম করিতেছেন, এমন সময় শিবজী পুনরায় বলিলেন,—অপেক্ষা কর । দুই-বৎসর হইল তোমার কোষের ঐ অসি আমিই তোমাকে দিয়াছিলাম, বিদ্রোহীর হস্তে আমার অসির অবমাননা হইবে না । প্রহরীগণ ! অসি কাড়িয়া লও, পরে বিদ্রোহীকে ছুর্গ হইতে নিষ্কান্ত করিয়া দাও ।

রঘুনাথের মখন প্রাণদণ্ডের আদেশ হইয়াছিল, রঘুনাথ সে সময়ে অবিচলিত ছিলেন । কিন্তু প্রহরীগণ মখন অসি কাড়িয়া লইতেছিলেন তখন তাহার শরীর কম্পিত হইল, নয়নদ্বয় গারজ হইল । কিন্তু তিনি সে উদ্বেগ সংযম করিলেন, শিবজীর দিকে একবার চাহিয়া যুক্তিকা পর্যাস্ত শির নমাইয়া নিঃশব্দে ছুর্গ হইতে প্রস্থান করিলেন ।

সন্ধ্যার ছায়া ক্রমে গাঢ়তর হইয়া জগৎ আবৃত করিতেছে, একজন পথিক একাকী নিঃশব্দে পর্বত হইতে অবতীর্ণ হইয়া প্রান্তরাভিমুখে গমন করিলেন । প্রান্তর পার হইলেন, একাকী গ্রামে উপস্থিত হইলেন, সেটা পার হইয়া আর একটা প্রান্তরে আসিলেন । অন্ধকার গভীরতর হইল, রহিয়া রহিয়া নৈশ বায়ু বহিয়া যাইতেছে, তাহার পর আর কেহ সে পথিককে দেখিতে পাইল না ।

সম্পূর্ণ পরিচ্ছেদ ।

—:—

চন্দ্রাও জুমলাদার ।

আমি হইতে অল্প যদি কেহ
অধিক গৌরব ধরে, দহে যেন দেহ,
হাদে অগ্নে হলাহল।———

হেমচন্দ্র বন্দোপাধ্যায় ।

চন্দ্রাও জুমলাদারের সহিত আমাদের এই প্রথম পরিচয়, তাঁহার অসাধারণ ধীশক্তি, অসাধারণ বীৰ্য্য, অসাধারণ দৃঢ় প্রতিজ্ঞা । তাঁহার বয়স রঘুনাথ অপেক্ষা ৫।৬ বৎসর অধিকমাত্র, কিন্তু দূর হইতে দেখিলে সহসা তাঁহাকে ৪০ বৎসরের লোক বলিয়া বোধ হয় । প্রশস্ত ললাটে এই বয়সেই দুই একটি চিত্তার গভীর রেখা অঙ্কিত রহিয়াছে, মস্তকের কেশ দুই একটি গুরু । নয়ন ক্ষুদ্র ও অতিশয় উজ্জ্বল । চন্দ্রাওকে ষাঁহারা বিশেষ করিয়া জানিতেন, তাঁহার বলিতেন যে চন্দ্রাওয়ের তেজ ও সাহস যেকোন দুর্দমনীয়, গভীর দূরদর্শী চিন্তা এবং ভীষণ অনিবার্য স্থিরপ্রতিজ্ঞাও সেইরূপ । সমস্ত মুখমণ্ডলে এই দুইটি ভাব বিশেষরূপে ব্যক্ত হইত । দেহ যেন লৌহনির্মিত, ষাঁহার চন্দ্রাওয়ের অসীম পরাক্রম, বিজাতীয় ক্রোধ, গভীর বুদ্ধি ও দৃঢ়প্রতিজ্ঞার বিষয় জ্ঞাত ছিলেন, তাঁহার কখনই সেই অন্নভাবী স্থিরপ্রতিজ্ঞা জুমলাদারের সহিত বিবাদ করিতেন না । এ সমস্ত তাঁর চন্দ্রাওয়ের আর একটি গুণ বা দোষ

ছিল, তাহা কেহই বিশেষরূপে জানিত না । বিজাতীয় উচ্চাভিলাষে তাঁহার হৃদয় দিবা-রাত্র জলিত । অসাধারণ বুদ্ধিসঞ্চালনে তিনি আত্মোন্নতির পথ আবিষ্কার করিতেন, অতুল দৃঢ়প্রতিজ্ঞার সহিত সেই পথ অবলম্বন করিতেন, খজাহস্তে সেই পথ পরিষ্কার করিতেন । শত্রু হউক, মিত্র হউক, দোষী হউক, নির্দোষী হউক, অপরাধী হউক বা পরম উপকারী হউক, সে পথের সম্মুখে যিনি পড়িতেন, উচ্চাভিলাষী চন্দ্রাও নিঃসঙ্কোচে পতঙ্গনং তাঁহাকে পদ-দলিত করিয়া নিজ পথ পরিষ্কার করিতেন । অল্প বালক রঘুনাথ ঘটনানশতঃ সেই পথের সম্মুখে পড়িয়াছিলেন, তাঁহাকে পতঙ্গনং দলিত করিয়া জুমলাদার পথ পরিষ্কার করিলেন । এক্ষণ অসাধারণ পুরুষের পূর্ববৃত্তান্ত জানা আবশ্যিক । সঙ্গে সঙ্গে রঘুনাথের বংশবৃত্তান্তও কিছু কিছু জানিতে পারিব ।

চন্দ্রাও তাঁহার জন্মবৃত্তান্ত প্রকাশ করিতেন না । রাজা যশোবন্তসিংহের একজন প্রধান সেনানী গজপতিসিংহ চন্দ্রাওকে বাল্যকালে লালনপালন করিয়া-ছিলেন ! অনাথ বালক গজপতির গৃহের কার্য্য করিত, গজপতির পুত্রকন্যাকে যত্ন করিত, অথবা গজপতির সহিত যুদ্ধে যুদ্ধে ফিরিত ।

যখন চন্দ্রাওয়ের বয়ঃক্রম পঞ্চদশ বর্ষমাত্র তখন গজপতি তাঁহার গভীর চিন্তা, দুর্দমনীয় তেজ এবং দৃঢ়প্রতিজ্ঞা দেখিয়া আনন্দিত হইলেন, নিজপুত্র রঘুনাথের স্থায় চন্দ্রাওকে ভালবাসিতেন ও এই কোমল বয়সেই আপন অপীনে সৈনিক-কার্য্যে নিযুক্ত করেন ।

সৈনিকের ব্রতধারণ করিয়া অবধিই চন্দ্ররায় দিন দিন যে বিক্রম প্রকাশ করিতে লাগিলেন, তাহা দেখিয়া প্রাচীন যোদ্ধগণও বিস্মিত হইত। যুদ্ধে যে স্থানে অতিশয় বিপদ,—যে স্থানে শত্রু ও মিত্রের শব রাসীকৃত হইতেছে, যে স্থানে ধূলি ও ধূমে গগন আচ্ছাদিত হইতেছে, যেখানে বিজ্ঞতার ছঙ্কারে ও আর্ন্তের আর্ন্তনাদে কর্ণা বিনীত হইতেছে,—তথায় অশ্বেন গর, পঞ্চদশ বর্ষের অল্পভাগী দৃঢ়প্রতিজ্ঞ বালককে তথায় পাইবে। যুদ্ধ সমাপ্ত হইলে যে স্থানে যুদ্ধযাত্রী সেনাগণ একত্র হইয়া বন্ধনীতে গীতা বাণ্য করিতেছে, হাওয়া ও আমোদ করিতেছে, চন্দ্ররায় তথায় নাই। অল্পভাগী দৃঢ়প্রতিজ্ঞ বালক শিবিরে অন্ধকারে একাকী বসিয়া বহিয়াছে, অগ্নিকাণ্ডিত ললাটে প্রান্তরে বা নদীতীরে একাকী সাহসকালে পনচারণ করিতেছে। চন্দ্ররায়ের উদ্দেশ্য কতক পরিমাণে সাধিত হইল, তিনি এক্ষণে অজ্ঞাত রাজপুত্র শিশু নহেন। তাঁহার পনবুদ্ধি হইয়াছে, গজপতিসিংহের অধীনস্থ সমস্ত সেনার মধ্যে চন্দ্ররায় এক্ষণে একজন অসাধারণ তেজস্বী বীর বলিয়া পরিচিত। মর্যাদাবুদ্ধির সহিত চন্দ্ররায়ের উচ্চাভিলাষ ও গর্ভ অধিকতর বৃদ্ধি পাইল।

একদিন একটী বন্ধে চন্দ্ররায় গজপতিকে পরম বিপদ হইতে উদ্ধার করেন। গজপতি যুদ্ধের পর চন্দ্ররায়কে নিকটে ডাকিয়া সকলের সম্মুখে যথোচিত সম্মান করিয়া বলিলেন,— চন্দ্ররায় ! অল্প তোমার সাহসেই আমার প্রাণ রক্ষা হইয়াছে ; ইহার পুরস্কার তোমাকে কি দিতে পারি ?

চন্দ্ররায় মুখ অবনত করিয়া বিনীতভাবে রহিলেন।

গজপতি সম্মুখে বলিলেন,—যনে ভাবিয়া দেখ, যাহা ইচ্ছা হয় প্রকাশ করিয়া বল। অর্থ, ক্ষমতা, পনবুদ্ধি, চন্দ্ররায় ! তোমাকে আমার কিছুই অদেয় নাই।

তখন চন্দ্ররায় ধীরে ধীরে নয়ন উঠাইয়া বলিলেন,—রাজপুত্র বীর কখনও অস্বীকার অন্তথা করেন না জগতে বিদিত আছে। বীরশ্রেষ্ঠ ! আপনার কন্যা লক্ষ্মীদেবীকে আমার সহিত বিবাহ দিন।

সভাস্থ সকলে নির্বাক নিস্তব্ধ ! গজপতির মাথায় যেন আকাশ ভাঙ্গিয়া পড়িল, ক্রোধে তাঁহার শরীর কম্পিত হইল, কোষ হইতে অসি অর্ধেক নিষ্কাশিত হইল। কিন্তু সে ক্রোধ কথঞ্চিৎ সংযম করিয়া গজপতি উচ্চহাস্য করিয়া কহিলেন—, অস্বীকার পালনে স্বীকৃত আছি, কিন্তু তোমার মহারাষ্ট্রদেশে জন্ম, রাজপুত্রহিতাদিগের মহারাষ্ট্রীয় দস্যুর সহিত পর্কতকন্দরে ও জঙ্গল মধ্যে থাকিবার অভ্যাস নাই। অগ্রে লক্ষ্মীর উপযুক্ত বাসস্থান নিৰ্মাণ কর, জঙ্গলকটীরের পরিবর্তে দুর্গ প্রস্তুত কর, দস্যুর পরিবর্তে যোদ্ধার নাম গ্রহণ কর, তৎপরে রাজপুত্রহিতার বিবাহ কামনা জানাইও। এখন অল্প কোন যাক্সা আছে ?

চন্দ্ররায় ধীরে ধীরে বলিলেন,—অল্প কোন যাক্সা এক্ষণে নাই, যখন থাকিবে প্রভুকে জানাইব।

সভা ভঙ্গ হইল, সকলে নিজ নিজ শিবিরে গমন করিল, উদারচেতা গজপতি, চন্দ্ররায়ের প্রতি ক্রোধ অচিরাতঃ বিস্মৃত হইলেন, সে দিনকার কথা বিস্মৃত হইলেন।

চন্দ্রাও সে কথা বিশ্বাস হইলেন না, সেই দিন সন্ধ্যার সময় ধীরে ধীরে আপন শিবিরে পদচারণ করিতে লাগিলেন। শিবির অন্ধকার, কিন্তু তাহা অপেক্ষা দুর্ভেদ্য অন্ধকার চন্দ্রাওয়ের হৃদয় ও ললাটে বিরাজ করিতেছিল।

দুই দণ্ডের পর চন্দ্রাও একটা দীপ জালিলেন, একখানি পুস্তকে সম্বন্ধে কি লিখিলেন। পুস্তকখানি বন্ধ করিলেন, আবার খুলিলেন, আবার দেখিলেন, আবার বন্ধ করিলেন। ঈষৎ বিকট হাস্য মুগমণ্ডলে দেখা গেল। তাঁহার একজন বন্ধু ইতিমধ্যে শিবিরে আসিয়া জিজ্ঞাসা করিল,—চন্দ্র কি লিখিতেছ ? চন্দ্রাও সহজ অবিচলিত স্বরে বলিলেন,—কিছু নহে, হিসাব লিখিয়া রাখিতেছি, আমি কাহার নিকট কি ধারি তাহাই লিখিতেছি।

বন্ধু চলিয়া গেলে, চন্দ্রাও পুনরায় পুস্তকখানি খুলিলেন। সেটা মথারাই হিসাবের পুস্তক, চন্দ্রাও একটা ঋণের কথাই লিখিয়াছিলেন। পুনরায় পুস্তক বন্ধ করিয়া দীপ নির্বাণ করিলেন।

এই ঘটনার এক বৎসর পরে আরও জীবের সহিত যশোবন্তের উজ্জয়িনী সন্নিধানে মহাবুদ্ধ হর। সেই যুদ্ধে গজপতিসিংহ হত হইলেন, “মামবীকঙ্কণ” নামক উপত্যাসের পাঠক তাহা অবগত আছেন।

গজপতির অনাথ বালক ও বালিকা মাড়ওয়ার হইতে পুনরায় মেওয়ার প্রদেশে সুর্যামহল নামক ভূর্গে যাইতেছিল। বয়স্কৃত্যের বয়ঃক্রম দ্বাদশ বর্ষ, লক্ষ্মীর নয় বৎসর মাত্র, সঙ্গে কেবল একমাত্র পুরাতন ভৃত্য। পশ্চিমদিকে একদল দস্যু সেই

ভৃত্যকে হত্যা করিয়া ‘বালকবালিকা’কে মহারাষ্ট্র দেশে লইয়া যাইল। বালক অল্পবয়সেই তেজস্বী, রজনীষোণে দস্যুদিগের শিবির হইতে পলায়ন করিল, বালিকাকে দস্যুপতি বলপূর্বক বিবাহ করিলেন। তিনি চন্দ্রাও !

তীক্ষ্ণবুদ্ধি চন্দ্রাওয়ের মনোরথ কতক পরিমাণে পূর্ণ হইল। গজপতির সংসার হইতে কিছু অর্থ আনিয়াছিলেন, বিস্তীর্ণ জায়গীর কিনিলেন, মহারাষ্ট্র দেশে একজন সমাদৃত সম্ভ্রান্ত লোক হইলেন। চন্দ্রাওয়ের বংশ এক পুরাতন রাজপুত্রবংশ হইতে উদ্ভূত, এ কথা কেহ অবিশ্বাস করিল না, তিনি প্রসিদ্ধনামা রাজপুত্র গজপতিসিংহের একমাত্র ভ্রাতাকে বিবাহ করিয়াছেন, সকলে দেখিতে পাইল। তাঁহার সাহস ও বিক্রম দেখিয়া শিবজী তাঁহাকে জুমলাদারের পদ দিলেন, তাঁহার বিপুল অর্থ ও জায়গীর দেখিয়া সকলে তাঁহাকে সমাদর করিলেন। দিনে দিনে চন্দ্রাওয়ের যুগল বুদ্ধি পাইতে লাগিল, এমন সময় কুম্ভধে বালক বয়স্কৃত্য তাঁহার উন্নতির পথে আসিয়া গাড়িল। জুমলাদার অচিরে পথ পরিষ্কার করিয়া লইলেন।

অষ্টাদশ পরিচ্ছেদ ।

লক্ষ্মীবাই ।

স্বামী বনিতার পতি, স্বামী বনিতার গতি,
স্বামী বনিতার যে বিধাতা ।

স্বামী বনিতার ধন, স্বামী বিনা গচ্ছন,
কেহ নহে সুখ সাক্ষ্যদাতা ॥

মুকুন্দরাম চন্দ্রবতী ।

ষাটশব্দ বয়ঃক্রমের সময় রঘুনাথ দম্ভাবেশী চন্দ্ররাম দ্বারা আক্রান্ত হইয়া রাজস্থান হইতে মহারাষ্ট্রদেশে নীত হইয়াছিলেন। একদিন রজনীসময়ে তিনি পলায়ন করেন, পর্কতবন্দরে, বনবধো, পান্ডুরে, বা গৃহস্থের বাটীতে কয়েক দিন লুক্কায়িত থাকেন, সুন্দর স্নানাদি অল্পবয়স্ক বালককে দেখিয়া কেহই মূর্খভিঙ্গা দিতে পরাশ্রয় হইত না।

তাহার পর পাঁচ ছয় বৎসর রঘুনাথ নানা স্থানে নানা কষ্টে অতিবাহিত করিল। সংসারস্বরূপ অনন্ত সাগরে অনাথ বালক একাকী ভাসিতে লাগিল। নানা দেশে পর্যটন করিল, নানা লোকের নিকট ভিক্ষা বা দাসত্ববৃত্তি অবলম্বন করিয়া জীবন যাপন করিল। পূর্ব গৌরবের কথা, পিতার বীরত্ব ও সম্মানের কথা বালকের মনে সর্বদাই জাগরিত হইত, কিন্তু অভিমাত্র মানী বালক সে কথা, সে ছঃখ বাহ্যিকের বলিত্ত না। কখন কখন ছঃখভার সহ্য করিতে না পারিলে নিঃশব্দে প্রান্তরে বা পর্কতশঙ্কোপরি উপবেশন করিয়া একাকী

প্রাণ ভরিয়া রোদনকরিত, পুনরায় চক্ষের জল মোচন করিয়া স্বকার্যে যাইত।

বয়োবৃদ্ধির সহিত বংশোচিত ভাব হৃদয়ে যেন আপনিই জাগরিত হইতে লাগিল। অল্পবয়স্ক ভূতা গোপনে কখন কখন প্রভুর শিরস্যাগ মস্তকে ধারণ করিত, প্রভুর অসি কোষে বুলাইত ! সন্ধ্যার সময় প্রান্তরে বসিয়া দেশীয় চারণদিগের গান উচ্চঃস্বরে গাইত, নৈশ পথিকেরা পর্কত-গুহায় সংগ্রামসিংহ বা প্রতাপের গীত শুনিয়া চমকিত হইত। যখন অষ্টাদশ বৎসর বয়স তখন রঘুনাথ শিবজীর কীর্তি, শিবজীর উদ্দেশ্য, শিবজীর বীর্যের কথা চিন্তা করিতেন। রাজস্থানের ছায় মহারাষ্ট্রদেশ স্বাধীন হইবে, শিবজী দক্ষিণদেশে হিন্দু-রাজ্য বিস্তার করিবেন, এইরূপ চিন্তা করিতে করিতে বালকের হৃদয় উৎসাহে পূর্ণ হইল, তিনি শিবজীর নিকট যাইয়া একটী সামান্য সেনার কার্য প্রার্থনা করিলেন।

শিবজী লোক চিনিতে অধিভীষ, কয়েক দিনের মধ্যে রঘুনাথকে চিনিলেন, একটী হাবিলদারী পদে নিযুক্ত করিলেন, ৭ তাহার কয়েক দিবস পরেই ভোরণজর্গে পাঠাইলেন। পথে রঘুনাথের সহিত আত্মদিগের প্রথম সাক্ষাৎ হইয়াছিল। তাঁহার প্রকৃত নাম রঘুনাথ সিংহ ; কিন্তু মহারাষ্ট্র দেশে হাবিলদারী কার্য পাওয়া অর্থাৎ সকলে তাঁহাকে রঘুনাথজী হাবিলদার বলিয়া ডাকিত।

রঘুনাথ হাবিলদারী পদ পাইয়াছিলেন বলা হইয়াছে। রঘুনাথের শিবজীর নিকট আগমনের সময় চন্দ্ররাম জুমলাদারের অধীনে একজন হাবিলদারের মৃত্যু হইয়া,

তাহারই পন রঘুনাথ প্রাণ হইলেন । রঘুনাথ চন্দ্রাওকে পিতার পুরাতন ভৃত্য ও আপন বাসস্থান বনিয়া চিনিলেন, তাঁহাকে দয়্য বা ভগিনীপতি বনিয়া জানি-
ভেন না, চন্দ্রাও তিনি মানন্দে তাঁহার সহিত আলাপ করিতে যাইলেন । চন্দ্রাও রঘুনাথকে অভ্যর্থনা করিলেন, কিন্তু অন্নভায়ী জুমলাদারের লগাট অল্প পুনরায় কুক্ষিত হইল ।

দিনে দিনে রঘুনাথজীর সাহস ও বিক্রমের যশ অধিক বিস্তার হইতে লাগিল, চন্দ্রাওয়ের চিন্তা গভীরতর হইল । চন্দ্রাওয়ের স্থির প্রতিজ্ঞা কখনও বিচলিত হইত না, গভীর মন্ত্রণা কখনও বাধ হইত না । অল্প রঘুনাথজী দৈবযোগে প্রাণে রক্ষা পাইলেন, কিন্তু বিদ্রোহী কপটাচারী বনিয়া শিবজীর কার্য হইতে দূরীভূত হইলেন ।

চন্দ্রাও ও শিবজীর নিকট কয়েক দিনের বিদায় গ্রহণ করিয়া বাটী যাইলেন । পাঠক । চল আমরাও একবার বড়লোকের বাটী সভয়ে প্রবেশ করি ।

জুমলাদার বাটী আসিলে, বহির্দ্বারে নহবৎ বাজিতে লাগিল, অসংখ্য দাস দাসী সম্মুখে আসিল, অনেক প্রতিবেশি সাক্ষাৎ করিতে আসিলেন, অচিরে চন্দ্রাওয়ের আগমন বার্তা সমগ্র দেশে রাষ্ট্র হইল । জুমলাদারের বাটীর অন্তঃপুরে ধূমধাম পড়িয়া গেল, সেই ধূমধামের মধ্যে শান্ত নয়ন কীর্ণাঙ্গী লক্ষ্মীবাই নীরবে স্বামীর অভ্যর্থনার আয়োজন করিতে লাগিলেন ।

লক্ষ্মীবাই দয়্য লক্ষ্মীস্বরূপা, শান্ত, ধীর, বুদ্ধিমতী, পতিব্রতা ; বাল্যকালে পিতার আশ্রয়ের রক্ষা ছিলেন, কিন্তু কোমল

বয়সে বিদেশে অপরিচিত লোকের মধ্যে অন্নভায়ী কঠোরস্বভাব স্বামীর হস্তে পড়িলেন, রক্ষ হইতে উৎপাটিত কোমল পুষ্পের জায় দিন দিন শুষ্ক হইতে লাগিলেন । নয় বৎসরের বালিকার জীবন শোকাচ্ছন্ন হইল, কিন্তু সে শোক কাহাকে জানাইবে ? কে দুটা কথা বনিয়া সাহসনা করিবে ? বালিকা পূর্বকথা শ্রবণ করিত, পিতার কথা শ্রবণ করিত, প্রাণের সহোদরের কথা শ্রবণ করিত, আর গোপনে অশ্রুবর্ষণ করিত ।

শোকে পড়িলে, কষ্টে পড়িলে, আমাদের বুদ্ধি তীক্ষ্ণ হয়, আমাদের হৃদয় ও মন সহিষ্ণু হয় । বালিকা দুই এক বৎসরের মধ্যেই সংসারের কার্য করিতে লাগিলেন, স্বামীর সেবায় রত হইলেন । হিন্দু রমণীর পতি ভিন্ন আর কি গতি আছে ? স্বামী যদি সজদয় ও সদয় হইলেন নারী আনন্দে ভাসিয়া তাঁহার সেবা করেন, স্বামী নির্দয় ও বিমুখ হইলেও নারীর পতিসেবা ভিন্ন আর কি উপায় আছে ? কিন্তু যদিও চন্দ্রাওয়ের হৃদয়ে অভিমান, জিঘাংসা ও উচ্চাভিলাষ বিরাজ করিত, তথাপি তিনি অসহায় নারীর প্রতি নির্দয় ছিলেন না । নয়মুখী, নয়হৃদয়া লক্ষ্মীবাইয়ের পরিচর্যায় চন্দ্রাও তুষ্ট হইতেন ; বুদ্ধবিগ্রহ শেব হইলে পতিপরায়ণ লক্ষ্মীবাইয়ের নিকটে আসিয়া শান্তি লাভ করিতেন ; লক্ষ্মীবাইয়ের স্নিগ্ধ কথাগুলি শুনিয়া তাঁহাকে সাদরে হৃদয়ে ধারণ করিতেন । লক্ষ্মীবাই তখন জগতের মধ্যে আপনাকে ভাগ্যবতী মনে করিতেন, স্বামীর সামান্য বস্তুে তিনি পুলকিত হইতেন, স্বামীর একটা মিষ্ট কথায় তাঁহার হৃদয় প্রাবিত হইত ।

যে পুষ্পচারাটিকে উত্তান হইতে আনিয়া গৃহমধ্যে অন্ধকারে রাখা যায়, সে চারাটি গৃহমধ্যস্থ একটা আলোকরেখার দিকে কত পলকের সহিত ধায় !

এইরূপে সংসার-কার্য ও পতিসেবায় এক বৎসরের পর আর এক বৎসর অতি-বাহিত হইতে লাগিল, দীর্ঘ শান্ত লক্ষ্মী যৌবন প্রাপ্ত হইলেন, কিন্তু সে যৌবন কি শান্ত, নিরুদ্বেগ ! লক্ষ্মী পূর্বের কথা প্রায় ভুলিয়া গেলেন, অথবা যদি সায়ংকালে কখন রাজস্থানের কথা মনে উদয় হইত, বাণ্যকালের সুখ বালাকালের ক্রীড়া ও প্রাণের ভ্রাতা রঘুনাথের কথা মনে হইত, যদি নিঃশব্দে দুই এক বিন্দু অশ্রু সেই সুন্দর রক্তশূণ্য গণ্ডস্থল দিয়া গড়াইয়া যাউত, লক্ষ্মী সে অশ্রুবিন্দু মোচন করিয়া পুনরায় গৃহ-কার্যে প্রবৃত্ত হইতেন ।

অথ চন্দ্ররাজ আহারে বসিয়াছেন, লক্ষ্মীবাই পার্শ্বে দণ্ডায়মান হইয়া ব্যঞ্জন করিতেছেন । লক্ষ্মীবাইয়ের বয়ঃক্রম এক্ষণে সপ্তদশ বর্ষ । অবয়ব কোমল, উজ্জল ও লাবণ্যময়, কিন্তু ঈষৎ কীর্ণ । ক্রয়গুল কি সুন্দর ও সুচিকণ, যেন সেই পরিষ্কার শান্ত ললাটে তুলী দ্বারা অঙ্কিত । শান্ত, কোমল, কৃষ্ণ নয়ন দুটীতে যেন চিন্তা আপনার আবাসস্থান করিয়াছে । গণ্ডস্থল সুন্দর, সুচিকণ কিন্তু ঈষৎ পাণ্ডুর্ণ ; সমস্ত শরীর শান্ত ও কীর্ণ । যৌবনের অপকৃপ সৌন্দর্য বিকশিত রহিয়াছে, কিন্তু যৌবনের প্রকৃষ্টতা, উন্নততা কৈ ? আহা ! রাজস্থানের এই অপূর্ব পুষ্পটি মহারাষ্ট্রে সৌন্দর্য ও সুপ্রাণ বিতরণ করিতেছে, কিন্তু জীবনাত্মে ঈষৎ শুষ্ক । লক্ষ্মীবাইয়ের চারু নয়ন, সুদীর্ঘ কেশভার,

কোমল বাহুদয় ও কোমল দেহমতার মুক্তার লাবণ্য আছে, কিন্তু হিরকের উজ্জল কিরণ নাই ।

এক দিন চন্দ্ররাজ লক্ষ্মীকে জানাইয়া ছিলেন যে, তোমার ভ্রাতা আমার অধীনে হাবিষ্যদার হইয়াছে ও যশোলাভ করিয়াছে । কথাটি সার হইলে চন্দ্ররাজের ললাট মেঘাচ্ছন্ন হইয়াছিল, তাহা দেখিয়া লক্ষ্মীর মনে সন্দেহ হইয়াছিল ।

আর একদিন স্বামী হই একটা ঘিষ্ট-বাক্যে প্রোৎসাহিত হইয়া লক্ষ্মী স্বামীর পদযুগলের নিকট বসিয়া বলিলেন,—দাসীর একটা নিবেদন আছে কিন্তু বলিতে ভয় করে ।

চন্দ্ররাজ শয়ন বরিধা তাবুগ চর্কণ করিতেছিলেন, নয়মুখীকে সন্নেহে চুষন করিয়া বলিলেন,—কি বল না । তোমার নিকট আমার অদেষ কি আছে ?

লক্ষ্মী বলিলেন,—আমার ভ্রাতা বালক, অজ্ঞান ।

চন্দ্ররাজের মুখ গভীর হইল ।

লক্ষ্মী সে আপনার ভৃত্য, আপনারই অধীন ।

চন্দ্ররাজ : না, সে আমার কপেক্ষাও সাহসী বলিয়া পরিচিত ।

বুদ্ধিমতী লক্ষ্মী বুঝিতে পারিলেন, তিনি যাহা ভয় করিতেছিলেন তাহাই ঘটিয়াছে,—চন্দ্ররাজ রঘুনাথের উপর ষড়পয়োনাতি কুক ! ভয়ে কম্পিত হইয়া বলিলেন,—বালক যদিও দোষ করে, আপনি না সার্কনা করিলে কে করিবে ?

চন্দ্ররাজের ললাটে আবার সেই মেঘাচ্ছন্ন দেখা গেল । লক্ষ্মী স্বামীকে

জানিতেন, সে কথা আর উল্লেখ করিলেন না ।

তাহার পর চন্দ্রাও অল্প প্রথম বাটা আসিয়াছেন । রথুনাথের যাহা ঘটিয়াছে লক্ষ্মী তাহা জানেন না, কিন্তু তাঁহার হৃদয় চিন্তাকুল । তিনি যুগ ফুটিয়া কোন কথা জিজ্ঞাসা করিতে পারেন না, রজনীতে স্বামী নিদ্রিত হইলে ভৃত্যদিগের নিকট ভ্রাতার সংবাদ লইবেন মনে স্থির করিয়াছিলেন ।

চন্দ্রাওয়ের আহাৰ সন্ধ্যা হইল, তিনি শয়নাগারে যাইলেন, লক্ষ্মী তাহুল হস্তে তথায় গাইলেন । দেখিলেন স্বামীর ললাট চিন্তাবৃত্ত । লক্ষ্মী তাহুল দিয়া ধীরে ধীরে ঘর হইতে বাহিরে যাইলেন, চন্দ্রাও সতর্কভাবে দ্বাররুদ্ধ করিলেন ।

ধীরে ধীরে একটা গুপ্তস্থান হইতে চন্দ্রাও বাহ্য বাহির করিলেন, সেটা খুলিলেন, একখানি পুস্তক বাহির করিলেন, দেখিতে হিসাবের পুস্তক । প্রায় দশ বৎসর পূর্বে গজপতি কর্তৃক যে দিন সভায় অবমানিত হইয়াছিলেন, সে দিন সেই পুস্তকে একটা খণ্ডের কথা লিখিয়াছিলেন, সেই পাত খুলিলেন, সুন্দর স্পষ্ট হস্তাক্ষর সেইরূপ দেদীপ্যমান রহিয়াছে ;—

“মহাজন.....গজপতি ;

ঋণ.....অবমাননা ;

পরিশোধ.....তাঁহার শোণিতে,

তাঁহার বংশের অবমাননায় ।”

একবার, দুইবার এই অক্ষরগুলি পড়িলেন, ঈষৎ হাত সেই বিকট মুখমণ্ডলে দেখা দিল, সেইস্থানে লিখিলেন—

“অল্প পরিশোধ হইল ।”

তারিখ দিয়া পুস্তক বন্ধ করিলেন ।

দ্বার উন্মোচন করিয়া লক্ষ্মীকে ডাকি-

লেন, লক্ষ্মী ভক্তিতাবে স্বামীর নিকটে আসিলেন । চন্দ্রাও লক্ষ্মীর হস্ত ধারণ করিয়া ঈষৎ হাসিয়া বালিলেন,—অনেক দিনের একটা ঋণ অল্প পরিশোধ করিয়াছি । লক্ষ্মী শিহরিয়া উঠিলেন ।

উনবিংশ পরিচ্ছেদ ।

ঈশানী-মন্দিরে ।

হেরিয়া অধুরে

সন্ধ্যায়, কালে তার চণ্ডীর দেউল ।

মধুসূদন দত্ত ।

পরাক্রান্ত জায়গীরদার ও জুমলাদার চন্দ্রাওয়ের বাটা হইতে কয়েক ক্রোশ দূরে ঈশানীর একটা মন্দির ছিল । অনতিউচ্চ একটা পর্বত-শৃঙ্গে সেই মন্দির প্রতি প্রাচীনকালে প্রতিষ্ঠিত হইয়াছিল । মন্দির সম্মুখে প্রস্তররাশি সোপানরূপে খোদিত ছিল, নীচে একটা পর্বততরঙ্গিণী কুল কুল শব্দ করিয়া সেই সোপানের পদ প্রক্ষালন করিয়া বহিয়া যাইত । পুরাকাল হইতে অসংখ্য যাত্রী ও উপাসক এই পুণ্যক্ষেত্রে স্নাত হইয়া সোপানারোহণ পূর্বক ঈশানীর পূজা দিত, অল্প পর্য্যন্তও মন্দিরের পৌরব বা যাত্রী-সংখ্যা হ্রাস প্রাপ্ত হয় নাই । মন্দিরের পশ্চাতে পর্বতের পৃষ্ঠদেশ বহু পুরাতন বৃক্ষ দ্বারা আবৃত, চুড়া হইতে নীচে সমতল ভূমি পর্য্যন্ত সেই বৃক্ষশ্রেণী ভিন্ন আর কিছুই দেখা যাইত না । দিবাভাগেও সেই বিশাল বৃক্ষশ্রেণী ঈষৎ অন্ধকার করিত, সেই হৃদয়

যাতে ঈশানী-মন্দিরের পূজক ও ব্রাহ্ম-
ণেরা নিজ নিজ কুটীরে বাস করিত। সেই
পুণ্যময় স্মৃষ্টি স্থান দেখিলেই বোধ হয়
যে তথায় শান্তিরস ভিন্ন অত্র কোন ভাবের
উৎসক হয় নাই, ভারতবর্ষের পবিত্র পুরাণ-
বা দেবমন্দির ভিন্ন অত্র কোন শব্দ সেই
পুরাতন পাদপদ্ম শ্রবণ করে নাই। বহু
যুদ্ধ ও আহবে মহারাজ্যদেশ ব্যাভ্যস্ত ও
বিপর্যস্ত হইতেছিল, কিন্তু হিন্দু কি মুসল-
মান কেহই এই ক্ষুদ্র প্রশান্ত পর্বতমন্দির
বিগ্রহের রবে কলুষিত করে নাই।

রজনী এক প্রহরের সময় একজন পথিক
একাকী সেই শান্ত কাননের মধ্যে নিচরণ
করিতেছিলেন। পথিকের হৃদয় উদ্বেগ-
পরিপূর্ণ, প্রশস্ত ললাট কৃষ্ণিত, মুখমণ্ডল
রক্তবর্ণ, নয়ন হইতে উন্মত্ততার অস্বাভাবিক
জ্যোতিঃ নির্গত হইতেছিল। রোবে,
জিঘাংসায়, বিষাদে, অত্র রঘুনাথের হৃদয়
একেবারে দগ্ধ হইতেছিল।

অনেকক্ষণ পদচারণ করিতে লাগিলেন,
শরীর একেবারে অবসন্ন হইয়াছে, তথাপি
হৃদয়ের উদ্বেগ নিবারণ হয় না। রঘুনাথ
উন্মত্ত প্রায়! এ ভীষণ চিন্তার আশু উপ-
শম না হইলে রঘুনাথের বিবেচনাশক্তি
বিচলিত বা লুপ্ত হইবে। প্রকৃতি ভীষণ
চিকিৎসক! এই বিষম সংসারে শেলসম
যে দুঃখ হৃদয় বিকীর্ণ করে, অগ্নিসম যে
চিন্তা শরীর শোষণ ও দাহ করে, যে মান-
সিক রোগের ঔষধ নাই, চিকিৎসা নাই,
প্রকৃতি চিন্তাশক্তি লোপ করিয়া তাহার
উপশম করে! উন্মত্ততাই কত শত হত-
ভাগীর আরোগ্য! কত সহস্র হতভাগী
এই আরোগ্য দিবানিশি প্রার্থনা করে, কিন্তু
প্রাপ্ত হয় না!

সেই পাদপদের অনতিদূরে কতকগুলি
ব্রাহ্মণ পুরাণ পাঠ করিতেছিলেন। আহা!
সেই সমীতপূর্ণ পুণ্যকথা যেন শান্ত নিশীথে
শান্ত কাননে অমৃত বর্ণন করিতেছিল, নক্ষত্র-
বিভূষিত নৈশ-গগন-মণ্ডলে ধীরে ধীরে
উপ্তিত হইতেছিল। সেই পুণ্য কথা শান্ত
নৈশ কাননে প্রতিধ্বনিত হইতে লাগিল,
অচেতন পাদপকেও যেন সচেতন করিতে
লাগিল। শাখাপত্র যেন সেই গীত কুড়-
লে পান করিতে লাগিল, বায়ু সেই গীত
বিস্তার করিতে লাগিল, মানব-হৃদয় শান্তি-
রূপে বিগলিত হইতে লাগিল।

কত সহস্র বৎসর হইতে এই পুণ্যকথা
ভারতবর্ষে ধ্বনিত ও প্রতিধ্বনিত হইতেছে।
সুন্দর বঙ্গদেশে, তুমারপূর্ণ পর্বতবোষ্টিত
কাশ্মীরে, বীরপ্রসূ রাজহান ও মহারাজ-
ভূমিতে, সাগর প্রক্ষালিত কর্ণাট ও দ্রাবিড়ে
কত সহস্র বৎসর অবধি এই গীত ধ্বনিত
হইতেছে! যেন চিরকালই এই গীত
ধ্বনিত হয়, আমরা যেন এ শিক্ষা কখনই
বিস্মৃত না হই। গৌরবের দিনে এই অমূল্য
গীত আমাদের পূর্বপুরুষদিগকে প্রোৎ-
সাহিত করিয়াছিল, হস্তিনা অযোধ্যা,
নিখিলা, কাশী, মগধ, উজ্জয়িনী, প্রভৃতি
দেশ বীরত্বে ও যশে প্রাবৃত করিয়াছিল।
জাঁদনে এই গীত গাইয়া সমরসিংহ, সংগ্রাম-
সিংহ, প্রতাপসিংহ পর্য্যন্তকার্য হৃদয়ের
শোণিত দিয়াছিলেন, এই মহামুখে মুগ্ধ
হইয়া শিবজী পুনরায় পুরাকালের গৌরব
প্রতিষ্ঠিত করিতে বহু করিয়াছিলেন।
অত্র গীত হৃদয় হিন্দুদিগের আশ্বাসের
স্থল এই পূর্ব গীত মাত্র, যেন বিপদে
বিবাদে, দুর্কালভায় আমরা পূর্ব কথা
বিস্মৃত না হই, যতদিন জাতীয়জীবন থাকে

যেন স্বপ্ন-স্বপ্ন এই গীতের সঙ্গে সঙ্গে ধ্বনিত হইতে থাকে ।

নব্য পাঠক ! তুমি ইলিয়দ ও ইনিয়দ পাঠ করিয়াছ, দ্যস্তে ও সেক্সপীয়র, গেতে ও হিউগো পাঠ করিয়াছ, সাদী ও ফর-তসী পাঠ করিয়াছ, কিন্তু হৃদয় অন্বেষণ কর, হৃদয়ের অন্তরে কোন্ কথামূলি সরসভাবপূর্ণ বোধ হয় ? হৃদয় কোন্ কথায় অধিকতর আলোড়িত, প্রোৎসাহিত বা মুগ্ধ হয় ? ভীষ্মাচার্যের অপূর্ণ বীরত্বকথা ! হুঃধিনী সীতার অপূর্ণ পতিব্রতা-কথা ! হিন্দুমাত্রেরই হৃদয়ের স্তরে স্তরে এখিত রহিয়াছে, এ কথা যেন হিন্দুজাতি কখনও বিস্মৃত না হয় !

পাঠক ! একত্র বসিয়া এক একবার দেশীয় গৌরবের কথা গাইব, আধুনিক ও প্রাচীন সময়ের বীরত্বের কথা স্মরণ করিব, কেবল এই উদ্দেশ্যে লেখনী ধারণ করিয়াছি । যদি সেই সমস্ত কথা স্মরণ করাইতে সক্ষম হইয়া থাকি তবেই যত সফল হইয়াছে, নচেৎ আমার পুস্তকগুলি দূরে নিক্ষেপ কর, লেখক তাহাতে ক্ষুণ্ণ হইবে না ।

শান্তকামনে পবিত্র পুরাণকথা ও সম্রীত রঘুনাথের উত্তম ললাটে বাস্তবধর্ম করিতে লাগিল, উর্ধ্ব হৃদয়ে শান্তি সেচন করিতে লাগিল । হতভাগার উন্নততা ক্রমে হ্রাস পাইল, সেই মহৎ কথার নিকট আপনার শোক ও হুঃখ কি অকিঞ্চিৎকর বোধ হইল ! আপনার মহৎ উদ্দেশ্য ও বীরত্ব কি ক্ষুদ্র বোধ হইল ! ক্রমে চিন্তাহারিণী নিজা রঘুনাথকে অন্ধে গ্রহণ করিলেন । রঘুনাথের শাস্ত অবসরশরীর সেই বৃক্ষমূলে শায়িত হইল ।

রঘুনাথ স্বপ্ন দেখিতে লাগিলেন : আজি কিনের স্বপ্ন ? আজি কি গৌরবেক স্বপ্ন দেখিতেছেন ? দিন দিন পদোন্নতি, দিন দিন যশোবিস্তারের স্বপ্ন দেখি-ছেন ? হায় রঘুনাথের জীবনের উদ্দেশ্য ভয় হইয়াছে, সে চিন্তা শেষ হইয়াছে, মরীচিকা-পূর্ণ সংসারের সে মরীচিকা বিলুপ্ত হইয়াছে ।

রঘুনাথ কি বৃদ্ধকালের স্বপ্ন দেখিতে-ছেন ? শত্রুকে বিনাশ করিতেছেন ? দুর্গ জয় করিতেছেন ? যোদ্ধার কার্য্য করিতে-ছেন ? রঘুনাথের সে উত্তম শেষ হইয়াছে, সে স্বপ্নও বিলুপ্ত হইয়াছে ।

একে একে যৌবনের উত্তমগুলি বিলুপ্ত হইয়াছে, আশাপ্রদীপ নিৰ্ভাণ হইয়াছে, এই অন্ধকার রজনীতে শ্রান্ত বন্ধুহীন বু-কের হৃদয়ে বহু দিনের কথা পূর্ণ জীবনের স্মৃতির স্রায় জাগরিত হইতেছে ! শোক-ভারে হৃদয় আক্রান্ত হইলে, আশা ও সুখ আনাদের নিকট বিদায় লইলে, বন্ধুহীন জনের যে কথা স্মরণ হয়, রঘুনাথ সেই স্বপ্ন দেখিতেছিলেন । স্নেহময়ী মাতার স্নেহসিক্ত মুখখানি মনে জাগরিত হইল, পিতার দীর্ঘ অবয়ব ও প্রশস্ত ললাট মনে হইল, বাল্যকালে সেই দূর সূর্য্যমহলে জীড়া করিতেন, হাশ্ব-ধ্বনিতে চারি দিক্ প্রতিধ্বনিত করিতেন, সেই কথা স্মরণ হইল । সঙ্গে সঙ্গে বাল্যকালের সহচরী, শান্ত, ধীর প্রাণের ভগিনী লক্ষ্মীকে মনে পড়িল, আহা ! সে স্নেহময়ী ভগিনীকে কি আর জীবনে দেখিতে পাইবেন ? আজি সে সোণার সংসার কোথায়, সে প্রকৃত সুখের জগৎ কোথায়, সে হৃদয়ের সহোদরা কোথায় ? নিদ্রিতের

মুদিত নয়ন হইতে এক বিন্দু অশ্রু ভূমিতে
হইয়া পড়িল।

মুদিত রঘুনাথ সেই মেহময়ীর
নি চিন্তা করিতে করিতে নয়ন
পূর্ণ করিলেন। কি দেখিলেন ?
হইল বসিয়া যেন লক্ষ্মী স্বয়ং ভ্রাতার
দেশ আপন অঙ্কে স্থাপন করিয়া
হইয়াছেন, কোমল শীতল হস্ত ভ্রাতার
উষ্ণ ললাটে স্থাপন করিয়া হৃদয়ের উদ্বেগ
দূর করিতেছেন, সহোদরের মেহপূর্ণ নয়ন
যেন সহোদরের মুখের দিকে একদৃষ্টিতে
চাহিয়া রহিয়াছেন। আহা ! বোধ হইল
যেন শোকের বা চিন্তার লক্ষ্মীর প্রফুল্ল মুখ-
খানি স্নেহে শুষ্ক হইয়াছে, নয়ন দুইটা
সেইরূপ স্থির, প্রশস্ত, স্নিগ্ধ, কিন্তু চিন্তার
আবাসস্থান !

রঘুনাথ নয়ন মুদিত করিলেন, আর
এক বিন্দু অশ্রু বর্ষণ করিলেন, বলিলেন,—
ভগবন, অনেক সহ্য করিয়াছি, কেন বৃথা
আশায় হৃদয় ব্যথিত করিতেছ ? আমি
যেন উন্নত না হই।

যেন কোমল হস্তে রঘুনাথের অশ্রুবিন্দু
বিস্তৃত হইল। রঘুনাথ পুনরায় নয়ন
উন্নীলিত করিলেন, এ স্বপ্ন নহে, তাঁহার
প্রাণের সহোদরই তাঁহার মস্তক অঙ্কে
ধারণ করিয়া সেই মুষ্ণুমে বসিয়া
রহিয়াছেন।

রঘুনাথের হৃদয় আলোড়িত হইল ;
তিনি লক্ষ্মীর হাত দুইটা আপন তপ্ত
হৃদয়ে স্থাপন করিয়া সেই মেহপূর্ণ মুখের
দিকে চাহিলেন ; তাঁহার বাক্যকৃষ্টি হইল
না ; নয়ন হইতে দরবিগলিত ধারা বহিতে
লাগিল। অবশেষে আর সহ্য করিতে
না পারিয়া সেই ভয়ংকর বোকা উচ্চৈঃস্বরে

বোদন করিয়া উঠিলেন। বলিলেন,—
লক্ষ্মী ! লক্ষ্মী ! তোমাকে কি এজীবনে
আবার দেখিতে পাইলাম ? অশ্রু মুখ দূর
হউক, লক্ষ্মী ! তোমার হস্তভাগা ভ্রাতাকে
নিকটে স্থান দিও, সে এ জীবনে আর
কিছু চাহে না।

লক্ষ্মীও শোক সম্বরণ করিতে পারিলেন
না, ভ্রাতার হৃদয়ে আপন মুখ লুকাইয়া
একবার প্রাণভরে কাঁদিলেন। আহা !
এ ক্রন্দনে যে মুখ, জগতে কি রহ আছে,
স্বর্গে কি মুখ আছে যাহা অভাগাগণ সে
স্বপ্নের নিকট তুচ্ছ জ্ঞান না করে ?

পরস্পরকে বহুদিন পর পাইয়া পর-
স্পরে অনেকক্ষণ বাকশূন্য হইয়া রহিলেন।
বহুদিনের কথা রহিয়া রহিয়া হৃদয়ে জাগ
রিত হইতে লাগিল, মুখের লহরীর সহিত
শোকের লহরী মিশ্রিত হইয়া হৃদয়ে উৎ-
লিতে লাগিল, থাকিয়া থাকিয়া দরবিগলিত
ধারায় উভয়ের হৃদয় ভাসিয়া যাইতে
লাগিল। ভগিনীর শ্রায় এ জগতে আর
মেহময়ী কে আছে, ভ্রাতৃস্নেহের শ্রায় আর
পবিত্র মেহ কি আছে ? আমরা সে
ভালবাসা বর্জন করিতে অশক্ত, পাঠক,
কমা কর।

অনেকক্ষণ পরে দুই জনের হৃদয় শান্ত
হইল। তখন লক্ষ্মী আপন অকল দিয়া
ভ্রাতার নয়নের জল মোচন করিয়া
বলিলেন,—ঈশানীর ইচ্ছায় কত অশু-
সন্ধানের পর আজ তোমাকে দেখিতে
পাইলাম, আহা, আজ আমার কি পরম
সুখ, ভগিনীর কপালে কি ক্রম সুখ ছিল ?
ভাই, এই গীতল বাতাসে আর থাকিলে
তোমার অশ্রু হইবে, চল মন্দিরের ভিতর

যাই, আমি আর অধিকক্ষণ থাকিতে পারিব না।

ভাতা ভগিনী মন্দির-অভ্যন্তরে আসিলেন, লক্ষী একটা স্তম্ভের পাশে উপবেশন করিলেন, শ্রীমন্ত রঘুনাথ পূর্বদিক লক্ষীর অঙ্কে মস্তক স্থাপন করিয়া শয়ন করিলেন, মৃৎস্বরে উভয়ে গভীর অন্ধকার রজনীতে পূর্বকথা করিলেন।

ধীরে ধীরে ভাতার ললাটে ও দেহে হস্ত বুলাইয়া লক্ষী কত কথা জিজ্ঞাসা করিতে লাগিলেন, রঘুনাথ তাহার উত্তর করিতে লাগিলেন। দৃষ্টি হস্ত হইতে পলায়ন করিয়া অনাগ বালক কোন কোন দেশে বিচরণ করিয়াছিলেন, কোথায় কি অবস্থায় ছিলেন, তাহাই বলিতে লাগিলেন। কখন মহারাষ্ট্রীয় কৃষকদিগের সহিত চাম করিতেন, কখন গৌ বংশ বা গেমপাল রক্ষা করিতেন, মেঘের সঙ্গে গর্জতে, উপত্যকায়, বিস্তীর্ণ প্রান্তরে ভ্রমণ করিতেন, বা নির্জনে বসিয়া চারণদিগের গীত গাইতেন। কখন সায়ংকালে নদী-কূলে একাকী বসিয়া উচ্চৈঃস্বরে সেই গীত গাইয়া হৃদয়কে শান্ত করিয়াছেন, কখন প্রভূষ্মে অরণ্য মধ্যে প্রবেশ করিয়া পূর্বকথা স্মরণ করিয়া উচ্চৈঃস্বরে গোদন করিয়াছেন। পর্বতসঙ্কুল কঙ্কণ-প্রদেশে কয়েক বংশর অবস্থিতি করিয়াছেন, অবশেষে এক জন মহারাষ্ট্রীয় সেনানীর অধীনে কার্য্য করিয়াছেন, তাহার সঙ্গে সঙ্গে কখন কখন যুদ্ধক্ষেত্রে যাইতেন। রয়োবুদ্ধির সহিত রঘুনাথের যুদ্ধ-ব্যবসায়ে উৎসাহ বৃদ্ধি পাইয়াছিল, অবশেষে মহানুভব শিবজীর নিকট উপস্থিত হইয়া তিনি সৈন্যের পদ গ্রহণ করেন। আদি তিন

বংশর হইল সেই কার্য্য করিয়াছেন, ভ্রমণ জানেন তিনি কার্য্যে ক্রটি করে। কিন্তু প্রভু শিবজীর অথবা সন্দেহে মানিত হইয়া দেশে দেশে নিরাক্রম ভ্রমণ করিতেছেন! এক্ষণে জীবনে উদ্দেশ্য নাই, পিতার জায় বুদ্ধে প্রাণ করিয়া এ আমার জগৎ পরিত্যাগ করিবেন।

ভাতার ছঃখকাহিনী শুনিতে শুনিতে মেঘময়ী ভগিনী নিঃশব্দে অব্যবহিত অশ্রু বর্ষণ করিতেছিলেন। তিনি নিজের শোক সহ্য করিতে পারেন, ভাতার ছঃখে একেবারে পাকুল হইলেন। যখন সে কথা শেষ হইল, কথঞ্চিৎ শোক-সম্বরণ করিয়া আপনার কি পরিচয় দিবেন তাহা চিন্তা করিতে লাগিলেন। চক্রবা প্রমের নাম করিলেন না, ধীরে ধীরে অশ্রুজন মোচন করিয়া বলিলেন, -মহারাষ্ট্রদেশে আশিরার অনভিকাল পরেই একজন সম্রাট মহারাষ্ট্র জায়গীরদার তাঁহাকে বিবাহ করেন। নাগী স্বামীর নাম করে না, কি গগনের শশধরের নামই তাঁহার স্বামীর নাম, গগনের শশধরের জায় তাঁহার ক্ষমতা ও গৌরবজ্যোতিঃ চারিদিকে বিকীর্ণ হইতেছে। তাঁহার বিপুল সংসারে লক্ষী সুখে আছেন, প্রভুও দাসীর উচিত অঙ্গগ্রহণ করেন, সে অঙ্গগ্রহে দাসী সুখে আছেন। এ জীবনে তাঁহার আর কোন বাসনা নাই, কেবল প্রাণের ভাইকে সুখে থাকিতে দেখিলেই তাঁহার জীবন সার্থক হয়। রঘুনাথের সংবাদ তিনি মনোমধ্যে পাইতেন, তাঁহাকে একবার দেখিবার জন্ত কতক চেষ্টা করিতেছেন! অথ সেই বাসনায় মন্দিরে পূজা দিতে আসিবা-

মুদ্রিত
লেন, সহসা মন্দির পার্শ্বে বৃক্ষমূলে
গর ভাইকে পুনরায় পাইলেন ।

এইরূপে আত্মপরিচয় দিয়া লক্ষ্মী
পুত্র হৃদয়ের শেলসম ছঃখ উৎপাটন
করিতে যত্ন করিতে লাগিলেন । লক্ষ্মী
ভঃখিনী, ছঃখের ব্যথা জানিতেন । লক্ষ্মী
নারী, ছঃখ সাঙ্গনা করিতে জানিতেন ।
সহিষ্ণু হইয়া নিজ ছঃখ সহ করা, সাঙ্গনা
দিয়া পরের ছঃখ দূর করা, এই নারীর
ধর্ম ।

অনেক প্রকার প্রবোধনাকা দিয়া
লাতার মন শান্ত করিতে লাগিলেন ।
বলিলেন,—আমাদিগের জীবনই এইরূপ,
সকল দিন সমান থাকে না । ভগবান
সে সুখ দেন তাহা আমরা ভোগ করি,
যদি একদিন ছঃখ পাই তাহা কি সহ
করিতে বিমুগ্ধ হইব ? মানবজন্মই ছঃখ-
ময়, যদি আমরা ছঃখ সহ না করিব তবে
কে করিবে? স্ত্রীদিন ছুদিন সকলেরই
আছে, ছুদিনে যেন আমরা সেই বিধাতার
নাম করিয়া নিজ শোক বিস্মৃত হই ।
তিনিই এক দিন পিত্রাণয়ে আমাদের সুখ
দিয়াছিলেন, তিনিই অল্প কষ্ট দিরাছেন,
তিনিই পুনরায় সে কষ্ট মোচন করিবেন ।
ভাই ! এ নৈরাশ দূর কর, এরূপ অবস্থায়
থাকিলে শরীর কত দিন থাকিবে ? আহার
নিদ্রা ত্যাগ করিলে মনুষ্য-জীবন কত
দিন থাকে ?

রঘুনাথ । থাকিবার আবশ্যক কি ?
যে দিন বিদ্রোহী বলিয়া সৈনিকের নামে
কলঙ্ক পড়িল, সেই দিন সৈনিকের জীবন
গেল না কি জন্ত ?

লক্ষ্মী । তোমার ভগিনী লক্ষ্মীকে
চিরভঃখিনী করিবে এই কি ইচ্ছা ? দেখ

ভাই, আমার আর এ জগতে কে আছে ?
পিতা নাই, মাতা নাই, জগৎসংসারে কেহ
নাই । তুমিও কি ভঃখিনী লক্ষ্মীর প্রতি
সমস্ত মমতা ভুলিলে ? বিধাতা কি এ
হঃখভাগিনীর উপর একেবারে বিমুগ্ধ
হইলেন ?

রঘুনাথ । লক্ষ্মী ! তুমি আমাকে
ভালবাস তাহা জানি, তোমাকে যেদিন কষ্ট
দিব সেদিন যেন জৈশ্বর আমার প্রতি
বিমুগ্ধ হন । কিন্তু ভগিনি ! এজীবনে
আর আমার সুখ নাই, তুমি জ্বীলোক
সৈনিকের শোক বশাবে কিরূপে ? জীবন
অপেক্ষা আমাদিগের স্মরণ প্রিয়, বৃথা
অপেক্ষা কলঙ্ক ও অপযশ সহস্রগুণে
কষ্টকর ! সেই কলঙ্কে রঘুনাথের নাম
কলঙ্কিত হইয়াছে !

লক্ষ্মী । তবে সেই কলঙ্ক দূর করিবার
চেষ্টায় কেন বিমুগ্ধ হও ? মহান্ধব শিব-
জীর নিকট যাও, তাহার ক্রোধ দূর হইলে
তিনি অবশ্যই তোমার কথা শুনিবেন,
তোমার দোষ নাই, বুঝিবেন ।

রঘুনাথ উত্তর করিলেন না, কিন্তু
তাহার মুখমণ্ডল রক্তবর্ণ হইয়া উঠিল, চক্ষু
হইতে অগ্নিকণা বহির্গত হইতে লাগিল ।
বুদ্ধিমতী লক্ষ্মী বুঝিলেন, পিতার অভিমান,
পিতার দর্প, পুত্র বর্তমান । তিনি প্রাণ
থাকিতে এরূপ আবেদন করিবেন না ।
তীক্ষ্ণ বুদ্ধিমতী লক্ষ্মী লাতার অন্তরের ভাব
বুঝিয়া পুনরায় বলিলেন,—মার্জনা কর,
আমি জ্বীলোক, সমস্ত বুঝি না । কিন্তু
যদি শিরস্তীর নিকট যাইতে অসম্মত হও,
কাব্যদ্বারা কেন আপন যশ রক্ষা কর না ?
পিতা বলিতেন, “সেনার সাহস ও প্রত্ন-
ভক্তি দারোগ্য প্রকাশ হয় ।” যদি বিদ্রোহী

বলিয়া তোমাকে কেহ সন্দেহ করিয়া থাকে, অসিহন্তে কেন সে সন্দেহ খণ্ডন কর না ?

উৎসাহে রঘুনাথের নয়ন প্রজ্বলিত হইল, তিনি জিজ্ঞাসা করিলেন,—কি রূপে ?

লক্ষ্মী । শুনিয়াছি শিবজী দিল্লী নাই-তেছেন, তথায় সহস্র ঘটনা ঘটিতে পারে, দৃঢ়প্রতিজ্ঞ সৈনিকের আত্মপরিচয় দিবার সহস্র উপায় থাকিতে পারে ! আমি জীলোক, আমি কি জানিব বল ? কিন্তু তোমার পিতার ত্রায় সাহস, তাঁহারই ত্রায় বীর প্রতিজ্ঞা করিলে তোমার কোন উদ্দেশ্য না সফল হইতে পারে ?

রঘুনাথের যদি অন্য চিন্তার সময় থাকিত তবে বুঝিতেন, কনিষ্ঠা লক্ষ্মী মানব-হৃদয়শাস্ত্রে নিতান্ত অনভিজ্ঞা নহেন। বে ঔষধি আজি রঘুনাথের হৃদয়ে ঢালিয়া দিলেন, তাহাতে মুহূর্ত্ত মধ্যে শোকসস্তাপ দূর হইল, সৈনিকের হৃদয় পুনরায় উৎসাহে স্ফীত হইয়া উঠিল।

রঘুনাথ অনেকক্ষণ চিন্তা করিলেন, তাঁহার নয়ন ও মুখমণ্ডল সহসা নব গৌরব ধারণ করিল। অনেকক্ষণ পরে বলিলেন,—লক্ষ্মী ! তুমি জীলোক, কিন্তু তোমার কথা শুনিতে শুনিতে আমার মনে নূতন জীবনের উদয় হইল। আমার হৃদয় উৎসাহে শূন্য নহে, ভগবান্ সাহায্য হইল, রঘুনাথ বিদ্রোহী নহে। ভীক নহে, একথা এখনও প্রচার হইবে। কিন্তু তুমি বালিকা, তোমার নিকট এ সমস্ত কহি কেন, তুমি আমার হৃদয়ের ভাব কি বুঝাবে ?

লক্ষ্মী ঈষৎ হাসিলেন, ভাবিলেন,—রোগ-নির্গম করিলাম আমি, ঔষধি দিলাম আমি, তথাপি কিছু বুঝি না ? প্রকাশে বলিলেন—ভাই ! তোমার উৎসাহ দেখিয়া

আমার প্রাণ জুড়াইল ! তোমার মন নাই, উদ্দেশ্য আমি কিরূপে বুঝিব ? ই অপ-যাহাই হউক তোমার কনিষ্ঠা ভগিনীরূপে দিন বাঁচবে, তুমি পূর্ণমনোরথ হও ভগিনীর নিকট এই প্রার্থনা করিবে।

রঘুনাথ । আর লক্ষ্মী ! আমি যত দিন বাঁচিব, তোমার স্নেহ, তোমার ভাল-বাসা কখনও বিস্মৃত হইব না।

অনেকক্ষণ পরে লক্ষ্মী অধোবদনে ধীরে ধীরে কহিলেন, আমার আর একটা কথা আছে, কিন্তু কহিতে ভয় হইতেছে।

রঘুনাথ ! লক্ষ্মী ! আমার নিকট তোমার কি কথা বলিতে ভয় হয় ? আমি তোমার সহোদর, সহোদরের নিকট কি ভয় ?

লক্ষ্মী । চন্দ্রাও নামে একজন জুমলা-দার বোল হয় তোমার অর্পকার করিয়াছেন।

রঘুনাথের হাত দূর হইল, মুখ রক্তবর্ণ হইল। কিন্তু সে উদ্বেগ দমন করিয়া রঘুনাথ কহিলেন,—চন্দ্রাও রাজার নিকটে যে কথা কহিয়াছিলেন তাহা অযথার্থ নহে। তিনি আমার অথ কোন অপকার করিয়াছেন কি না তাহা আমি জানি না।

লক্ষ্মী । তিনি যাগাই করিয়া থাকেন, তাহা, অর্পণকার কণ তাঁহার, জানিষ্ট করিবে না।

রঘুনাথ নিরুত্তর হইয়া চিন্তা করিতে লাগিলেন। লক্ষ্মী পুনরায় বলিলেন,—ভাতার নিকট পূর্বে কখনও আমি কোন ভিক্ষা করি নাই ; একটা কথা বলিলাম, ভাই আমাকে যদি ভালবাসে এ কথাটা রাখিও।

সে অল্পযৌধে রঘুনাথের হৃদয় গলিয়া

ছিলে— তিনি ভগিনীর হাত দুইটা ধরিয়া
প্রাণে,—লক্ষ্মী, আমার মনে মনে সন্দেহ
করাওই আমার সর্বনাশ করিয়াছেন,
কিন্তু তোমাকে অদেয় আমার কিছুই নাই।
এই ঈশানী-মন্দিরে প্রতিজ্ঞা করিতেছি
চন্দ্ররাওয়ের কোন অনিষ্ট করিব না।
আমি তাহার দোষ মার্জনা করিলম,
জগদীশ্বর তাহাকে মার্জনা করুন।

লক্ষ্মী হৃদয়ের সঞ্চিত বলিলেন,—জগদী-
শ্বর তাহাকে মার্জনা করুন।

পূর্বাভিক প্রভাতের আলোকচ্ছটা দেখা
যাইল। লক্ষ্মী তখন অনেক অশ্রুবর্ষণ
করিয়া সন্মুখে ভ্রাতার নিকট বিদায়
হইলেন, বলিলেন,—আমার সঙ্গে বাটার
অন্ত লোক মন্দিরে আসিয়াছে, এখনও
সকলে নিদ্রিত আছে, এইক্ষণে আমি না
যাইলে জানিতে পারিবে। এখন চলি-
লাম, পরমেশ্বর তোমার মনোরথ পূর্ণ
করুন।

পরমেশ্বর তোমাকে সুখে রাখুন,—এই
বলিয়া সন্মুখে লক্ষ্মীর নিকট বিদায় লইয়া
রঘুনাথও মন্দির হইতে নিষ্কাশিত হইলেন।
লক্ষ্মীর নিকট বিদায় লইলাম, পাঠক! চল
আমরা হতভাগিনী সরসর নিকট বিদায়
লইয়া আসি।

বিংশ পরিচ্ছেদ !

সীতাপতি গোস্বামী

যাও যুদ্ধ তোমা অণু করি অভিষেক,

* * *

যাও বশোবিমণ্ডিত হইয়া আবার

এইরূপে আসি পুনঃ দাঁড়াও সাক্ষাতে।

হেমচন্দ্র বন্দ্যোপাধ্যায়।

রুদ্রমণ্ডল দুর্গ আক্রমণদিনে রঘুনাথের
নাইতে কি জন্তু বিলম্ব হইয়াছিল পাঠক
মহাশয় অবশ্যই উপলব্ধি করিয়াছেন।
সে দিন যুদ্ধ কে রক্ষা পাইবে কেহ
জানিত না, যুদ্ধে গমন করিবার পূর্বে রঘু-
নাথ প্রাণভরে একবার সরসকে দেখিতে
আসিয়াছিলেন, সাক্ষর্যনে সরস রঘুনাথকে
বিদায় দিয়াছিলেন।

এক দিন, দুই দিন অতিবাহিত হইল,
রঘুনাথের কোন সংবাদ পাওয়া গেল না।
আশা প্রথমে কাণে কাণে বলিতে
লাগিল,—রঘুনাথ যুদ্ধে বিজয়ী হইয়াছেন,
রঘুনাথ রাজ-সম্মানিত হইয়াছেন, বিজয়ী
রঘুনাথ শীঘ্র উল্লাসিত-হৃদয়ে আবার
আসিতেছেন, পশম কুতূহলের সহিত
পিতার নিকট যুদ্ধ কথা কহিবেন। কিন্তু
রঘুনাথ আর আসিলেন না, সেদিনকার
যুদ্ধ কথা বর্ণনা করিলেন না।

সহসা বজ্রের ঞ্চয় সংবাদ আসিল,
রঘুনাথ বিদ্রোহী, বিদ্রোহাচরণজন্তু অব-
মানিত হইয়া দূরীভূত হইয়াছেন। প্রথম

সুহৃৎ সন্নয় চকিতের স্মায় রহিলেন, কথার অর্থ তাঁহার বোধগম্য হইল না। ক্রমে ললাট রক্তবর্ণ হইয়া উঠিল, রক্তোচ্চাসে মুখমণ্ডল রঞ্জিত হইল, শরীর কাপিতে লাগিল, নয়ন হইতে অশ্রিকণা বহির্গত হইতে লাগিল। দাসীকে বলিলেন,—কি বলিলি, রঘুনাথ বিদ্রোহী? রঘুনাথ মুসলমানদিগের সহিত যোগ দিয়াছিলেন,? কিছু তুই নিরীক্ষা, তোকে কি বলিব, সন্মুখ হইতে দূর হ!

ক্রমে যুদ্ধ হইতে একে একে অনেক সৈন্য আসিতে লাগিল, সকলে বলিতে লাগিল, “রঘুনাথ বিদ্রোহী!” সন্নয়র সখীগণ সন্নয়কে এই কথা বলিলেন; বুদ্ধ জনার্দনও সাক্ষ্যলোচনে বলিতে লাগিলেন,—কে জানে সেই সুন্দর উদারমূর্তি বালকের মনে একরূপ ক্রুরতা ছিল? সন্নয় সমস্ত শুনিলেন, কোন উত্তর করিলেন না। জগৎ গুরু লোক রঘুনাথকে বিদ্রোহী বলিতেছে, সন্নয়র হৃদয় কহিল, জগৎ মিথ্যাবাদী, রঘুনাথের চরিত্রে দোষ স্পর্শে না।

এইরূপে কয়েক দিন অতিবাহিত হইলে পর এক দিন সন্ধ্যার সময় সন্নয় সরোবর তীরে যাইলেন। দেখিলেন সরোবরের কূলে সেই নৈশ অন্ধকারে জটাভূটধারী দীর্ঘকায় একজন গোস্বামী বসিয়া রহিয়াছেন। সন্নয়, ঈর্ষ্য নিশ্চিত হইয়া ঠাড়াইলেন, তত গোস্বামীর দিকে দেখিতে লাগিলেন, ততই তাঁহার তেজঃপূর্ণ অবয়ব দেখিয়া সন্নয়র হৃদয়ে ভক্তির আবির্ভাব হইতে লাগিল।

গোস্বামী সন্নয়র দিকে চাহিলেন, ক্ষণেক স্থিরভাবে দেখিয়া গভীরস্বরে বলিলেন,—ভদ্রে! এ গোস্বামীর নিকট কি

তোমার কোনও প্রয়োজন আছে? ^{মহৎ} ^{কিন্তু} কোনও বিশেষ অভীষ্টে আমার আসিয়াছ? ^{নিঃসৃত} রমণী, তোমার ললাটে ^{মুখ} ^{চক্ষু} ^{দেখিতেছি} কেন? চক্ষুতে জল কেন? সন্নয় উত্তর করিতে পারিলেন না। গোস্বামী পুনরায় বলিলেন,—বোধ হয় আমি তোমার উদ্দেশ্য অবগত আছি, বোধ হয় কোন বন্ধুর বিষয় জিজ্ঞাসা করিতে আসিয়াছ।

সন্নয় তখন কম্পিতস্বরে বলিলেন,—ভগবন্! আপনার শক্তি অসাধারণ, যদি অনুগ্রহ করিয়া আরও কিছু বলেন, তবে বাধিত হই। সেই বন্ধু বিপন্ন হইয়াছেন, তাঁহার কুশল বার্তা জিজ্ঞাসা করিতে আসিয়াছি।

গোস্বামী। জগতে সকলে তাঁহাকে বিদ্রোহী বলিয়া জানে।

সন্নয়। প্রভুর অজ্ঞাত কিছুই নাই।

গোস্বামী। মহারাজ শিবজী তাঁহাকে বিদ্রোহী জানিয়াই দূর করিয়া দিয়াছেন।

সন্নয় মুখ রক্তবর্ণ হইল, অরক্ত নয়নে কহিলেন,—তপস্বী প্রবঞ্চনা বিশ্বাস করিব, কিন্তু রঘুনাথ বিদ্রোহী বিশ্বাস করিব না! গোস্বামিন্, আমি বিদায় হই!

গোস্বামীর নয়ন জলপূর্ণ হইল, তিনি ধীরে ধীরে বলিলেন,—আমার আরও কিছু বক্তব্য আছে।

সন্নয়। নিবেদন করুন।

গোস্বামী। মনুষ্যহৃদয় অবগত হওয়া মনুষ্যগণনার অসাধ্য, রঘুনাথের হৃদয়ে কি ছিল জানিবার একমাত্র উপায় আছে। প্রণয়িনীর হৃদয় প্রণয়ীর হৃদয়ের দর্পণ-স্বরূপ; যদি রঘুনাথের যথার্থ প্রণয়িনী কেহ থাকে, তাঁহার নিকট গীম্ব কর,

র হৃদয়ের ভাব কি জিজ্ঞাসা কর,
 গেল। র হৃদয়ের চিন্তা মিথ্যাবাদিনী নহে।
 বলিলে—রঘু আকাশের দিকে চাহিয়া বলি-
 লেন,—জগদীশ্বর তোমাকে ধন্যবাদ করি,
 তুমি আমার হৃদয়ে এতক্ৰমে শান্তি দান
 করিলে। সেই উন্নতচরিত্র যোদ্ধার প্রণ-
 য়িনী হইবার যে আশা করে, জীবন
 থাকিতে রঘুনাথের সত্যতায় তাহার স্থির
 বিশ্বাস বিচলিত হইবে না।

ক্ৰণেক পর গোস্বামী আবার বলি-
 লেন,—ভদ্রে! তোমার কথা শুনিয়া
 বোধ হইতেছে যে, তুমিই সেই যোদ্ধার
 প্রকৃত প্রণয়িনী। আমি দেশে দেশে
 পর্যটন করি, সম্ভবতঃ রঘুনাথের সহিত
 পুনরায় সাক্ষাৎ হইতে পারে, তাহাকে
 কিছু বক্তব্য আছে? আমার নিকট
 লজ্জার কারণ নাই, আমি সংসারের বহি-
 র্ভূত।

সরযু ঈষৎ লজ্জিত হইলেন, ধীরে
 ধীরে বলিলেন,—প্রভুর সহিত তাঁহার
 সম্প্রতি সাক্ষাৎ হইয়াছিল?

গোস্বামী! কল্য রজনীতে ঈশানী
 মন্দিরে সাক্ষাৎ হইয়াছিল। তিনিই
 আমাকে তোমার নিকট পাঠাইয়াছেন।

সরযু। তিনি আপাততঃ কি করিবার
 প্রতিজ্ঞা করিয়াছেন, তাহা কি বলিয়া-
 ছেন?

গোস্বামী। নিজ বাহুবলে, নিজ
 কার্যশূণ্ণে, অন্ত্যায় অপবন তিরোহিত করি-
 বেন, অথবা সেই চেষ্টায় প্রাণদান করি-
 বেন।

সরযু। ধন্য বীর প্রতিজ্ঞা! যদি
 তাঁহার সহিত পুনরায় আপনার সাক্ষাৎ
 হয়, বলিলেন, সরযু রাজপুত্রবালা, বন

অপেক্ষা যশ অধিক জ্ঞান করে! বলি-
 বেন, সরযু যত দিন জীবিত থাকিবে,
 রঘুনাথকে কলঙ্কশূন্য বীর বলিয়া তাঁহারই
 যশোগীত গাইবে। ভগবান্ অবশ্যই রঘু-
 নাথের যত্ন সফল করিবেন।

গোস্বামী। ভগবান্ তাহাই করুন!
 কিন্তু ভদ্রে! সত্যের সর্বনাশ হয় হন না।
 বিশেষতঃ রঘুনাথ যে হরুহ উদ্যমে প্রবৃত্ত
 হইতেছেন তাহাতে তাঁহার প্রাণ সংশয়ও
 আছে।

সরযু। রাজপুত্রের সেই ধর্ম! আপনি
 তাঁহাকে জানাইবেন, যদি কর্তব্যসাধনে
 তাঁহার প্রাণবিয়োগ হয়, সরযুবালা তাঁহার
 যশোগীত গাইতে গাইতে উল্লাসে নিজ
 প্রাণ বিসর্জন দিবে!

উভয়ে ক্ৰণেক নিস্তব্ধ হইয়া রহিলেন।
 অনকক্ষণ পরে সরযু জিজ্ঞাসা করিলেন,—
 রঘুনাথ আর কিছু আপনার নিকট বলিয়া-
 ছিলেন?

গোস্বামী ক্ৰণেক চিন্তা করিয়া বলি-
 লেন—আপনাকে জিজ্ঞাসা করিয়াছেন,
 বিদ্রোহী বলিয়া জগৎ তাঁহাকে ঘৃণা করিবে,
 আপনি কি তাঁহাকে হৃদয়ে স্থান দিবেন?
 জগৎ যাহার নাম উচ্চারণ করিবে না?
 আপনি কি তাঁহার নাম স্মরণ করিবেন।
 ঘৃণিত, অবমানিত, দূরীকৃত রঘুনাথকে কি
 সরযুবালা মনে রাখিবেন?

সরযু বলিলেন,—প্রভু! তাঁহাকে
 জানাইবেন, সরযু রাজপুত্রবালা, অবিখ্য-
 সিনী নহে।

গোস্বামী। জগদীশ্বর! তবে আর
 তাঁহার হৃদয়ে কষ্ট নাই। লোকে যদি মন্দ
 বলে, তিনি জানিবেন, একজন এখনও
 রঘুনাথকে বিশ্বাস করে! এক্ষণে বিদায়

দিন, আমি এই কথাগুলি বলিলে সবু-
নাথের হৃদয়ে শান্তিসেচন হইবে !

সজলনয়নে সবু, বলিলেন,—ঠাহাকে
আরও বলিবেন, তিনি অসিহস্তে যশের
পথ পরিষ্কার করুন, যিনি জগতের আদি-
পুরুষ, তিনি ঠাহার সহায় হইবেন !

উভয়ে পুনরায় নীরব হইয়া রহিলেন ।
সবু বলিলেন,—প্রভু ! আমার হৃদয়
শান্ত করিয়াছেন, প্রভুর নাম জিজ্ঞাসা
করিতে পারি ?

গোস্বামী বলিলেন, “সীতাপতি
গোস্বামী !”

রজনী জগতে গভীরতর অন্ধকার
ঢালিতে লাগিল ! সেই অন্ধকারে একজন
গোস্বামী একাকী রায়গড় দুর্গাভিমুখে
গমন করিতেছে ।

একবিংশ পরিচ্ছেদ ।

রায়গড় দুর্গ ।

ধিক্ দেব, ঘণাশুভ্র, অক্ষয় হৃদয়,
এত দিন আছ এই অন্ধতমপুরে,
দেবহ, বিভব, বীণা, সর্ব ভেয়ানিরা,
দাসত্বের কলঙ্কেতে ললাট উজ্জ্বলি ?

হেমচন্দ্র বন্দ্যোপাধ্যায় ।

পূর্বোক্ত ঘটনার কয়েক দিন পর, শিব-
জীর তদানীন্তন রাজধানী রায়গড়ে রজনী
দ্বিপ্রহরের সময় একটি সভা সন্নিবেশিত
হইয়াছে । শিবজীর প্রধান প্রধান সেনা-
পতি, মন্ত্রী, কর্মচারী, পুরোহিত ও শাস্ত্রজ্ঞ
ব্রাহ্মণ সভায় উপস্থিত হইয়াছেন । পরা-
ক্রান্ত যোদ্ধা, ধীশক্তিসম্পন্ন মন্ত্রী, শীর্ণতমু-

গুরুকেশ নহদর্শী জায়শাক্তী, সু-
স্থশোভিত করিয়াছেন । বুদ্ধব্যং মহৎ
বুদ্ধিসম্পন্ন, বা বিজ্ঞাবলে ই কিস্ত
শিবজীর চিরসহায়তা করিয়াছেন, শিবজী
জায় ইহাদেরও হৃদয় স্বদেশানুরাগে পূর্ণ ।
কিন্তু অল্প সভাস্থল নীরব, শিবজী নীরব,
মহারাজায় নীরব অল্প মহারাজীয় গৌরব-
লক্ষ্মীর নিকট বিদায় লইবার জন্য সমবেত
হইয়াছেন !

অনেকক্ষণ পর শিবজী মুরেশ্বরকে
সম্বোধন করিয়া বলিলেন, পেশওয়াজী !
আপনি তবে এই পরামর্শ দিতেছেন,
সম্রাটের অধীনতা স্বীকার করিয়াছি, ঠাহার
অধীন জায়গীরদার হইয়া থাকিব ?

মুরেশ্বর । মনুষ্যের যাহা সাধ্য আপনি
তাহা করিয়াছেন, বিধির নির্বন্ধ কে লঙ্ঘন
করিতে পারে ?

শিবজী । স্বর্ণদেব ! যখন আপনি
আমার আদেশে এই সুন্দর প্রশস্ত রায়গড়
দুর্গ নির্মাণ করিয়াছিলেন, তখন ইহা
রাজার রাজধানী স্বরূপ নির্মাণ করেন,
না জায়গীরদারের আবাসস্থান বলিয়া
নির্মাণ করেন ?

আবাজী স্বর্ণদেব ক্রুদ্ধস্বরে উত্তর করি-
লেন,—ক্রিয়রাজ ! ভবানীর আদেশে
এক দিন স্বাধীনতা আকাজকা করিয়া
ছিলেন, ভবানীর আদেশে সে চেষ্টা হইতে
নিরস্ত হইয়াছেন, তাহাতে আক্ষেপ অবি-
শেষ । ঈশানী স্বয়ং হিজুসেনাপতির সহিত
যুদ্ধ নিষেধ করিয়াছেন ।

অন্নজী দত্তও কহিলেন,—যাহা অনি-
বার্য্য তাহা হইয়াছে, অধুনা আপনার
দিল্লীগমনের কর্তব্যাকর্তব্য বিবেচনা করুন ।

শিবজী । অন্নজী ! আপনার কথা

গেল। যে আশা, যে চেষ্টা হৃদয়ে বলিলেন, তাই স্থান পাইয়াছে, তাহা সহজে প্রাপ্ত হইয়াছে না। এই যে উন্নত পর্বত-শ্রেণী চক্ষুরালোকে দৃষ্ট হইতেছে, বাল্যকালে এই পর্বতশ্রেণী আরোহণ করিতে করিতে বা উপত্যকায় ভ্রমণ করিতে করিতে হৃদয়ে কত স্বপ্নের আবির্ভাব হইত! পুনরায় মহারাষ্ট্রদেশ স্বাধীন হইবে, ভারতবর্ষ স্বাধীন হইবে, পুনরায় হিন্দুরাজ্য হিমালয় হইতে সাগরকূল পর্য্যন্ত সমগ্রদেশ শাসন করিবেন! ঈশানি! যদি এ আশা অলৌকিক স্বপ্নমাত্র তবে এরূপ স্বপ্নে কেন বালকের হৃদয় চঞ্চল করিয়াছিলে?

এই কথা শুনিয়া সভাস্থ সকলে নীরব, সত্য শব্দমাত্র নাই। সেই নিস্তব্ধতার মধ্যে ঘরের এক প্রান্তে ঈশৎ অন্ধকার স্থান হইতে একটা গম্ভীর স্বর শ্রুত হইল,—ঈশানী প্রবঞ্চনা করেন না! মনুষ্যের যদি অধ্যবসায় ও বীরত্ব থাকে, ঈশানী সহায়তাদানে কুণ্ঠিত হইবেন না!

চ্যুত হইয়া শিবজী চাহিয়া দেখিলেন, নবীন গোস্বামী সীতাপতি! •

উৎসাহে শিবজীর নয়ন জ্বলিতে লাগিল, বলিলেন,—গোসাইজী! তুমি আমার হৃদয়ে বাল্য-উৎসাহ পুনরুজ্জ্বল করিতেছ। বাল্য-কথা পুনরায় স্মরণ করাইতেছ! তাত, দাদাজী কানাইদেব মৃত্যু শয্যাযু শায়িত হইয়া আমাকে এইরূপ বলিয়াছিলেন, “এৎস! তুমি যে চেষ্টা করিতেছ, ভদ্রপেচা মহত্বের চেষ্টা আর নাই; এই উন্নত পথ অনুসরণ কর, দেশের স্বাধীনতা সাধন কর, ব্রাহ্মণ, গোস্বামীদিগ ও কৃষকগণকে রক্ষা কর, দেবালয় কুরুষভকারীকে শাস্তি প্রদান কর,

ঈশানী যে উন্নত পথ তোমাকে দেখাইয়া দিয়াছেন, সেই পথ অনুসরণ কর।” বিংশতি বৎসর পরে অল্প দাদাজীর গম্ভীর স্বর আমার কণকুহরে শব্দিত হইতেছে, দাদাজী কি প্রবঞ্চনাবাক্য উচ্চারণ করিয়াছিলেন?

পুনরায় সেই গোস্বামী সেই গম্ভীর স্বরে বলিলেন,—কানাইদেব প্রবঞ্চনাবাক্য উচ্চারণ করেন নাই, উন্নত পথ অনুসরণ করিলে অবশ্যই উন্নত ফললাভ হইবে। পথিমধ্যে যদি আমরা ভয়োৎসাহ হইয়া উদ্দেশ্য হারাইয়া নিরস্ত হই, সে কি দাদাজী কানাইদেবের প্রবঞ্চনা, না আমাদের ভীকতা?

“ভীকতা” শব্দ উচ্চারণমাত্র সভাতে গোলযোগ উপস্থিত হইল, বীরদিগের কোম্পে অসি ঝন্ঝনা শব্দ করিল।

গোস্বামী পুনরায় গম্ভীর স্বরে বলিলেন,—রাজন! গোস্বামীর বাচালতা ক্ষমা করুন, যদি অগ্রায় কথা উচ্চারণ করিয়া থাকি ক্ষমা করুন। কিন্তু যদি উপদেশ সত্য কি অলৌক, ক্ষত্রিয়রাজ, আপন বীরহৃদয়কে জিজ্ঞাসা করুন। যিনি জায়গীরদারের পদবী হইতে রাজপদবী গ্রহণ করিয়াছেন, যিনি অসিহস্তে স্বাধীনতার পথ পরিষ্কার করিয়াছেন, যিনি পর্বতে, উপত্যকায়, গ্রামে, অটবীতে বীরত্বের চিহ্ন অঙ্কিত করিয়াছেন, তিনি কি সে বীরত্ব বিস্মরণ হইবেন, সে স্বাধীনতায় জলাঞ্জলি দিবেন? বালস্বর্ষের অগ্রায় যে হিন্দুরাজ্যের জ্যোতিঃ চারিদিকে অন্ধকার বিদীর্ণ করিয়া বিস্তৃত হইতেছে, সে হৃদয় কি অকালে অস্ত যাইবে? রাজন! হিন্দু-গৌরব-লক্ষ্মী আপনাকে

বরণ করিয়াছেন, আপনি স্বেচ্ছাপূর্বক তাঁহাকে ত্যাগ করিবেন? আমি ধর্ম-ব্যবসায়ী মাত্র, আমার পরামর্শ দিবার অধিকার নাই, স্বয়ং বিবেচনা করুন।

সভাস্থ সকলে নীরব, শিবজী নীরব, কিন্তু তাঁহার নয়ন ধক্ ধক্ করিয়া বলিতেছিল।

অনেক ক্ষণ পরে শিবজী গোস্বামীর দিকে চাহিয়া বলিলেন,—গোস্বামিন্! আপনার সহিত অল্পদিনই আমার পরিচয় হইয়াছে, আপনি দেব কি মনুষ্য জানি না, কিন্তু দৈববাণী হইতেও আপনার কথা হৃদয়ে গভীরতর অঙ্কিত হইতেছে! একটা কথা জিজ্ঞাসা করি; হিন্দু-সেনাপতির তুমুল প্রতাপ, তীক্ষ্ণ বণ-কৌশল, অসংখ্য রাজপুতসেনা, তাহার সহিত যুদ্ধ করে এরূপ সৈন্ত আমাদের কোথায়?

সীতাপতি। রাজপুতগণ বীরাগ্রগণ্য, কিন্তু মহারাষ্ট্রীয়গণও দুর্বল হস্তে অসি ধারণ করে না। জয়সিংহ বণপণ্ডিত, কিন্তু শিবজীও ক্ষত্রিয়বংশে জন্মগ্রহণ করিয়াছেন। পরাজয় আশঙ্কা করিলেই পরাজয় হয়। পুরুষসিংহ! বিপদ তুচ্ছ করিয়া, দৈবকে সংহার করিয়া, কার্যসাধন করুন, ভারতবর্ষে এরূপ হিন্দু নাই যে আপনার যশোগান না করিবে, আকাশে এমন দেবতা নাই যিনি আপনার সহায়তা না করিবেন!

শিবজী। মানিলাম, কিন্তু হিন্দুতে হিন্দুতে যুদ্ধ করিয়া রূধির-স্রোতে দেশ প্রাণিত করিবে, সে কি মঙ্গল, সে কি পুণ্যকর্ম?

সীতাপতি। সে পাপে কে পাতকী? যিনি স্বজাতির জন্য স্বধর্মের জন্য যুদ্ধ

করেন, তিনি, না যিনি মুসলমানসামরে, অর্থতুচ্ছ হইয়া স্বজাতির বৈরাচরণ করেন, তিনি?

শিবজী পুনরায় নীরব হইয়া রহিলেন, প্রায় একদণ্ড কাল নীরবে চিন্তা করিতে লাগিলেন, তাঁহার বিশাল হৃদয় কত ভীষণ চিন্তালহরীতে আলোড়িত হইতেছিল, কে বলিবে? একদণ্ড কাল পর ধীরে ধীরে মস্তক উঠাইয়া গভীরস্বরে বলিলেন,—“সীতাপতি! অদ্য জানিলাম মহারাষ্ট্র দেশ এখনও বীরশূন্য হয় নাই, এখনও পরাধীন হইবে না। পুনরায় যুদ্ধ হইবে, সে যুদ্ধের দিনে আপনাকে অপেক্ষা বিচক্ষণ মন্ত্রী বা সাহসী সহযোগী আমি আকাঙ্ক্ষা করি না। কিন্তু সে যুদ্ধের দিন এখনও আইসে নাই। আমি পরাজয় আশঙ্কা করিতেছি না, স্বধর্মী-নাশ আশঙ্কা করিতেছি না, অত্র একটা কারণে আপাততঃ যুদ্ধে বিমুখ হইতেছি, শ্রবণ করুন।

“যে মহৎ ব্রত ধারণ করিয়াছি তাহা সাধনার্থ অনেক ষড়যন্ত্র, অনেক গুপ্ত উপায় অবলম্বন করিয়াছি। স্নেহগণ আমার সহিত সন্ধিবাক্য রাখে নাই, আমিও তাহাদিগের সহিত সন্ধি রাখি নাই।

“অদ্য হিন্দু ধর্মের অবলম্বনস্বরূপ, হিন্দু-প্রতাপের প্রতিমূর্ত্তিস্বরূপ ‘সত্যনিষ্ঠ জয়সিংহের সহিত সন্ধি করিয়াছি, শিবজী সে সন্ধি লঙ্ঘন করিতে অপারক! মহা-বুভব রাজপুতের সহিত যে সন্ধি করিয়াছি শিবজী জীবন থাকিতে তাহা লঙ্ঘন করিবে না।

“ধর্মাত্মা এক দিন আমাকে বলিয়াছিলেন, ‘সত্যপালনে যদি সন্নাতন হিন্দু-ধর্মের রক্ষা না হয়, সত্যলঙ্ঘনে লইবে।’

কথা অদ্যাপি আমি বিশ্বত হই নাই, সে কথা অদ্য বিশ্বরণ হইব না।

“সীতাপতি ! চতুর আরংজীব যদি আমাদের সন্ধির কথা লঙ্ঘন করেন, তখন আপনার পরামর্শ গ্রহণ করিব, তখন শিবজী দুর্বল হস্তে খড়্গ ধরিবে না। কিন্তু সত্যপরায়ণ জয়সিংহের সহিত এই সন্ধি লঙ্ঘন করিতে শিবজী অপারক।”

সভাসদ সকলে নীরব হইয়া রহিলেন। ক্রণেক পর অন্নজী বলিলেন,—মহারাজ ! আর একটি কথা আছে—আপনি কি দিল্লী যাওয়া স্থির করিয়াছেন ?

শিবজী। সে বিষয়েও আমি জয়সিংহকে বাক্যদান করিয়াছি।

অন্নজী। মহারাজ ! আরংজীবের চতুরতা জানেন, তাঁহার কথা বিশ্বাস করিবেন ? তিনি আপনাকে কি মনোরথে আহ্বান করিয়াছেন তাহা কি আপনি অনুভব করিতে পারেন না ?

শিবজী। অন্নজী ! জয়সিংহ স্বয়ং বাক্যদান করিয়াছেন যে, দিল্লীগমনে আমার কোনরূপ অনিষ্ট ঘটিবে না।

অন্নজী। কপটাচারী আরংজীব যদি আপনাকে বন্দী করেন বা হত্যা করেন, তখন জয়সিংহ কিরূপে আপনাকে রক্ষা করিবেন ?

শিবজী। সন্ধি লঙ্ঘনের ফল আরংজীব অবশ্যই ভোগ করিবেন। দত্তজী ! মহারাষ্ট্রভূমি বীরপ্রসবিনী, আরংজীব এরূপ আচরণ করিলে মহারাষ্ট্র দেশে যে যুদ্ধানল প্রজ্বলিত হইবে সাগরের জলে তাহা নিবারিত হইবে না, আরংজীব ও সমস্ত দিল্লীর সাম্রাজ্য তাহাতে দগ্ন হইয়া যাইবে ! পাপের ফল নিশ্চয়ই ফলিবে।

শিবজীকে স্থিরপ্রতিজ্ঞ দেখিয়া আর কেহ নিবেদন করিলেন না। ক্রণেক পর শিবজী বলিলেন,—পেশোয়ারাজী মুরেশ্বর ! আবাজী স্বর্গদেব ! অন্নজী দত্ত ! আপনাদিগের শ্রায় প্রকৃত বন্ধু আমার অতি বিরল, আপনাদিগের শ্রায় কার্যক্রম বিচক্ষণ পণ্ডিত মহারাষ্ট্রদেশে বিরল। আমার অবর্তমানে মহারাষ্ট্রদেশ আপনারা তিনজনে শাসন করিবেন, আপনাদিগের আদেশ আমার আদেশের শ্রায় সকলে পালন করিবে, এরূপ আশা দিয়া যাইব।

মুরেশ্বর, স্বর্গদেব ও অন্নজী শাসনভার গ্রহণ করিলেন। মালশ্রী তখন বলিলেন,—কৃত্রিয়রাজ ! আমার একটি আবেদন আছে। বাল্যকাল হইতে আপনার সঙ্গ ত্যাগ করি নাই, অনুমতি করুন, আপনার সহিত দিল্লী যাত্রা করি।

সজল নয়নে শিবজী বলিলেন,—মালশ্রী ! তোমার নিকট আমার অদেয় কিছুই নাই, তোমার ইচ্ছা পূর্ণ হইবে।

সীতাপতি ক্রণেক পর বলিলেন,—রাজন ! তবে আমাকে বিদায় দিন, আমাকে ব্রতসাধনার্থ বহু তীর্থে যাইতে হইবে। জগদীশ্বর আপনাকে নিরাপদে রাখুন।

শিবজী। নবীন গোস্বামিন্ ! কুশলে তীর্থযাত্রা করুন ! যুদ্ধের সময় আপনাকে পুনরায় স্বরণ করিব, আপনা অপেক্ষা প্রকৃত বন্ধু আমি দেখিতে আকাঙ্ক্ষা করি না। আপনার মন অন্ন বয়সেই এরূপ তেজঃ, সাহস ও বীরত্ব আমি আর কাহারও দেখি নাই।

পরে একটি দীর্ঘনিশ্বাস ত্যাগ করিয়া

অক্ষুটস্বরে বলিলেন,—কেবল আর এক জনকে দেখিয়াছিলাম !

স্বাংবংশ পরিচ্ছেদ ।

চাঁদ কবির গীত ।

চলেছে চাহিয়া দেখ,
যোদ্ধা, যোদ্ধা এক এক
কাল পরাজয় করি দেবমুণ্ডি ধরিয়া ।
* * *
কৃষিবে পুরুষগণ
বীর যোদ্ধা অগণন,
স্বাধিবে ভারত নাম কিত্তি পৃষ্ঠে অাকিয়া ।
হেমচন্দ্র বন্দোপাধ্যায় ।

১৬৬৬ খৃঃ অব্দের বসন্তকালে পঞ্চ-
শত অশ্বারোহী ও এক সহস্র পদাতিক
মাত্র লইয়া শিবজী দিল্লীর নিকট উপ-
স্থিত হইলেন । নগরের প্রায় ছয় কোশ
দক্ষিণে শিবির সংস্থাপিত করিয়াছেন,
সেনাগণ বিশ্রাম করিতেছে, শিবজী চিন্তিত
মনে এদিক্ ওদিক্ পরিভ্রমণ করিতেছেন ।
দিল্লী আসিয়া কি ভাল করিয়াছেন ?
মুসলমানের অধীনতা স্বীকার করা কি
বীরোচিত কাব্য হইয়াছে ? এখনও কি
প্রত্যাবর্তনের উপায় নাই ? একরূপ সহস্র
চিন্তা শিবজীর মহৎ হৃদয় আলোড়িত
করিতেছে । যোদ্ধার মুখমণ্ডল ও ললাট
চিন্তারোধায় অঙ্কিত, বিপদকালে ও যুদ্ধকালে
কেহ শিবজীর মুখমণ্ডল একরূপ চিন্তাক্রান্ত
দেখে নাই ।

শিবজীর সঙ্গে সঙ্গে কেবল তাঁহার
তেজস্বী উগ্রস্বভাব নয় বৎসরের বালক
শিবজী ভ্রমণ করিতেছেন, এক একবার

পিতার গম্ভীর মুখমণ্ডলের দিকে দৃষ্টিপাত
করিতেছেন, পিতার হৃদয়ের ভার কতক
কতক বহিতে পারিতেছিলেন ! রঘুনাথ
পুত্র শ্রায়শাস্ত্রী নামক শিবজীর পুরাতন
মন্ত্রী কিছু পশ্চাতে পশ্চাতে আসিতে-
ছিলেন ।

অনেকক্ষণ পর শিবজী মন্ত্রীকে জিজ্ঞাসা
করিলেন,—শ্রায়শাস্ত্রী, আপনি কখনও
দিল্লীতে আসিয়াছিলেন ?

শ্রায়শাস্ত্রী । বাল্যকালে দিল্লীধর
দেখিয়াছিলাম ।

শিবজী । দূরে ঐ বহুবিস্তীর্ণ প্রাচীরের
শ্রায় কি দেখা যাইতেছে বলিতে পারেন ?
আপনি অন্তর্মনা হই । ঐ দিকে চাহিয়া
সাহায্য করেন কি জ্ঞান ?

শ্রায়শাস্ত্রী । মহারাজ ! দিল্লীর শেষ
হিন্দুরাজা পৃথুরায়ের দুর্গপ্রাচীর দেখা
যাইতেছে ।

শিবজী বিস্মিত হইয়া বলিলেন,—এই
সে পৃথুরায়ের দুর্গ । এই স্থানে তাঁহার
রাজধানী ছিল ! এই স্থানে দিল্লীর শেষ
হিন্দুরাজা রাজ্যশাসন করিতেন ? শ্রায়-
শাস্ত্রী, স্বপ্নের শ্রায় সেদিন গত হইয়াছে !
দিবসের আলোক গত হয়, পুনরায় দিবস
আইসে, শীতকালে বিলুপ্ত পত্র কুমুম বসন্তে
আবার দেখা যায়, আমাদের গৌরবদিন
কি আর দেখা দিবে না ?

শ্রায়শাস্ত্রী । ভগবানের প্রসাদে
সকলই হইতে পারে । ভগবান কখন
আপনার বাহুবলে যেন আমরা পুনরায়
গৌরব লাভ করিতে পারি ।

শিবজী । শ্রায়শাস্ত্রী ! বাল্যকালে
কল্পপ্রদেশের কথকদিগের যে কথা শুনি-
তাম, চাঁদ কবির যে গীত শুনিতাম, তাহা

সত্য।
কি আপনার মনে পড়ে? ঐ ভয় ভূর্ণপ্রাসাদ-
পূর্ণ ও বহুজনাকীর্ণ ছিল, পতাকা ও তোরণ-
শোভিত একটি বিস্তীর্ণ নগর ছিল! রাজ-
সভায় যোদ্ধবর্গবেষ্টিত হইয়া রাজা বসিয়া
আছেন, বাহিরে যতদূর দেখা যায়, পথে,
ঘাটে, বাটীতে, প্রাক্ষণে ও নদীতীরে
নাগরিকগণ স্নান উৎসব করিতেছে!
বহুবিস্তীর্ণ বাজারে ক্রয় বিক্রয় হইতেছে,
উদ্যানে লোকে আনন্দে নৃত্যগীত করি-
তেছে, সরোবর হইতে মলনাগণ কলস
করিয়া জল লইয়া যাইতেছে, প্রাসাদ
সম্মুখে সেনাগণ জসজ্জ দণ্ডায়মান রহিয়াছে
অশ্ব, হস্তী, রথ, দণ্ডায়মান রহিয়াছে, বাদ্য-
কর সনান্দে বাদ্য করিতেছে! প্রভাতের
সূর্য্য এই অপক্লপ দৃশ্যের উপর সুন্দর রশ্মি
বর্ষণ করিতেছেন, এমন সময়ে মহম্মদ
ঘোরীর দূত রাজসভায় প্রবেশ করিল।
সে কথা কি আপনার মনে পড়ে?

শ্রায়শাস্ত্রী। রাজন! চাঁদ কবির
কথা মনে আছে, কিন্তু আপনি আর এক-
বার সে কথা বলুন। আপনার মুখে সে
কথা বড় মিষ্ট লাগিতেছে।

শিবজী। মুসলমান-দূত পৃথুরায়কে
বলিল,—মহারাজ! মহম্মদ ঘোরি আপনার
রাজ্যের অর্দ্ধাংশ মাত্র লইয়া সন্ধিস্থাপন
করিতে সম্মত আছেন, তাহাতে আপনার
কি মত?

মহামুভব পৃথুরায় উত্তর করিলেন;—
যবে সূর্য্যদেব আকাশে অস্ত্র একটি সূর্য্যকে
স্থান দিবেন, পৃথুরায় সেই দিন স্বীয় রাজ্যে
অস্ত্র রাজ্যকে স্থান দিবেন।

মুসলমান-দূত পুনরায় বলিল,—
মহারাজ! আপনার শত্রুর মহাশয় মহম্মদ

ঘোরীর সহিত সন্ধি করিয়াছেন, আপনি
যুদ্ধক্ষেত্রে মুসলমান ও রাঠোর সৈন্য
একত্রিত দেখিতে পাইবেন।

পৃথুরায় উত্তর করিলেন,—শত্রুর মহা-
শয়কে প্রণাম জানাইবেন ও বলিলেন,
আমিও স্বয়ং যাইতেছে, অবিলম্বে সাক্ষাৎ
করিয়া তাঁহার পদবুলি গ্রহণ করিব।

অবিলম্বে চোহান সৈন্য ঐ প্রশস্ত ভূর্ণ
হইতে নিজ্জাস্ত হইল, তিরোরীর যুদ্ধে যবন
ও রাঠোর সৈন্য পৃথুরায়ের সম্মুখে বায়ু-
তাড়িত ধূলিবৎ উড়িয়া গেল, আহত ঘোরী
সৈন্য পলায়ন করিয়া প্রাণরক্ষা করিল।

রঘুনাথ! সে দিন গিয়াছে, এক্ষণে
চাঁদ কবির গীত কে গাইবে, কে শ্রবণ
করিবে? তথাপি এখানে দণ্ডায়মান
হইলে, আমাদিগের পূর্বপুরুষদিগের অবি-
নশ্বর কীর্ত্তি স্মরণ করিলে, স্বপ্নের স্রায় নব
নব আশা মনে উদয় হয়। এই বিশাল
কীর্ত্তিক্ষেত্র চিরদিন তিমিরাবৃত থাকিবে না,
ভারতের গৌরবের দিন এখনও উদ্ভিত
হইবে। জগদীশ্বর রঘুকে আরোগ্যবান
করেন, দুর্বলকে বলবান করেন, জীর্ণ পদ-
দলিত ভারত-সম্ভানকে তিনি এখনও
উন্নত করিতে পারেন।

ত্রয়োবিংশ পরিচ্ছেদ ।

—:~:~:—

রামসিংহ ।

বাপের সদৃশ বীর সমান সমান ।

কাশীরাম দাস ।

শিবজী ও তাঁহার পুত্র শম্ভুজী শিবিরে উপবেশন করিয়া আছেন; এমত সময় একজন প্রহরী আসিয়া বলিল,—মহারাজ ! জয়সিংহের পুত্র রামসিংহ অস্ত্র এক জন সৈনিকের সহিত সন্ধ্যা আদেশে মহারাজকে দিল্লীতে আহ্বান করিতে আসিয়াছেন । উভয়ে দ্বারে দণ্ডায়মান আছেন ।

শিবজী । সাদরে লইয়া আইস ।

উগ্রস্বভাব শম্ভুজী বলিলেন,—পিতঃ ! আপনাকে আহ্বান করিতে আরংজীব কেবল দুইজন মাত্র দূত পাঠাইয়াছেন ?

শিবজী আরংজীবকৃত এই অবমাননায় মনে মনে ক্রুদ্ধ হইলেন, কিন্তু সে ক্রোধ প্রকাশ করিলেন না । ক্রণেক পরেই রামসিংহ শিবিরে প্রবেশ করিলেন । রাজপুত্র যুবক পিতার গায় তেজস্বী ও বীর, পিতার গায় ধর্মপরায়ণ ও সত্যপ্রিয় । তীক্ষ্ণবুদ্ধি শিবজী যুবকের মুখমণ্ডল দেখিয়াই তাঁহার উদার ও অকপট চরিত্র বুঝিলেন, তথাপি আরংজীবের কোন কু-অভিসন্ধি আছে কি না, দিল্লী-প্রদেশে বিপদ আছে কি না, কথাগুলো জানিবার প্রয়াস করিলেন । রামসিংহ পিতার নিকট শিবজীর বীৰ্য্য ও প্রতাপের কথা অনেক শুনিয়াছিলেন সবিস্ময়মনে মহারাষ্ট্রবীরপুরুষের দিকে অবলোকন করিলেন । শিবজী রামসিংহকে আলিঙ্গন ও

যথোচিত সম্মানপূরঃস্বর অভ্যর্থনা করিলেন ।

ক্রণেকপর রামসিংহ কহিলেন,—মহারাজকে পূর্বে আমি কখনও দেখি নাই কিন্তু পিতার নিকট আপনার যশোবার্তা বিস্তর শুনিয়াছি, অস্ত্র আপনার গায় স্বদেশপ্রিয় ধর্মপরায়ণ বীরপুরুষকে দেখিয়া আমার নয়ন সার্থক হইল ।

শিবজী । আমারও অস্ত্র পরম সৌভাগ্য । আপনার পিতার তুল্য বিচক্রণ ধর্মপরায়ণ সত্যপ্রিয় বীরপুরুষ রাজস্থানেও বিরল । দিল্লী আগমনের সময় যে তাঁহার পুত্রের সহিত সাক্ষাৎ হইল ইহা সুলক্রণ সন্দেহ নাই ।

রামসিংহ । রাজন্ ! দিল্লী আগমন করিতেছেন শুনিয়াই সন্ধ্যা আমাকে আপনার নিকট প্রেরণ করিয়াছেন, কখন নগর প্রবেশ করিতে অভিলাষ করেন ?

শিবজী । প্রবেশ সম্বন্ধে আপনি কি পরামর্শ দেন ?

অকপটস্বরে রামসিংহ উত্তর করিলেন,—আমার বিবেচনায় এইক্রণেই প্রবেশ করা বিধেয়, বিলম্ব হইলে বাঘ উত্তপ্ত হইবে, গীষ্ম হঃসহনীয় হইবে ।

রামসিংহের সরল উত্তর শুনিয়া শিবজী ঈষৎ হাস্ত করিয়া বলিলেন,—সে কথা জিজ্ঞাসা করি নাই । আপনি দিল্লীতে অধুনা বাস করিতেছেন, আপনার নিকট কোনও সংবাদ অবিদিত নাই । আমার পক্ষে দিল্লীপ্রবেশ কতদূর বুদ্ধির কার্য্য তাহা আপনি অবশ্যই জানেন ।

উদারচেতা রামসিংহ শিবজীর মনোগত ভাব বুঝিয়া ঈষৎ হাস্ত করিয়া বলি-

লেন,—কমা কুরন, আমি আপনার উদ্দেশ্য পূর্বে বুঝিতে পারি নাই। আমি আপনার অবস্থায় হইলে চিরকাল পর্তে বাস করিতাম, নিজের অসির উপর নির্ভর করিতাম, অসির তুল্য প্রকৃত বন্ধু আর নাই। কিন্তু এ বিষয়ে আমি অজ্ঞান, পিতা আপনাকে যখন দিল্লী আসিতে পরামর্শ দিয়াছেন, তখন আপনি আসিয়া ভালই করিয়াছেন। তিনি অধিতীয় পণ্ডিত, তাঁহার পরামর্শ কখনও ব্যর্থ হয় না।

শিবজী বুঝিলেন, দিল্লীতে তাঁহাকে রুদ্ধ করিবার জন্ত কোনও কল্পনা হয় নাই, অথবা যদি হইয়া থাকে, রামসিংহ তাহা জানেন না। তখন পুনরায় বলিলেন,— হাঁ! আপনার পিতাই আমাকে আসিতে পরামর্শ দিয়াছেন, আমার আসিবার সময় তিনি আরও বাক্যদান করিয়াছেন, তাহাও বোধ হয় আপনি অবগত আছেন।

রামসিংহ। আচ্ছ, দিল্লী আগমনে আপনার কোনও বিপদ হইবে না, কোনও অনিষ্ট হইবে না, সে বিষয়ে তিনি আপনাকে বাক্যদান করিয়াছেন, সে বিষয়ে তিনি আমাকেও আদেশ করিয়াছেন।

শিব। তাহাতে আপনার মত কি?

রাম। পিতার আদেশ অবশ্য পালনীয়, রাজপুত্রের বাক্য লঙ্ঘন হয় না। পিতার বাক্য সাহায্যে লঙ্ঘন না হয়, আপনি নিরাপদে স্বদেশে যাইতে পারেন, সে বিষয়ে দাসের যত্নের কোনও ক্রটি হইবে না।

শিবজীর মন নিরুদ্ধেগ হইল। আর সন্দেহ না করিয়া ঈশ্বর হামিলা বলিলেন— তবু আপনারই পরামর্শ গ্রহণ করিব।

বিলম্ব করিলে বায়ু উত্তপ্ত হইবে, চলুন এইক্ষণেই দিল্লী প্রবেশ করি!

অচিরে সকলে দিল্লীর অভিমুখে চলিলেন।

সমস্ত পথ পুরাতন মুসলমান-প্রাসাদের ভগ্নাবশেষে পরিপূর্ণ। প্রথম মুসলমানেরা দিল্লী জয় করিয়া পৃথুরায়ের পুরাতন দুর্গের নিকট আপনাদিগের রাজধানী নির্মাণ করিয়াছিলেন, সুতরাং প্রথম সম্রাটদিগের মসজীদ, প্রাসাদ ও সমাধিমন্দিরের ভগ্নাবশেষ সেই স্থানে হয়, জগদ্বিখ্যাত কুতুবমিনার এইস্থানে নিশ্চিত। কালক্রমে নূতন নূতন সম্রাট আরও উত্তরে নূতন নূতন প্রাসাদ ও রাজবাটী নির্মাণ করিতে লাগিলেন, ক্রমে নগর উত্তরাভিমুখে চলিল। শিবজী যাইতে যাইতে কত প্রাসাদ, কত মসজীদ ও মিনার, কত স্তম্ভ ও সমাধিমন্দিরের ভগ্নাবশেষ দেখিলেন তাহা গণনা করিতে পারিলেন না। রামসিংহ শিবজীর সঙ্গে সঙ্গে যাইতে লাগিলেন ও নানা স্থানের পরিচয় দিতে লাগিলেন, উভয়ে উভয়ের গুণের পরিচয় পাইলেন, উভয়ের মধ্যে বিশেষ মোহন জন্মিল। তীক্ষ্ণবুদ্ধি শিবজী স্থির করিলেন, যদি দিল্লীতে কোনও বিপদ হয়, একজন প্রকৃত বন্ধু পাইব।

পথিমধ্যে লোদীবংশীয় সম্রাটদিগের প্রকাণ্ড সমাধিমন্দির সকল দৃষ্ট হইল, প্রত্যেক রাজার সমাধির উপর এক একটা গম্বুজ ও অট্টালিকা নির্মিত হইয়াছে। আফগানদিগের গৌরবসূচ্য যখন অন্তিমত হয়, তখন এই স্থানে দিল্লী ছিল, আরও উত্তরে সরিয়া গিয়াছে।

তাহার পর হুমায়ূনের প্রকাণ্ড সমা -

মন্দির। তাহার পরে “চৌবট পড়া,” অর্থাৎ খেত-প্রস্তর-বিনির্মিত চতুঃষষ্টিস্তম্ভ যুক্ত প্রকাণ্ড সুন্দর অট্টালিকা! তাহার পশ্চাতে অসংখ্য গোরস্থান। পৃথুরায়ের ভূর্গ হইতে আধুনিক দিল্লী পর্য্যন্ত আসিতে আসিতে শিবজীর বোধ হইল যেন সেই পথেই ভারতবর্ষের ইতিহাস অঙ্কিত রহিয়াছে। একটি প্রাসাদ বা অট্টালিকা সেই ইতিহাসের এক একটি পত্র, এক একটি গোরস্থান এক একটি অক্ষর, করাল কাল সেই ইতিহাসলেখক, নচেৎ এরূপ অক্ষরে ইতিহাস কেন লিখিত হইবে?

শিবজী আরও আসিতে লাগিলেন। দিল্লীর প্রাচীরের নিক আসিলে রামসিংহ সগর্বে একটি মন্দির দেখাইয়া বলিলেন, —রাজন্! এই যে মন্দির দেখিতেছেন, পিতা জ্যোতিষগণনার্থ ঐ মানমন্দির নির্মাণ করিয়াছেন। বহুদেশের পণ্ডিতেরা ঐ মন্দিরে আসিয়া রজনীতে নক্ষত্র গণনা করেন।

শিবজী। আপনার পিতা খেরুপ ধীর সেইরূপ বিজ্ঞ, জগতে এরূপ সর্কগুণ-সম্পন্ন লোক অতি বিরল। গুনিয়াছি পূণ্য কাশীধামেও তিনি এরূপ মান-মন্দির প্রতিষ্ঠিত করিয়াছেন।

দিল্লীর প্রাচীরের ভিতর প্রবেশ করিবার সময় শিবজীর ঈষৎ হৃদকম্প হইল, তিনি অধ্ব ধামাইলেন। একবার পশ্চাৎ দিকে চাহিলেন, একবার মনে চিন্তার উদয় হইল যে, এমনও স্বাধীন আছি, পরকণ্ঠেই বন্দী হইতে পারি। তৎক্ষণাৎ ধর্মপরায়ণ জয়সিংহের নিকট যে বাক্যান্বিত করিয়াছিলেন তাহা স্মরণ হইল, জয়সিংহের পুত্রের উদার বৃদ্ধমণ্ডল দেখিলেন, নিজ

কোষে “ভবানী” নামক অস্তুর দিকে দর্শন করিয়া দিল্লীদ্বার প্রবেশ করিলেন।

স্বাধীন মহারাষ্ট্রীয় যোদ্ধা সেই মুহূর্ত্তে বন্দী হইলেন।

চতুর্বিংশ পরিচ্ছেদ।

দিল্লীনগর।

যেরে ঘরে বাজিছে বাজনা ;

ন চিহ্নে নর্তকী বন্দ, গাইতে হুগানে

গায়ক। * * *

ধারে ধারে কোলে মালা গাঁথা কলকুলে;

গৃহাগ্রে উড়িছে ধ্বজ ; বাতায়নে বাতী ;

জনশ্রোতঃ রাজপথে বহিছে কলোলে।

মধুসূদন দত্ত।

দিল্লী অল্প মনোহর শোভা ধারণ করিয়াছে। আরংজীব স্বয়ং জাঁকজমক-প্রিয় ছিলেন না, কিন্তু রাজকার্য সাধনার্থ সময়ে সময়ে জাঁকজমক আবশ্যক তাহা বিশেষরূপে জানিতেন। অল্প শিবজী দরিদ্র মহারাষ্ট্র দেশ হইতে বিপুল অর্থশালী মোগল রাজধানীতে আসিয়াছেন, মোগলদিগের ক্ষমতা, সম্পত্তি ও অর্থের প্রাচুর্য্য দেখিলে শিবজী আপন হীনতা বুঝিতে পারিবেন, মোগলদিগের সহিত যুদ্ধের অসম্ভাবিত বুঝিতে পারিবেন, এই উদ্দেশ্যে আরংজীব অল্প প্রচুর জাঁকজমকের আদেশ দিয়াছিলেন। সম্রাটের আদেশে দিল্লীনগরী, উৎসবের দিনে কুল-ললনার গ্রায়, অপূর্ব বেশ ধারণ করিয়াছে।

শিবজী ও রামসিংহ একত্রে রাজপথ

অভিবাহন করিতে লাগিলেন । পথ দিয়া অসংখ্য অশ্বারোহী ও পদাতিক গমনাগমন করিতেছে; নগর লোকারণ্য হইয়াছে ! বণিকগণ বাজারে দোকানে বহুমূল্য পণ্য-দ্রব্য রাখি করিয়া রাখিয়াছে, উৎকৃষ্ট বস্ত্র, বহুমূল্য স্বর্ণ রৌপ্যের অলঙ্কার, অপূর্ব পাণ্ডসামগ্রী ও অপৰ্যাপ্ত গৃহানুকরণ দ্রব্য দেখিতে দেখিতে শিবজী রাজপথ অভি-বাহন করিতে লাগিলেন । কোথাও গৃহের-উপর নিশান উড়িতেছে, কোথাও সুপরি-চ্ছদ গৃহস্থেরা বারাণ্ডায় বসিয়া রহিয়াছে, কোথাও বা গবাক্ষ দিয়া কুলকামিনীগণ প্রসিদ্ধ মহারাষ্ট্র যোদ্ধাকে দেখিতেছে । পথে অসংখ্য শকট, শিবিকা, হস্তী ও অশ্ব, রাজা মন্সবদার, সেনা, আমীর ও ওমরাহগণ সর্বদা গমনাগমন করিতেছে । অশ্বারোহীগণ তীব্র বেগে যেন নগর কাঁপাইয়া যাইতেছে ; সুন্দর অলঙ্কার ও রক্তবর্ণ বস্ত্রে মণ্ডিত হইয়া শুণ্ড নাড়িতে নাড়িতে গজেন্দ্র গমনে গজেন্দ্রগণ চলিয়া যাইতেছে ; শিবিকাবাহকগণ হতকার শব্দে যেন আরোহীর পদমর্গাদা প্রচার করিয়া চলিয়া যাইতেছে ! শিবজী একরূপ নগর কখনও দেখেন নাই, কোথায় পুনা বা রায়গড় !

যাইতে যাইতে রামসিংহ দূরে তিনটি খেত গুঁড় দেখাইয়া বলিলেন,—ঐ দেখুন জুম্মা মসজীদ ! সম্রাট শাহজিহান জগতের অর্থ একত্র করিয়া ঐ উন্নত প্রশস্ত মন্দির নির্মাণ করিয়াছিলেন, শুনিয়াছি একরূপ মসজীদ জগতে আর নাই ।

শিবজী বিশ্বযোৎসুকুল-লোচনে দেখি-লেন, রক্তবর্ণ প্রস্তরে নির্মিত মসজীদের প্রাচীর বিস্তীর্ণ স্থান ব্যাপিয়া শোভা পাই-

তেছে, তাহার উপর সুন্দর খেতপ্রস্তর-বিনির্মিত তিনটি গুঁড় ও দুই দিকে দুই মিনার যেন গগন ভেদ করিয়া উঠিয়াছে !

এই অপরূপ মসজীদের সম্মুখেই রাজ-প্রাসাদ ও দুর্গের বিস্তীর্ণ রক্তবর্ণ প্রস্তর-বিনির্মিত প্রাচীর দৃষ্ট হইল । দুর্গের পশ্চাতে যমুনা নদী সম্মুখে বিস্তীর্ণ রাজপথ শব্দপূর্ণ ও লোকারণ্য । সেই স্থানের স্থায় সমারোহপূর্ণ আর একটি স্থান ভারতবর্ষে ছিল না, জগতে ছিল কি না, সন্দেহ । দুর্গের প্রাচীরের উপর শত শত নিশান বায়ুপথে উড়িতেছে, যেন জগতে যোগল সম্রাটের ক্ষমতা ও গৌরব প্রকাশ করিতেছে । দুর্গদ্বারে একজন প্রধান মন্সব-দারের প্রশস্ত শিবির, মন্সবদার দুর্গদ্বার রক্ষা করিতেছেন । দুর্গের বাহিরে সেনা রেণায় রেণায় দণ্ডায়মান রহিয়াছে, বন্দুকের কিরিচশ্রেণী স্রয্যালোকে ঝকঝক করিতেছে, প্রত্যেক কিরিচ হইতে রক্তবস্ত্রের নিশান বায়ুমাগে উড়িতেছে । দুর্গসম্মুখে অসংখ্য লোক অসংখ্য প্রকার দ্রব্য ক্রয়বিক্রয় করিতে আসিয়াছে, দুর্গ-প্রাচীর হইতে মসজীদ-প্রাচীর পর্য্যন্ত সমস্ত পথ শব্দপূর্ণ ও লোকপূর্ণ ! অশ্বারোহী, গজারোহী, শিবিকারোহী, ভারতবর্ষের প্রধান প্রধান পদাভিষিক্ত পুরুষগণ, বহুলোক-সমন্বিত হইয়া বহু সমারোহে সর্বদাই দুর্গদ্বারের ভিতর যাইতেছেন বা বাহিরে আসিতেছেন । তাঁহাদিগের পরিচ্ছদ-শোভায় নয়ন অলসিত হইতেছে, লোকের কলরবে কণ বিদীর্ণ হইতেছে । সকল শব্দকে নিমগ্ন করিয়া মধ্যো মধ্যো দুর্গের মধ্য হইতে কামানের শব্দ নগর কম্পিত করিতেছে, ও রাজাধিরাজ আলম-

গীর অর্থাৎ জগতের অধিপতির ক্রমতাবর্তী জগৎসংসারে প্রচার করিতেছে। বিশ্বযোৎসুকুলোচনে অনেকক্ষণ এই সমস্ত ব্যাপার দেখিয়া অবশেষে শিবজী রাম-সিংহের সহিত দুর্গদ্বার অভিক্রম করিয়া দুর্গে প্রবেশ করিলেন।

প্রবেশ করিয়া শিবজী যাহা দেখিলেন তাহাতে আরও বিস্মিত হইলেন। চতুর্দিকে বিস্তীর্ণ “কারখানায়” অসংখ্য শিল্প-কারগণ রাজ-বাহচার্য্য নানাবিধ দ্রব্য প্রস্তুত করিতেছে;—অপূর্ব সুবর্ণ ও রৌপ্যখচিত বস্ত্র, মলমল, মসলিন বা ছিট; বহুমূল্য গালিচা, চক্রাতপ, তাবু বা পরদা; সুন্দর পরিধেয় উকীস, শাল বা গাত্রাবরণ; অপরূপ সুবর্ণ ও নগিমাণিকোর বেগম-পরিধেয় অলঙ্কার; সুন্দর চিত্র, সুন্দর কারুকার্য্য, সুন্দর খেত প্রস্তরের গৃহাঙ্করণ দ্রব্য; রাশি রাশি নীল, পীত, রক্তবর্ণ বা বরিদ্রর্ণ প্রস্তরের নানারূপ খেলনা-দ্রব্য;—কত বর্ণনা করিব! ভারতবর্ষে যত অপূর্ব শিল্পকার ছিল, সম্রাট-আদেশে তাহারা মাসিক বেতন পাইয়া প্রতিদিন দুর্গে কার্য্য করিতে আসিত। সম্রাট বা ক-কার্য্যার্থ বা নিজ প্রয়োজনের জন্ত যে কোন বস্তু আবশ্যিক বোধ করিতেন, বিলাসপ্রিয়া বেগমগণ যতরূপ অপূর্ব দ্রব্য আদেশ করিতেন, প্রাসাদবাসীদিগের যত প্রকার সামগ্রী প্রয়োজন হইত, তৎসমস্তই এই স্থানে প্রস্তুত হইত।

শিবজী এ সমস্ত দেখিবার সময় পাইলেন না। অসংখ্য লোকের মধ্য দিয়া “দেওয়ান আম” নামক উন্নত প্রশস্ত রক্ত-বর্ণ প্রস্তর বিনির্মিত প্রাসাদের নিকট আসিলেন। সম্রাট সচরাচর এই স্থানে

সভা অধিবেশন করিতেন, কিন্তু অল্প যেন শিবজীকে প্রাসাদের সমস্ত গৌরব দেখাই-বার জন্তই, সুন্দর খেত প্রস্তরবিনির্মিত নানারূপ অলঙ্কারে অলঙ্কৃত এবং জগতে অতুল্য “দেওয়ান খাস” নামক প্রাসাদে সভা অধিবেশন করিয়াছিলেন। শিবজী সেই স্থানে যাইয়া দেখিলেন, প্রাসাদের ভিতর রত্নমাণিক্য-বিনির্মিত সূর্য্যরশ্মি-প্রতিঘাতী মরুর-সিংহাসনের উপর সম্রাট আরংজীব উপবেশন করিয়া আছেন, সম্রাটের চারিদিকে রৌপ্য-বিনির্মিত বেল, রেলের বাহিরে ভারতবর্ষের অগ্রগণ্য রাজা, মন্ত্রবদার, ওমরাহ ও সেনাপতিগণ নিঃশব্দে দণ্ডায়মান রহিয়াছেন। রাম-সিংহ শিবজীর পরিচয় দান করিয়া রাজ-সদনে উপস্থিত হইলেন।

শিবজী অল্প দিল্লীনগরের অসাধারণ শোভা দেখিয়াই আরংজীবের উদ্দেশ্য অনুমান করিয়াছিলেন, এক্ষণে রাজসদনে আসিয়া সেই বিষয় আরও স্পষ্ট বৃত্তিতে পারিলেন। যিনি বিংশতি বৎসর যুদ্ধ করিয়া আপনার ও স্বজাতির স্বাধীনতা রক্ষা করিয়াছিলেন, যিনি সম্প্রতি সম্রাটের অধীনতা স্বীকার করিয়া যুদ্ধে যথেষ্ট সহায়তা করিয়াছেন, যিনি মহারাষ্ট্রদেশ হইতে সম্রাটকে দর্শন করিতে দিল্লী পর্য্যন্ত আসিয়াছেন, সম্রাট তাঁহাকে কিরূপে আহ্বান করিলেন? শিবজী অল্প একজন সামান্ত কর্মচার র জায় নম্রভাবে রাজ-সদনে দণ্ডায়মান! শিবজীর ধমনীতে উষ্ণ শোণিত বহিতে লাগিল, কিন্তু এক্ষণে তিনি নিরুপায়! সামান্ত রাজকর্মচারীর জায় সম্রাটকে “তসলীম” করিয়া ধীতিমত “নজর” দান করিলেন। আরংজীবের

দূর উদ্দেশ্য সাধন হইল,—জগৎ-সংসার জানিল, শিবজী জানিল, শিবজী ও আরংজীব সমকক্ষ নহেন, দাসের প্রভুর সহিত, ক্বীণের বলিষ্ঠের সহিত যুদ্ধ করা মূর্থতা !

এই উদ্দেশ্য সাধনার্থ আরংজীব “নজর” গ্রহণ করিয়া কোনও বিশেষ সমাদর না করিয়া শিবজীকে “পাঁচ হাজারী” অর্থাৎ পঞ্চ সহস্র সেনার সেনাপতিদিগের মধ্যে স্থান দিলেন। শিবজীর নয়ন তখন অগ্নিবৎ প্রজ্বলিত হইল, শরীর লম্পিত হইতে লাগিল। তিনি গুপ্তের উপর দস্ত স্থাপন করিয়া অস্পষ্টস্বরে বলিলেন,—শিবজী পাঁচ হাজারী ? সম্রাট্ যখন মহারাষ্ট্রে যাইবেন, দেখিবেন শিবজীর অধীনে কত জন পাঁচ হাজারী আছে। দেখিবেন, তাহারা দুর্বলহস্তে অসিধারণ করে না !

আবশ্যকীয় কার্য সম্পাদন হইলে সভাভঙ্গ হইল। সম্রাট্ গাত্রোথান করিয়া পার্শ্বস্থ উচ্চ শ্বেত-প্রস্তর-বিনির্মিত বেগম-মহলে গেলেন। তখন নদীর স্রোতের গ্রায় চূর্ণ হইতে অসংখ্য লোকস্রোত নির্গত হইতে লাগিল। যে যাহার আবাসস্থানে যাইল, সাগরের গ্রায় বিস্তীর্ণ দিল্লীনগরে অচিরে লোকস্রোত লীন হইয়া গেল।

শিবজীর আবাসের জন্ত একটা বাটা নির্দিষ্ট হইয়াছিল। রোষে, অভিমানে, সন্ধ্যার সময় শিবজী সেই বাটাতে আসিলেন, একাকী বসিয়া চিন্তা করিতে লাগিলেন।

ক্লেম পর রাজসদন হইতে সংবাদ আসিল যে, অন্য সম্রাটের সম্মুখে শিবজী রুষ্ট হইয়া, যে কথা উচ্চারণ করিয়াছিলেন,

সম্রাট্ তাহা শুনিয়াছেন। সম্রাট্ শিবজীকে দণ্ড দিতে ইচ্ছা করেন না, কিন্তু ভবিষ্যতে শিবজী রাজসাক্ষাৎ পাইবেন না, রাজসভায় স্থান পাইবেন না।

শিবজী বুঝিলেন, ভবিষ্যৎ আকাশ মেঘাচ্ছন্ন হইতেছে। ব্যাধে ষে রূপ সিংহকে ধরিবার জন্ত জাল পাতে, জুর ছষ্টবুদ্ধি আরংজীব সেইরূপ ধীরে ধীরে শিবজীকে বন্দী করিবার জন্ত মন্থণাজাল পাতিতেছেন ! শিবজী মনে মনে ভাবিলেন,—এ জাল বিদীর্ণ করিয়া কি পুনরায় স্বাধীনতা লাভ করিতে পারিব ? হা সীতাপতি গোস্বামিন্ ! চিরযুদ্ধের পরামর্শ তুমিই দিয়াছিলে, তোমার গরীয়সী কথা এখনও আমার কর্ণে শব্দিত হইতেছে ! আরংজীব ! সাবধান ! শিবজী এ পরগাস্ত তোমার নিকট সত্যপালন করিষাছে, তাহার সহিত চতুরতা করিও না, কেননা শিবজীও সে বিদ্যায় শিশু নহেন। যদি কর ভবানী সাক্ষী থাকুন, মহারাষ্ট্রদেশে যে সমরানল প্রজ্বলিত করিব, তাহাতে এই সুন্দর দিল্লীনগর, এই বিপুল মুসলমান সাম্রাজ্য একেবারে দগ্ধ হইয়া যাইবে !

পঞ্চবিংশ পরিচ্ছেদ ।

—:—

নিশীথে আগন্তুক ।

কে তুমি -

বিস্তৃতি-ভঙ্গিত অক্ষ ।

মধুসূদন দত্ত ।

কয়েক দিনের মধ্যে শিবজী আরঃ-
জীবের উদ্দেশ্য স্পষ্ট বুঝিতে পারিলেন ।
শিবজী আর স্বদেশে না ঘাইতে পারেন,
চিরকাল দিল্লীতে বন্দী হইয়া থাকেন,
মহারাজীয়েরা আর কখনও স্বাধীন না
হয়, এই আরঃজীবের উদ্দেশ্য ! শিবজী
সম্রাটের এই কপটাচারণে যৎপরোনাস্তি
কষ্ট হইলেন, কিন্তু রোন গোপন করিয়া
দিল্লী হইতে প্রস্থানের উপায় চিন্তা করিতে
লাগিলেন ।

শিবজীর চিরবিষ্মস্ত মন্ত্রী রঘুনাথপুত্র
শ্রায়শাস্ত্রী সর্বদা শিবজীর সঙ্গিত এই বিষয়
আলোচনা করিতেন ও নানারূপ উপায়
উদ্ভাবনা করিতেন । অনেক সূক্তি করিয়া
উভয়ে স্থির করিলেন যে, প্রথমে দেশ
প্রতাগমনের জন্য সম্রাটের নিকট অনুমতি
প্রার্থনা করা বিধেয়, অনুমতি না দিলে
অন্য উপায় উদ্ভাবন করা যাইবে

শ্রায়শাস্ত্রী পণ্ডিতপ্রবর ও বাক্পটুতায়
অগ্রগণ্য, তিনি শিবজীর আবেদন রাজ-
সদনে লইয়া ঘাইতে সম্মত হইলেন ।
আবেদনপত্রে শিবজী যে যে কারণে
দিল্লীতে আগমন করিয়াছিলেন, তাহা
বিস্তারিতরূপে লিখিত হইল । শিবজী
মোগল-সৈন্তের সহায়তা করিয়া যে যে
কার্যসাধন করিয়াছিলেন, আরঃজীব যে
যে বিষয় অস্বীকার করিয়া শিবজীকে

দিল্লীতে আব্বান করিয়াছিলেন, তাহাও
স্পষ্টাক্ষরে দর্শিত হইল । তাহার পর
শিবজী প্রার্থনা করিলেন যে,—আমি যে
কার্য সাধন করিতে অস্বীকার করিয়াছি,
তাহা এখনও সাধন করিতে প্রস্তুত আছি,
বিজয়পুর ও গলগন্দ-রাজ্য সম্রাটের অধীনে
আনিতে যতদূর সাধ্য সাহায্য করিব ।
অথবা যদি সম্রাট আমার সহায়তা গ্রহণ
না করেন, অনুমতি দিলে আমি নিজের
জায়গীরে প্রত্যাভর্জন করি, কেননা হিন্দু-
স্থানের জলবায়ু আমার পক্ষে, আমার
সঙ্গীগণ ও আমার সৈন্তগণের পক্ষে যৎ-
পরোনাস্তি অস্বাস্থ্যকর, এদেশে আমাদের
পাকা সম্ভব নহে ।

রঘুনাথ শ্রায়শাস্ত্রী এইরূপ আবেদন
পত্র সম্রাটসদনে উপস্থিত করিলেন ।
সম্রাট উক্তর পাঠাইলেন, সে উক্তরে
নানা কথা লিখা আছে, কিন্তু শিবজীর
প্রত্যাভর্জনের অনুমতি নাই । শিবজী
স্পষ্ট বুঝিলেন তাঁহাকে চিরবন্দী করাট
সম্রাটের একমাত্র উদ্দেশ্য । তখন দিন
দিন পলায়নের উপায় চিন্তা করিতে
লাগিলেন ।

উপরি উক্ত ঘটনার কয়েক দিন পর
এক দিন সন্ধ্যার সময় শিবজী গবাক্ষপার্শ্বে
চিন্তিতভাবে উপবেশন করিয়া আছেন ।
সূর্য্য অস্ত গিয়াছে, কিন্তু এখনও অন্ধকার
হয় নাই রাজপথ দিয়া লোকের শ্রোত
এখনও অবিরত বহিয়া ঘাইতেছে । কত
দেশের লোক কতরূপ পরিচ্ছদে কত কার্যে
এই রাজধানীতে আসিয়াছে । কখন
কখন ডুই একজন খেতাব মোগল সদর্পে
চলিয়া ঘাইতেছে, অপেক্ষাকৃত কৃষ্ণবর্ণ শত
শত দেশীয় হিন্দু বা মুসলমান সর্বাধাই

ইতস্ততঃ ভ্রমণ করিতেছে এবং দুই একজন রক্তবর্ণ কাফ্রীও কখন কখন দেখা যাইতেছে । পারস্ত, আরব, তাতার ও তুরস্ক দেশ হইতে বণিক বা মসাকের এই সমৃদ্ধ নগরীতে গমনাগমন করিতেছে, মুসলমান বা হিন্দু সেনাপতি রাজা বা মসাবদার বহু-লোক সমন্বিত হইয়া মহাসমারোহে ইস্তী বা অশ্ব বা শিবিকায় আরোহণ করিয়া যাইতেছে । সৈনিক পুরুষগণ হাশ্বকৌতুক করিতে করিতে পথ অতিবাহন করিতেছে, বিক্রেতৃগণ আপন আপন পণ্যদ্রব্য মস্তকে ধইয়া চীৎকার করিয়া যাইতেছে, এতদ্ভিন্ন অগ্ন্যাগ্ন সহস্র লোক সহস্র কার্গো জলের স্রোতের জায় যাতায়াত করিতেছে !

ক্রমে এই জনস্রোত হাস পাঠতে লাগিল। দিল্লীর অসংখ্য দোকানদার আপন আপন দোকান বন্ধ করিতে লাগিল ! নগরের অনন্ত কলরব ক্রমে ক্রমে থামিয়া গেল, দুই একটা বাটার গবাক্ৰভিতর হইতে দীপশিখা দেখা যাইতে লাগিল, দূরস্থ অট্টালিকাগুলি ক্রমে অন্ধকারে আবৃত হইতে লাগিল। আকাশে দুই একটা তারা দেখা দিল, পশ্চিমদিকে রক্তমাচ্ছটা আর নাই। শিবজী পূর্বদিকে চাহিলেন, দেখিলেন, শান্ত বিস্তীর্ণ দিগন্তপ্রবাহিনী যমুনানদী সাংকালের নিস্তব্ধতায় অনন্ত সাগরাভিমুখে বহিয়া যাইতেছে !

সেই নিস্তব্ধতার মধ্যে জুমা মসজীদ হইতে আজানের পবিত্র শব্দ উথিত হইল, যেন সে গম্ভীর শব্দ ধীরে ধীরে চারিদিকে বিস্তীর্ণ হইতে লাগিল, যেন ধীরে ধীরে মানবের মন আকর্ষণ করিয়া গগনে উণ্ডিত হইতে লাগিল ! শিবজী মুহূর্তের প্র

স্তক হইয়া সেই সাংকালীন সুদূর-উচ্চারিত গম্ভীর শব্দ শ্রবণ করিতে লাগিলেন। অন্ধকারে পুনরায় চাহিলেন, কেবল জুমা মসজীদের শ্বেতপ্রস্তর-বিনির্মিত গম্বুজগুলি সুনীল আকাশপটে অস্পষ্ট দেখা যাইতেছে, কেবল প্রাসাদের রক্তবর্ণ উন্নত প্রাচীর দূরে পর্কতশ্রেণীর মত দৃষ্ট হইতেছে। এতদ্ভিন্ন সমস্ত নগর অন্ধকারে আচ্ছাদিত, নৈশ নিস্তব্ধতায় শুদ্ধ।

রজনী গভীর হইল, কিন্তু শিবজীর চিন্তাস্তব্ধ এখনও ছিন্ন হইল না, কেননা অশ্ব পূর্বকথা একে একে হৃদয়ে জাগরিত হইতে ছিল। বাল্যকালের সুস্বপ্ন বাল্যকালের আশা ভরসা ও উত্তম, সাহসী ও উন্নতচরিত্র পিতা শাহজী, পিতৃতুল্য বাল্য-সুহৃদ দাদাজী কানাইদেব, গরীয়সী মাতা জীজী ! সেই বীরমাতা শিশু শিবজীকে মহারাষ্ট্রের জয়ের কথা বলিয়াছিলেন, সেই বীরমাতা বালক শিবজীকে বীর-কার্যে ব্রতী করিয়াছিলেন, সেই বীরমাতা শিবজীকে বিপদে আশ্বাস দিয়াছেন, আহবে উৎসাহ দিয়াছেন !

তাহার পর যৌবনের উন্নত আশা, উন্নত কাব্যপরম্পরা, দুর্গ-বিজয়, দেশ-বিজয়, রাজ্য-বিজয়, বিপদের পর বিপদ, যুদ্ধের পর যুদ্ধ, অপূর্ব জয়লাভ, দৌর্দণ্ড প্রতাপ, হৃদমনীয় উচ্চাভিলাষ ! শিবজী বিংশ বৎসর পর্য্যালোচনা করিয়া দেখিলেন, প্রতিবৎসরই অপূর্ব বিজয়ে বা অসমসাহসী কার্যে অঙ্কিত ও সমুজ্জ্বল !

সে কাব্যপরম্পরা কি ব্যর্থ ? সে আশা কি মায়াবিনী ? না এখনও ভবিষ্যৎ-আকাশে গৌরব-নক্ষত্র লীন রহিয়াছে, এখনও ভারতবর্ষে মুসলমান রাজ্যের অব-

মান হইবে, হিন্দুরাজচক্রবর্তির মস্তকের উপর রাজচ্ছত্র উন্নত হইবে ?

শিবজী এই প্রকার চিন্তা করিতেছিলেন, একরূপ সময়ে এক প্রহর রজনীর ঘণ্টা বাজিল, রাজপ্রাসাদের নাগরাখানা হইতে সে শব্দ উখিত হইয়া সমস্ত বিস্তীর্ণ নগর পরিব্যাপ্ত হইল, নৈশ নিস্তরতার গভীর শব্দ বহুদূর পর্যন্ত শ্রুত হইল। আকাশ-গর্ভে সে শব্দ এখনও লীন হয় নাই, একরূপ সময়ে শিবজী উন্নীলিত গবাক্ষদ্বারে একটা দীর্ঘ মনুষ্যমূর্তি দেখিতে পাইলেন, কৃষ্ণবর্ণ অন্ধকার আকাশপটে যেন একটা দীর্ঘ নিশ্চেষ্ট প্রতিকৃতি।

বিস্মিত হইয়া শিবজী দণ্ডায়মান হইলেন, সেই আকৃতির প্রতি তীব্রদৃষ্টি করিলেন, কোষ হইতে অসি অর্ধেক বহির্গত করিলেন। অপরিচিত আগন্তুক তাহা গ্রাহ্য না করিয়া ধীরে ধীরে গবাক্ষ ভিতর দিয়া গৃহে প্রবেশ করিলেন, ধীরে ধীরে ললাট ও জয়গুলের উপর হইতে নৈশ শিশির মোচন করিলেন।

শিবজী ভীক্ষনয়নে দেখিলেন, আগন্তুকের মস্তকে জটাভূট, শরীরে বিভূতি, হস্তে বা কোষে অসি বা ছুরিকা বা কোনও প্রকার অস্ত্র নাই। তবে আগন্তুক শিবজীকে হত্যা করিবার জন্ত সত্ৰাট-প্রেরিত চর নহে। তবে আগন্তুক কে ?

ভীক্ষনয়নে অন্ধকার ঘরের ভিতরও শিবজীকে লক্ষ্য করিয়া আগন্তুক বলিলেন,—মহারাজের জয় হউক !

অন্ধকারে আগন্তুকের আকৃতি দেখিয়া শিবজী তাঁহাকে চিনিতে পারেন নাই, কিন্তু তাঁহার কর্ণশব্দ শ্রবণমাত্র চিনিতে পারিলেন। জগতে প্রকৃত বন্ধু অতি বিরল,

বিপদের সময় একরূপ বন্ধুকে পাইলে হৃদয় নৃত্য করিয়া উঠে। শিবজী সীতাপতি গোস্বামীকে প্রণাম ও স্নেহে আলিঙ্গন করিয়া নিকটে বসাইলেন, একটা দীপ জালিলেন, পরে ওৎসুক্য সহ জিজ্ঞাসা করিলেন,—বন্ধু প্রবর ! রায়গড়ের সংবাদ কি ? আপনি তথা হইতে কবে কিরূপে আসিলেন ? এতদূরেই বা কি প্রয়োজনে আসিলেন ? অল্প নিশীথে গবাক্ষদ্বার দিয়া আমার নিকট আসিবারই বা অর্থ কি ?

সীতাপতি। মহারাজ ! রায়গড়ের সংবাদ সমস্ত কুশল। আপনি যে সচীব-প্রবরের হস্তে রাজ্যভার গ্ৰহণ করিয়াছেন, তাহাতে অমঙ্গল হইবার সম্ভাবনা নাই। কিন্তু এবিষয় আমি বিশেষ জানি না, কেননা আপনি রায়গড় পরিত্যাগ করিবার পরে অধিক কাল আমি তথায় ছিলাম না। পূর্বেই আপনাকে বলিয়াছিলাম, আমার ব্রতসাধনার্থে আমাকে দেশে দেশে পর্যটন করিতে হয়, সেই প্রয়োজনেই মথুরা প্রভৃতি তীর্থস্থান দর্শনার্থ দিল্লী আসিয়াছি। প্রভুর সহিত যখন সাক্ষাৎ করি তখনই আমার সৌভাগ্য, দিবাই কি, নিশাই কি ?

শিবজী। তথাপি কোন বিশেষ কারণ না থাকিলে গবাক্ষ দিয়া নিশীথে আসিতেন না। কি কারণ প্রকাশ করিয়া বলুন।

সীতাপতি। নিবেদন করিতেছি। কিন্তু পূর্বে জিজ্ঞাসা করি, প্রভু আসিয়া অবধি কুশলে আছেন ?

শিবজী। শারীরিক কুশলে আছি, শক্রমধ্যে মনের কুশল কোথায় ?

সীতাপতি। প্রভুর সহিত ত সত্ৰাটে

সন্ধি আছে, আপনাদের শত্রু কোথায় ?

শিবজী । সর্পের সহিত ভেকের সন্ধি কতক্ষণ স্থায়ী ? সীতাপতি ! আপনি অবশ্যই সমস্ত অবগত আছেন, আর আমাকে লজ্জা দিবেন না। যদি রায়গড়ে আপনার পরামর্শ গুণিতাম, তাহা হইলে কঙ্কণদেশের পর্বত ও উপত্যকার মধ্যে স্বাধীন থাকিতে পারিতাম, খল সম্রাটের কথায় বিশ্বাস করিয়া দিল্লীনগরে বন্দী হইতাম না।

সীতাপতি । প্রভু আশ্চর্যকর করিবেন না, মনুষ্যমাত্রই ভ্রাতৃবির অধীন, এ জগৎ ভ্রমপরিপূর্ণ। বিশেষ এ বিষয়ে আপনার দোষ মাত্র নাই, আপনি সন্ধিবাক্যে বিশ্বাস করিয়া সদাচরণ প্রদর্শন করিয়া এখানে আসিয়াছেন, যিনি অসদাচরণ ও কপটাচরণে দোষী, জগদীশ্বর অবশ্য তাহাকেই দণ্ড দিবেন। প্রভু ! খলসার জয় নাই, অস্ত্র আরংজীব যে পাপ করিয়া আপনাকে রুদ্ধ করিয়াছেন, সেই পাপে সবংশে নিধন হইবেন মহারাজ ! আপনি রায়গড়ে যে কথা বলিয়াছিলেন, মহারাষ্ট্র দেশে সেকথা এখনও কেহ বিশ্বাস হয় নাই; আরংজীব যদি কপটাচরণ করেন, তবে মহারাষ্ট্রদেশে যে যুদ্ধানল প্রজ্জ্বলিত হইবে, সমস্ত মোগল সাম্রাজ্য তাহাতে দগ্ধ হইয়া যাইবে !

উৎসাহে, উল্লাসে শিবজীর নয়ন জ্বলিতে লাগিল, তিনি বলিলেন,—সীতাপতি ! সে ভরসা এখনও লোপ হয় নাই। এখনও আরংজীব দেখিবেন মহারাষ্ট্র জীবন' লোপ পায় নাই ! কিন্তু হায় !—যে সময়ে আমার বীরাগ্রগণ্য সৈন্যেরা মোগলদিগের সহিত হুমুল

সংগ্রামে লিপ্ত হইবে, সে সময়ে আমি কি দূর দিল্লীনগরে নিশ্চেষ্ট বন্দীস্বরূপ থাকিব ? সীতাপতি । যবে গগনসঞ্চালিত বায়ুকে আরংজীব জাল মধ্যে রুদ্ধ করিতে পারিবেন, তখন আপনাকে দিল্লীর প্রাচীর মধ্যে বন্দী রাখিতে পারিবেন, তাহার পূর্বে নহে !

শিবজী ঈষৎ হাস্য করিলেন, পরে ধীরে ধীরে বলিলেন,—তবে বোধ করি আপনি কোন পলায়নের উপায় উদ্ভাবন করিয়াছেন, তাহাই বলিবার জন্ত রজনীতে আমার গৃহে আসিয়াছেন !

সীতাপতি । প্রভু তীক্ষ্ণবুদ্ধি, প্রভুর নিকট কিছুই গোপন রাখিতে পারি, একরূপ সম্ভাবনা নাই।

শিবজী । সে উপায় কি ?

সীতাপতি । অন্ধকার রজনীতে প্রভু অনায়াসে ছদ্মবেশে গৃহ হইতে বাহির হইতে পারেন। দিল্লীর চারিদিকে উচ্চ প্রাচীর কিন্তু পূর্বদিকে একস্থানে সেই প্রাচীরে লৌহশলাকা স্থাপিত হইয়াছে, তদ্বারা প্রাচীর উল্লঙ্ঘন করা মহারাষ্ট্রীয় বীরের অসাধ্য নহে। অপর পার্শ্বে ক্ষুদ্র তরীতে আটজন মাল্লা আছে, নিমেষ মধ্যে মথুরায় পৌঁছিবেন। তথায় প্রভুর অনেক বন্ধু আছেন, অনেক হিন্দু দেবালয়ে অনেক ধর্ম্মায়া পুরোহিত আছেন, তথা হইতে প্রভু অনায়াসে স্বদেশে যাইতে পারিবেন।

শিবজী । আমি আপনার উদ্যোগে তুষ্ট হইলাম, আপনি যে প্রকৃত বন্ধু তাহার আর একটি নিদর্শন পাইলাম। কিন্তু প্রাচীর উল্লঙ্ঘনের সময় যদি কেহ আমাকে দেখিতে পায়, তাহা হইলে পলায়ন হঃসাধ্য, আরংজীবের হস্তে মৃত্যু নিশ্চয় !

সীতাপতি । প্রাচীরের যেখানে লৌহশলাকা দেওয়া আছে, তাহার অনতিদূরে আপনার সেনার মধ্যে দশ জন তীরন্দাজ ছদ্মবেশে লুক্কায়িত আছে । যদি কেহ প্রভুকে দেখিতে পায় বা গতিরোধ করে, তাহার মৃত্যু নিশ্চয় ।

শিবজী । ভাল, নৌকায় গমনকালে তীরস্থ কোন প্রহরী সন্দেহ-প্রযুক্ত নৌকা ধরিতে চাহে ?

সীতাপতি । অষ্টজন ছদ্মবেশী নৌকা-বাহক আপনারই অষ্টজন যোদ্ধা । তাহা দিগের শরীর বন্দীচ্ছাদিত, তৃণ পরিপূর্ণ । সহসা নৌকা কেহ রোধ করিতে পারে, তাহার সম্ভাবনা নাই ।

শিবজী । মথুরা পৌছিয়া যদি প্রকৃত বন্ধু না পাই ?

সীতাপতি । আপনার পেশওয়ার ভগিনীপতি মথুরায় আছেন, তিনি আপনার চির-পরিচিত ও বিশ্বস্ত তাহা আপনি জানেন । আমি অদ্য তাঁহার নিকট হইতে আসিতেছি, তিনি সমস্ত প্রস্তুত রাখিয়াছেন, তাঁহার পত্র পাঠ করুন ।

বন্ধের ভিতর হইতে একখানি পত্র বাহির করিয়া শিবজীর হস্তে দিলেন । শিবজী ঈষৎ হাস্ত করিয়া পত্র ফিরাইয়া দিয়া বলিলেন,—আপনি পাঠ করিয়া শুনান ।

সীতাপতি লজ্জিত হইলেন, তাঁহার তখন স্মরণ হইল যে শিবজী আপন নাম লিখিতেও জানিতেন না, কখনও লেখা-পড়া শিখেন নাই !

সীতাপতি পত্র পাঠ করিয়া শুনাইলেন । যাহা যাহা আবশ্যিক, মুরেশ্বরের

কুটুম্ব সমস্ত স্থির করিয়াছেন, পত্রে বিস্তীর্ণ লিখা আছে ।

শিবজী বলিলেন,—গোস্বামিন্ ! আপনার সমস্ত জীবন যাগযোদ্ধে অতি-বাহিত হইয়াছে কখনই বোধ হয় না, শিবজীর প্রধান মন্ত্রীও আপনাকে অপেক্ষা সুন্দররূপে উপায় উদ্ভাবন করিতে পারিত না ! এখনও কথা একটী আছে । আমি পলাইলে আমার পুত্র কোথায় থাকিলে, আমার বিশ্বস্ত মন্ত্রী রঘুনাথপুত্র ও প্রিয়মুহুদ্ অন্নজী মালতী কোথায় থাকিলে ? আমার বিশ্বস্ত সৈন্যগণই বা কিক্রমে আরংজীবের কোঁপ হইতে পরিত্রাণ পাইবে ?

সীতাপতি । আপনার পুত্র, প্রিয়-মুহুদ্ ও মন্ত্রীর আপনার সহিত অদ্য রজনীতেই যাইতে পারে । আপনার সেনাগণ দিল্লীতে থাকিলে হানি নাই, আরংজীব তাহাদিগকে লইয়া কি করিবেন, অগত্যা ছাড়িয়া দিবেন ।

শিবজী । সীতাপতি ! আপনি আরংজীবকে জানে না ; তিনি তাহাদিগকে বধ করিয়া সিংহাসনে আরোহণ করিয়াছেন ।

সীতাপতি । যদি আপনার সেনাগণের উপর কঠোর আদেশ দেন, কোন মহারাষ্ট্র সেনা আপনার নিরাপদ বার্তা শ্রবণ করিয়া উল্লাসের সহিত প্রাণ বিসর্জন না করিবে ?

শিবজী ক্রণেক নীরবে চিন্তা করিলেন, পরে মহামুত্তব ধীরে ধীরে বলিলেন,—গোস্বামিন্ ! আমি আপনার চেষ্ঠা, আপনার উদ্যোগের জন্য আপনার নিকট চির-বাহিত রহিলাম, শিবজী তাহার বিশ্বস্ত ও

চিরপালিত ভৃত্যদ্বিগকে বিপদে রাগিয়া আপনার উদ্ধার চাহে না, এরূপ ভীকৃতার কার্য্য কখনও করিবে না। সীতাপতি ! অল্প উপায় উদ্ভাবন করুন, নচেৎ চেষ্টা ত্যাগ করুন !

সীতাপতি । অদ্য উপায় নাই !

শিবজী । তবে সময় দিন, শিবজীর এই প্রথম বিপদ নহে, উপায় উদ্ভাবনে শিবজী কখনও পরাঙ্মুখ হয় নাই।

সীতাপতি । সময় নাই ! অণু রজনীতে প্রভু পলায়ন করুন, নতুবা কল্যা আপনার পলায়ন নিষিদ্ধ !

শিবজী । আপনি কোন্ যোগবলে এরূপ জানিলেন জানি না, কিন্তু আপনার কথা যদি সার্থকই হয়, তথাপি শিবজীর অণু উত্তর নাই। শিবজী আশ্রিত প্রতিপালিত লোককে বিপদে রাগিয়া আত্মপরিভ্রাণ করিবে না। গোস্বামিন ! এ ক্ষত্রিয়ের ধর্ম্য নহে !

সীতাপতি । প্রভু ! বিশ্বাসঘাতকের শাস্তিদান করা ক্ষত্রিয়ের ধর্ম্য, আর জীবকে শাস্তিদান করুন। সেই দূর মহারাজ্যদেশে প্রত্যাবর্তন করুন, তথা হইতে সাগরতরঙ্গের স্রায় সমরতরঙ্গ প্রবাহিত করুন। অচিরে আরংজীবের সুখস্বপ্ন ভঙ্গ হইবে, অচিরে এই পাপপূর্ণ সাম্রাজ্য অতুল জলে মগ্ন হইবে !

শিবজী । সীতাপতি ! যিনি ব্রহ্মাণ্ডের রাজা। তিনি বিশ্বাসঘাতকতায় শাস্তি দিবেন, আমার কথা অবধারণা করুন, তাহার অধিক বিলম্ব নাই। শিবজী আশ্রিতকে ত্যাগ করিবে না।

সীতাপতি । প্রভু ! এখনও এ প্রতিজ্ঞা ত্যাগ করুন, এখনও বিবেচনা করিয়া আদেশ করুন, কল্যা বিবেচনার

সময় থাকিবে না, কল্যা আপনি বন্দী !

শিবজী । তাহাই হউক। শিবজী আশ্রিতকে ত্যাগ করিবে না, শিবজীর এ প্রতিজ্ঞা অবিচলিত।

সীতাপতি নীরব হইয়া রহিলেন। শিবজী চাহিয়া দেখিলেন তাঁহার নয়নে জলবিন্দু।

তখন সম্মুখে সীতাপতির হস্ত ধরিয়া বলিলেন,—গোস্বামিন্ । দোষ গ্রহণ করিবেন না, আপনার যত্ন, আপনার চেষ্টা, আপনার ভালবাসা আমি জীবন থাকিতে ভুলিব না। রাঙ্গগড়ে আপনার বীরপরামর্শ ও দিল্লীতে আমার উদ্ধারার্থ আপনার এতদূর উত্তোগ চিরকাল আমার হৃদয়ে অঙ্কিত থাকিবে ! আপনি আমার সন্তিত অবস্থান করুন আপনার পরামর্শে শীঘ্র সকলেরই উদ্ধার সাধন করিব।

সীতাপতি । প্রভু ! আপনার মিষ্ট বাক্যে যথোচিত পুরস্কৃত হইলাম, জগদীশ্বর জানেন আপনার সঙ্গে থাকা ভিন্ন আমার আর অণু অভিলাষ নাই। কিন্তু আমার ব্রত অলঙ্ঘনীয়, ব্রতসাধনের জন্ত নানা-স্থানে নানা কার্য্যে ঘাইতে হয়, এখানে অবস্থিত অসম্ভব।

শিবজী । এ কি অসাধারণ ব্রত জানি না, সীতাপতি ! এ কি কঠোর ব্রতধারণ করিয়াছেন ?

সীতাপতি ! সমস্ত একগুণে কিরূপে বিস্তার করিয়া বলিব, সাধনের একটা অঙ্গ এই যে, দিবসে রাজদর্শন নিষিদ্ধ !

শিবজী । ভাল, এ ব্রত কি উদ্দেশ্যে ধারণ করিয়াছেন ?

কণেক চিন্তা করিয়া সীতাপতি বলি-

লেন,—আমার ললাটে একটা অমঙ্গল লিখিত আছে, আমার ইষ্টদেবতা, বাহাকে আমি বাল্যকাল হইতে পূজা করিয়াছি, বাহার নাম জপ করিয়া জীবন ধারণ করিয়াছি, বিধির নির্বন্ধে তিনি আমার উপর বিমুখ। সেই অমঙ্গল ঋণার্থ ব্রত ধারণ করিয়াছি।

শিবজী। এ অমঙ্গল কে গণনা করিয়া আপনাকে জানাইল? কেই বা আপনাকে অমঙ্গল ঋণার্থ এ বিষম ব্রত ধারণ করিতে বলিল?

সীতাপতি। কার্যবশতঃ আমি স্বয়ংই এটা জানিতে পারিলাম, ঈশানী-মন্দিরে একজন আমাকে এই ব্রতধারণ করিবার আদেশ করিয়াছেন। যদি সফল হই, সমস্ত আপনার নিকট নিবেদন করিব, যদি অকৃতার্থ হই, তবে এ অকিঞ্চিৎকর জীবন ত্যাগ করিব। বাহার পূজার্থ জীবন ধারণ করিতেছি, তিনি বিমুখ হইলে এ জীবনে আবশ্যিক কি?

শিবজী। সীতাপতি! বাহা বলিলেন ষথার্থ। বাহার জন্ত প্রাণপণ করি, বাহার জন্ত আত্মসমর্পণ করি, তাহার অসন্তোষ অপেক্ষা জগতে মর্মান্তিকী হুঃখ আর নাই।

সীতাপতি। প্রভু! আপনি কি এ যাতনা কখন ভোগ করিয়াছেন?

শিবজী। জগদীশ্বর আমাকে মার্জনা করুন, আমি একজন নির্দোষী বীরপুরুষকে এই যাতনা দিয়াছি। সে বালকের কথা মনে হইলে এখনও আমার সময়ে সময়ে হৃদয়ে বেদনা হয়।

সীতাপতি। সে হতভাগার নাম কি?

শিবজী বলিলেন,—রঘুনাথজী হাবিলদার!

ঘরের দীপ সহসা নির্বাণ হইল।

শিবজী প্রদীপ জালিবার উত্তোগ করিতেছিলেন, এমন সময় সীতাপতি বলিলেন,—দীপ অনাবশ্যক, বলুন, শ্রবণ করিতেছি।

শিবজী। আর কি বলিব! তিন বৎসর অতীত হইয়াছে, সেই বালকবেশী বীরপুরুষ আমার নিকট আইসে ও সৈনিকের কার্যে প্রবৃত্ত হয়। তাহার বদন-মণ্ডল উদার, সীতাপতি! আপনারই গায় তাহার উন্নত ললাট ও উজ্জল নয়ন ছিল। বালকের বয়স আপনাদের অপেক্ষা অল্প, আপনার গায় তাহার বুদ্ধির প্রখরতা ছিল না, কিন্তু সেই উন্নত হৃদয়ে আপনার গায়ই হৃদমনীয় বীরত্ব ও সাহস সর্বদা বিরাজ করিত! আপনার বলিষ্ঠ উন্নত দেহ যখন দেখি, আপনার পরিষ্কার কণ্ঠস্বর যখন শুনি, আপনার বীরোচিত বিক্রম যখন আলোচনা করি, সেই বালকের কথা সর্বদাই হৃদয়ে জাগরিত হয়।

সীতাপতি। তাহার পর?

শিবজী। সেই বালককে যেদিন প্রথম দেখিলাম, সেইদিন প্রকৃত বীর বলিয়া চিনিলাম, সেইদিন আমার নিজের একখানি অসি তাহাকে দান করিলাম, রঘুনাথ সে অসির অবমাননা করে নাই। বিপদের সময় সর্বদা ছায়ার গায় আমার নিকটে থাকিত, যুদ্ধের সময় হৃদমনীয় তেজে শত্রু-বেধা ভেদ করিয়া অগ্রসর হইত। এখনও বোধ হয় তাহার সেই বীর আকৃতি, সেই গুচ্ছ গুচ্ছ কৃষ্ণকেশ, সেই উজ্জল নয়ন আমি দেখিতে পাইতেছি!

সীতাপতি । তাহার পর ?

শিবজী । সেই বালক এক যুদ্ধে আমার জীবন রক্ষা করিয়াছিল, অল্প এক যুদ্ধে তাহারই বিক্রমে দুর্গজয় হইয়াছিল, অনেক যুদ্ধে সে আপন অসাধারণ পরাক্রম প্রকাশ করিয়াছিল !

সীতাপতি । তাহার পর ?

শিবজী । আর জিজ্ঞাসা করেন কি প্রশ্ন ? আমি একদিন ভ্রমে পতিত হইয়া সেই চিরবিধ্বাসী অমুচরকে অবমাননা করিয়া কার্য্য হইতে দূর করিয়া দিলাম । শেষ পর্য্যন্তও রঘুনাথ একটাও কর্কশ কথা উচ্চারণ করে নাই, যাইবার সময়ও আমার দিকে মস্তক নত করিয়া চলিয়া গেল ।

শিবজীর কণ্ঠরুদ্ধ হইল, নয়ন দিয়া অশ্রু বহিয়া পড়িতে লাগিল । অনেকক্ষণ কেহ কথা কহিতে পারিলেন না । অনেকক্ষণ পরে সীতাপতি বলিলেন,—তাহাতে আক্ষেপের কারণ কি ? দোষীর দণ্ডই রাজধর্ম্ম ।

শিবজী । দোষী ? রঘুনাথের উন্নত চরিত্রে দোষ স্পর্শে না, আমি কি কক্ষণে ভ্রান্ত হইলাম জানি না । রঘুনাথের যুদ্ধস্থানে আসিতে বিলম্ব হইয়াছিল, আমি তাহাকে বিদ্রোহী মনে করিলাম ! মহা-ভুব জয়সিংহ পরে এবিষয় অনুসন্ধান করিয়া জানিয়াছেন যে, তাঁহার একজন পুরোহিতের নিকট রঘুনাথ যুদ্ধপূর্ব্বে আশীর্বাদ লইতে গিয়াছিল, সেইজন্যই বিলম্ব হইয়াছিল । নির্দোষীকে আমি অবমাননা করিয়াছিলাম, শুনিয়াছি সেই অবমাননায় রঘুনাথ প্রাণত্যাগ করিয়াছে । যুদ্ধে সে প্রাণরক্ষা করিয়াছিল, আমি তাহার প্রাণ বিনাশ করিয়াছি ।

শিবজীর কথা সমাপ্ত লইল, তাঁহার বাকশক্তি রুদ্ধ হইল, তিনি অনেকক্ষণ নীরব হইয়া রহিলেন ।

অনেকক্ষণ পরে ডাকিলেন,—সীতাপতি !

কোনও উত্তর পাইলেন না । কিঞ্চৎ বিস্মিত হইয়া প্রদীপ জালিলেন, দেখিলেন, সীতাপতি ঘরের মধ্যে নাই ।

ষড়্বিংশ পরিচ্ছেদ ।

—:—

আরঞ্জীব ।

সর্বশাস্ত্র পড়ি বেটা ছলি হতমর্থ ।

বলে কথা বুঝিস নাহি এই বড় দুঃখ ॥

কৃষ্ণদাস ওয়া ।

পরদিন প্রায় এক প্রহর বেলায় সময় শিবজীর নিদ্রা ভঙ্গ হইল, তিনি জাগরিত হইয়াই রাজপথে একটা গোলযোগ শুনি-লেন । উঠিয়া গবাক্ষ দিয়া নিয়দিকে চাহিলেন, যাহা দেখিলেন তাহাতে চকিত ও স্তম্ভিত হইলেন ।

দেখিলেন বাটার পশ্চাতে দুই পার্শ্বে ও সম্মুখদ্বারে অস্ত্রহস্তে প্রহরীগণ দণ্ডায়-মান রহিয়াছে । বিশেষ পরিচয় না পাইলে প্রহরীগণ বাহিরের লোককে গৃহে প্রবেশ করিতে দিতেছে না, গৃহের লোককে বাহিরে যাইতে দিতেছে না । দেখিয়া সীতাপতির কথা স্মরণ হইল,—কল্য শিবজী পলাইতে পারিতেন, অল্প তিনি আরঞ্জীবের বন্দী !

তখন শিবজী বিশেষ অনুসন্ধান করিতে লাগিলেন । জানিলেন যে, তিনি সম্রাটের

নিকট স্বদেশ যাইবার প্রার্থনা করিয়া অবধি আরংজীবের মনে সন্দেহের উদেক হইয়াছিল এবং সেই সন্দেহ প্রযুক্ত সম্রাট নগরের কোতওয়ালাকে আদেশ করিয়াছিলেন যে শিবজীর বাটীর চতুর্দিকে দিবারাত্র প্রহরী থাকিবে, শিবজী বাটী হইতে কোথাও যাইলে সেই লোক সঙ্গে সঙ্গে যাইবে, সঙ্গে সঙ্গে ফিরিয়া আসিবে। শিবজী তখন বুঝিতে পারিলেন যে, সীতাপতি গোস্বামী আরংজীবের এই আদেশের কথা জানিতে পারিয়া পূর্বেই শিবজীর পলায়নের সমস্ত আয়োজন করিয়াছিলেন, এবং রজনী দ্বিপ্রহরের সময় সংবাদ দিতে আসিয়াছিলেন। শিবজী মনে মনে সীতাপতিকে সহস্র ধন্যবাদ দিতে লাগিলেন।

আরংজীবের কপটাচারিতা এতদিনে স্পষ্ট প্রতীয়মান হইল। সম্রাট পথনে শিবজীকে বহু সমাদর পূর্বক পত্র লিখিয়া দিল্লীতে আহ্বান করিলেন, শিবজী আসিলে তাঁহাকে রাজসভায় অবমাননা করিলেন, পরে রাজসভায় গাইতে নিবেদন করিলেন, তৎপরে দেশে প্রত্যাবর্তন করিতে নিবেদন করিলেন, তৎপরে প্রকৃত বন্দী করিলেন। কোন কোন সর্প গোমহিষাদি ভক্ষণ পরিবার পূর্বে যেরূপ আপন দীর্ঘ শরীর ভক্ষ্যের চতুর্দিকে জড়াইয়া তাহাকে সম্পূর্ণরূপে বশীভূত করে, পরে ক্রমে চুসিতে চুসিতে ধীরে ধীরে উদরস্থ করে, জ্বর আরংজীবও সেইরূপ কপটতাজালে শিবজীকে ক্রমে সম্পূর্ণ অধীন করিয়া পরে ধীরে ধীরে বিনাশ করিবার সঙ্কল্প করিয়াছিলেন। মানসচক্ষে জাতীভ ও বর্তমান সমুদায় ঘটনা মুহূর্তমধ্যে দৃষ্টি করিয়া শিবজী

শত্রুর নিগূঢ় উদ্দেশ্য বুঝিতে পারিলেন, বুঝিয়া রোষে গর্জিয়া উঠিলেন। ক্রত-পদবিক্ষেপে সেই গৃহে ভ্রমণ করিতে লাগিলেন, তাঁহার অধরোষ্ঠের উপর দন্ত স্থাপিত রহিয়াছে, নয়ন হইতে অগ্নিস্ফুলিঙ্গ বাহির হইতেছে। অনেকক্ষণ পর অর্ধক্ষুণ্ট স্বরে বলিলেন,—আরংজীব! শিবজীকে এখনও জান না, চতুরতায় আপনাকে অদ্বিতীয় মনে কর, কিন্তু শিবজীকে সে বিজায় বালক নহে। এই ঋণ এক দিন পরিশোধ করিব, সেদিন দাক্ষিণাত্য হইতে হিন্দুস্থান পর্য্যন্ত সমরাগ্নি প্রজ্বলিত হইবে!

অনেকক্ষণ চিন্তা করিয়া শিবজী বিশ্বস্ত মন্ত্রী রঘুনাথ পস্তুকে ডাকাইলেন। প্রাচীন ঞায়শাস্ত্রী উপস্থিত হইলেন, নিঃশব্দে সম্মুখে উপবেশন করিলেন। শিবজী বলিলেন,—পণ্ডিতপ্রবর! 'আপনি আরংজীবের খেলা দেখিতেছেন, 'এই খেলা আমাদের খেলিতে হইবে, আপনার প্রসাদে শিবজী এ খেলায় অপরিপক্ব নহে। অতঃপর আমরা বন্দী হইব, আগি কলা রজনীতে ইহার সংবাদ পইয়াছিলাম! কিন্তু অনুচরদিগকে পূর্বে পরিত্রাণ না করিয়া আমার আত্ম-পরিত্রাণের ইচ্ছা নাই, সেই বিষয়ে আপনার উপদেশ কি?

ঞায়শাস্ত্রী অনেকক্ষণ চিন্তা করিয়া বলিলেন, আপনার অনুচরদিগের স্বদেশগমনের জন্ত সম্রাটের নিকট অমুমতি প্রার্থনা করুন। এক্ষণে আপনাকে বন্দী করিয়াছেন, আপনার অনুচরসংখ্যা সত্ত হ্রাস হয় তাহাতে সম্রাট, আহ্লাদিত ভিন্ন জংগিত হইবেন না। আমি বিবেচনা করি, অমুমতি চাহিলেই পাইবেন।

শিবজী । মন্ত্রিবর, আপনার পরামর্শই শ্রেয়ঃ, আমারও বোধ হয় ধৃত্ত আরংজীব এ বিষয়ে আপত্তি করিবে না ।

সেই মর্মে একখানি আবেদন পত্র প্রস্তুত হইল । শিবজী যাহা মনে করিয়াছিলেন, তাহাই ঘটিল, শিবজীর অনুচর সকল দিল্লী হইতে প্রস্থান করিবে শুনিয়া সম্রাট আফ্লাদিত হইয়া তাহাদিগের যাইবার জন্ত এক একখানি অনুমতি পত্র দান করিলেন । শিবজী কয়েকদিন মধ্যে সেই সমস্ত অনুমতি পত্র প্রাপ্ত হইলেন । মনে মনে বলিলেন,—মূর্থ ! শিবজীকে বন্দী রাখিবে ? এখন একজন অনুচরের বেশ পরিয়া ইহার মধ্যে একখানি অনুমতি পত্র লইয়া দিল্লীত্যাগ করিলে কি করিতে পার ? যাহা হউক অনুচরবর্গ এখন নিরাপদে বাউক, শিবজী আপনার জন্ত উপায় উদ্ভাবন করিতে সক্ষম ।

পাঠক ! যিনি অসাধারণ চতুরতা, বুদ্ধিকৌশল ও রণনৈপুণ্যে ভ্রাতৃগণকে পরাস্ত করিয়া, বৃদ্ধ পিতাকে বন্দী করিয়া, দিল্লীর ময়ূরসিংহাসনে আরোহণ করিয়াছিলেন, যিনি কাশ্মীর হইতে বঙ্গদেশ পর্য্যন্ত সমস্ত আর্য্যাবর্তের অধিপতি হইয়াও পুনরায় দাক্ষিণাত্যদেশ জয় পূর্ব্বক সমগ্র ভারতের একাধীশ্বর হইবার মহাসঙ্কল্প করিয়াছিলেন, যিনি অসামান্য চতুরতা দ্বারা মহাবীর সূচহীর শিবজীকেও বন্দী করিয়াছিলেন, চল একবার সেই উপটাচারী অদূরদর্শী, আরংজীবের প্রাসাদভ্যন্তরে প্রবেশ করিয়া তাঁহার মনের চাবুকনি নিরীক্ষণ করি ।

রাজকার্য্য সমাধা হইয়াছে, আরংজীব 'গোসলখানা' নামক একটা ঘরে উপ-

বেশন করিয়া আছেন । সেটা মন্ত্রীদিগের সহিত গুপ্ত পরামর্শের স্থল, কিন্তু আরংজীব একাকী বসিয়া চিন্তা করিতেছেন । কখন তাঁহার ললাটে গভীর চিন্তার রেখা দেখা যাইতেছে, কখন বা উজ্জল নয়নে রোষ বা অভিমান বা দৃঢ় প্রতিজ্ঞার লক্ষণ দৃষ্ট হইতেছে, কখন বা মননাসফলতা স্নানিত সম্ভাষে তাঁহার গুপ্তপ্রাপ্ত হস্তরেখায় অঙ্কিত হইতেছে । সম্রাট কি করিতেছেন ? আপন বুদ্ধিবলে সমস্ত হিন্দুস্থানের একাধীশ্বর হইয়াছেন সেই কথা স্মরণ করিতেছেন ? হিন্দুধর্ম্মের আরও অবমাননা অথবা রাজপুত্র বা মহারাষ্ট্রীয়দিগকে আরও পদদলিত করিবার সঙ্কল্প করিতেছেন ? শিবজীকে বন্দী করিয়া মনে মনে উল্লাসিত হইতেছেন ? জানি না সম্রাটের কি চিন্তা, তাঁহার সভার মধ্যে, ভারতবর্ষের মধ্যে কোনও মন্ত্রীকে সন্দিধমনা আরংজীব কখন সম্পূর্ণ বিশ্বাস করিতেন না, মনের ভাব বলিতেন না । নিজের বুদ্ধিপ্রার্থী সকলকে পুস্তালিকার গায় চালাইবেন, সমগ্রদেশ সুন্দর শাসন করিবেন, আরংজীবের এই উদ্দেশ্য । বাসকী যে রূপ নিজ মস্তকে এই জগৎ ধারণ করিতেছেন, বিশ্রাম চাহেন না, কাহারও সহায়তা চাহেন না, আরংজীব নিজের অসাধারণ মানসিক বলে সাম্রাজ্যের শাসন কার্য্য একাকী বহন করিবার মানস করিয়াছিলেন, কাহারও পরামর্শ চাহিতেন না ।

অনেকক্ষণ উপবেশন করিয়াছিলেন, একরূপ সময় একজন সৈনিক তসলীম করিয়া বলিল,—সম্রাটের জয় হউক । জাঁহাপনা ! দানেশমন্দ নামক আপনার সভাসদ আপনার সাক্ষাৎ অভিলানী, দ্বারদেশে দণ্ডায়মান

আছেন। সম্রাট দানেশমন্দকে আসিতে আজ্ঞা দিলেন, চিত্তাঙ্কুরাগুলি লগাট হইতে অপমৃত্ত করিলেন, মুখে সুন্দর হাত ধারণ করিলেন।

দানেশমন্দ আরংজীবের মন্ত্রী ছিলেন না, রাজকার্যে পরামর্শ দিতে সাহস করিতেন না, তবে তিনি পারস্য ও আরবী ভাষায় অসাধারণ পণ্ডিত, সুতরাং সম্রাট তাঁহাকে অতিশয় সম্মান করিতেন, কখন কখন কোন কোন কথায় বাক্যচ্ছলে পরামর্শ জিজ্ঞাসা করিতেন। উদারচেতা দানেশমন্দ প্রায়ই উদার সবল পরামর্শ দিতেন, এমন কি আরংজীবের জ্যেষ্ঠ দারা যখন বন্দী হইলেন, দানেশমন্দ তাঁহার প্রাণরক্ষার পরামর্শই দিয়াছিলেন। এবস্থি পরামর্শ, কুটিল আরংজীবের মনোগত হইত না; আরংজীব তাঁহাকে অল্পবুদ্ধি ও অদূরদর্শী বলিয়া মনে করিতেন, তথাপি তাঁহার বিজ্ঞা, ধন ও পদমর্যাদার জন্ত সম্যক্ আদর করিতেন। সবল স্বভাব বৃদ্ধ দানেশমন্দ সম্রাটকে অভিবাদন করিয়া উপবেশন করিলেন।

দানেশমন্দ। এ সময়ে জাহাঁপনার সহিত সাক্ষাৎ করিতে আসা দানের ধৃষ্টতা, কেননা, এ সময় সম্রাট রাজকার্যের পর বিশ্রাম করেন। তবে যে আসিয়াছি, কেবল আপনি অনুগ্রহ করেন এই নিমিত্ত। পারস্য কবি সুন্দর লিখিয়াছেন, ‘সূর্যের দিকে জগতের সকল প্রাণী সকল সময়ে চাহিয়া দেখে, সূর্য্য কি তাহাতে বিরক্ত বা কিরণদানে বিরত হইবেন’ ?

সম্রাট সহাস্তবদনে বলিলেন,—দানেশমন্দ ! অস্তুর সম্বন্ধে বাহাই হউক, আপনি সর্বসময়েই সমাদরের পাত্র।

ক্ষণেক এইরূপ

দানেশমন্দ অন্ত ক বুঝিতে পারিলেন, লেন,—জাহাঁপনা ! উঠিলেন। ক্রত-সার্থক করিবেন ! সমস্ত হি ভ্রমণ করিতে পদতলে রহিয়াছে, এক্ষণে এর উপর দস্ত করিতেও বড় বিলম্ব নাই। অগ্নিকুলির

ঈষৎ হাত্ত করিয়া আরংজীব বর্ণিলেন,—কেন সে বিষয়ে আমার কি উত্তোগ দেখিলেন ?

দানেশমন্দ। দক্ষিণদেশের প্রধান শত্রু আপনার পদতলে।

আরংজীব। শিবজীর কথা বলিতেছেন ? হাঁ ইন্দুর কলে পড়িয়াছে।

তৎক্ষণাৎ আপন মন্ত্রণা গোপনার্থে বলিলেন,—দানেশমন্দ ! আপনি আমাদের উদ্দেশ্য অবশ্যই জানেন, দেশের প্রধান প্রধান ব্যক্তিকে সর্বদাই সম্মান করা আমার উদ্দেশ্য। শিবজী ধূর্ত ও বিদ্রোহী হউক, যোদ্ধা বটে, তাহাকে সম্মানার্থই দিল্লীতে আনিয়াছিলাম। রাজসভায় সমুচিত সম্মান করিয়া তাহাকে বিদায় দেওয়াই আমাদের উদ্দেশ্য ছিল, কিন্তু সে একরূপ মূর্থ যে, রাজসভায় অসদাচরণ করিয়াছিল। আমি তাহাকে বন্দী করিতে বা তাহার প্রাণ লইতে নিতান্ত অনিচ্ছুক, সুতরাং অস্ত শান্তি না দিয়া কেবল রাজসভায় আসিতে নিষেধ করিয়াছিলাম। এখন “তুনিতেছি যে, দিল্লীর মধ্যেই সে অনেক সন্ন্যাসী ও বিদ্রোহীর সহিত পরামর্শ করে, সুতরাং কোনও রূপ অনিষ্ট করিতে না পারে এই জন্তই কোতওয়ালকে দৃষ্ট রাখিতে কহিয়াছি। কয়েকদিন পর সম্মান পূর্বক বিদায় দিব।

দানেশমন্দ। সম্রাটের এ আদেশ

শিবজী । মন্ত্রিবর, লাম । আরংজীব ।
শ্রেয়ঃ, আমারও বো

বিষয়ে আপত্তি কদানেশমন্দ, বলিলেন,—

সেই মর্মে মর্শ দিই আমার কি সাধ্য,
প্রস্তুত হইল। গনা ! যদি শিবজীর প্রতি
ছিগেন, তরুণ না করিতেন, যদি তাহাকে
চরকালের জন্ত বন্দী করিতেন, তাহা হইলে
মন্দ লোকে নানারূপ অখ্যাতি করিত,
বলিত যে, শিবজীকে আহ্বান করিয়া রুদ্ধ
করা শ্রায়সঙ্গত নয় ।

আরংজীব ঈষৎ কোপ সঙ্গোপন
করিয়া সেইরূপ হাশ্ববদনে বলিলেন,—

দানেশমন্দ ! মন্দলোকের কথায় দিল্লী-
খবরের ক্ষতিবা নাই, তবে সুবিচার ও
দয়া সিংহাসনের শোভন, সুবিচার করিয়া
শিবজীর জন্ত তাহাকে সতর্ক
করিয়া দি । দয়া প্রকাশে তাহাকে
সম্মান বি দিব ।

দানেশমন্দ । এরূপ সদাচারণেই
জাহাঁপনার প্রপিতামহ আকবরশাহ দেশ-
শাসন করিয়াছিলেন, এরূপ সদাচারণে
আপনারও খ্যাতি ও ক্ষমতা দিন দিন
বৃদ্ধি পাইবে ।

আরংজীব । সে কিরূপ ?

দানেশমন্দ । সম্রাটের অগোচর
কিছুই নাই । দেখুন, আকবর শাহ যখন
দিল্লীর সিংহাসনে আরোহণ করেন, তখন
সমস্ত সাম্রাজ্য শত্রুসঙ্কুল ছিল, রাজস্থানে,
বিহারে, দাক্ষিণাত্যে, সর্বস্থানেই বিদ্রোহী
ছিল, দিল্লীর সন্নিকট স্থানও শত্রুশূন্য ছিল
না । তাঁহার মৃত্যুকালে সমস্ত সাম্রাজ্য
নিঃশত্রু ও নির্বিরোধ হইয়াছিল, যাহারা
পূর্বে পরম শত্রু ছিল, সেই রাজপুত্রেরাই
বাদশাহের অধীনতা স্বীকার করিয়া কাবুল

হইতে বঙ্গদেশ পর্য্যন্ত দিল্লীখবরের বিজয়
পতাকা উড্ডীন করে । জয়সাধন কিরূপে
হইয়াছিল ? কেবল বাহুবলে ? কেবল
সাহসে ? তৈমুরের বংশে কাহারও সাহস
বা বাহুবলের অভাব নাই, তবে আর কেহ
এরূপ জয়সাধন করিতে পারেন নাই কি
জন্ত ? না জাহাঁপনা ! কেবল সদাচারণেই
এরূপ জয়লাভ হইয়াছিল । তিনি শত্রু-
দিগের প্রতি সদাচারণ করিতেন, অধীন
হিন্দুদিগের বিশ্বাস করিতেন, হিন্দুরাও
এবস্থিধ সম্রাটের বিশ্বাসভাজন হইবার
চেষ্টা করিত । মানসিংহ, টোডরমল্ল, বীরবল
প্রভৃতি হিন্দুগণই মুসলমান সাম্রাজ্যের
স্তম্ভস্বরূপ হইয়াছিলেন । উত্তম ব্যক্তিকেও
অবিশ্বাস করিলে সে ক্রমে অধম হইয়া
যায়, অধম কাকেরের প্রতিও সদাচারণ ও
বিশ্বাস করিলে তাহার ক্রমে বিশ্বাসযোগ্য
হয়, মানবের এই প্রকৃতি, শাস্ত্রের এই লিখন ।
আমাদের দক্ষিণদেশের যুদ্ধে শিবজী
অনেক সহায়তা করিয়াছেন, জাহাঁপনা !
তাঁকে সম্মান করিলে তিনি ষতদিন জীবিত
থাকিবেন, দক্ষিণদেশে মোগল-সম্রাজ্যের
স্তম্ভস্বরূপ থাকিবেন !

দানেশমন্দ, কি জন্ত সম্রাটের সহিত
সাক্ষাৎ করিতে আসিয়াছিলেন, পাঠক
বোধ হয় এক্ষণে বুঝিয়াছেন । দিল্লীখবর
শিবজীকে আহ্বান করিয়া বন্দী করায়
জ্ঞানী ও সদাচারী মুসলমান সভাসদ মাত্রই
লজ্জিত হইয়াছিলেন । দানেশমন্দকে
সম্রাট সমাদার করিতেন, তিনি কোনরূপে
কথাচ্ছলে সম্রাটের কুপ্রবৃত্তি ও মন্দ
উদ্দেশ্য তাঁহাকে দেখাইয়া দিবার জন্ত
উৎসুক হইয়াছিলেন । শিবজীর প্রতি
ভদ্রাচারণ করিয়া সম্রাট তাঁহাকে স্বদেশে

যাইতে দেন, দানেশমন্দ এই উদ্দেশ্যে আসিয়াছিলেন। দানেশমন্দ জানিতেন না যে, হস্ত দ্বারা প্রকাণ্ড ভূধরকে বিচলিত করা সম্ভব, কিন্তু পরামর্শ দ্বারা আরংজীবের দৃঢ় প্রতিজ্ঞা ও গভীর উদ্দেশ্য গুলি বিচলিত করা যায় না।

দানেশমন্দের উদার সারগর্ভ কথাগুলি কুটিল আরংজীবের নিকট অতিশয় নিরর্থকের কথাই বোধ হইল। তিনি ঈষৎ হাস্য করিয়া বলিলেন,—হাঁ, দানেশমন্দ, যেরূপ শাস্ত্রবিদ্যার, মানব হৃদয়ও সেইরূপ পাঠ করিয়াছেন দেখিতেছি। দক্ষিণদিকে শিবজী স্তম্ভ স্থাপিত করিবে, রাজস্থানে ত বিজোহিগণ স্তম্ভস্থাপন পূর্বেই করিয়াছে। কাশ্মীর পুনরায় স্বাধীন করিয়া দিব ও বঙ্গদেশে পাঠানদিগকে পুনরায় সমাদর পূর্বক আহ্বান করিব। এই চতুঃস্তম্ভের উপর মোগল-সাম্রাজ্য স্থান্য ও সুদৃঢ়রূপে স্থাপিত হইবে!

দানেশমন্দের মুখমণ্ডল রক্তবর্ণ হইল, তিনি ধীরে ধীরে বলিলেন,—সম্রাটের পিতা দাসকে অনুগ্রহ করিতেন, সম্রাটও যথেষ্ট অনুগ্রহ করেন, সেই জন্তু কখন কখন মনের কথা বলি, নচেৎ জাঁহাপনাকে পরামর্শ দিই, এরূপ বিদ্যাযুক্তি নাই।

আরংজীব দানেশমন্দকে নিরর্থক সরল ব্যক্তি জানিয়াও তাঁহার সেই সরলতার জন্তু তাঁহাকে ভালবাসিতেন তাঁহাকে কষ্ট দিয়াছেন দেখিয়া বলিলেন,—দানেশমন্দ! আমার কথার দোষ গ্রহণ করিও না। আকবরশাহ বুদ্ধিমান ছিলেন সন্দেহ নাই, কিন্তু কাফের ও মুসলমানকে সমানচক্ষে দেখিয়া তিনি কি ধর্ম-সঙ্গত আচরণ করিয়াছিলেন? আর একটা কথা

জিজ্ঞাসা করি,—আমাদের সামান্য দৈনিক কার্য সম্পাদনকালেও দেখিতে পাই যে, আপনি করিলে যেরূপ কার্য হয়, পরের হস্তে সেরূপ হয় না। এরূপ বিস্তীর্ণ সাম্রাজ্য-শাসনকার্যও সেইরূপ পরের উপর বিশ্বাস না করিয়া স্বয়ং সম্পাদন করিলে কি ভাল হয় না? নিজ বাহুবলে যদি সমগ্র ভারতবর্ষ শাসন করিতে সমর্থ হই কিজন্তু ঘৃণিত কাফেরদিগের সহায়তা গ্রহণ করিব? আরংজীব বাল্যকালাবধি নিজ অসির উপর নির্ভর করিয়াছে, নিজ অসি দ্বারা সিংহাসনের পথ পরিষ্কার করিয়াছে, নিজ অসি দ্বারা দেশশাসন করিবে, কাহারও সহায়তা চাহিবে না, কাহাকেও বিশ্বাস করিবে না।

দানেশমন্দ। জাঁহাপনা! স্বহস্তে দৈনিক কার্য নিরূহ করা যায়, কিন্তু এরূপ সাম্রাজ্য শাসন কি সহায়তা ভিন্ন সম্পাদিত হয়? বঙ্গদেশ, দক্ষিণদেশ প্রভৃতি স্থানে কি সর্বসময়ে আপনি বর্তমান থাকিতে পারেন? অথ কী! ১-৩ নিযুক্ত না করিলে কার্য কি রূপে সম্পাদিত হইবে?

আরংজীব। অবশ্য ভৃত্য নিযুক্ত করিব, কিন্তু তাহারা চিরকাল ভৃত্যের স্থায় থাকিবে, যেন প্রভু হইতে না চাহে! অথ আমি যাহাকে অধিক ক্ষমতা দিব, কলা সে সেই ক্ষমতা আমার বিরুদ্ধে ব্যবহার করিতে পারে; অথ যাহাকে অধিক বিশ্বাস করিব, কলা সে বিশ্বাসঘাতকতা করিতে পারে। এ অবস্থায় ক্ষমতা ও বিশ্বাস অল্পে লুপ্ত না করিয়া আপনাকে রাখাই ভাল। দানেশমন্দ! তুমি যখন অশ্ব আরোহণ কর, অশ্বকে বল্গা ও গুণের দ্বারা সম্পূর্ণ বশীভূত কর,

দিকে ফিরাও সেইদিকে ঘাইতে বাধ্য
। সম্রাটেরও সেইরূপে শাসন করা
চিত, কাহাকেও বিশ্বাস করিও না, কাহা-
ও হস্তে ক্রমতা ত্রুস্ত করিও না । সমস্ত
নিজ হস্তে রাখিবে, কর্মচারী ও
নািপতিদিগকে সম্পূর্ণরূপে বশীভূত করিয়া
হাদিগের নিকট কার্য গ্রহণ করিবে ।

দানেশমন্দ । প্রভু ! মনুষ্য ত অশ্ব
হ, তাহাদিগের মহত্ত্ব আছে, নিজ নিজ
মান-জ্ঞান আছে ।

আরংজীব । মনুষ্য অশ্ব নহে তাহা
নি,সেই জন্তই অশ্বকে বন্না দ্বারা চালাই,
মুখ্যকে উন্নতির আশা ও শাস্তির ভয়ের
দ্বারা চালাই । যে উত্তম কার্য করিবে
তাহাকে পুরস্কার দিব, যে অদম কার্য
করিবে তাহাকে শাস্তি দিব । পুরস্কার
আশা ও শাস্তি ভয়ে সকলে কায্য করিবে,
মতা, বিশ্বাস, মন্ত্রণা আরংজীব নিজহৃদয়ে
নিজ বাঁহ বলে ত্রুস্ত রাখিবে ।

দানেশমন্দ । প্রভু ! পুরস্কার আশা
শাস্তি ভয় ভিন্ন মনুষ্য-হৃদয়ে ত অশ্ব
বিও আছে । মনুষ্যের মহত্ত্ব আছে,
চাভিলাষ আছে,নিজ সম্মানজ্ঞান আছে ।

শাস্তিভয়ে কার্য্য করে, সে কোনরূপে
কিঞ্চল কার্য্য সমাপ্ত করিয়া নিরস্ত থাকে,
কিঞ্চল যাহাকে আপনি সম্মান করেন,সমাদর
করেন, ক্রমতা দিয়া বিশ্বাস করেন, সে
আপনাকে সেই সমাদর ও বিশ্বাসের
পযোগী প্রমাণ করিবার জন্ত প্রভুকার্য্যে
আজের ধন,মান,প্রাণ পর্য্যন্ত দান করিয়াছে,
কিঞ্চল উপদাহরণও শাস্ত্রে দেখা যায় ।

আরংজীব । দানেশমন্দ ! আমি
আমার ত্রায় শাস্ত্রজ্ঞ নহি ; কবিতায় যাহা
লেখি তাহা বিশ্বাস করি না । মানব প্রকৃতি

আমার শাস্ত্র । মানবের মহত্ত্ব আমি অল্প
দেখিয়াছি, শঠতা, কপটতা, বিশ্বাসঘাতকতা
অনেক দেখিয়াছি, সেই শাস্ত্র পাঠ করিয়া
আমি নিজহস্তে ক্রমতা রাখিতে শিখিয়াছি ।
সেই জন্ত কাফেরদিগের উপর জিজিয়া
কর স্থাপন করিব, সিদ্ধোহনুখ রাজপুত-
দিগের উপর কঠোর শাসন করিব,মহারাজ-
দেশ নিঃশত্রু করিব, বিজয়পুর ও গলখন্দ
জয় করিব, হিমালয় হইতে সমুদ্র পর্য্যন্ত
একাকী শাসন করিব । কাহারও সহায়তা
লইব না, আলমগীর নিজের নাম সার্থক
করিবে ।

উৎসাহে সম্রাটের নয়ন উজ্জ্বল হইয়া-
ছিল । তিনি মনের গভীর অভীষ্ট কখন
কাহারও নিকট প্রকাশ করিতেন না, অদ্য
কোথায় কথায় অনেকটা হঠাৎ প্রকাশ
করিয়া ফেলিয়াছিলেন । এতদ্বিত্ত তিনি
দানেশমন্দের উদার চরিত্র জানিতেন,তাহার
নিকট ত্রুই একটা কথা কহিলে কোনও
হানি নাই, জানিতেন ।

ক্ষণেক পর জীবং হাত্ত করিয়া
আরংজীব বলিলেন,—সরলস্বভাব বন্ধু !
অদ্য আমার অভীষ্ট ও মন্ত্রণা কিছু কিছু
বুঝিতে পারিলে ?

তীক্ষ্ণবুদ্ধি আরংজীব যদি আপনার
গভীর মন্ত্রণা কিয়দংশ ত্রাগ করিয়া সেই
দিন সরল দানেশমন্দের সরল পরামর্শ গ্রহণ
করিতেন, তাহা হইলে ভারতবর্ষে মুসলমান
সাম্রাজ্য বোধ হয় এত শীঘ্র ধ্বংস প্রাপ্ত
হইত না !

এইরূপ কথোপকথন করিতেছিলেন
এমন সময়ে সৈনিক পুনরায় আসিয়া সংবাদ
দিল,—রামসিংহ জাঁহাপনার সহিত সাক্ষাৎ
অভিলাষী, দ্বারদেশে দণ্ডায়মান আছেন ।

সম্রাট্ আদেশ করিলেন,—আসিতে
নাও ।

কণেক পর রাজা জয়সিংহের পুত্র
রাজসদনে উপস্থিত হইলেন ।

রামসিংহ । সম্রাট্কে একরূপ সময়ে
সাক্ষাৎ করা মাদৃশ ব্যক্তির পক্ষে অবিধেয়,
কিন্তু পিতার নিকট হইতে অতিশয় গুরু
সংবাদ আসিয়াছে, প্রভুকে জানাইতে
আসিলাম ।

আরংজীব । আপনার পিতার নিকট
হইতে আমরাও অদ্য পত্র পাইয়াছি ও
সমস্ত সংবাদ অবগত আছি ।

রামসিংহ । তবে সম্রাট্ অবগত
আছেন যে, পিতা সমস্ত শত্রু পরাজিত
করিয়া শত্রুদেশ বিদীর্ণ করিয়া রাজধানী
বিজয়পুর আক্রমণ করিয়াছিলেন,কিন্তু নিজের
সৈন্তের অল্পতাবশতঃ সে নগর এ পর্য্যন্ত
হস্তগত করিতে পারেন নাই, বিশেষতঃ
গলখন্দের সুলতান বিজয় পুরের সাহায্যার্থ
নেকনাম খাঁ নামক সেনাপতিকে বহু
সংখ্যক সৈন্ত সমেত প্রেরণ করিয়াছেন ।

আরংজীব । সমস্ত অবগত হইয়াছি ।

রামসিংহ । চতুর্দিকে শত্রুবেষ্টিত
হইয়া পিতা সম্রাট্‌এর আদেশে এখনও যুদ্ধ
করিতেছেন, কিন্তু এ যুদ্ধে জয় অসম্ভব,
প্রভুর নিকট আর অল্পসংখ্যক সৈন্তের জন্ত
প্রার্থনা করিয়াছেন ।

আরংজীব । আপনার পিতা বীরা-
গ্রগণ্য ! তিনি নিজের সৈন্তে বিজয়পুর হস্ত-
গত করিতে পারিবেন না ?

রামসিংহ । যত্নবোধে যাহা সাধ্য,
পিতা তাহা করিবেন । শিবজী পূর্বে
পরাস্ত হইয়া নাই, পিতা তাঁহাকে পরাস্ত
করিয়াছেন ; বিজয়পুর পূর্বে আক্রান্ত হয়

নাই, পিতা সেই নগর আক্রমণ করিয়া
ছেন ; এখন আপনার নিকট অল্পসংখ্যক
সৈন্তসহায়তা প্রার্থনা করিতেছেন । তাহ
হইলেই সমস্ত কার্য শেষ হয়, দক্ষিণদেলে
মোগল-সাম্রাজ্য বিস্তৃত ও দৃঢ়ীভূত হয় ।

একরূপ অবস্থায় অল্প কোন সম্রাট্ সে
সহায়তা প্রেরণ করিয়া দক্ষিণাত্যদেশ
বিজয়কার্য সাধন করিতেন । আরংজীব
আপনাকে বহুদূরদর্শী ও তীক্ষ্ণবুদ্ধি মনে
করিতেন, তিনি সে সহায়তা প্রেরণকরি-
লেন না । বলিলেন,—রামসিংহ ! আপ-
নার পিতা আমাদের স্বহৃদপ্রবর, তাঁহা
বিপদের কথা শুনিয়া যৎপরোনাস্তি
শোকাকুল হইলেন । তাঁহাকে পত্র লিখি-
বেন যে, তিনি নিজের অসাধারণ বাহুবলে
জয়সাধন করিবেন, সম্রাট্ দিবানিশি এই
রূপ আকাঙ্ক্ষা করেন । কিন্তু এখ
দিল্লীতে সেনাসংখ্যা অতি অল্প, আ
সহায়তা প্রেরণ করিতে অক্ষম ।

রামসিংহ কাতরস্বরে বলিলেন,—জাঁহ
পনা ! পিতা দিল্লীশ্বরের পুরাতন দাস
আপনার কালে, আপনার পিতার কালে
অসংখ্য যুদ্ধে যুঝিয়াছেন, অনেক কার্য
সাধন করিয়াছেন, দিল্লীশ্বরের কার্যসাধ-
নায় তাঁহার জীবনের অল্প উদ্দেশ্য নাই
এই ঘোর বিপদে আপনি কিঞ্চিৎ সাহা-
দান না করিলে তিনি বোধ হয় সসৈ-
নিধন প্রাপ্ত হইবেন ।

বালক জানিত না যে তাঁহার কাত-
স্বরে ও অশ্রুজলে আরংজীবের গভী
উদ্দেশ্য, গূঢ়মন্ত্রণা বিচলিত হয় না ।

সে উদ্দেশ্য, সে মন্ত্রণা কি ? রাম
জয়সিংহ অতিশয় ক্ষমতাশালী প্রতাপাধি-
সেনাপতি, তাঁহার অসংখ্য সৈন্ত, বিস্তী

যশ, অনন্ত প্রতাপ ! আজীবন তিনি নিঃকলঙ্কে দিল্লীখরের কার্য্য করিয়াছেন বটে, কিন্তু এত ক্ষমতা কোনও সেনাপতির বিধেই নহে, সম্রাট জয়সিংহকে এতদূর বিশ্বাস করিতে পারেন না। এ যুদ্ধে যদি জয়সিংহ সার্থকতা লাভ করিতে না পারিয়া অবমানিত হইলেন, তবে সে প্রতাপ ও যশের কিঞ্চিৎ হ্রাস হইবে। যদি সসৈন্তে বিজয়পুর সম্মুখে নষ্ট হইলেন, দিল্লীখরের হৃদয়ের একটা কণ্টকোদ্ধার হইবে। উৎ-নাভের জালের শ্রায় আরংজীবের উদ্দেশ্য-গুলি বহুবিস্তীর্ণ ও অব্যর্থ, অল্প জয়সিংহ-কীট তাহাতে পড়িয়াছেন, উদ্ধার নাই।

জয়সিংহ বহুকালাবধি দিল্লীখরের কার্য্যে জীবন পণ করিয়াছেন বটে, সেজন্য কি সূক্ষ্ম মন্ত্রণাজাল অল্প ব্যর্থ হইবে ?

জয়সিংহের উদারচিত্ত পুত্র সম্মুখে দণ্ডায়মান হইয়া রোদন করিতেছেন বটে, বালকের রোদনের জন্য কি দূরদর্শী সম্রাট উদ্দেশ্য ত্যাগ করিবেন ?

ক্ষমা মায়া প্রভৃতি স্কুমার মনোরতি সমূহে আরংজীব বিশ্বাস করিতেন না, নিজ হৃদয়েও স্থান দিতেন না। আত্মপথ পরিত্যাগার্থ অল্প একটা পতঙ্গ সরাইয়া ফেলিলেন, কল্যা একজন সহোদর ভ্রাতাকে হনন করিলেন, উভয় কার্য্য একই রূপ ধীর নিরুৎসাহ, হৃদয়ে করিতেন ! একদিন পিতা, ভ্রাতা, ভ্রাতৃপুত্র, আত্মীয়বর্গ সেই উন্নতিপথে পড়িয়াছিলেন, ধীরে ধীরে তাঁহাদিগকে সরাইয়া দিয়াছিলেন। পিতাকে মাদ্রাবশতঃ জীবিত রাখেন নাই, জ্যেষ্ঠভ্রাতা দারাকে ক্রোধবশতঃ হত্যা করেন নাই, সে সমস্ত বালকোচিত মনো-বৃত্তি তাঁহার ছিল না। পিতা জীবিত

থাকিলে ভবিষ্যতে বিপদের সম্ভাবনা নাই, আপন উদ্দেশ্যসাধনে কোনও প্রতিবন্ধক হইবে না, তিনি জীবিত থাকুন। জ্যেষ্ঠ-ভ্রাতা জীবিত থাকিলে উদ্দেশ্যসাধনে প্রতিবন্ধক হইতে পারে, জল্লাদ ! তাঁহাকে সরাইয়া সম্রাট আলমগীরের পথ পরিষ্কার করিয়া দাও !

মন্ত্রণাসাধনের জন্য অল্প আবশ্যক যে জয়সিংহ সসৈন্তে হত হইবেন। তিনি ভাল কি মন্দ, বিশ্বাসী কি বিদ্রোহী, অনু-সন্ধান আবশ্যক নাই, তিনি সসৈন্তে মরি-বেন ! এই পরিচ্ছেদবিবৃত সময়ের পর কয়েক মাসের মধ্যেই দিল্লীতে সংবাদ আসিল, অবমানিত, অকৃতার্থ জয়সিংহ প্রাণত্যাগ করিয়াছেন ! তখনকার ইতি-হাস-লেখক কেহ কেহ সন্দেহ করিয়াছেন, সম্রাটের আদেশে বিষপ্রয়োগে জয়সিংহের মৃত্যু হয়।

অনেকক্ষণ পর দীর্ঘনিশ্বাস ত্যাগ করিয়া রামসিংহ বলিলেন,—প্রভু ! আমার একটা যাক্সা আছে।

আরংজীব। নিবেদন করুন।

রামসিংহ। শিবজী যখন দিল্লী আগ-মন করিয়াছিলেন, পিতা তাঁহাকে বাক্যদান করিয়াছিলেন যে, দিল্লীতে শিবজীর কোনও আপদ ঘটবে না।

আরংজীব। আপনার পিতা সে কথা আমাদের অবগত করাইয়াছেন।

রামসিংহ। রাজপুত্রদিগের মধ্যে বাক্যদান করিয়া তাহা লঙ্ঘন হইলে অতি শয় নিন্দার বিষয়। পিতার প্রার্থনা ও দাসের প্রার্থনা যে, শিবজীর যে কোনও দোষ হইয়া থাকে, প্রভু ক্ষমা করিয়া তাঁহাকে নিদায় দি।

আরংজীব ক্রোধ সঞ্চরণ করিয়া ধীরে ধীরে বলিলেন,—সম্রাটের যাহা উচিত-কার্য্য সম্রাট তাহা করিবেন, সে বিষয়ে আপনি চিন্তিত হইবেন না ।

শিবজী নামে দ্বিতীয় একটা কীট সম্রাটের সেই বিস্তীর্ণ মন্ত্রণাজালে পতিত হইয়াছেন, দানেশমন্দ্ ও রামসিংহ তাঁহাকে উদ্ধার করিতে পারিলেন না !

জয়সিংহের যে দোষ, শিবজীরও সেই দোষ । শিবজীও সন্ধিস্থাপনাবধি প্রাণ-পণে দিল্লীর কার্য্য করিয়াছেন, নিজ সৈন্য দ্বারা অনেক ছুর্গ দিল্লীর অধীনে আনিয়া-ছিলেন, কিন্তু তাঁহারও বিপুল ক্ষমতা । আরংজীব কোনও ভৃত্যের উপর বিপুল ক্ষমতা ব্রহ্ম করিতে পারেন না, কাহাকেও বিশ্বাস করেন না ।

যাহাকে অবিশ্বাস করা যায়, তাহারাই ক্রমে অবিশ্বাসের যোগ্য হয় । আরংজীবের জীবিতকালের মধ্যেই মহারাষ্ট্রিয়েরা ও রাজপুতেরা দিল্লীর বিরুদ্ধে যে ভীষণ যুদ্ধানল প্রজ্জ্বলিত করিল, মোগলসাম্রাজ্য তাহাতে দগ্ধ হইয়া গেল ।

সপ্তবিংশ পরিচ্ছেদ ।

পীড়া ।

দূরে গেল জটাভূট ।

বধুসুন্দর !

শিবজীর অতিশয় সঙ্কটজনক পীড়া হইয়াছে,—সমগ্র দিল্লীনগরে এ সংবাদ প্রচারিত হইল । দিবানিশি শিবজীর গৃহের গবাক ও দ্বার রুদ্ধ, দিবানিশি

চিকিৎসক আসিতেছেন । এ ভীষণ রোগের উপশম সন্দেহহীন, অল্প বেক্রপ রোগ বৃদ্ধি হইয়াছে কল্যাণ পর্য্যন্ত জীবিত থাকি-অসম্ভব । কখন কখন বা সংবাদ রাষ্ট্র হইতেছে যে, শিবজী আর নাই ! রাজপথ দিয়া বহুসংখ্যক লোক গমনাগমন করিত ও সেই রুদ্ধ গবাকের দিকে অঙ্গুলি নির্দেশ করিত ! অশ্বারোহী সৈনিক ও সেনাপতিগণ ক্ষণেক অশ্ব থামাইয়া প্রহরী-দিগের নিকট শিবজীর সংবাদ জিজ্ঞাসা করিতেন । শিবিকারোহী রাজা বা মন্ত্র-দার শিবজীর গৃহের সম্মুখে আসিয়া এক-বার উঠিয়া সেইদিকে দৃষ্টিপাত করিতেন । শিবজী কিরূপ আছেন, তিনি উদ্ধার পাই-বেন কি না, তিনি কল্যাণ পর্য্যন্ত জীবিত থাকিবেন কি না, এইরূপ নানা কথা নগরবাসী সকলেই বাজারে, পথে, ঘাটে, সর্বসময়ে আন্দোলন করিত । আরংজীব সর্বদাই শিবজীর রোগের সমাচার জিজ্ঞাসা করিয়া পাঠাইতেন, তথাপি গৃহের চারি-দিকে যে প্রহরী সন্নিবেশিত ছিল তাহা পৃষ্ঠমত রাখিলেন । লোকের নিকট শিব-জীর রোগের বিষয় আক্ষেপ প্রকাশ করিতেন, মনে মনে ভাবিতেন, যদি এই রোগেই শিবজীর মৃত্যু হয়, তাহা হইলে আমার বিশেষ কোন নিন্দা না হইয়াই অনায়াসে ঋণ্টকোদ্ধার হইবে ।

সন্ধ্যাকাল সমাগত, এরূপ সময়ে এক-জন প্রাচীন সম্রাট মুসলমান হাকিম শিব-জীর গৃহদ্বারের নিকট অবতীর্ণ হইলেন । প্রহরিগণ জিজ্ঞাসা করিল,—কি উদ্দেশে শিবজীর সাক্ষাৎ প্রার্থনা করেন ? হাকিম উত্তর করিলেন,—সম্রাটের আদেশ অনুসারে রোগীর চিকিৎসা করিতে আসি-

যাছি । সসন্মানে প্রহরিগণ পথ ছাড়িয়া দিল ।

শিবজী শয্যায় শয়ন করিয়া আছেন, তাঁহার ভৃত্য সংবাদ দিল যে, সম্রাট একজন হাকিম পাঠাইয়া দিয়াছেন । ভীকুবুদ্ধি শিবজী তৎক্ষণাৎ নিবেচনা করিলেন, কোনরূপ বিষপ্রয়োগের জন্ত সম্রাট এ কাণ্ড করিতেছেন । তিনি ভৃত্যকে আদেশ করিলেন,—হাকিমকে আমার সেলাম জানাইও ও বলিও হিন্দু কবিরাজে আমার চিকিৎসা করিতেছে, আমি হিন্দু অন্তরূপ চিকিৎসা ইচ্ছা করি না । সম্রাটের এই অনুগ্রহের জন্ত আমার কোটা কোটা ধন্যবাদ জানাইবেন ।

ভৃত্য এই আদেশ লইয়া ঘর হইতে বহির্গত হইবার পূর্বেই হাকিম অনাহুত হইয়া ঘরে প্রবেশ করিলেন । শিবজীর হৃদয়ে ক্রোধসঞ্চার হইল, কিন্তু তাহা সঙ্গোপন করিয়া তিনি অতি ক্ষীণ স্বরস্বরে হাকিমকে অভ্যর্থনা করিলেন, ও শয্যা-পার্শ্বে বসিতে আদেশ দিলেন । হাকিম উপবেশন করিলেন ।

আকৃতি দেখিলে হাকিমের প্রতি কোন প্রকার সন্দেহ হইতে পারে না । বয়স অনেক হইয়াছে, অতি গুরু শরীর লক্ষিত হইয়া উরঃস্থল আবৃত করিয়াছে, মস্তকোপরি প্রকাণ্ড উষ্ণীষ, হাকিমের স্বর ধীর ও গম্ভীর ।

হাকিম বলিলেন,—মহাশয় ! ভৃত্যকে যে আদেশ করিয়াছিলেন, তাহা শুনিয়াছি, আপনি আমার চিকিৎসা ইচ্ছা করেন না । তথাপি মানবজীবন রক্ষা করা আমাদের ধর্ম, আমি স্বধর্মসাধন করিব ।

শিবজী মনে মনে আরও ক্রুদ্ধ হইলেন,

ভাবিলেন এ বিপদ কোথা হইতে আসিল ? কিছু বলিলেন না ।

হাকিম । আপনার পীড়া কি ?

কাতরস্বরে শিবজী বলিলেন,—জানি না এ কি ভীষণ পীড়া । শরীর সর্বদাই অগ্নিবৎ জলিতেছে, হৃদয়ে বেদনা, সর্বস্থানে বেদনা ।

হাকিম গম্ভীরস্বরে বলিলেন,—পীড়া অপেক্ষা জিঘাংসায় শরীর অধিক জলে, হৃদয়ের বেদনা অনেক সময় মানসিক ক্লেশমঞ্জাত । আপনার কি সেই পীড়া ?

বিস্মিত ও ভীত হইয়া শিবজী এই অপরূপ হাকিমের দিকে চাহিলেন, মুগ্ধ সেইরূপ গম্ভীর, কোনও ভাব বৈলক্ষণ্য লক্ষিত হইল না । শিবজী নিরন্তর হইয়া রহিলেন । হাকিম তাঁহার হস্ত ও শরীর দেখিতে চাহিলেন । শিবজী আরও ভীত হইলেন, অগত্যা হস্ত ও শরীর দেখাইলেন ।

অনেকক্ষণ অতিশয় মনোনিবেশপূর্বক দৃষ্টি করিয়া হাকিম উত্তর করিলেন,—আপনার বচন যেরূপ ক্ষীণ, নাড়ী সেরূপ ক্ষীণ নহে, ধমনীতে শোণিত সজোরে সঞ্চালিত হইতেছে, পেশীগুলি পূর্ববৎ দৃঢ়বদ্ধ । আপনার এ সমস্ত কি প্রবন্ধনামাত্র ?

পুনরায় বিস্মিত হইয়া শিবজী এই অপূর্ব চিকিৎসকের দিকে চাহিলেন, চিকিৎসকের মুখমণ্ডল গম্ভীর ও অকম্পিত, কোনও কপটভাব লক্ষিত হইল না । শিবজীর শরীরে ক্রমে উষ্ণ শোণিত সঞ্চালিত হইতে লাগিল, কিন্তু ক্রোধসঞ্চরণ করিয়া পুনরায় ক্ষীণস্বরে বলিলেন,—আপনি সেরূপ আদেশ করিতেছেন, অস্ত্রাণ্ড চিকিৎসকগণও সেইরূপ বলেন । এ মহৎ

পীড়া বাহুল্যকরণশূন্য, কিন্তু দিনে দিনে তিল তিল করিয়া আমার জীবননাশ করিতেছে ।

হাকিম ক্রমেক চিন্তা করিয়া বলিলেন,—“আলফ্ লায়লা ও লায়লুন” নামক আমাদের চিকিৎসাশাস্ত্র আছে, তাহাতে এক সহস্র এক পীড়ার বিষয় নির্দেশ আছে, তাহার মধ্যে কয়েকটা বাহুল্যকরণশূন্য পীড়ার চিকিৎসার কথা লিখিত আছে । একটীর চিকিৎসা “বকুসুতনে আসিরী ইশারৎ কর্দ ।” কয়েদীগণ কাষ না করিবার জন্ত যে পীড়া ভাগ করে, তাহার চিকিৎসা শিরশ্ছেদন । আর একটা পীড়ায় নাম “দিগরান্ দোজ্জথ্ এখ্ তিয়ার কুনন্ ।” যুবকগণ এই পীড়ার ভাগ করিয়া নরক পথগামী হয়, তাহার ঔষধি পাড়কা প্রহার । তৃতীয় এক প্রকার বাহুল্যকরণশূন্য পীড়া আছে, তাহার নাম “আয়েবহা বরগেরে-ফ্তা জেরেবগল ।” প্রবঞ্চকগণ নিজ প্রবঞ্চনা গোপনার্থ এই পীড়া ভাগ করে । তাহারও ঔষধি নির্দেশ আছে, আমি সেই ঔষধি আপনাকে দিতেছি ।

শিবজী এ সমস্ত শাস্ত্রকথা বিশেষ বুঝিতে পারিলেন না, কিন্তু হাকিম ভীক্ষুবুদ্ধি ও চতুর, শিবজীর মনের ভাব বুঝিয়াছেন, তাহা শিবজী বুঝিতে পারিলেন । ইতিকর্তব্যবিমূঢ় হইয়া জিজ্ঞাসা করিলেন—সে ঔষধি কি ?

হাকিম উত্তর করিলেন,—সে একটা উৎকৃষ্ট ঔষধিও বটে, উৎকট বিষও বটে । “রক্বুল আলমিনার” নাম লইয়া তাহাই আপনাকে দিব, যদি রোগ যথার্থ হয় অব্যর্থ ঔষধিতে তৎক্রমাৎ পীড়া আরোগ্য হইবে,

যদি প্রতারণা হয় অব্যর্থ বিষে তৎক্রমাৎ প্রাণনাশ হইবে !

শিবজীর হৃৎকম্প হইল, ললাট হঠতে শ্বেদবিন্দু পড়িতে লাগিল! ঔষধিসেবনে অস্বীকৃত হইলে তাঁহার প্রতারণা প্রচারিত হইবে, সেবন করিলে নিশ্চয় মৃত্যু !

হাকিম ঔষধি প্রস্তুত করিয়া আনিলেন, শিবজী বলিলেন,—মুসলমানের স্পৃষ্ট পানীয় আমি পান করিব না ।

শিবজী । সজোরে হস্তসঞ্চালনে পাত্র দূরে নিক্ষেপ করিলেন । হাকিম কিছুমাত্র ক্রুষ্ট হইলেন না, ধীরে ধীরে বলিলেন,—এরূপ সজোরে হস্তসঞ্চালন ক্রীণতার লক্ষণ নহে ।

শিবজী অনেকক্ষণ অতিকষ্টে ক্রোধ-সম্বরণ করিয়াছিলেন, আর পারিলেন না । সহসা উঠিয়া বসিলেন,—“রোগীকে উপহাস করিবার এই শাস্তি” এই বলিয়া এক চপেটাঘাত করিলেন ও হাকিমের গুরুশ্রম সজোরে আকর্ষণ করিলেন ।

বিস্মিত হইয়া দেখিলেন, সেই মিথ্যা শ্রম সমস্ত খসিয়া আসিল, চপেটাঘাতে উষ্ণীষ দ্বয়ে নিক্ষিপ্ত হইল, তাঁহার বাল্য স্মৃদ্ধ তম্বজী মালতী খিল্ খিল্ করিয়া হাশু করিয়া উঠিল !

তম্বজী অনেকক্ষণ পর হাশু সম্বরণ করিয়া ঘরের দ্বার রুদ্ধ করিলেন । পরে শিবজীর নিকটে আসিয়া উপবেশন করিয়া বলিলেন,—প্রভু কি সর্বদাই চিকিৎসককে এইরূপ পারিতোষিক দিয়া থাকেন ? তাহা হইলে রোগীর মৃত্যুর পূর্বে দেশের চিকিৎসক নিঃশেষিত হইবে ! বহুসময় চপেটাঘাতে এখনও মস্তক ঘূর্ণিত হইতেছে !

শিবজী সহাস্তে বলিলেন,—বন্ধু, ব্যাঘ্রের সহিত খেলা করিলে কখন কখন আহত হইতে হয়। যাহা হউক, তোমাকে দেখিয়া কতদূর আঁহ্লাদিত হইলাম বলিতে পারি না, এ কয়দিনই তোমাকে প্রত্যাশা করিতেছিলাম। এখন সংবাদ কি বল।

তন্নজী। প্রভুর সমস্ত আদেশ সম্পাদিত করিয়াছি, একে একে নিবেদন করিতেছি। সন্ধ্যাট যেন অনুমতিপত্র দিয়াছিলেন, তদ্বারা আপনার অনুচরবর্গ সকলেই নিরাপদে দিল্লী হইতে নিষ্ক্রান্ত হইয়াছে।

শিবজী। সেজন্য জগদীশ্বরকে ধন্যবাদ প্রদান করি। এখন আমার মন শান্ত হইল, আমি আপনার পলায়নের জন্ত তত ভাবি না। গগনবিহারী পক্ষী সামান্য পিঞ্জর বদ্ধ হইয়া থাকে না।

তন্নজী। সেই সমস্ত অনুচর দিল্লী হইতে নিষ্ক্রান্ত হইয়া গোয়ামীর বেশ ধরিয়া মথুরা ও বৃন্দাবনে অবস্থিতি করিতেছে, মথুরায় অনেক দেবালয়ের পুরোহিতগণও প্রত্যহ আপনাকে প্রতীক্ষা করিতেছে। আমি দিল্লী হইতে মথুরার পথ বিশেষরূপে দৃষ্টি করিয়াছি, যে যে স্থানে লোক সন্নিবেশিত করিবার আদেশ করিয়াছিলেন তাহাও করিয়াছি।

শিবজী। চিরবন্ধু! তুমি যেরূপ কার্যদক্ষ অবশ্যই আমরা নিরাপদে স্বদেশে যাইতে পারিব।

তন্নজী। দিল্লীর প্রাচীরের বাহিরে আপনি যেরূপ একটি তীব্রগতি অশ্ব রাখিতে বলিয়াছিলেন তাহাও রাখিয়াছি। যেদিন স্থির করিবেন সেইদিনে সমস্ত প্রস্তুত থাকিবে।

শিবজী। ভাল।

তন্নজী। রাজা জয়সিংহের পুত্র রামসিংহের নিকট গিয়াছিলাম, তাঁহার পিতা আপনাকে যে বাক্যদান করিয়াছিলেন, তাহা স্বরণ করাইয়া দিয়াছিলাম। রামসিংহ পিতার ত্রায় সত্য প্রিয় ও উদারচেতা, শুনিয়াছি স্বয়ং সম্রাটের নিকট যাইয়া আপনার জন্ত সাক্ষনয়নে আবেদন করিয়াছিলেন ?

শিবজী। সম্রাট কি বলিলেন ?

তন্নজী। বলিলেন, সম্রাটের যাহা কর্তব্য তাহা করিবেন।

শিবজী। বিশ্বাসঘাতক! কপটাচারী! এখনও একদিন শিবজী ইহার প্রতিশোধ দিবে।

তন্নজী। রামসিংহ সে বিষয়ে নিষ্ফল প্রযত্ন হইয়াছেন বটে, কিন্তু যুবক সরোষে আমার নিকট বলিল যে, রাজপুত্রের বাক্য অশ্রুত হয় না। অর্থ দ্বারা, সৈন্য দ্বারা, মেরুপে পারেন, তিনি আপনার সহায়তা করিবেন, তাহাতে যদি তাঁহার প্রাণ যায় তাহাতেও স্বীকৃত আছেন।

শিবজী। পিতার উপযুক্ত পুত্র! কিন্তু আমি তাঁহাকে বিপদগ্রস্ত করিতে চাহিনা। আমি পলায়নের যে উপায় উদ্ভাবন করিয়াছি তাহা তুমি তাঁহাকে জানাইয়াছ ?

তন্নজী। জানাইয়াছি, তিনি জানিয়া অতিশয় সন্তুষ্ট হইলেন, এবং আপনার সম্পূর্ণ সহায়তা করিতে স্বীকৃত হইয়াছেন।

শিবজী। ভাল।

তন্নজী। এতদ্বির দানেশমন্দ্ প্রভৃতি যাবতীয় আরংজীবের সভাসদকে মিষ্ট কণায়, বা অর্থ দ্বারা, আপনার পক্ষবর্তী করিয়াছি। দিল্লীতে হিন্দু কি মুসলমান

এরূপ বড়লোক কেহ নাই, যিনি আপনার পক্ষবর্তী নহেন। কিন্তু আরংজীব কাহারও পরামর্শ গ্রাহ্য করেন না।

শিবজী। তবে সমস্ত প্রস্তুত! আমি আরোগ্য লাভ করিতে পারি?

সহায়ে তন্নজী বলিলেন,—আমার ভ্রাতৃ বিজ্ঞ হাকিম যখন আপনার পীড়ার চিকিৎসা আরম্ভ করিয়াছে, তখন পীড়া কি থাকিতে পারে? কিন্তু আপনার পানের জন্য সুন্দর মিষ্ট শরবৎ প্রস্তুত করিয়াছিলাম, সমস্তটা নষ্ট করিলেন?

শিবজী আর একপাত্র প্রস্তুত করিতে বলিলেন। তন্নজী সেই পাত্র লইয়া পুনরায় শরবৎ প্রস্তুত করিলেন, শিবজী তাহা পান করিয়া, সহায়ে বলিলেন,—চিকিৎসক! আপনার ঔষধি যেরূপ মিষ্ট সেইরূপ ফলদায়ী, আমার পীড়া একেবারে আরাম হইয়াছে!

শিবজীকে সম্মেহে আলিঙ্গন করিয়া পুনরায় উষ্ণীষ ও শর্শু ধারণ করিয়া তন্নজী গৃহ হইতে নিষ্ক্রান্ত হইলেন।

দ্বারদেশে প্রহরী জিজ্ঞাসা করিল,— পীড়া বিরূপ দেখিলেন?

হাকিম উত্তর করিলেন,—পীড়া অভি-শয় সঙ্কটজনক, কিন্তু আমার অব্যর্থ ঔষধিতে অনেক উপশম হইয়াছে। বোধ করি অল্পদিনের মধ্যেই শিবজী এ ক্রেশ হইতে সম্পূর্ণ আরোগ্যলাভ করিবেন।

হাকিম শিবিকাযোগে চলিয়া গেলেন। একজন প্রহরী অতীকে বলিল—হাকিম বড় ভাল, এত বৈজ্ঞে যে পীড়া আরাম করিতে পারিল না, হাকিম একদিনে তাহা আরাম করিলেন বিরূপে

দ্বিতীয় প্রহরী উত্তর করিল,—হবে না কেন, এ যে রাজবাটীর হাকিম।

অষ্টাবিংশ পরিচ্ছেদ ।

আরোগ্য ।

এত শুনি উত্তর কণেক শুরু হ'য়ে।
কহিতে লাগিল পুনঃ প্রশ্ন করিয়ে।
হে বীর, কমলচক্ষে কর পরিচয়।
অজ্ঞানের অপরোধ ক্ষমিতা আমার।

কাশীরাম দাস।

উপরি উক্ত ঘটনার কয়েক দিন পর নগরে সংবাদ প্রচারিত হইল যে, শিবজীর পীড়ার কিছু উপশম হইয়াছে। নগরে পুনরায় ধূমধাম পড়িয়া গেল, সকলেই সেই কথা কহিতে লাগিল। হিন্দুগণেরই এ কথা শুনিয়া পরম আনন্দ অনুভব করিল, মহাদাশয় মুসলমানগণ এই সংবাদপাইয়া সুখী হইলেন। পণে, ঘাটে, দোকানে, মসজীদে, সকলেই এই কথা কহিতে লাগিল। আরংজীব এ সংবাদ শুনিয়া যথোচিত সন্তোষ প্রকাশ করিলেন।

নগরে ধূমধাম পড়িয়া গেলে শিবজী ব্রাহ্মণদিগকে রাশি রাশি মুদ্রা দান করিতে লাগিলেন, দেবালয়ে পূজা পাঠাইতে লাগিলেন, চিকিৎসক সকলকে অর্থদানে সম্বুষ্ট করিলেন। বাজারে আর মিষ্টান্ন রহিল না, শিবজী রাশি রাশি মিষ্টান্ন ক্রয় করিয়া দিল্লীর সমস্ত বড়লোকের বাটীতে পাঠাইতে লাগিলেন। পরিচিত সমস্ত লোকের নিকট ভেট পাঠাইতে লাগিলেন, এমন কি, প্রতি মসজীদে ও ক্বীরগণের সেবার্থ প্রচুর

পরিমাণে মিষ্টান্ন পাঠাইতে লাগিলেন । সত্রাটের মনে 'যাহাই থাকুক, অল্প সকলেই শিবজীর এই বদাচ্যুতা ও সদাচরণে সন্তুষ্ট হইয়া তাঁহার প্রশংসা করিতে লাগিলেন । "দিল্লীকালাজুর" ছড়াছড়ি হইতে লাগিল, তাহাতে আর কেহ পস্তিয়া-ছিলেন কি না বলিতে পারি না, কিন্তু আরংজীব অতি শীঘ্রই পস্তিয়াছিলেন !

শিবজী কেবল মিষ্টান্ন প্রেরণ করিয়া সন্তুষ্ট হইতেন না, মিষ্টান্ন ক্রয় করাইয়া নিজের গৃহে আনিতেন ও অতি প্রকাণ্ড প্রকাণ্ড আবার সমস্ত নিষ্কাশন করাইয়া স্বয়ং মিষ্টান্ন সাফাইয়া প্রেরণ করিতেন । সে আবার কখন কখন তিন চারি হাত দীঘ হইত, আট কি দশ জন লোকে বহিয়া লইয়া যাইত । কয়েকদিন এইরূপে মিষ্টান্ন বিতরিত হইতে লাগিল ।

একদিন সন্ধ্যার সময় এইরূপ দুইটা প্রকাণ্ড মিষ্টান্নের আধার শিবজীর গৃহ হইতে বাহির হইল । প্রহরিগণ জিজ্ঞাসা করিল,—এ কাহার বাটীতে যাইবে ? বাহকেরা উত্তর করিল,—রাজা জয়সিংহ-সদনে ।

প্রহরিগণ । তোমাদের গৌড় হার কতদিন মিষ্টান্ন পাঠাইবেন ?

বাহকেরা । এই অল্পই শেন । একত মিষ্টান্নের ভার লইয়া বাহকগণকে অশ্ব-গেল । করিয়াছিলাম,

কতক পথ যাইয়া বাহু কার্যের জন্ত অতি সঙ্গোপন স্থানে সত্তর দিতে পারি ? সেই দুইটা আধার নামীর সম্মুখে জানু চারিটিকে চাহিয়া দেখি বলিলেন,—রাজন ! কেবল সন্ধ্যার বায়ু ন, আমি অশ্বরক্ষকও যাইতেছে । বাহকেরা হি, আমি আপনার

করিল, একটা আধার হইতে শিবজী, অপরটা হইতে শম্ভুজী বাহির হইলেন । উভয়ে জগদীশ্বরকে ধন্যবাদ দিলেন ।

বিলম্ব না করিয়া উভয়ে ছদ্মনেশে দিল্লীর প্রাচীরভিত্তিতে যাইলেন । সন্ধ্যার সময় লোক অতি অল্প, তথাপি রাজপথে দুই একজন লোক যখন নিকট দিয়া যায়, শম্ভুজীর হৃদয় ভয়ে ও উদ্বেগে কম্পিত হইয়া উঠে । শিবজীর চিরজীবন এইরূপ বিপদপূর্ণ, তাঁহার পক্ষে এ বিপদ কিছু নূতন নহে, তথাপি তাঁহারও হৃদয় উদ্বেগ-শূন্য ছিল না ।

উভয়ে কম্পিত হৃদয়ে প্রাচীর পার হইলেন, একজন প্রহরী জিজ্ঞাসা করিল—কে যায় ?

শিবজী উত্তর করিলেন,—গোস্বামী । হরেনামি হরেনামি হরেনামি কেবলম্ !

প্রহরী । কোথা যাইতেছ ?

শিবজী মথুরা তীর্থস্থানে । কোনো নাহোয়, নাহোয় নাহোয় গতিরত্নপা ।

উভয়ে প্রাচীর পার হইলেন ।

প্রাচীরের বাহিরে পলাত উভয়ে প'-উচ্চপদাভিবিভ্র নেনস্থে বিমুগ্ধ হইলেন । সকল দৃষ্টের ব্রত অল্প শেষ হইল, শিবজীর হৃদয়বেদনা অল্প দূর হইল, বাহকেরা গ্রাম উভয়ে অজস্র অশ্রু বর্ষণ করিতে লাগিলেন ।

শিবজী বলিলেন,—হাঁ এই অশ্ব বটে । শিবজী অশ্বে আরোহণ করিলেন, পশ্চাতে শঙ্খজীকে উঠাইয়া লইলেন, মথুরার দিকে চলিলেন । অশ্বরক্ষক পশ্চাৎ পশ্চাৎ পদব্রজে চলিতে লাগিল ।

অন্ধকার নিশীথে পল্লী বা প্রান্তুর দিয়া নির্ঝাক্ হইয়া শিবজী পলায়ন করিতেছেন । আকাশে নক্ষত্রগুলি মিট মিট করিতেছে, অল্প অল্প মেঘ এক একবার গগন আচ্ছাদিত করিতেছে, বর্ষাকালে পূর্ণকলেবর ঘননা প্রবলবেগে বহিয়া যাইতেছে, পথ, খাট কন্দম বা জলপূর্ণ । শিবজী উদ্বেগপূর্ণ হৃদয়ে পলায়ন করিতেছেন ।

দূর হইতে অশ্বের পদশব্দ শ্রুত হইল । শিবজী লুকাইবার চেষ্টা করিলেন, কিন্তু সেখানে বৃক্ষ বা কুটীর নাই, অগত্যা পূর্ববৎ গমন করিতে লাগিলেন ।

তিনজন অশ্বারোহী বেগে দিল্লী অভিমুখে আসিতেছেন, তাহাদিগের কোষে অসি । দূর হইতে শিবজীর অশ্ব দেখিতে পুনরায় উষণা নইদিকে অশ্ব প্রধাবিত তন্নজী গৃহ হইতে নিঃসন্দেহ উদ্বেগে ছুঁক

দ্বারদেশে প্রহরী জিজ্ঞাসা আসিয়া পীড়া কিরূপ দেখিলেন ?

হাকিম উত্তর করিলেন,—পীড়া অতিশয় সঙ্কটজনক, কিন্তু আমার অব্যর্থ ঔষধিতে অনেক উপশম হইয়াছে । বোধ করি অল্পদিনের মধ্যেই শিবজী এ ক্রেশ হইতে সম্পূর্ণ আরোগ্যলাভ করিবেন ।

হাকিম শিবিকাযোগে চলিয়া গেলেন । একজন প্রহরী অগ্রকে বলিল—হাকিম বড় ভাল, এত বৈজ্ঞে যে পীড়া আরাম করিতে পারিল না, হাকিম একদিনে তাহা আরাম করিলেন কিরূপে

শিবজীর মস্তকে যেন বজ্রাঘাত হইল । দিল্লী যাইতে অস্বীকার করিলে সৈনিকেরা বলপ্রকাশ করিবে, বিবাদের সময় সহসা শিবজীকে চিনিলেও চিনিতে পারে, কেননা দিল্লীতে এরূপ সৈনিক ছিল না যে শিবজীকে দেখে নাই । আর দিল্লীতে পুনর্গমন করিলে সহস্র বিপদ ! ইতিকর্তব্যবিমূঢ় হইয়া চিন্তা করিতে লাগিলেন ।

একজন অশ্বারোহী সম্মুখে আসিয়া শিবজীর সহিত কথা কহিয়াছিল অপর দুইজন অস্পষ্টস্বরে পরামর্শ করিতেছিল । কি পরামর্শ ?

একজন বলিল,—এ স্বর আমি জানি, আমি দক্ষিণদেশে সায়েন্তাখীর অধীনে অনেকদিন যুদ্ধ করিয়াছি, আমি নিশ্চয় বলিতেছি পথিক গোস্বামী নহে ।

অপরজন বলিল,—তবে কে ?

প্রথম : আমি সন্দেহ করি এ স্বয়ং শিবজী, দুইজন মন্ত্রম্যের কণ্ঠস্বর ঠিক একরূপ হয় না ।

দ্বিতীয় । দূর মূর্খ ! শিবজী দিল্লীতে বন্দী হইয়াছে ।

প্রথম . সেইরূপ আমরাও মনে করিয়াছিলাম যে, শিবজী সিংহগড় দুর্গে আছে, সহসা একদিন রজনীযোগে পুনঃ আসিয়া গিয়াছিল !

তৃতীয় । ভাল মস্তকের বস্ত্র তুলিয়া লাগিলেন, সকল সন্দেহ দূর হইবে ।

দ্বিতীয় . চিকিৎসকজন অশ্বারোহী আসিয়া করিলেন । বাক্স দূরে নিক্ষেপ করিলেন, শিবজী রাশি কুনিলেন, তিনি সায়েন্তা-দিল্লীর সমস্ত বড়লৈ প্রধান সেনানী !

লাগিলেন । পরিচিতরূপ অশ্ব থাকিত, ভেট পাঠাইতে লাগিলেনকে হত করিবার মস্জীদে ও ফকী

চেষ্ঠা করিতেন । রিক্তহস্তেও একজনকে মুষ্টিআঘাতে অচেতন করিলেন, এমন সময় আর ছইজন অসিহস্তে নিকটে আসিয়া শিবজীকে ধরিয়া ভূতলশায়ী করিল ।

শিবজী ইষ্টদেবতাকে স্মরণ করিলেন । আবার বন্দী হইলেন, বিদেশে বন্ধুশূণ্য হইয়া আরংজীব কর্তৃক হত হইবেন, এই চিন্তা করিতেছিলেন । শত্রুজীর দিকে নয়ন পড়িল, চক্ষু জলে আর্দ্র হইল ।

সহসা একটা শব্দ হইল, শিবজী দেখিলেন, একজন অশ্বারোহী তীরবিদ্ধ হইয়া ভূতলশায়ী হইলেন । আর একটা তীর, আর একটা তীর ; শিবজীর তিনজন শত্রুই ভূতলশায়ী ! তিনজনই গতজীবন ।

শিবজী পরমেশ্বরকে ধন্যবাদ দিয়া উঠিয়া দেখিলেন, পশ্চাৎ হইতে সেই অশ্বরক্ষক জানকীনাথ তীর নিক্ষেপ করিতেছিল । বিস্মিত হইয়া জানকীনাথকে নিকটে ডাকিয়া জীবন রক্ষার জন্ত শত্রু বশ্যবাদ দিতে লাগিলেন । সে নিকটে আসিলে শিবজী আরও বিস্মিত হইয়া দেখিলেন, সে অশ্বরক্ষক নহে, অশ্বরক্ষকবেশে সীতাপতি গোস্বামী !

তখন সহস্রবার গোস্বামীর নিকট ক্ষমা প্রার্থনা করিয়া বলিলেন,—সীতাপতি ! আপনি ভিন্ন শিবজীর বিপদের সময় প্রকৃত বন্ধুআরু কে আছে ? আপনাকে অশ্বরক্ষক মনে করিয়া তুচ্ছ করিয়াছিলাম, ক্ষমা করুন । আপনার এ কার্যের জন্ত আমি কি উপযুক্ত পুরস্কার দিতে পারি ?

সীতাপতি শিবজীর সম্মুখে জানু গাড়িয়া করযোড়ে বলিলেন,—রাজন ! ছদ্মবেশ ক্ষমা করুন, আমি অশ্বরক্ষকও নহি গোস্বামীও নহি, আমি আপনার

পুরাতন ভৃত্য রঘুনাথজী হাবিলদার ! জ্ঞান হইয়া অবধি আপনার সেবা করিয়াছি, আজীবনকাল আপনার সেবা করিব, ইহা ভিন্ন অল্প কামনা নাই, অল্প পুরস্কার চাহি না । প্রভুর কাছে যদি না জানিয়া কখন কোন দোষ করিয়া থাকি, প্রভু নিরাশ্রয়ের আশ্রয়, দোষ ক্ষমা করুন ।

শিবজী চাবত হইয়া সেই বালক রঘুনাথের দিকে চাহিলেন, হৃদয়ের উদ্বেগ সম্বরণ করিতে পারিলেন না । সজল নয়নে রঘুনাথকে বক্ষে ধারণ করিয়া বলিলেন,—রঘুনাথ ! রঘুনাথ ! তোমার নিকট শিবজী শত্রু অপরাধে অপরাধী, কিন্তু এই মহৎ আচরণে আমাকে যথেষ্ট দণ্ড দিয়াছ । তোমাকে সন্দেহ করিয়াছিলাম, তোমার অবমাননা করিয়াছিলাম, স্মরণ করিয়া হৃদয় বিদীর্ণ হইতেছে । শিবজী যতদিন জীবিত থাকিবে তোমার গুণ বিশ্বিত হইবে না, প্রণয় ও যত্নে যদি এ মহৎ ধর্ম পরিশোধ করা যায়, তবে পরিশোধ করিবার চেষ্ঠা করিবে ।

শান্ত নিস্তরক রজনীতে উভয়ে পদস্পরের আলিঙ্গনস্থখে বিমুক্ত হইলেন । রঘুনাথের ব্রত অল্প শেষ হইল, শিবজীর হৃদয়বেদনা অল্প দূর হইল, বালকের শ্রাম উভয়ে অজস্র অশ্রু বর্ষণ করিতে লাগিলেন ।

উনত্রিংশ পরিচ্ছেদ ।

প্রাসাদে ।

কি দারুণ বুকের ব্যথা ।
সে দেশে যাইব যে দেশে না শুনি
পাপ পিরিতের কথা ।
সই ! কে বলে পিরিতি ভাল ।
হাসিতে হাসিতে পিরিতি করিয়া
কাঁদিয়া জনম গেল ॥
কুলবতী হইয়া কুলে দাঁড়াইয়া
যে ধনী পিরিতি করে ।
ভুখের অনল গেন সাজাইয়া
এনতি পুড়িল সরে ॥
হাম বিনোদিনী, এ দুঃখে ছুঃখিনী,
প্রেমে হল হল আঁখি ।
চণ্ডীদাস কহে, সে গতি হইয়া,
পরাণ সংশয় দেখি ॥
চণ্ডীদাস ।

নিশীথে সীতাপতি গোস্বামীর নিকট
বিদায় লইয়া রাজপুত্রবালা গৃহে আসি-
লেন, কিন্তু গৃহে আসিয়া সরযু দেখিলেন
হৃদয় শূণ্য ! যে স্বদেশীয় যোদ্ধাকে প্রথম
দর্শন করিয়াই সরযু চকিত ও আনন্দিত
হইয়াছিলেন, বাঁহাকে কয়েক মাস অবধি
সরযু হৃদয়েখর বলিয়া বরণ করিয়াছিলেন,
বাঁহাকে বৃদ্ধ জনাৰ্দ্দন বিবাহের বাক্য দান
করিয়াছিলেন, সে রঘুনাথের অদর্শনে
আজি সরযুর হৃদয় শূণ্য !

সে দিন গেল, সপ্তাহ গত হইল, মাস
অতিবাহিত হইল, সরযু হৃদয়ের ধন আর
ফিরিয়া পাইলেন না । অন্ধকার নিশীথে
কখন কখন বালিকা একাকী গুবাকপার্শ্বে
উপবেশন করিয়া সন্ধ্যা হইতে দ্বিপ্রহর
পর্যন্ত, দ্বিপ্রহর হইতে প্রাতঃকাল

পর্যন্ত চিন্তা করিতেন । দিবসে প্রাতঃ-
কাল হইতে সন্ধ্যা পর্যন্ত নীরবে
সেই গুবাক দিয়া পথপানে চাহিয়া থাকি-
তেন, সে পথ দিয়া রঘুনাথ আর আসি-
লেন না !

কখন বা অপরাহ্নে একাকী সরযু আশ্র-
কাননে ভ্রমণ করিতেন, ভ্রমণ করিতে
করিতে কত কথা হৃদয়ে জাগরিত হইত !
তোরণ ছুর্গের কথা, কণ্ঠমালার কথা, রায়-
গড়ে আগমনের কথা, বিনায়ের কথা ।
নীরবে সরযুর গণ্ডস্থল দিয়া এক এক বিন্দু
অশ্রু বহিত । কখন কখন রজনীতে সহসা
হৃদয়ের দ্বার উদ্বাচিত হইত, ভাদ্রমাসের
নদীর তীর শোকপারাবার উথলিয়া উঠিত ।
তখন কেহ দেখিবার নাই, সরযু প্রাণভয়ে
কাঁদিতেন, শ্রাবণ মাসের ধারার তীর
নয়ন হইতে অজস্র বারিধারা বহিতে
থাকিত । রজনী প্রভাত হইত, প্রাতঃ-
কালের রক্তমাছটা পূর্কদিকে দেখা দিত ।
বালিকা তখনও শোকে বিবশা হইয়া লুপ্তিত
রহিয়াছে !

প্রাতঃকালে পুষ্পচয়ন করিতে উদ্যানে
যাইতেন, প্রফুল্ল পুষ্পগুলি একে একে চয়ন
করিতেন, হৃদয়ে স্থাপন করিতেন,
আর কি চিন্তা করিতেন, কে
বলিবে ? চিন্তা করিতে করিতে পুনরায়
পুষ্পের দিকে চাহিতেন, পুষ্পদলগত প্রাতঃ-
শিশিরবিন্দুর সহিত তুই একটা পরিষ্কার
স্বচ্ছ অশ্রুবিন্দু মিশাইয়া যাইত । সায়ং-
কালে বীণা হস্তে করিয়া কখন কখন গীত
গাইতেন, আহা ! সে শোকের গীত
শুনিয়া শ্রোতৃদিগের নয়নেও জল আসিত ।
এরূপ চিন্তায় ক্রমে সরযুর শরীর শুষ্ক হইতে
লাগিল, মুখমণ্ডল শুষ্ক হইতে

নয়ন কালিমাতেষ্টিত হইল । সরলস্বভাব জনার্দিন এখনও সরযুর হৃদয়ের কথা কিছু জানেন না, কিন্তু সরযুর শরীরের অবস্থা দেখিয়া যৎপরোনাস্তি চিন্তিত হইলেন, কারণ অনুসন্ধান করিতে লাগিলেন ।

নারীর নিকট নারীর মনের কথা গুপ্ত থাকে না, সরযু অনেক যত্নে শোক সঞ্চার করিলেও তাঁহার সখী ও দাসীগণ তাঁহার গুপ্তকথা কিছু কিছু অনুমান করিয়াছিল । তাঁহারা কথাগুলো বৃদ্ধ জনার্দিনকে বলিল, —সরযুর বয়স হইয়াছে বিবাহ স্থির করুন । সরযুর কাণে একথা উঠিল ! সরযু বলিয়া পাঠাইলেন,—পিতাকে বলিও আমার বিনাহে রুচি নাই, চিরকাল অবিবাহিত থাকিয়া তাঁহারই পদসেবা করিব !

জনার্দিন সে কথা মানিলেন না, বিবাহের পাত্র স্থির করিতে লাগিলেন । রাজপুরোহিত দ্বারা পালিতা ভদ্র ক্ষত্রিয় কন্যার পাত্রের অভাব ছিল না, অবশেষে রাজা জয়সিংহের একজন প্রধান সেনানীর সহিত বিবাহ স্থির হইল । সরযুর কাণে একথা উঠিল, সরযু শিহরিয়া উঠিলেন । রাজার মাথা ধাইয়া পিতাকে বলিয়া পাঠাইলেন,—পিতাকে বলিও তিনি অত্র একজন সেনানীকে বাক্যদান করিয়াছিলেন, তিনিই আমার বাগদত্ত পতি । অত্র কাহারও সহিত বিবাহ হইলে ব্যভিচার দোষ ঘটবে ।

জনার্দিন একথা শুনিয়া রুষ্ট হইলেন, সরযুকে তিরস্কার করিলেন, আবার নিজের ঘরে গিয়া মনের দুঃখে কাঁদিলেন । অবশেষে কন্যার আপত্তি গ্রাহ্য না করিয়া বিবাহের দিন স্থির করিলেন, রাজা জয়সিংহকে জানাইলেন । সরযুর কাণে একথা উঠিল । সরযু তখন নিজে পিতার পদে

লুপ্তিত হইয়া উচ্চৈঃস্বরে রোদন করিয়া বলিলেন,—পিতা ক্ষমা করুন, এ বিষয়ে ক্ষান্ত হউন, নচেৎ আপনার চিরপালিতা এই অভাগিনী কন্যাকে জন্মেরমত হারাইবেন । জনার্দিন কন্যাকে নুকে করিয়া কাঁদিতে লাগিলেন ।

কিন্তু কন্যার কথা কে গ্রাহ্য করে, পাঁচ জন ভদ্রলোকে যেরূপ পরামর্শ দেয় সমাজে থাকিলে সেইরূপ কাজ করিতে হয় । বিবাহের দিন নিকটে আসিতে লাগিল, জনার্দিন অনেক বুঝাইলেন, অনেক কাঁদিলেন, অনেক তিরস্কার করিলেন । অবশেষে আর সহ্য করিতে না পারিয়া বিবাহের পূর্বদিন সরযুকে বলিলেন,—পাপীয়সী, তোর জন্ত কি আমি এই বৃদ্ধ বয়সে অবমানিত হইব ? তুই তোর পিতার নিষ্কলঙ্ক কুলে কলঙ্ক দিবি ।

ধীরে ধীরে অশ্রুপূর্ণ নয়নে সরযু উত্তর করিলেন,—পিতঃ ! আমি অবোধ, যদি আপনার নিকট কখন কোনও দোষ করিয়া থাকি, মার্জনা করুন । কিন্তু জগদীশ্বর আমার সহায় হউন, আমি হইতে আপনার অবমাননা হইবে না ।

একথার অর্থ তখন জনার্দিন বুঝিলেন না, এ কথার অর্থ তাহার পরদিন বৃদ্ধ বুঝিতে পারিলেন । বিবাহের দিন বিবাহের কন্যাকে কেহ আর দেখিতে পাইল না ।

ত্রিংশ পরিচ্ছেদ ।

কুটীরে ।

হুঃখে হুঃখে খুলনা শরৎকাল ভাবে ।
আধিনে আসিবেন প্রভু দেবীর উৎসবে ।
কার্তিক মাসেতে হইল হিমের প্রকাশ ।
গৃহে নাহি আণনাথ করি বনবাস ,

মুকুন্দরাম চক্রবর্তী !

শরৎকালের প্রাতের কমনীয় আলোকে বেগবতী নীরানদী বহিয়া যাইতেছে, সূর্য্য-কিরণে জলের হিলোল হাশ্র করিতে করিতে যাইতেছে । সেই সুন্দর নদীর উভয় পার্শ্বে সুন্দর শশ্রক্ষত্র বহুদূর পর্য্যন্ত বিস্তৃত রহিয়াছে, কৃষকের পূজায় যেন সঙ্কষ্ট হইয়া মেদিনী সে হরিৎ পরিচ্ছদে হাশ্র করিতেছে । উত্তর ও পূর্বদিকে সেইরূপ শ্রামবর্ণ ক্ষত্র অথবা সুদূরে দুই একটা গ্রাম দৃষ্ট হইতেছে, দক্ষিণ ও পশ্চিমে পর্বতরাশির পর পর্বতরাশি বাল সূর্য্য-কিরণে অপরূপ শোভা ধারণ করিতেছে ।

সেই নদীকূলে শ্রামলক্ষত্রবেষ্টিত একটা সুন্দর গ্রাম সন্নিবেশিত ছিল । গ্রামের এক প্রান্তে একটা কৃষকের কুটীরের নিকট একটা বালিকা নদীকূলে খেলা করিতেছে, নিকটে একজন দাসী দণ্ডায়মান রহিয়াছে । কৃষকপত্নী গৃহকার্য্যে ব্যস্ত রহিয়াছে ।

গৃহ দেখিলে কৃষককে সম্ভাস্ত বলিয়াই বোধ হয় । প্রাঙ্গণে দুই একটা গোলাঘর রহিয়াছে, পার্শ্বে চারি পাঁচটা গরু বাঁধা রহিয়াছে, বাটার ভিতর তিন চারিখানি ঘর, বাহিরে একখানি বড় ঘর । দেখিলেই বোধ হয়, গৃহস্থায়ী কৃষক হইলেও

গ্রামের মধ্যে একজন মাতব্বর লোক, ব্যবসা ও মহাজনী কার্য্যও কিছু কিছু করিয়া থাকে ।

বালিকা সপ্তমবর্ষীয়া ও শ্রামবর্ণা, চঞ্চল প্রফুল্ল ও উজ্জলনয়না । একবার নদীকূলে দৌড়াদৌড়ি করিতেছে একবার মাতা যে ঘরে রন্ধন করিতেছে তথায় দৌড়াইয়া যাইতেছে, এক একবার বা দাসীর নিকট আসিয়া তথায় হস্ত ধরিয়া কোন কথা কহিতেছে ।

বালিকা বলিল,—দিদি, আয় না কালকের মত ঘাটে যাই, কাপড় দিয়া মাছ ধরিব ।

দাসী । না দিদি, মা বারণ করিয়াছেন, ঘাটে যেও না ।

বালিকা । মা টের পাবে না ।

দাসী । না, ছি, মা যা বারণ করেন তা করিতে নাই, মার কথা কি অশ্রুথা করে ।

বালিকা । আচ্ছা দিদি, মা কি তোঁরও মা হয় ?

দাসী । হয় বৈ কি ।

বালিকা । না, সম্য কাবয়া বল ।

দাসী । সত্যই মা হয় ।

বালিকা । না দিদি, তুই যে রাজপুত্রের মেয়ে, আমরা তো রাজপুত্র নাই ।

দাসী । বালিকাকে চুষন করিল ।
বলিল,—তবে জিজ্ঞাসা কর কেন ?

বালিকা । জিজ্ঞাসা করি, তবে তুই মাকে মা বলিস্ কেন ?

দাসী । যিনি আমাকে খাইতে পরিতে দিতেছেন, যিনি আমাকে থাকিবার স্থান দিয়াছেন, যিনি আমাকে মেয়ের মত লালন পালন করেন তাঁকে মা বলিব

না ত কি বলিব ? এ জগতে আমার অল্প স্থান নাই, মা আমাকে জগতে স্থান দিয়াছেন।

বালিকা। ছি দিদি, তোর চক্ষে জল কেন, তুই কথায় কথায় কাঁদিস কেন দিদি ?

দাসী। না দিদি, কাঁদিব কেন ?

বালিকা। তোর চক্ষে জল দেখলে আমার চক্ষে জল আসে।

দাসী বালিকাকে পুনরায় চুম্বন করিয়া বলিল,—তুমি যে আমাকে ভালবাস।

বালিকা! আর তুই আমাকে ভালবাসিস্ ?

দাসী। বাসি বৈ কি।

বালিকা। বরাবর ভালবাসুবি, কখনও আমাকে ভুলবি নি ?

দাসী। না আর তুমি, দিদি, তুমি আমাকে ভালবাসুবে, কখনও ভুলিবে না ?

বালিকা। না।

দাসী। হাঁ, তুমি আমাকে একদিন ভুলিবে।

বালিকা। কবে ?

দাসী। যবে তোমার বর আসিবে

বালিকা। সে কবে ?

দাসী। আর তুই এক বৎসরের মধ্যেই।

বালিকা। না দিদি, কখনও তোকে ভুলিব না, বরের চেয়ে তোকে অধিক ভালবাসুবি। আর তুই দিদি, তোর যখন বর আসুবে, তখন আমাকে ভুলবি নি ?

দাসীর চক্ষে পুনরায় জল আসিল, সে বলিল,—না কখনও ভুলিব না।

বালিকা। বরের চেয়ে আমাকে অধিক ভালবাসুবি ?

দাসী হাশ্ব করিয়া বলিল,—সমান সমান।

বালিকা। তোর বর কবে আসুবে দিদি ?

দাসী। ভগবান জানেন। ছাড়, রান্নার বেলা হইয়াছে, আমি যাই।

পাঠককে বলা অনাবশ্যক যে, অনাথিনী সরযুবালা জগতে আর স্থান না পাইয়া একজন কৃষকের বাটীতে দাসীত্ব স্বীকার করিয়াছিলেন। কৃষকের কিছু সম্পত্তি ছিল, মহাজনী ছিল, নাম গোকর্ণনাথ। গোকর্ণের অন্তঃকরণ সরল ও স্নেহযুক্ত, নিরাশ্রয় রাজপুতকন্যাকে নিজের বাটীতে আশ্রয় দিতে স্বীকার করিলেন। গোকর্ণের গৃহিণীও স্বামীর উপযুক্ত, নিরাশ্রয় ভদ্র রাজপুতকন্যাকে দেখিয়া অবধি নিজের কন্যার ন্যায় লালনপালন করিতেন। সরযুও কৃতজ্ঞ হইয়া গোকর্ণ ও তাঁহার স্ত্রীর যথোচিত সমাদর করিতেন, নিজে হুইবেলা অন্ন প্রস্তুত করিতেন, বালিকার তত্ত্বাবধারণ করিতেন, স্তত্রাং কৃষক ও কৃষকপত্নীর কার্যের অনেক লাঘব হইল, তাঁহারাও দিন দিন সরযুর উপর অধিক প্রসন্ন হইতে লাগিলেন।

সরযুনাথের অবর্তমানে যদি সরযুর কোথাও সুখের সম্ভাবনা থাকিত, তবে উদারস্বভাব গোকর্ণনাথ ও তাঁহার সরল গৃহিণীর বাটীতে থাকিয়া সরযু পরম সুখলাভ করিতে পারিতেন। গোকর্ণের বয়ঃক্রম ৪৫ বৎসর হইবে, কিন্তু চিরকাল নিয়মিত পরিশ্রম করিতেন বলিয়া এখনও শরীর সুবদ্ধ ও বলিষ্ঠ। গোকর্ণের একটা

পুত্র শিবজীর সৈনিক, বহুদিন অবধি বাটী ত্যাগ করিয়াছে। শেষ যে একটি কণ্ঠা হইয়াছিল, পিতামাতা উভয়েই তাহাকে ভাল বাসিতেন। প্রাতঃকালে গোকর্ণ কৃষিকার্যে বা অন্ত কার্যে বাহির হইয়া যাইতেন, সরযু গৃহের সমস্ত কার্য নিৰ্বাহ করিতেন। গৃহিণী অনেক সময় বলিতেন,—বাছা, তুমি ভদ্রলোকের মেয়ে, একরূপ পরিশ্রম করিলে তোমার শরীর থাকিবে কেন? তোমার করিতে হইবে না, আগিই করিব। সরযু স্নেহে উত্তর করিতেন,—মা, তুমি আমাকে ঘেরূপ যত্ন কর, তোমার কাজ করিতে পরিশ্রম হয় না, আমি জন্ম জন্ম তোমার সেবা করিব, তুমি আমাকে এইরূপ স্নেহ করিও। স্নেহ-বাক্যে সরল-স্বভাব বৃদ্ধ গৃহিণীর নয়নে জল আসিত, চক্ষুর জল মুছিয়া বলিতেন,—সরযু! বাছা তোর মত মেয়ে আমি কখন দেখি নাই। তোর মত আমাদের জাতির একটি মেয়ে পাই, তবে আমার ছেলের সঙ্গে বিবাহ দি। পুত্র অনেক দিন গৃহ ত্যাগ করিয়াছে, সে কথা স্মরণ করিয়া প্রাচীনা ক্ষণেক রোদন করিলেন।

এইরূপে কয়েকমাস অতিবাহিত হইল। একদিন সায়ংকালে গোকর্ণনাথ গৃহিণীর নিকট বসিয়া আছেন, একপ্রান্তে সরযু বালিকাকে ক্রোড়ে করিয়া বসিয়া রহিয়াছেন, একরূপ সময়ে গোকর্ণ বলিলেন,—গৃহিণী, শান্ত হও, আজ সুসংবাদ আছে।

গৃহিণী। আহা তোমার মুখে ফুল চন্দন পড়ুক, বাছা ভীমজীর কোন সংবাদ পাইয়াছ?

গোকর্ণ। শীঘ্রই পা ব। পুত্র শিবজীর সহিত দিল্লী গিয়াছিল, অল্প শুনিলাম

শিবজী দুষ্ট বাদশাহের হস্ত হইতে পলাইয়াছেন, দেশে আসিতেছেন। আমাদের ভীমজী অবশু তাঁহার সঙ্গে আসিবেন।

গৃহিণী। আহা ভগবান তাহাই করুন, প্রায় এক বৎসর হইল বাছাকে না দেখিয়া যে মন কি অবস্থায় আছে তাহা ভগবানই জানেন।

গোকর্ণ। ভীমজী অবশুই আসিবে, সে রঘুনাথজী হাবিলদারের অধীনে কার্য করিত, রঘুনাথজীরও সম্বাদ পাইয়াছি।

সরযুর হৃদয় নৃত্য করিয়া উঠিল, উদ্বেগে শ্বাসরুদ্ধ করিয়া তিনি গোকর্ণের কথা শুনিতে লাগিলেন। গোকর্ণ বলিতে লাগিলেন,—যেদিন রঘুনাথকে বিদ্রোহী বলিয়া শিবজী দূর করিয়া দেন সেদিন পুত্র আমাদের কি বলিয়াছিল মনে আছে?

গৃহিণী। আমি মেয়ে মানুষ আমার কি অত মনে থাকে?

গোকর্ণ। পুত্র বলিয়াছিল,—পিতা, আমি হাবিলদারকে চিনি, তাঁহার তায় বীর শিবজীর সৈন্তে আর নাই। কি ভ্রমে পতিত হইয়া রাজা তাঁহার অবমাননা করিলেন, পশ্চাৎ জানিবেন, তখন তিনি রঘুনাথের গুণ জানিতে পারিবেন। পুত্রের কথা এত দিনে সত্য হইল।

সরযুর হৃদয় উল্লাসে, উদ্বেগে দুরু দুরু করিতে লাগিল, তাঁহার মস্তক হইতে স্বেদ-বিন্দু বহির্গত হইতে লাগিল।

গোকর্ণনাথ বলিতে লাগিলেন,—রঘুনাথজী ছদ্মবেশে রাজার সঙ্গে সঙ্গে দিল্লী গিয়াছিলেন, আপন বুদ্ধিকৌশলে রাজাকে উদ্ধার করিয়াছেন, সম্পূর্ণরূপে আপন নির্দোষতা প্রমাণ করিয়াছেন। শুনিয়াছি, শিবজী রঘুনাথের নিকট আপন দোষের

কমা চাহিয়াছেন, রঘুনাথকে ভ্রাতা বলিয়া আলিঙ্গন করিয়াছেন, হাবিলদারের পদ হইতে একেবারে পাঁচহাজারী করিয়া দিয়াছেন । সত্বে অস্ত্র কথা নাই, হাটে বাজারে অস্ত্র কথা নাই, গ্রামে অস্ত্র কথা নাই, কেবল রঘুনাথের বীরত্ব কথা শুনিয়া সকলে জয় জয় নাদে ধনুবাদ দিতেছে ।

আনন্দে, উল্লাসে, সরযু উচ্চৈঃস্বরে ক্রন্দন করিয়া মুচ্ছিতা হইয়া ভূমিতে পতিত হইলেন ।

একত্রিংশ পরিচ্ছেদ ।

স্বপ্নদর্শন ।

বধু কি আর বলিব আমি ।

মরণে জীবনে, জনমে, জননে, প্রাণনাথ হইও তুমি ॥
তোমার চরণে আমার পরাণে বাঁধিল প্রেমের ফাঁসি
সব সঁমপিয়া এক মন লইয়া নিশ্চয় হইলাম দাসী ॥
ভাবিয়া দেখি নাম এতিন ভুবনে আরি কেহ মোরকাছে
রাধা বলি কেহ সুধাইতে নাই, দাঁড়াব কাহারকাছে ॥
একলে ওকলে পোকুলে ডুকলে, আপনা বলিব কারি ।
শীতল বলিয়া শরণ হইলাম ও দুটি কমল পায় ॥

চণ্ডীদাস ।

সেই দিন অবধি সরযুর আকৃতি ফিরিল ! বহুদিন পর আশা, আনন্দ ও উল্লাস আবার সেই হৃদয়ে স্থান পাইল । নয়ন দুইটী আবার হাসিল, ওষ্ঠ দুইটী আবার প্রফুল্লিত পুষ্পের গায় পরিমল ধারণ করিল, ললাট ও সুন্দর গগুস্থলে আবার লাবণ্য ফুটিল, বেশম্ব বিনিদিত কেশগুলি আবার সেই সুন্দর মধুময়, লাবণ্যময় মুগথানিকে লইয়া খেলা করিতে

লাগিল । প্রাতঃকালে সুমন সমীরণের সহিত দূরবৃক্ষ হইতে কোকিল-রব আসিলে সরযু উল্লাসিত হৃদয়ে সেই রব শুনিতেন ; অপরাহ্নে গৃহকার্য সমাপন করিয়া নদীকূলে দণ্ডায়মান হইয়া নয়ন দুইটী সূর্য উত্তাপ হইতে হস্ত দ্বারা আবরণ করিয়া নদীর অপর পার্শ্বে বহুদূর পর্য্যন্ত চাহিয়া থাকিতেন । আবার সন্ধ্যার সময় দূরে বংশীধ্বনি হইলে চকিত যুগের গায় সহসা চমকিয়া উঠিতেন ।

গোকর্ণের কণ্ঠা পর্য্যন্ত সরযুর এই পরিবর্তন দেখিতে পাইল । একদিন সন্ধ্যার সময় নদীর ঘাটে যাইবার সময় কণ্ঠা জিজ্ঞাসা করিল,—দিদি, দিন দিন তোমার রূপ কেমন ফুটে বেরছে ।

সরযু । কে বলিল ।

বালিকা । বলিবে কে ? আমি বুঝি দেখিতে পাই না ?

সরযু । না, ও তোমার দেখিবার ভুল ।

বালিকা । হাঁ ভুল বৈকি ? আর আগে মাথায় কিছু থাকিত না, এখন মন্থো মন্থো চুলের ভিতর ফুল গোঁজা হয় তা বুঝি দেখিতে পাই না ?

সরযু । ছর ।

বালিকা । আর লুকাইয়া লুকাইয়া গলায় একটা কণ্ঠমালা পরা হয়, তাহাতে দুইটী করিয়া মুক্তা একটা করিয়া পলা, তা বুঝি আমি দেখিতে পাই না ?

সরযু । ছর ।

বালিকা । আর নদীর তীরে অনেক-ক্ষণ ধরিয়া সুন্দর মুগ থানি জলে দেখা হয় তাহা বুঝি আমি দেখি না ।

সরযু । মিথ্যা কথা বলিও না ।

বালিকা । আর গাছতলায় লুকাইয়া

মধ্যে মধ্যে কুহ্মরে গান করা হয় তাহা বুঝি আমি শুনি না ?

সরযু এবার আসিয়া বালিকার মুখ চাপিয়া ধরিল ।

বালিকা হাসিতে হাসিতে বলিল,—
আমি এসব কথা মাকে বলিয়া দিব ।

সরযু । না দিদি, তোমার পায়ে পড়ি
বলিও না ?

বালিকা । তবে একটা কথা জিজ্ঞাসা
করি বলিবে ?

সরযু । বলিব ।

বালিকা । এর অর্থ কি ? এ পুষ্প,
এ কণ্ঠমালা, এ গীত কাহার জন্ত ? তোর
চক্ষু দুইটা যে সদাই হাসিতেছে, তোর ওষ্ঠ
দুইটা যে রক্তে ফেটে পড়িতেছে, তোর
সমস্ত শরীর যে লাবণ্যে চল চল করিতেছে,
এ কাহার জন্ত ?

সরযু । তোমার মা তোমার খোঁপা
বাঁধিয়া দেন, গহনা পরাইয়া দেন, সে
কাহার জন্ত ?

বালিকা এবার একটু লজ্জিত হইল,
বলিল,—মা বলিয়াছেন, আগামী বৎসর
আমার বিবাহ হইবে, আমার বর আসিবে ।

সরযু । আমারও বর আসিবে ।

বালিকা । সত্য ?

সরযুর সহিত বালিকার কথা হইতে-
ছিল এক্রপ সময় একজন দীর্ঘকায় সন্ন্যাসী
“হর হর মহাদেও” শব্দ উচ্চারণ করিয়া
নদী তীরে উপনীত হইলেন, সন্ন্যাসীর
স্তিমিত আলোকে তাঁহার বিভূতি-ভূষিত
দীর্ঘ-শরীর বড় সুন্দর দেখাইল । বালিকা
ভয়ে পলায়ন করিল, সরযু তীক্ষ্ণ দৃষ্টি করিয়া
দেখিলেন, সন্ন্যাসী সীতাপতি গোস্বামী !

সরযুর হৃদয় সহসা কম্পিত হইল,

মনের আবেগে সমস্ত শরীর কাঁপিতে
লাগিল । কিন্তু সরযু সে আবেগ সংযম
করিয়া লজ্জা বাতায় ত্যাগ করিয়া ধীরে ধীরে
সন্ন্যাসীর নিকট ঘাইয়া প্রণাম করিয়া স্থির
স্বরে বলিলেন,—প্রভু আপনি যে অভা-
গিনীকে একদিন জনার্দনের প্রাসাদে দেখিয়া-
ছিলেন, তাহাকে অজ্ঞ এই কুটীরে দাসী-
কার্যে নিযুক্ত দেখিতেছেন । পিতা কল-
ঙ্কিনী বলিয়া আমাকে দূরীকৃত করিধাছেন,
কিন্তু ভগবান জানেন আমি বাগদত্ত পতির
অনুচারিণী, ইহা ভিন্ন আমার অন্য দোষ
নাই ।

সন্ন্যাসীর নয়ন জলে পূর্ণ হইল, ধীরে
ধীরে বলিলেন, রঘুনাথের জন্ত এত কষ্ট
সহ করিয়াছ ?

সরযু । নারী যতদিন পতির নাম
জপিতে পারে, তত দিন কষ্টকে কষ্ট বলিয়া
বোধ করে না ।

সন্ন্যাসীর বক্ষঃস্থল ক্ষীত হইতে লাগিল ।

সরযু আবার বলিলেন,—প্রভুর সহিত
কি সেই দেবপুরুষের সাক্ষাৎ হইয়াছিল ?

গোস্বামী হইয়াছিল !

সরযু । প্রভু তাঁহাকে দাসীর কথা
জানাইয়াছিলেন ?

গোস্বামী । জানাইয়াছিলাম ।

সরযু । কি জানাইয়াছিলেন ?

গোস্বামী । আপনার একটা বাক্য,
একটা অক্ষরও বিস্মৃত হই নাই । আমি
তাঁহাকে বলিয়াছিলাম,—সরযু রাজপুত-
বালা, জীবন অপেক্ষা যশ অধিক জ্ঞান
করে । সরযু ষত দিন জীবিত থাকিবে,
রঘুনাথকে কলঙ্কশূন্য বীর বলিয়া তাঁহারই
যশোগীত গাইবে ।

সরযু । ভাল !

গোস্বামী । আমি তাঁহাকে আরও জানাইয়াছিলাম, যদি কর্তব্য সাধনে তাঁহার প্রাণ বিয়োগ হয়, সরযু তাঁহার যশোগীত গাইতে গাইতে উল্লাসে নিজ প্রাণ বিসর্জন দিবে ।

সরযু । ভাল ।

গোস্বামী । আমি আরও তাঁহাকে বলিয়াছিলাম যে, সরযু তাঁহার উন্নত উদ্দেশ্য প্রতিরোধ করিবে না । রঘুনাথ অসিহস্তে যশের পথ পরিষ্কার করুন, যিনি, জগতের আদিপুরুষ তিনি তাঁহার সহায় হইবেন ।

উদ্বেগ-গাদ্গদ স্বরে সরযু জিজ্ঞাসা করিলেন,—তিনি কি উত্তর প্রদান করিয়াছেন ?

জলন্ত স্বরে গোস্বামী উত্তর করিলেন,—রঘুনাথ উত্তর দান করেন নাই, কেবল আপনার কথাগুলি হৃদয়ে ধারণ করিয়া অসাধ্য সাধন করিয়াছেন, অসিহস্তে যশের পথ পরিষ্কার করিয়াছেন !

সেই সন্ধ্যার অন্ধকারে গোস্বামীর নয়ন ধক্ ধক্ করিয়া জ্বলিতেছিল, সেই নদীতীরে ও বৃক্ষমধ্যে গোস্বামীর জলন্ত বাক্যগুলি বার বার প্রতিধ্বনি হইতে লাগিল ।

“যিনি জগতের আদিপুরুষ তাঁহাকে প্রণাম করি”—এই বলিয়া সরযুবালা আকাশের দিকে লক্ষ্য করিয়া যোড়করে প্রণাম করিলেন । গোস্বামীও জগতের আদিপুরুষকে লক্ষ্য করিয়া প্রণাম করিলেন ।

অনেকক্ষণ উভয়ে নিস্তব্ধ হইয়া রহিলেন, সন্ধ্যার স্তম্ভিত সমীরণে উভয়ের শরীর শীতল লইল, নয়নের জল শুকাইয়া গেল ।

অনেকক্ষণ পর গোস্বামী কহিলেন,—দেবতার প্রসাদে কার্যসিদ্ধি করিবার পর রঘুনাথ একটা কথা আমার দ্বারা আপনার নিকট বলিয়া পাঠাইয়াছেন ।

সরযু উৎকণ্ঠিত হইয়া জিজ্ঞাসা করিলেন,—সে কি ?

গোস্বামী । তিনি জিজ্ঞাসা করিয়াছেন, এতদিন সরযু তাঁহার দাসকে মনে রাখিবেন ? আমি যাইলে সরযু আমাকে চিনিতে পারিবেন ?

সরযু । এ জীবনে কি আমি তাঁহাকে ভুলিতে পারি ?

গোস্বামী । আপনার লালবাসা তিনি জানেন, তথাপি নারীর মন সর্বদাই চপল, কি জানি যদি ভুলিয়া গিয়া থাকেন ।

গোস্বামীর চপলতা ও ঈষৎ হাস্য দেখিয়া সরযু কিঞ্চিৎ বিরক্ত হইলেন, কহিলেন,—নারীর,—মন চপল তাহা আমি জানিতাম না ।

গোস্বামী । আমিও জানিতাম না, কিন্তু অগ্নি দেখিতেছি । সরযু কিসে দেখিলেন ?

গোস্বামী । যিনি আমার বাগদত্তা বধু, তিনি আমাকে অগ্নি ভুলিয়াছেন, দেখিয়াও আমাকে চিনিতে পারেন নাই ।

সরযু । সে কোন্ হতভাগিনী ?

গোস্বামী । তিনি সেই ভাগ্যবতী বাঁহাকে তোরণ দুর্গে জনার্দনের গৃহের ছাদে প্রথম দর্শন করিয়া আমি মন প্রাণ হারাইয়াছিলাম ! তিনি সেই ভাগ্যবতী বাঁহার কণ্ঠে এক দিন মুক্তামালা পরাইয়া দিয়া আমি জীবন চরিতার্থ জ্ঞান করিয়াছিলাম । তিনি সেই ভাগ্যবতী যিনি তোরণ-দুর্গে ও অয়সিংহের শিবিরে, যুদ্ধের সময়ে ও

সন্ধির সময়, সর্বদাই আমার নয়নের মণির
 ছায় ছিলেন ! তিনি সেই ভাগ্যবতী
 ষাঁহার দর্শন আমার নয়নে সূর্যালোক,
 ষাঁহার শব্দ আমার কর্ণে সঙ্গীত, ষাঁহার
 স্পর্শ আমার শরীরে চন্দন প্রলেপ, ষাঁহার
 প্রীতি আমার জীবনের জীবন ! তিনি
 সেই ভাগ্যবতী ষাঁহার নাম স্বরণ করিয়া,
 ষাঁহার অনন্ত উৎসাহবাক্য হৃদয়ে ধারণ
 করিয়া, আমি দিল্লী যাত্রা করিয়াছিলাম,
 যশের পথ পরিষ্কার করিয়াছি, অনন্ত
 বিপদ-সাগর উত্তীর্ণ হইয়াছি । বহুদিন
 পর, বহু বিপদ পার হইয়া, অতঃ সেই ভাগ্য-
 বতীর চরণোপান্তে উপস্থিত হইয়াছি, তিনি
 কি আজ আমাকে চিনিতে পারিবেন ?

সেই কোকিল,-বানান্দিত স্বর সরযুর
 হৃদয় মন্থন করিল, তারকালোকে ছদ্মবেশ-
 ধারী সেই দীর্ঘকায় পুরুষশ্রেষ্ঠকে সরযু
 চিনিতে পারিলেন । সরযু হৃদয়ের আবেগ
 আর সম্বরণ করিতে পারিলেন না, তাঁহার
 মস্তক ঘুরিতেছিল, নয়ন মুদিত হইয়াছিল ।
 “রঘুনাথ ! ক্ষমা কর”—এইমাত্র কহিয়া
 সরযু রঘুনাথের দিকে হস্ত প্রসারণ করি-
 লেন । পতনোন্মুখ প্রিয় দেহ রঘুনাথ
 নিজ অঙ্গে ধারণ করিলেন, সেই উদ্বেগপূর্ণ
 হৃদয় আপন হৃদয়ে স্থাপন করিলেন ।

ক্ষণেকপর চৈতন্য লাভ করিয়া সরযু
 নয়ন উন্মীলিত করিলেন, কি দেখিলেন ?
 হৃদয়নাথ অভাগিনীকে হৃদয়ে ধারণ করিয়া-
 ছেন, চির প্রার্থিত পতি আজ সরযুখালাকে
 গাঢ় আলিঙ্গন করিয়াছেন !

বহুদিন পর আজ সরযুর তপ্ত হৃদয়
 রঘুনাথের প্রশান্ত হৃদয় স্পর্শে শীতল হইল,
 সরযুর খনন্যাস রঘুনাথের নিশ্বাসে মিশ্রিত
 হইল, সরযুর কম্পিত রক্তবর্ণ গুষ্ঠদ্বয় জীব-

নের মধ্যে প্রথম বার রঘুনাথের গুষ্ঠ স্পর্শ
 করিল !

সে সংস্পর্শে বালিকা শিহরিয়া উঠিল !
 সেই প্রিয় প্রগাঢ় আলিঙ্গনে, সেই বারংবার
 ঘন চুম্বনে বালিকা কাঁপিতে লাগিল ।

এ কি প্রকৃত না স্বপ্ন ?

বায়ুতাড়িত পত্রের ছায় কাঁপিতে
 কাঁপিতে সরযু মনে মনে বলিলেন,—জগ-
 দীশ্বর ! এ যদি স্বপ্ন হয়, যেন এ “সুগন্ধিতা
 হইতে কখনও না জাগরিত হই !

দ্বাত্রিংশ পরিচ্ছেদ ।

জীবন নির্বাণ ।

হাসিয়া বলেন ভীষ্ম গুণহ রাজন ।
 যথা ধর্ম তথা জয় অদশ্য বন ।
 ধর্ম অন্তরে জয় ঈশ্বর বচন ।

কাশীরাম দাস ।

মহারাজ্যে মহাসমারোহ আরম্ভ
 হইল ! শিবজী প্রত্যাভর্তন করিয়াছেন,
 পুনরায় আরাজীবের সহিত যুদ্ধ করিবেন,
 স্বেচ্ছদিগকে দেশ হইতে দূর করিয়া দিবেন,
 হিন্দুরাজ্য সংস্থাপন করিবেন ! নগরে, গ্রামে
 পথে, ঘাটে এই জনরব হইতে লাগিল ।

একদিকে রাজা জয় সিংহ বিজয়পুর
 নগর আক্রমণ করিয়াও সে স্থান হস্তগত
 করিতে পারিলেন না । তিনি ষাঁহার বার
 দিল্লীর সম্রাটের নিকট সহায়তার জন্য
 আবেদন করিয়াছিলেন তাহাও বিফল
 হইল, অবশেষে তিনি স্পষ্ট বুঝিলেন যে,
 তাঁহার সৈন্যসম্মত বিনাশ ভিন্ন আরাজীবের
 অতঃ কোনও উদ্দেশ্য নাই । তখন তিনি

বিজয়পুর পরিত্যাগ করিয়া আরঙ্গাবাদের দিকে প্রত্যাবর্তন করিলেন ।

শেষ পর্য্যন্ত আরঙ্গীবের বিধস্ত অনুরোধের শ্রায় কার্য্য করিলেন । আরঙ্গীব তাঁহার প্রতি অভদ্র আচরণ করিয়াছেন বলিয়া মুহুর্তের জন্তও সম্রাটের কার্য্যে ঔদাস্য প্রকাশ করিলেন না । যখন নিশ্চয় দেখিলেন মহারাষ্ট্রদেশ ত্যাগ করিয়া যাইতে হইবে তখন পর্য্যন্ত যত দূর সুখ্য সম্রাটের ক্ষমতা রক্ষার চেষ্টা করিলেন । লোহগড়, সিংহগড়, পুন্দর প্রভৃতি স্থানে সম্রাটের সেনা সন্নিবেশিত করিলেন, তন্নিম্ন যে যে দুর্গ অধিকারে রাখিবার সম্ভাবনা ছিল না, সে সমস্ত একেবারে চূর্ণ করিয়া দিলেন, যেন আর শক্রের ব্যবহার করিতে না পারে ।

কিন্তু এ জগতে একরূপ বিশ্বস্ত কাব্যের পুরস্কার নাই । জয়সিংহ অকৃতকার্য্য হইয়াছেন শুনিয়া আরঙ্গীব যৎপরোনাস্তি সন্তুষ্ট হইলেন, আরও অবমানিত করিবার জন্ত তাঁহাকে দক্ষিণ দেশের সেনাপতি হইতে অপসৃত করিয়া দিল্লীতে তগব করিলেন, যশোবন্তসিংহকে ঠাঁহার স্থলে পাঠাইয়া দিলেন ।

বৃদ্ধ সেনাপতি আজীবন সাধ্যমতে দিল্লীতে কার্য্যসাধন করিয়াছিলেন ; শেষদশায় এ অবমাননায় তাঁহার মহৎ অন্তঃকরণ বিদীর্ণ হইল, তিনি পথেই মৃত্যুশয্যা শায়িত হইলেন ।

অবমানিত, পীড়িত, বৃদ্ধ জয়সিংহ মৃত্যুশয্যা শায়িত রহিয়াছেন, একরূপ সময় একজন দূত সংবাদ দিলেন,—মহারাজ, একজন মহারাষ্ট্র সেনানী আপনার দর্শনাভিলাষী, তিনি আপনার চরণোপাস্তে

বসিয়া একদিন উপদেশ গ্রহণ করিয়াছিলেন, আর একবার উপদেশ পাইবার জন্ত আসিয়াছেন ।

রাজা উত্তর করিলেন,—সম্মানপূর্ব্বক লইয়া আইস । যে মহাপুরুষ আসিয়াছেন, আমি তাঁহাকে বিশেষরূপে জানি । তিনি আইছেন, আমি তাঁহাকে নির্ভয় দিতেছি ।

ক্ষণেক পর একজন মহারাষ্ট্র ছদ্মবেশে সেই গৃহে প্রবেশ করিলেন । রাজা তাঁহার দিকে না চাহিয়াই বলিলেন,—সুহৃদর শিবজী ! মৃত্যুর পূর্ব্ব আর একবার আপনার সহিত দেখা হইল, চরিতার্থ হইলাম । উঠিয়া অভ্যর্থনা করিবার ক্ষমতা নাই দোষ গ্রহণ করিবেন না ।

সম্মলনয়নে শিবজী বলিলেন,—পিণ্ড ! যখন শেষ আপনার নিকট বিদায় লইয়াছিলাম, তখন আপনাকে এত শীঘ্র একরূপ অবস্থায় দেখিব, কখনও মনে করি নাই ।

জয়সিংহ । রাজন্ ! মনুষ্যদেহ ক্ষণভঙ্গুর, ইহাতে বিষয় কি ? শিবজী, আমাদের শেষ যখন সাক্ষাৎ হইয়াছিল, আপনি মোগল-সাম্রাজ্যের গৌরব দেখিয়াছিলেন ; এখন কি দেখিতেছেন ?

শিবজী । মহারাজ সেই সাম্রাজ্যের প্রধান স্তম্বরূপ ছিলেন, আপনাকে যখন এ অবস্থায় দেখিতেছি, তখন মোগল-সাম্রাজ্যের আর আশা নাই ।

জয়সিংহ । বৎস ! তাহা নহে ! রাজস্থান ভূমি বীরপ্রসবিনী, জয়সিংহ মরিলে অত্র জয়সিংহ হইবে, জয়সিংহের শ্রায় শত যোদ্ধা এখনও বর্তমান আছেন । মাদৃশ একজন লোকের মৃত্যুতে সাম্রাজ্যের ক্ষতিগুহি নাই ।

শিবজী । আপনার অমঙ্গল অপেক্ষা

সাম্রাজ্যের আর অধিক কি অনিষ্ট হইতে পারে ?

জয়সিংহ ! শিবজী ! একজন যোদ্ধা যাইলে অল্প যোদ্ধা হয়, কিন্তু পাঁতকে যে ক্ষয়সাধন করে, তাহার পুনঃসংস্কার হয় না। আমি পূর্বেই বলিয়াছিলাম যথায় পাপ ও কপটাচারিতা, তথায় অবনতি ও মৃত্যু। এক্ষণে প্রত্যক্ষ তাহা অবলোকন করুন।

শিবজী। নিবেদন করুন।

জয়সিংহ। যখন আপনাকে আমি দিল্লী পাঠাইয়াছিলাম, তখন আপনার হৃদয়ও দিল্লীশ্বরের দিকে আকৃষ্ট হইয়াছিল, আপনার স্থির সঙ্কল্প ছিল, দিল্লীশ্বর যতদিন আপনাকে বিশ্বাস করিবেন, আপনি ততদিন বিশ্বাসঘাতকতা করিবেন না। আপনার প্রতি সন্দাচরণ করিলে সম্রাটের দক্ষিণ দেশে একজন পরাক্রান্ত বন্ধু থাকিত, কপটাচরণবশতঃ সেইস্থানে একজন দুর্দমনীয় শত্রু হইয়াছে।

শিবজী। মহারাজ ! আপনার বুদ্ধি অসাধারণ ও বহুদূরদর্শী, জগতে সকলে যথার্থই জয়সিংহকে বিজ্ঞ বলিয়া জানে।

জয়সিংহ। আমি আরংজীবের পিতার সময় হইতে দিল্লীর কার্য্য করিয়াছি। বিপদে, যুদ্ধসময়ে, যতদূর সাধ্য, দিল্লীশ্বরের উপকার করিয়াছি। স্বজাতি বিজাতি বিবেচনা করি নাই, আত্মপর বিবেচনা করি নাই, যাহার কার্য্যে ত্রুটি হইয়াছি, জীবন পণ করিয়া তাঁহার কার্য্যসাধন করিয়াছি। বৃদ্ধকালে সম্রাট আমার প্রতি প্রথমে অসদাচরণ করিলেন, পরে অবমাননা করিলেন। তথাপি ঈশ্বরের দ্বার আমার কার্য্যে বৈলক্ষণ্য ঘটে নাই,

আমি যে সমস্ত সৈন্য প্রধান প্রধান দুর্গে রাখিয়া যাইলাম, শিবজী, তাহারা বিনা যুদ্ধে আপনাকে দুর্গ হস্তগত করিতে দিব না। কিন্তু এ আচরণে আরংজীব স্বয়ং ক্ষতিগ্রস্ত হইলেন। অম্বরাধিপেরা দিল্লীশ্বরের চির-বিশ্বস্ত সন্তুচর ও সহায়, অম্বরের ভবিষ্যৎ রাজগণ দিল্লীর প্রধান শত্রু হইবে।

শিবজী। আপনি প্রকৃত কথাই বলিয়াছেন। আরংজীব আপন অসদাচরণে অম্বর ও মহারাষ্ট্র এই দুইটা দেশকে তাঁহার শত্রু করিয়াছেন।

জয়সিংহ। দুইটা উদাহরণ দিলাম, মহারাষ্ট্রদেশ ও অম্বরদেশ। সমস্ত ভারতবর্ষ এইরূপ। শিবজী ! আরংজীব সমস্ত ভারতবর্ষে বিশ্বস্ত অনুচরের অবমাননা করিতেছেন, মিত্রদিগকে শত্রু করিয়াছেন। বাগানসী মন্দির বিনষ্ট করিয়া তথায় মসজিদ নির্মাণ করিয়াছেন, রাজস্থানে হিন্দুদিগের অবমাননা করিতেছেন, সর্বদেশে হিন্দুদিগের উপর জিজিয়া করস্থাপন করিতেছেন।

ক্ষণেকপরে নয়ন মুদত কারণে জয়সিংহ অতি গম্ভীরস্বরে পুনরায় কহিতে লাগিলেন, যেন মৃত্যুশয্যায় মহাত্মার দিব্য চক্ষু উন্মীলিত হইল, সেই চক্ষুতে ভবিষ্যৎ দেখিয়াই যেন রাজর্ষি কহিতে লাগিলেন,— শিবজী ! আমি দেখিতেছি যে, এই কপটাচারিতায় চারিদিকে যুদ্ধানল প্রজ্বলিত হইল, রাজস্থানে অনল জ্বলিল, মহারাষ্ট্রদেশে অনল জ্বলিল, পূর্বদিকে অনল জ্বলিল ! আরংজীব বিংশতি বৎসর যত্ন করিয়া সে অনল নির্বাণ করিতে পারিলেন না ; তাঁহার তীক্ষ্ণবুদ্ধি, তাঁহার অসামান্য কৌশল, তাঁহার অসাধারণ সাহস

ব্যর্থ হইল ; বুদ্ধ বয়সে পশ্চাত্তাপ করিয়া
দিল্লীর প্রাণত্যাগ করিলেন ! অনল
আরও প্রবলবেগে জ্বলিতেছে, চারিদিক্
হইতে ধূম শব্দে অগ্রসর হইতেছে, সেই
অনলে মোগল-সাম্রাজ্য দগ্ধ হইয়া গেল !
তাহার পর ? তাহার পর মহারাষ্ট্রজাতির
নক্ষত্র উন্নতিশীল, মহারাষ্ট্রীয়গণ ! অগ্রসর
হও, দিল্লীর শূণ্য সিংহাসনে উপবেশন
কর !

রাজার বচন রোধ হইল । চিকিৎসা-
সকেরা পার্শ্বে ছিলেন, তাঁহারা নানারূপ
সন্দেহ করিতে লাগিলেন, গোপনে, অস্পষ্ট-
স্বরে রোগের প্রকৃত কারণ অনুভব করিতে
লাগিলেন ।

অনেকক্ষণ পর যুদ্ধস্বরে, জয়সিংহ বলি-
লেন,—কপটাচারী আপনাকেই শাস্তিদান
করে, সত্যমেব জয়তি ।

শ্বাসরোধ হইল, শরীর হইতে প্রাণ
বহির্গত হইল ।

ত্রয়োদশ পরিচ্ছেদ ।

মহারাষ্ট্র জীবন-প্রভাত ।

ধনুর্ধর আছে বত, সাজ শীঘ্র করি
চতুর্ভুজ রণরঙ্গে ভুলিব এ জালা—
এ বিবুস জালা যদি পারি রে ভুলিতে ।

মধুসূদন বসু ।

রজনী এক প্রহর মাত্র আছে এরূপ
সময়ে শিবজী রাজপুত্র-শিবির ত্যাগ করি-
লেন । প্রাতঃকালের পূর্বেই প্রধান প্রধান
সেনানী ও অগাত্যদিগকে একত্র করিলেন ।
কণেক পরামর্শ করিলেন, পরে শিবিরের

বাহিরে আসিয়া আপনার সমস্ত সৈন্য
আহ্বান করিয়া বলিলেন ।

“বন্ধুগণ ! প্রায় এক বৎসর হইল,
আমরা আরংজীবের সহিত সন্ধিস্থাপন
করিয়াছিলাম, আরংজীবের নিজে
দোষে ও কপটাচারিতায় সে সন্ধি ধণ্ডন
হইয়াছে । অতঃপর আমরা সে কপট আচ-
রণের প্রতিশোধ দিব, মুসলমানদিগের
সহিত পুনরায় যুদ্ধ করিব ।

“যিনি আরংজীবের প্রধান সেনাপতি
ছিলেন, ঈশানীদেবী ষাঁহার সহিত যুদ্ধ
নিষেধ করিয়াছিলেন, ষাঁহার নিকট শিবজী
বিনা যুদ্ধে পরাস্ত হইয়াছিলেন, কল্যা
নিশীথে সেই মহায়া রাজা জয়সিংহ আরং-
জীবের অসদাচরণে প্রাণ বিসর্জন করিয়া-
ছেন । সৈন্যগণ ! দিল্লীতে আমার
কারারোধ, হিন্দুপ্রবর জয়সিংহের মৃত্যু, এ
সমস্ত এক্ষণে আমরা পরিশোধ করিব ।

“মৃত্যুশয্যায় রাজা জয়সিংহের দিব্য-
চক্ষু উন্মীলিত হইয়াছিল, তিনি দেখিলেন,
মোগলদিগের ভাগ্যানক্ষত্র অবনতিশীল,
মহারাষ্ট্রদিগের ভাগ্যানক্ষত্র উন্নতিশীল,
দিল্লীর সিংহাসন ভরাঘ শূণ্য ! বন্ধুগণ !
অগ্রসর হও, পৃথুরায়ের সিংহাসন আমরা
অধিকার করিব ।

“পূর্বাভিকে রক্তমাচ্ছটা দেখিতে
পাইতেছ, ও প্রভাতের রক্তমাচ্ছটা ।
কিন্তু উহা আমাদের পক্ষে সামান্য প্রভাত
নহে ; মহারাষ্ট্রগণ ! অতঃপর আমাদের
জীবন প্রভাত ।”

সমস্ত সেনানী ও সৈন্যগণ এই মহৎ
বাক্য শুনিয়া গর্জিয়া উঠিল,—অতঃপর আমা-
দের জীবন প্রভাত ।”

চতুস্ত্রিংশ পরিচ্ছেদ ।

বিচার ।

পাতকের প্রারম্ভিক হইল উচিত ।

কাশীরাম দাস ।

সেই দিবস সন্ধ্যার সময় রঘুনাথ একাকী নদীতীরে পদচারণ করিতেছিলেন। আপনার পদোন্নতি, সরস্বতী সহিত পুনর্জন্ম, মুসলমানদিগের সহিত পুনরায় যুদ্ধ, হিন্দুদিগের ভাবী স্বাধীনতা, একরূপ নূতন নূতন বিষয়ের চিন্তায় তাঁহার হৃদয় উৎফুল্ল হইতেছিল। সহসা পশ্চাৎ হইতে একজন ডাকিলেন,—“রঘুনাথ !”

রঘুনাথ পশ্চাদিকে চাহিয়া দেখিলেন, চন্দ্রাও জুমলাদার। যোষে তাঁহার শরীর কাঁপিতেছিল, কিন্তু মন্দিরের প্রতিজ্ঞা তিনি বিস্মৃত করেন নাই।

চন্দ্রাও বলিলেন। রঘুনাথ এ জগতে তোমার ও আমার উভয়ের স্থান নাই, একজন মরিব।

রঘুনাথ রোম সঙ্গরণ করিয়া দীরস্বরে বলিলেন,—চন্দ্রাও ! কপটার্চারী মিত্র-হস্তা চন্দ্রাও ! তোমার উপযুক্ত শাস্তি শিরশ্ছেদন, কিন্তু রঘুনাথ তোমাকে ক্ষমা করিলেন, জগদীশ্বরের নিকট ক্ষমা প্রার্থনা কর।

চন্দ্রাও। বাণকের ক্ষমা গ্রহণ করা আমার অভ্যাস নাই। তোমার আর অধিক জীবিত থাকিবার সময় নাই, মন দিয়া আমার কথাগুলি শুন। জন্ম অবধি তুমি আমার পরম শত্রু, আমি তোমার পরম শত্রু। বাল্যকালে তোমাকে আমি

বিষচক্রেতে দেখিতাম, সহস্রবার প্রস্তরের উপর তোমার মস্তক ‘‘আঘাত ; করিবার সঙ্কল্প মনে উদয় হইয়াছে।’’ তাহা করি নাই, কিন্তু তোমার বিষয়নাশ করিয়াছি, তোমাকে দেশত্যাগী করিয়াছি, তোমাকে বিদ্রোহী বলিয়া অপমানিত ও দুরীকৃত করিয়াছি ! চন্দ্রাওয়ের ভীষণ জিহাংসা তাহাতে কিয়ৎ পরিমাণে শান্ত হইয়াছিল। তোমার ভাগ্য মন্দ, পুনরায় উন্নতপদ লাভ করিয়া সৈন্তমধ্যে আসিয়াছি। চন্দ্রাওয়ের স্থির প্রতিজ্ঞা জীবনে কখন নিষ্ফল হয় নাই, এগনও হইবে না ! অথ উপায় ত্যাগ করিলাম, এই অসি দ্বারা তোমার হৃদয় বিদ্ধ করিব, হৃদয়ের শোণিত পান করিয়া এ ভীষণ পিপাসা নির্বাণ করিব। ভীক ! অথ আগার হস্তে রক্ষা নাই।

যোষে রঘুনাথের নয়ন অগ্নিবৎ জ্বলিতোছিল, কম্পিতস্বরে বলিলেন,—পামর ! সম্মুখ হইতে দূর হ, নচেৎ আমি পবিত্র প্রতিজ্ঞা বিস্মৃত হইব, তোর পাপের দণ্ড দিব।

চন্দ্রাও। ভীক ! এগনও যুদ্ধে পরাভূত, তবে আরও শোন। উজ্জয়িনীর যুদ্ধে যে তীরে তোর পিতার হৃদয় বিদীর্ণ হইয়াছিল, সে শত্রুনিষ্কিপ্ত নহে, চন্দ্রাও, তোর পিতৃহস্তা !

রঘুনাথ আর নমনো কিছু দেখিতে পাইলেন না, কর্ণে শুনিতে পাইলেন না, যোষে অসি নিষ্কোষিত করিয়া চন্দ্রাওকে আক্রমণ করিলেন। চন্দ্রাও ক্ষীণহস্তে অসিধারণ করেন নাই, অনেকক্ষণ যুদ্ধ হইল, উভয়ের অসিতে উভয়ের ঢাল ক্ষত হইল, শরীরও ক্ষত বিক্ষত হইয়া গেল।

বর্ষার ধারার জ্বালা উভয়ের শরীর দিয়া রক্ত বহিতে লাগিল। চন্দরাও বলে ন্যূন নহেন, কিন্তু রঘুনাথ দিল্লীতে চমৎকার অসিযুদ্ধ শিক্ষা করিয়াছিলেন। অনেকক্ষণ যুদ্ধের পর তিনি চন্দরাওকে পরাস্ত করিলেন, তাঁহাকে ভূমিতে পাতিত করিয়া তাঁহার বক্ষঃস্থলে আঁচু স্থাপন করিলেন, পর বলিলেন,—পামর ! অস্ত্র তোর পাপরাশির প্রায়ুশ্চিত্ত হইল, পিতার মৃত্যুর পরিশোধ হইল।

মৃত্যুর সময়েও চন্দরাও নির্ভীক, তিনি বিকট হাস্য হাসিয়া বলিলেন,—আর তোর ভগিনী বিধবা হইল, সে চিন্তা করিয়া স্ত্রে প্রাণ বিসর্জন করিব।

বিদ্যাত্তের জ্বালা সমস্ত কথা তখন রঘুনাথের মনে উপলব্ধি হইল ! এই জন্ত লক্ষ্মী স্বামীর নাম করেন নাই, এ জন্ত চন্দরাওয়ের অনিষ্ট না হয়, প্রার্থনা করিয়াছিলেন ! পিতৃহস্তা রক্ত-পিশাচ চন্দরাও বলপূর্বক প্রাণের লক্ষ্মীকে বিবাহ করিয়াছে ! রোসে রঘুনাথের নয়ন দিয়া অগ্নি বর্জিত হইতে লাগিল, কিন্তু তাঁহার উন্নত অসি চন্দরাওয়ের হৃদয়ে স্থাপিত হইল না। তিনি ধীরে ধীরে চন্দরাওকে ছাড়িয়া দিয়া দণ্ডায়মান হইলেন।

উভয় যোদ্ধা পরস্পরের দিকে স্থির দৃষ্টি করিয়া রোষে প্রজ্বলিত হতাশনের জ্বালা দণ্ডায়মান রহিয়াছেন। চন্দরাও অসি-যুদ্ধে পরাজিত হইয়া ধূলি ও কন্দমে ধূসরিত হইয়া বিকট অস্ত্রের জ্বালা আরক্ত নয়নে রঘুনাথের দিকে চাহিতে লাগিলেন। রঘুনাথ পিতার হত্যা কথা ও ভগিনীর অবমাননা কথা স্মরণ করিয়া রোসে, অভিমানে ও জিহ্বাংসায় বিদগ্ধচেতা, অথচ শাস্তিদানে

অপারক হইয়া চিত্রাৰ্পিত বৃদ্ধহস্তার জ্বালা দণ্ডায়মান রহিলেন। এমন সময় সহসা যুদ্ধের অন্তরাল হইতে সহসা একজন যোদ্ধা নিষ্ক্রান্ত হইলেন। উভয়ে সতয়ে দেখিলেন—শিবজী !

শিবজী কোনও কথা কহিলেন না, কিছু জিজ্ঞাসা করিলেন না। আপনার সহচর চারিজন সৈন্যকে ইঙ্গিত করিলেন। সেই চারিজন সৈনিক নিঃশব্দে চন্দরাওয়ের নিকট আসিয়া তাহার হস্ত হইতে অসি ও চর্ম কাড়িয়া লইয়া, তাহার হস্তদ্বয় পশ্চাতে বদ্ধ করিয়া বন্দী করিয়া লইয়া গেল। শিবজী অদৃশ্য হইলেন, রঘুনাথ চকিত হইয়া দণ্ডায়মান রহিলেন।

পরদিন প্রাতে চন্দরাওয়ের বিচার। তিনি রঘুনাথের পিতাকে হনন করিয়াছিলেন, সে দোসের বিচার নহে ; রঘুনাথকে কল্যা অজ্ঞায় আক্রমণ করিয়াছিলেন, সে দোসের বিচার নহে। রুদ্রমণ্ডল দুর্গ আক্রমণের পূর্বে শত্রু রহমৎগাঁকে চন্দরাওই গুপ্ত সংবাদ দিয়াছিলেন, তাহার প্রমাণ পাওয়া গিয়াছে। অস্ত্র তাহারই বিচার।

পূর্বে বলা হইয়াছে, আফগান-সেনা-পতি রহমৎগাঁ রুদ্রমণ্ডলে বন্দী হইলে পর শিবজী তাঁহাকে ভদ্রাচরণ পূর্বক ছাড়িয়া দিয়াছিলেন, রহমৎগাঁ স্বাধীনতা প্রাপ্ত হইয়া আপন প্রভু বিজয়পুরের সুলতানের নিকট গমন করিয়াছিলেন। জয়সিংহ যখন বিজয়পুর আক্রমণ করেন তখন রহমৎগাঁ আপন নৈসর্গিক সাহসের সহিত যুদ্ধ করেন, একটা যুদ্ধে অতিশয় আহত হইয়া জয়সিংহের বন্দী হইলেন। জয়সিংহ তাঁহাকে আপন শিকার আনা হইয়া অনেক

যত্ন ও শুশ্রূষা করিয়াছিলেন, কিন্তু সে রোগ আরাম হইল না, তাহাতেই রহমৎখাঁর মৃত্যু হয়।

মৃত্যুর পূর্কদিন জয়সিংহ রহমৎখাঁকে জিজ্ঞাসা করিলেন,—খাঁ সাহেব ! আপনার আর অধিক পরমাণু নাই, আমার সমস্ত যত্ন ও চিকিৎসা বৃথা হইল। এক্ষণে যদি আপনার কোন আপত্তি না থাকে তবে একটা কথা জিজ্ঞাসা করি।

রহমৎখাঁ বলিলেন,—আমার মরণের জন্ত আক্ষেপ নাই, কিন্তু আপনি শত্রু হইয়া আমার প্রতি যেরূপ সদাচরণ করিয়াছেন তাহার পরিশোধ করিতে পারিলাম না, এই আক্ষেপ রহিল। কি জিজ্ঞাসা করিবেন করুন, আপনার নিকট আমার অবস্থা কিছুই নাই !

জয়সিংহ। রুদ্রমণ্ডল আক্রমণের পূর্ক একজন শিবজীর সেনানী আপনাকে সংবাদ দিয়াছিল। সে কে আমরা জানি না, আমার বোধ হয় একজন অগ্রায়রূপে দণ্ডিত হইয়াছে।

রহমৎ। আমি জীবিত থাকিতে সে নাম প্রকাশ করিব না বলিয়া প্রতিজ্ঞা করিয়াছিলাম। রাজপুত্র। আপনার ভদ্রাচরণে আমি অতিশয় সম্মানিত হইয়াছি, কিন্তু পাঠান প্রতিজ্ঞা লঙ্ঘন করিতে অশক্ত।

জয়সিংহ। যোদ্ধা ! আপনার প্রতিজ্ঞা ভঙ্গ করিতে আমি বলিতেছি না, কিন্তু যদি কোনও নিদর্শন থাকে, তাহা আমাকে দিতে আপত্তি আছে ?

রহমৎ। প্রতিজ্ঞা করুন, সে নিদর্শন আমার মৃত্যুর পূর্ক পাঠ করিবেন না।

জয়সিংহ তাহাই প্রতিজ্ঞা করিলেন,

তখন রহমৎখাঁ তাঁহাকে কতকগুলি কাগজ দিলেন। রহমৎখাঁর মৃত্যুর পরে রাজা জয়সিংহ সেই সমস্ত পত্রাদি পাঠ করিয়া দেখিলেন, বিদ্রোহী চন্দরাও।

চন্দরাও রহমৎখাঁকে স্বহস্তলিখিত পত্র পাঠাইয়াছিলেন, তাহা রাজা পড়িলেন, সে সম্বন্ধে অগ্ৰাণ্ত যে যে কাগজ ছিল তাহাও পাঠ করিলেন, চন্দরাও পাঠানদিগের নিকট যে পারিতোষিক পাঠাইয়াছিলেন তাহার প্রাপ্তিস্বীকার পর্যন্ত রাজা জয়সিংহ দেখিলেন। জয়সিংহের মৃত্যুর দিনে তাঁহার মন্ত্রী সেই সমস্ত কাগজ শিবজীকে দিয়াছিলেন।

বিচারকার্যে অধিক সময় আবশ্যিক হইল না। শিবজীর চিরবিগ্ৰস্ত মন্ত্রী রঘুনাথ ঞ্চায়শাস্ত্রী একে একে সেই পত্রগুলি পাঠ করিতে লাগিলেন, যখন পাঠ সমাধা হইল তখন রোষে সমস্ত সেনানিগণ গর্জন করিয়া উঠিলেন। চন্দরাও বিদ্রোহী, স্বয়ং শত্রুদিগকে সংবাদ দিয়া পারিতোষিক গ্রহণ করিয়াছিলেন, সেই দোষে নির্দোষী 'নিষ্কলঙ্ক বীর রঘুনাথের প্রাণদণ্ডের প্রয়াস পাইয়াছিলেন, এ কথা সকলে জানিতে পারিয়া রোষে হুঙ্কার করিয়া উঠিলেন !

তখন শিবজী বলিলেন,—পাপাচারী বিদ্রোহী, তোর মৃত্যু সন্নিকট, তোর কিছু বলিবার আছে।

মৃত্যুর সময়ও চন্দরাও নির্ভীক, তাঁহার হৃদমনীয় দর্প ও অভিমান এখনও পূর্কবৎ। বলিলেন,—আমি আর কি বলিব ? আপনার বিচার ক্ষমতা প্রসিক ! একদিন এই দোষে রঘুনাথকে দণ্ড দিয়াছিলেন, অগ্ৰ আমাকে দণ্ড দিতেছেন, আমার মৃত্যুর পর আর একদিন আর একজনকে

দণ্ড দিবেন, তখন জানিবেন চন্দ্রাও এ বিষয়ের বিন্দু বিসর্গও জানে না, এসমস্ত প্রমাণ জাল ।

এই বিদ্রুপে শিবজী মর্শাস্তিক ক্রুদ্ধ হইয়া আদেশ করিলেন,—জল্লাদ, চন্দ্রাওয়ের তুই হস্ত ছেদন কর, তাহা হইলে আর ঘুষ লইতে পারিবে না । তাহার পর তপ্ত কৌহ দ্বারা ললাটে “বিশ্বাসঘাতক” অঙ্কিত করিয়া দাও, তাহা হইলে আর কেহ বিশ্বাস করিবে না ।

জল্লাদ এই নৃশংস আদেশ পালন করিতে যাইতেছিলেন, এরূপ সময় রঘুনাথ দণ্ডায়মান হইয়া কহিলেন,—মহারাজ ! আমার একটি নিবেদন আছে ।

শিবজী । রঘুনাথ ! এ বিষয়ে তোমার নিবেদন আমরা অবশ্য শুনিব, কেননা এই পায়র তোমারই প্রাণনাশের যত্ন করিয়াছিল ; তাহার কি প্রতিহিংসা লইতে ইচ্ছা কর, নিবেদন কর !

রঘুনাথ । মহারাজের অসীকার অলঙ্ঘ্য, আমি এই প্রতিহিংসা যত্না করি যে, চন্দ্রাওয়ের কেশাগ্রও কেহ স্পর্শ না করে ;—অনুগ্রহ প্রকাশ করিয়া বিনা দণ্ডে মুক্তি দিন !

সভাস্থ সকলে বিস্মৃত ও স্তব্ধ !

শিবজী ক্রোধ সম্বরণ করিয়া কহিলেন,—তোমার প্রতি যে অত্যাচার করিয়াছিল, তোমার অনুরোধে সেজন্ত চন্দ্রাওকে ক্ষমা করিলাম । রাজবিদ্রোহাচরণের শাস্তি দিবার অধিকারী রাজা । সে শাস্তির আদেশ করিয়াছি, জল্লাদ, আপন কার্য্য কর ।

রঘুনাথ । মহারাজের বিচার অনিন্দনীয়, কিন্তু দাস প্রভুর নিকট ভিক্ষা চাহি-

তেছে, চন্দ্রাওকে বিনা দণ্ডে মুক্তিদান করুন ।

শিবজী । এ ভিক্ষাদানে আমি অসমর্থ, রঘুনাথ তোমাকে এবার ক্ষমা করিলাম, অত্নকে এতদূর ক্ষমা করিতাম না । শিবজীর আদেশের উপর কথা কহিও না ।

রঘুনাথ । প্রভু হই একটি যুদ্ধে এ দাস প্রভুর কার্য্য করিতে সমর্থ হইয়াছিল, প্রভুও দাসকে অভিলষিত পুরস্কার দিতে স্বীকৃত হইয়াছিলেন । অত্ন সেই পুরস্কার চাহিতেছি, চন্দ্রাওকে বিনা দণ্ডে মুক্ত করুন ।

বোধে শিবজীর নয়ন হইতে অগ্নিকণা বাহির হইতেছিল ; গর্জন করিয়া বলিলেন,—রঘুনাথ ! রঘুনাথ ! কখন কখন আমাদের উপকার করিয়াছিলে বলিয়া অত্ন আমাদের বিচার অত্নথা করিতে চাহ ? রাজ-আদেশ অত্নথা হয় না ; তুমিও আপনার বীরত্বের কথা আপনি বলিতে ক্ষান্ত হও !

এ তিরস্কার বাক্যে রঘুনাথের মুখ আরক্ত হইয়া উঠিল । তিনি ধীরে ধীরে কম্পিতস্বরে উত্তর করিলেন,—প্রভু ! পুরস্কার চাহা দাসের অভ্যাস নাই । অত্ন জীবনের মধ্যে প্রথমবার—পুরস্কার চাহিয়াছি, প্রভু যদি এ পুরস্কার দানে অসম্মত হইয়েন এ দাস দ্বিতীয় বার চাহিবে না । দাসের কেবল এইমাত্র ভিক্ষা, প্রভু সদয় হইয়া তাহাকে বিদায় দিন, রঘুনাথ সৈনিকের ব্রত ত্যাগ করিবে, পুনরায় গোস্বামী হইয়া দেশে দেশে ভিক্ষা করিতে থাকিবে ।

শিবজী ক্ষণেক নিস্তব্ধ ও নিষ্পন্দ হইয়া রহিলেন । তখন একজন অমাত্য নিকটে আসিয়া কাণে কাণে জানাইল, চন্দ্রাও রঘুনাথের ভগিনীপতি, সেইজন্ত

রঘুনাথ ভগিনীপতির প্রাণভিক্ষা করিতে ছেন ।

তখন বিশ্বয়পূর্ণ হইয়া শিবজী চন্দ্রাওকে খালাস দিবার আদেশ করিলেন । শেষে বজ্রনাদে বলিলেন,—যাও চন্দ্রাও, শিবজীর রাজ্য হইতে বহিস্কৃত হও । অস্ত্র দেশে যাও, অস্ত্র আত্মীয় কুটুম্বকে বধ কর, অস্ত্র মিত্রের সর্বনাশ সাধন কর, শত্রুর নিকট উৎকোচ গ্রহণ, ষড়যন্ত্র ও বিক্রোহাচরণ করিতে করিতে পাপ জীবনের অবশিষ্ট ভাগ সমাপ্ত কর ।

চন্দ্রাও ভীক নহেন । ধীরে ধীরে ক্রোধ-জর্জরিত শরীরে রঘুনাথের নিকট যাইয়া বলিলেন,—বালক! তোমার দয়া আমি চাহি না, তোমার দেওয়া জীবন আমি তুচ্ছ করি । পরক্ষণেই আপন ছুরিকা নিজ বক্ষঃস্থলে স্থাপন করিখা অভিমানী ভীষণ-প্রতিজ্ঞ চন্দ্রাও জুমলাদার আপনার চিরনিষ্কৃতি সাধন করিলেন । জীবনশূন্য দেহ সভাঙ্গুলে পতিত হইল !

পঞ্চত্রিংশ পরিচ্ছেদ ।

ভ্রাতা ভগিনী ।

হৃত পরিবার,

কেবা বল কার,

যেমন বৃক্ষের ছায়! ।

কুলবিধ প্রায়,

সকল মিছাময়,

কেনল ভবের মায়! ॥

কীর্তিবাস ওঝা

আমাদের আধ্যাত্মিক শেষ হইয়াছে ;

এক্ষণে উপস্থাপিত ব্যক্তিদিগের বিষয় হই একটি কথা বলিয়া বিদায় লইব ।

বৃদ্ধ জনার্দন পালিত কন্যাকে হারাইয়া বাতুলের আয় হইয়াছিলেন, পুনরায় সরযুকে পাইয়া আনন্দাশ্রু বর্ষণ করিতে লাগিলেন । তিনি পুঙ্কিত হৃদয়ে রঘুনাথকে আহ্বান করিলেন, সানন্দহৃদয়ে শুভদিনে কন্যা দান করিলেন । সরযুর সুখ কে বর্ণনা করিবে ? চারি বৎসর যে দেবকান্তির জপ করিয়াছিলেন, সেই পুরুষদেব যখন সরযুকে কোমল হৃদয়ে ধারণ করিলেন, সরযুর ওষ্ঠে যখন উষ্ণ ওষ্ঠ স্থাপন করিলেন, তখন সরযু উন্মাদিনী হইলেন ।

আর রঘুনাথ ?—রঘুনাথ তোরণদুর্গে যে স্বপ্ন দেখিয়াছিলেন, তাহা অস্ত্র সার্থক হইল । সেই প্রিয় কণ্ঠমালা বার বার সরযুর হৃদয়ে দোলাইয়া দিলেন, সেই পুষ্প-বিনিন্দিত দেহ হৃদয়ে ধারণ করিলেন, সেই বিশাল স্নেহপূর্ণ নয়নের দিকে চাহিয়া চাহিয়া জগৎ বিস্মৃত হইলেন !

সরযু তাঁহার সপ্তমবর্ষীয়া “দিদি”কে বিস্মৃত হইলেন না । রঘুনাথের অনুরোধে শিবজী গোকর্গকে একটা জায়গীর দান করিলেন, ও গোকর্গের পুত্র ভীমজীকে উন্নীত করিয়া হানিলদার পদে নিযুক্ত করিলেন ।

সরযু দিদিকে সর্বদাই আপন গৃহে রাখিতেন ও বরের সহিত “সমান সমান” ভাল বাসিতেন, এবং কয়েক বৎসর পরে একটা সঙ্গশীল সুচরিত্র পাত্র দেখিয়া দিদির বিবাহ দিলেন । বিবাহদিবসে সরযু ও রঘুনাথ স্বয়ং উপস্থিত রহিলেন, সরযু কন্যার কাণে কাণে বলিলেন,—দেখিও দিদি ! যাহা

বলিয়াছিলে, সে কথা মনে রাখিও, বরের চেয়ে আমাকে ভাল বাসবে !

রঘুনাথ আখ্যায়িকাবিবৃত সময়ের পর ত্রয়োদশ বৎসর পর্যন্ত সুখ্যাতি ও সম্মানের সহিত শিবজীর অধীনে কার্য করিতে লাগিলেন। যশোবন্তসিংহ যখন জানিতে পারিলেন যে রঘুনাথ তাঁহারই প্রিয় অনুচর গঙ্গুপতিসিংহের পুত্র, তখন রঘুনাথকে স্বদেশে আস্বান করিলেন। কিন্তু শিবজী রঘুনাথকে দেশে যাইতে দিলেন না, যতদিন জীবিত ছিলেন, রঘুনাথকে নিকটে রাখিলেন। পরে যখন ১৬৮০ খৃঃ অব্দের চৈত্র মাসে শিবজীর মৃত্যু হয়, তখন শিবজীর অযোগ্য পুত্র শম্ভুজী পিতার পুরাতন ভৃত্যদিগকে একে একে অবমানিত বা কারারুদ্ধ করিতে লাগিলেন। রঘুনাথ আর মহারাষ্ট্রে থাকিলে উপকার নাই দেখিয়া সরযু ও জনার্দনের সহিত স্বদেশে প্রত্যাবর্তন করিলেন। সূর্যামহলের পুরাতন দুর্গে তিলকসিংহের প্রপৌত্র প্রবেশ করিলেন।

পাঁঠক ! ইচ্ছা এই স্থানেই আপনার নিকট বিদায় লই, কিন্তু আর একজনের কথা বলিতে বাকী আছে, শান্ত চিরসহিবু লক্ষ্মী-রূপিনী লক্ষ্মীর কথা বলিতে বাকী আছে।

যে দিন চন্দ্রাও আত্মহত্যা করিয়াছিলেন, রঘুনাথ সেই দিনই ভগিনীর সহিত সাক্ষাৎ করিতে যাইলেন। যাহা দেখিলেন, তাহাতে তাঁহার হৃদয় স্তম্ভিত হইল। দেখিলেন, শবের পার্শ্বে লক্ষ্মী আলুলায়িতকেশে গড়াগড়ি দিতেছেন, ঘন ঘন মোহ যাইতেছেন, সময়ে সময়ে হৃদয়বিদারক আর্তনাদে ঘর পরিপূরিত করিতেছেন ! হিন্দুরমণীর পতির মৃত্যুতে যে ভীষণ যাতনা হয়, কে বর্ণন করিতে

পারে ? অল্প লক্ষ্মীর নয়নের আঁলোক নির্ঝাণ হইয়াছে, হৃদয় শূন্য হইয়াছে, কৃগৎ অন্ধকারময় হইয়াছে ! শোকে, বিবাদের, নৈরাশ্রে, নব বৈধব্যের অসহ যাতনায়, বিধবা ঘন ঘন আর্তনাদ করিতেছে !

রঘুনাথ সাঙ্ঘনা করিবার চেষ্টা করিলেন, সাঙ্ঘনা দূরে থাকুক, লক্ষ্মী প্রাণের ভ্রাতাকে চিনিতেও পারিলেন না। বর বর করিয়া অশ্রুবর্ষণ করিতে করিতে রঘুনাথ গৃহ হইতে নিজ্রাস্ত হইলেন।

সন্ধ্যার সময় রঘুনাথ পুনরায় ভগিনীকে দেখিতে আসিলেন, লক্ষ্মীর ভাব-পরিবর্তন দেখিয়া কিছু বিস্মিত হইলেন। দেখিলেন লক্ষ্মীর নয়নে জল নাই, ধীরে ধীরে স্বামীর মৃতদেহ সুন্দর সুগন্ধ পুষ্প দিয়া সাজাইতেছেন। বালিকা খেচুপ মনোনিবেশ করিয়া পুতুলি সাজায়, লক্ষ্মী সেইরূপ মনোনিবেশপূর্বক মৃতদেহ সাজাইতেছেন।

রঘুনাথ গৃহে আসিলে লক্ষ্মী ধীরে ধীরে রঘুনাথের নিকটে আসিলেন, অতি মৃদু পদবিক্ষেপে আসিলেন, মেন শব্দ হইলে স্বামীর নিদ্রাভঙ্গ হইবে ! অতি মৃদুস্বরে বলিলেন,—ভাই রঘুনাথ ! তোমার সঙ্গে যে আর একবার দেখা হইল, আমার পরম ভাগ্য, এখন আর আমার মনে কোনও কষ্ট থাকিল না।

সাশ্রনয়নে রঘুনাথ বলিলেন,—প্রাণের ভগিনী লক্ষ্মী, আমি তোমার সঙ্গে এ সময়ে দেখা না করিয়া কি থাকিতে পারি ?

লক্ষ্মী অঞ্চল দিয়া রঘুনাথের চক্ষের জল মোচন করিয়া বলিলেন,—সত্য ভাই তোমার দয়ার শরীর, তুমি হৃদয়েশ্বরের জন্ত রাজার নিকট যে আবেদন করিয়া-

ছিলে শুনিয়াছি। আমার ভাণ্ডে যাহা ছিল, তাহা হইয়াছে, জগদীশ্বর তোমাকে সুখে রাখুন।

রঘুনাথ। লক্ষ্মী! তুমি বুদ্ধিমতী আমি চিরকালই জানি, এ অসহ শোক কথঞ্চিৎ সম্বরণ করিয়াছ দেখিয়া তুষ্ট হইলাম। মনুষ্যের জীবন শোকময়, তোমার কপালে যাহা ছিল, ঘটিয়াছে, সে শোক সহিষ্ণু হইয়া বহন কর। আইস, আমার গৃহে আইস, ভ্রাতার ভালবাসা, ভ্রাতার যত্নে যদি সম্ভাব্য দান করিতে পারে, লক্ষ্মী, আমি ক্রটি করিব না।

লক্ষ্মী একটু হাসিলেন, সে হাত দেথিয়া রঘুনাথের প্রাণ শুকাইয়া গেল। ইষৎ হাসিয়া লক্ষ্মী বলিলেন,—ভাই তোমার দয়ার শরীর, কিন্তু লক্ষ্মীকে জগদীশ্বরই স্বয়ং সাহসনা করিয়াছেন, শাস্তির পথ দেখাইয়া দিয়াছেন। হৃদয়ে-শ্বর চিরনিদ্রায় নিদ্রিত রহিয়াছেন, তিনি জীবদশায় দাসীকে অতিশয় ভাল বাসিতেন, দাসী জীবনে তাঁহার প্রণয়িনী ছিল, মরণে তাঁহার সঙ্গিনী হইবে।

রঘুনাথের মস্তকে বজ্রাঘাত হইল। তখন তিনি লক্ষ্মীর ভাব-পরিবর্তনের কারণ বুঝিতে পারিলেন, লক্ষ্মীর শাস্ত্যভাবের হেতু বুঝিতে পারিলেন। লক্ষ্মী সহমরণে স্থির-সঙ্কল্প হইয়াছেন।

তখন রঘুনাথ অনেকক্ষণ অবধি লক্ষ্মীর প্রতিজ্ঞাভঙ্গের চেষ্টা করিলেন, অনেক বুঝাইলেন, অনেক ক্রন্দন করিলেন, এক প্রহর রজনী পর্য্যন্ত লক্ষ্মীর সহিত তর্ক করিলেন। ধীর শাস্ত লক্ষ্মীর একই উত্তর,—হৃদয়েশ্বর আমাকে বড় ভালবাসিতেন, আমি তাঁহাকে ছাড়িয়া থাকিতে পারিব না।

অবশেষে রঘুনাথ সজলনয়নে বলিলেন,—লক্ষ্মী, এক দিন আমার জীবন নৈরাশ্রে পূর্ণ হইয়াছিল, আমি জীবন-ত্যাগের সঙ্কল্প করিয়াছিলাম। ভগিনী, তোমার প্রবোধে, তোমার স্নেহময় কথায় সে সঙ্কল্প ছাড়িলাম; পুনরায় কার্য্যজগতে প্রবেশ করিলাম। লক্ষ্মী, তুমি কি ভ্রাতার কথা রাখিবে না? তুমি কি ভ্রাতাকে ভালবাস না?

লক্ষ্মী পূর্ব্ববৎ শান্তভাবে উত্তর করিলেন,—ভাই, সে কথা আমি বিস্মৃত হই নাই, তুমি লক্ষ্মীকে ভালবাস, লক্ষ্মীর কথা শুনিয়াছিলে, তাহা বিস্মৃত হই নাই। কিন্তু ভাবিয়া দেখ পুরুষের অনেক আশা, অনেক উত্তম, অনেক অবলম্বন, একটা যাইলে অল্পটা থাকে, একটা চেষ্টা নিষ্ফল হইলে দ্বিতীয়টা সফল হয়। ভাই তুমি সে দিন ভগিনীর কথাটা রাখিয়াছিলে, অথচ তোমার কলঙ্ক দুরীভূত হইয়াছে, ক্ষমতা বৃদ্ধি হইয়াছে, সুষণঃ দেশ দেশান্তরে বিস্তৃত হইয়াছে। কিন্তু অভাগিনী নারীর কি আছে? অথচ আমি যে নয়নের মণিটা হারাইয়াছি তাহা কি জীবনে আর পাইব? যে মহাত্মা দাসীকে এত ভালবাসিতেন, এত অনুগ্রহ করিতেন, জীবিত থাকিলে তাঁহাকে কি আর পাইব? ভাই! তুমি লক্ষ্মীকে বাল্যকাল হইতে বড় ভালবাসিয়াছ, অথচ সদয় হও। লক্ষ্মীর একমাত্র সুখের পথে কণ্টক হইও না, যিনি দাসীকে এত ভাল বাসিতেন তাঁহার সহিত যাইতে দাও!

রঘুনাথ নিরন্ত হইলেন, স্নেহময়ী ভগিনীর অঞ্চলে মুখ লুকাইয়া বালিকার শ্রায় ঝর ঝর অশ্রু বর্ষণ করিতে লাগিলেন।

এ অসার কপট সংসারে ভ্রাতা ভগিনীর অখণ্ডনীয় প্রণয়ের গ্ৰায় পবিত্র স্নিগ্ধ প্রণয় আর কি আছে ? স্নেহময়ী ভগিনীর গ্ৰায় অমূল্য রত্ন এ বিস্তীর্ণ জগতে আর কোথায় যাইল পাইব ?

রজনী দ্বিপ্রহরের সময় চিতা প্রস্তুত হইল, চকরাওয়ের শব তাহার উপর স্থাপিত হইল। হাশুবদনা লক্ষ্মী সুন্দর পটুবস্ত্র ও অলঙ্কারাদি পরিধান করিয়া একে একে সকলের নিকট বিদায় লইলেন।

লক্ষ্মী চিতাপার্শ্বে আসিলেন, দাসী-দিগকে অলঙ্কার, রত্ন, মুক্তা বিতরণ করিতে লাগিলেন, স্বহস্তে তাহাদিগের নয়নের জল মোচন করিয়া মধুর-বাক্যে সাহসনা করিতে লাগিলেন। জ্ঞাতি কুটুম্বিনীদিগের নিকট বিদায় লইলেন, গুরুদিগের পদধূলি লইলেন। সকলের নয়নের জল অঞ্চল দিয়া মুছাইয়া দিলেন, মধুময় বাক্য দ্বারা সকলকে প্রবোধ দিলেন।

শেষে লক্ষ্মী রঘুনাথের নিকটে আসিলেন,—বলিলেন, ভাই ! বাল্যকাল অবধি তোমার লক্ষ্মীকে বড় ভালবাসিতে, অল্প লক্ষ্মী ভাগ্যবতী, অল্প চিরস্থিখিনী হইবে, একবার ভালবাসবার কাজ কর, সন্মুখে কনিষ্ঠা ভগিনীকে বিদায় দাও, তোমার লক্ষ্মীকে বিদায় দাও।

রঘুনাথ আর সহ্য করিতে পারিলেন না, লক্ষ্মীর দুটা হাত ধরিয়া বালকের গ্ৰায় উচ্চৈঃস্বরে রোদন করিয়া উঠিলেন ! লক্ষ্মীরও চক্ষুতে জল আসিল !

সন্মুখে ভ্রাতার চক্ষুর জল মুছাইয়া লক্ষ্মী বলিতে লাগিলেন,—ছি ভাই, শুভকার্য্যে চক্ষুর জল ফেল কি জন্ত ? পিতার গ্ৰায় তোমার সাহস, পিতার গ্ৰায়

তোমার মহৎ অস্তঃকরণ, জগদীশ্বর তোমার আরও সম্মান বৃদ্ধি করিবেন, জগৎ তোমার যশে পূর্ণ হইবে ! লক্ষ্মীর শেষ বাসনা এই, জগদীশ্বর যেন রঘুনাথকে সুখে রাখেন ! ভাই, বিদায় দাও, দাসীর জন্ত স্বামী অপেক্ষা করিতেছেন।

কাতরস্বরে রঘুনাথ বলিলেন,—লক্ষ্মী, তোমা বিনা জগৎ তুচ্ছজ্ঞান হইতেছে, জগতে আর রঘুনাথের কি আছে ? প্রাণের লক্ষ্মী ! তোকে কিরূপে বিদায় দিব, তোকে ছাড়িয়া আমি কিরূপে জীবন ধারণ করিব ?—আর্তনাদ করিয়া রঘুনাথ ভূমিতে পতিত হইলেন।

অনেক যত্ন করিয়া লক্ষ্মী রঘুনাথকে উঠাইলেন, পুনরায় চক্ষুর জল মুছিয়া দিলেন। অনেক সাহসনা করিলেন, অনেক বুঝাইলেন, বলিলেন,—ভাই, তুমি বীর-শ্রেষ্ঠ, পুরুষের যাহা ধর্ম্ম তাহা তুমি পালন করিতেছ, তোমার লক্ষ্মীকে নারীর ধর্ম্ম পালন করিতে দাও। আর বিলম্ব করিও না, বাধা দিওনা। ঐ দেখ পূর্কদিকে আকাশ রক্তবর্ণ হইয়াছে, তোমার লক্ষ্মীকে বিদায় দাও।

গদগদ স্বরে রঘুনাথ বলিলেন,—লক্ষ্মী, প্রাণের লক্ষ্মী, এ জগতে তোমাকে বিদায় দিলাম, ঐ আকাশে, ঐ পুণ্যধামে আর একবার তোমাকে পাইব। সে পর্য্যন্ত জীবন্ত হইয়া রহিলাম।

ভ্রাতার চরণধূলি লইয়া লক্ষ্মী চিতাপার্শ্বে যাইলেন, স্বামীর পদদ্বয়ে মস্তক স্থাপন করিয়া বলিলেন,—হৃদয়েশ্বর ! জীবনে তুমি বড় ভালবাসিতে, এখন অনুগ্রহ কর, যেন তোমার পদপ্রান্তে বসিয়া তোমার সঙ্গে যাইতে পারি। জন্ম জন্ম যেন তোমাকে

স্বামী পাই, জন্ম জন্ম যেন লক্ষ্মী তোমার
পদসেবা করিতে পায় ।

ধীরে ধীরে লক্ষ্মী চিতা-আরোহণ
করিলেন, স্বামীর পদপ্রান্তে বসিলেন,
পদদ্বয় ভক্তিভাবে অঙ্কের উপর উঠাইয়া
লইলেন । নয়ন মুদিত করিলেন, বোধ
হইল যেন সেই মুহূর্ত্তেই লক্ষ্মীর আস্থা
স্বর্গে প্রবেশ করিল ।

অগ্নি জ্বলিল; অতিশয় হৃত থাকায়
শীঘ্র অগ্নি ধূ ধূ শব্দে জ্বলিয়া উঠিল ।
প্রথমে অগ্নিজিহ্বা লক্ষ্মীর পবিত্র শরীর
লেহন করিতে লাগিল, শীঘ্রই সতেজে
চারিদিক্ বেষ্টন করিয়া লক্ষ্মীর মস্তকের
উপর উঠিল, নৈশ গগনের দিকে মহাশব্দে
ধাবমান হইল । লক্ষ্মীর একটা অঙ্গ নড়িল
না, একটা কেশ কম্পিত হইল না ।

রাজপুত্র জীবন-সন্ধ্যা ।

—:o:o:—

প্রথম পরিচ্ছেদ ।

—:o:o:—

আহেরিয়া ।

ভূবঃ কল্পিমব জনরতা চরণশপেন,কর্ণাকৃষ্টজানাক
মদকলুবুরর-কামিনী-কণ্ঠকুঞ্জিককলেন
শরনিকরবাশিণাং ধনুযাং দিনাদেন * *
প্রচলিতমিব তদরণ্যামভবৎ ।

কাদম্বরী ।

১৫৭৬ খৃঃ অব্দের ফাল্গুন মাসের প্রথম
দিবসে হৌওয়ার প্রদেশের অভ্যন্তরে সূর্য্য-
মহলনামক পর্ব্বতভূর্গে মহাকোলাহল প্রকৃত
হইল । একটা উন্নত পর্ব্বতশৃঙ্গে এই ভূর্গ
নির্ম্মিত, ভূর্গের চারিদিকে কেবল পাদপপূর্ণ
পর্ব্বতশ্রেণী বা বৃক্ষাচ্ছাদিত উপত্যকা বহু-
দূর পর্য্যন্ত দৃষ্ট হইতেছে । প্রাতঃকালের
বালসূর্য্য-কিরণ এই অনন্ত পর্ব্বত ও
উপত্যকাকে স্বর্ণবর্ণে রঞ্জিত করিয়াছে,
এক প্রকৃতঃকালের মন্দ মন্দ বায়ু-হিল্লোলে

সেই অনন্ত পাদপশ্রেণী হইতে সুন্দর মন্দর
শব্দ নিঃসৃত হইতেছে । পত্রে পত্রে
শিশিরবিন্দু মুক্তাসৌন্দর্য্য অকুরণ করি-
তেছে, বসন্তের পক্ষিগণ ডালে ডালে গান
করিতেছে, এবং সেই ভূর্গ-প্রাচীর হইতে
যতদূর দেখা যায়, পর্ব্বত ও উপত্যকা সূর্য্য-
কিরণে নবন্যত হইয়া শোভা পাইতেছে ।
বানবনা শব্দে ভূর্গের দ্বার উদঘাটিত হইল,
শত অখারোহী বর্ষা লইয়া ভূর্গ হইতে
বহির্গত হইলেন । ধীরে ধীরে সেই অখা-
রোহিগণ সেই ভূর্গের পর্ব্বত অধিরোহণ
করিতে লাগিলেন, তাঁহাদিগের শাণিত
বর্ষাকলক সূর্য্যকিরণে ঝক্‌মক্‌ করিতে
লাগিল, অখকুরাহত শিলাখণ্ড হইতে
অগ্নিকণা বহির্গত হইতে লাগিল । অচিরে

অধারোহিগণ পর্বততলে আসিয়া উপস্থিত হইলেন, একটি বনের মধ্যে প্রবেশ করিলেন।

অল্প আহেরিয়া, অর্থাৎ বসন্ত প্রারম্ভে বাৎসরিক মৃগয়ার দিন। অল্পকার মৃগয়ার ফলাফল দ্বারা বৎসরের যুদ্ধের ফলাফল পরিগণিত হইবে, সুতরাং সূর্যামহলের দুর্গেশ্বর দুর্জয়সিংহ শত অধারোহী সমভিব্যাহারে মৃগয়ায় বহিষ্কৃত হইয়াছেন। মেঘয়ার প্রদেশে চন্দাওয়ৎকুল আহবে ও বিপদে অগ্রগামী, সেই প্রসিদ্ধ বংশমধ্যে দুর্জয়সিংহ অপেক্ষা দুর্দমনীয় যোদ্ধা বা ভীষণপ্রতিজ্ঞ সেনানী কেহ ছিল না। দেখিলে বৎস ত্রিশং বৎসর বলিয়া বোধ হয়, আকৃতি দীর্ঘ, নয়নদ্বয় জলন্ত অগ্নির গ্ৰায় উজ্জ্বল, শরীর অমুর-বলে বলিষ্ঠ। যোদ্ধা দক্ষিণ হস্তে দীর্ঘ বর্ষা ধারণ করিয়া রহিয়াছেন, তাঁহার প্রত্যেক পেশী স্কীত ও ঘেন লৌহনির্মিত। দুর্জয়সিংহের সহচরগণও সেই চন্দাওয়ৎ-বংশোদ্ভূত, এবং দুর্জয়সিংহের অযোগ্য সহচর নহে।

দুর্গ হইতে অধিরোহণ করিয়া অধারোহিগণ একটি নিবিড় বনের মধ্যে আসিয়া উপস্থিত হইলেন। কয়েকজন পাইককে পশুর সন্ধানে এই স্থানে পাঠান হইয়াছিল। পাইকগণ একে একে আসিয়া বনচর পশুর কোনও অনুসন্ধান না পাওয়ার সংবাদ দিল, কিন্তু যোদ্ধগণ তাহাতে ভ্রমোৎসাহ না হইয়া বনের মধ্যে প্রবেশ করিতে লাগিলেন। সে বনের সৌন্দর্য্য অতিশয় মনোহর। কোথায় বা সূর্য্যকর পত্রের ভিতর দিয়া আসিয়া বনপুষ্প বা দুর্কার সহিত ক্রীড়া করিতেছে; কোথায় বা বন একরূপ নিবিড় ঘে দিবাভাগেই

অন্ধকারের গ্ৰায় বোধ হইতেছে। কখন পর্বত ও শিলাখণ্ডের উপর দিয়া, কখন সুন্দর ঝর্ণার পার্শ্ব দিয়া, কখন কোপের নিকট দিয়া, যোদ্ধগণ নিঃশব্দে ভ্রমণ করিতে লাগিলেন। বসন্তকালের প্রারম্ভে ক্ষেত্র, বৃক্ষ, পর্বত ও উপত্যকা সুন্দর শোভা ধারণ করিয়াছে। যোদ্ধগণও জীবনের বসন্তকালের উদ্বেগ ও বীরমদে মত্ত হইয়া মৃগয়ায় বাহির হইয়াছেন। সকলই উৎসাহে পূর্ণ, সকলই গর্ভিত, সকলই আনন্দময়। মৃগয়ার গ্ৰায় উৎসাহ পূর্ণ বাবসাই রাজস্থানে আর নাই, আহেরিয়ার গ্ৰায় আনন্দময় দিন আর নাই।

কতক্ষণ বনের ভিতর বিচরণ করিয়া যোদ্ধগণ একটি প্রান্তরে পড়িলেন; সেই প্রান্তরের সম্মুখে একটি পর্বতদুর্গ প্রায় বৃক্ষাবৃত রহিয়াছে। দুর্জয়সিংহ অমাত্যকে সম্বোধন করিয়া বলিলেন—ঐ না পাহাড়জী ভূমিয়ার দুর্গ দেখা যায় ?

অমাত্য বলিলেন—হাঁ। একরূপ দুর্গ যদি নিকট ভূমিয়ারিগের হস্তে না থাকিয়া প্রকৃত যোদ্ধাদিগের হস্তে থাকিত, তাহা হইলে মহারাণা এই যুদ্ধকালে অধিক সহায়তা পাইতেন।

দুর্জয়। ভূমিয়ারিগ রণশিক্ষা করে নাই বটে, কিন্তু সময়ে সময়ে আপন দুর্গ ও আবাসস্থল শত্রুহস্ত হইতে রক্ষা করিতে যথোচিত সাহস প্রকাশ করে।

অমাত্য। সত্য, কিন্তু বর্ষাচালন অপেক্ষা লাঙ্গল চালনে অধিক তৎপর।

সকলেই উচ্চহাস্য করিয়া উঠিলেন। আর একজন যোদ্ধা কহিলেন—ভূমিয়ার দুর্গ রক্ষা হইতে ভূমি রক্ষায় অধিক তৎপর। যোদ্ধা কখন কখন আপন দুর্গচ্যুত হইয়েন,

কিন্তু ভূমিয়ার ভূমি পুরুষানুক্রমে তাহার সম্ভাননস্ততি ভোগ করে ; শক্রতেও লইতে পারে না, রাণাও লইতে পারেন না ।

অমাত্য । ইন্দুর যুক্তিকায় একবার প্রবেশ করিলে তাহাকে বাহির করা দুঃসাধ্য । পুনরায় সকলে হাস্ত করিয়া উঠিলেন ।

যোদ্ধাদল অনেকক্ষণ বিচরণ করিলেন । জঙ্গল, ঝোপ, পর্বত, গছবর, সমস্ত অব্বেষণ করিলেন ; যে যে স্থানে পূর্ব বৎসরে বরাহ দেখা গিয়াছিল, সমস্ত দৃষ্টি করিলেন । নিবিড় অন্ধকারময় বন, সুন্দর পর্বত তরঙ্গিণীর তীর, শান্ত শব্দশ্রু প্রান্তর, সমস্ত বিচরণ করিলেন ।

প্রায় দ্বিপ্রহর হইয়াছে, কিন্তু কোনও বনচর পশুর সন্ধান পাওয়া যায় নাই । পাইকগণ নিবিড় জঙ্গলের ভিতর হইতে ফিরিয়া আসিয়াছে, কিন্তু কেহই একটাও পশু দেখিতে পায় নাই । সূর্য্যের উত্তাপ ক্রমে বৃদ্ধি পাইয়াছে, যোদ্ধাগণ ললাটের ঘেদ মোচন করিয়া পশুপরের দিকে চাহিতেছেন । অথ বন কি বরাহশূণ্য ? একটা মৃগও দেখিতে পাইলাম না ! এ বৎসর কি সূর্য্যমহলের অমঙ্গলের জন্ত ? এইরূপ নানা কথা হইতে লাগিল । ক্ষণেক চিন্তা করিয়া দুর্জয়সিংহ কহিলেন—বন্ধুগণ ! আমাদের অথ শান্ত হইয়াছে, আমরাও শান্ত হইয়াছি । এক্ষণে আর বৃথা অব্বেষণ আবশ্যক নাই ; চল, অশ্বগণকে বিশ্রাম দি, আমরাও বিশ্রাম করি । পরে যদি এই প্রশস্ত বনপ্রদেশে একটা বরাহ লুকায়িত থাকে, দুর্জয়সিংহ তাহা হনন করিলে, নচেৎ আর বর্ষা ধারণ করিবে না । সকলেই এই কথায় সম্মতি প্রকাশ করিয়া

একটা নিবিড় নিকুঞ্জবনের দিকে গমন করিলেন ।

সে স্থলটী অতিশয় রমণীয় । পাদপশ্রেণী একরূপ নিবিড় পত্রপুঞ্জ আবৃত রহিয়াছে যে, দ্বিপ্রহরের সূর্য্যরশ্মি তাহা ভেদ করিতে পারিতেছে না ; কেবল স্থানে স্থানে পত্ররাশির মধ্য দিয়া সূর্য্যরশ্মি যেন একটা সূর্য্যরেখার আয় ভূমি পর্য্যন্ত লম্বিত রহিয়াছে । ভূমিপরিষ্কৃত হইয়াছে, নবদুর্বাদল সেই শ্রামল সূক্ষ্ম ছায়াতে অতিশয় কমণীয় রূপ ধারণ করিয়াছে । সেই নিবিড় বনে শব্দমাত্র নাই, দ্বিপ্রহর দিনায় সেই নিকুঞ্জবন শান্ত, শব্দশূণ্য, নিস্তব্ধ । একরূপ নিস্তব্ধ সে, বৃক্ষ হইতে দুই একটা শুষ্কপত্র পতিত হইলে তাহার শব্দ শুনা যাইতেছে, দুই একটা বন-বিশ্রামিনীর দ্বিপ্রহরের স্তিমিত রব শুনা যাইতেছে, এবং অদূরে একটা নিবারণিণীর সুন্দর সঙ্গীত ধীরে ধীরে কর্ণে পতিত হইতেছে । শান্ত যোদ্ধাগণ ক্ষণেক নিস্তব্ধ হইয়া সেই স্থানের শোভা সন্দর্শন করিলেন । বোধ হইল, যেন কোন বনদেবীর পূজার জন্ত প্রকৃতি অনন্ত স্তম্ভসারস্বরূপ পাদপশ্রেণী দ্বারা এই শান্ত হরিদ্বর্ণ মন্দির প্রস্তুত করিয়াছেন, নিবারণিণী স্বয়ং বীণা-বাণ করিতেছেন ।

যোদ্ধাগণ অথ হইতে অবরোধ করিয়া সেই শ্রামল দুর্বাদলের উপর উপবেশন করিলেন । ক্ষণেক শ্রমদূর করিয়া নিবারণের জলে হস্ত মুখ প্রক্ষালন করিলেন । কিছু ফল মূলের আয়োজন করা হইয়াছিল, দুর্গেশ্বর ও তাহার যোদ্ধাগণ আনন্দে তাহা আহার করিতে বসিলেন । পুরাতন রীতি অনুসারে দুর্গেশ্বর সহসা যোদ্ধাদিগকে

“দোনা,” অর্থাৎ আপন পাত্র হইতে আহার পাঠাইলেন, তাঁহারাও এই সম্মান-চিহ্ন সাদরে গ্রহণ করিলেন। নানারূপ কথা ও হাস্যধ্বনিতে বন ধ্বনিত হইল। পূর্বঘটনার, পূর্বযুদ্ধের কথা হইতে লাগিল। কিরূপে উপস্থিত যোদ্ধগণ দুর্গ-প্রাচীর উল্লঙ্ঘন করিয়াছিলেন, কিরূপে শত্রুকে হনন করিয়াছিলেন, সালুম্ভ্রাপতির প্রীতি-ভাজন হইয়াছিলেন, স্বয়ং রাণার সাধুবাদ প্রাপ্ত হইয়াছিলেন, সেই সমস্ত কথা হইতে লাগিল। এবার মেওয়ার প্রদেশের বহু শত্রু, স্বয়ং দিল্লীখর আসিতেছেন। মাড়-ওয়ার, অম্বর, বিকানীর ও বুন্দির রাজগণ স্বেচ্ছের সহিত যোগ দিয়া মেওয়ার আক্রমণে আসিতেছেন। কিন্তু রাণার অবশ্য জয় হইবে। অথবা যদি পরাজয় হয়, চন্দাওয়ৎকুল সেই যুদ্ধভূমিতে প্রাণদান করিবে, চন্দাওয়ৎকুল পলায়ন জানে না। দুর্জয়সিংহ একথা বলিতে না বলিতে যোদ্ধারা উৎসাহে ও উল্লাসে সাধুবাদ করিলেন।

দুর্জয়সিংহ বাললেন—আট বৎসর পূর্বে যখন এই আকবরসাহ চিতোর হস্ত-গত করেন, রাণা উদয়সিংহ দুর্গত্যাগ করিয়াছিলেন, কিন্তু সালুম্ভ্রাপতি সাহী-দাস দুর্গত্যাগ করেন নাই, চন্দাওয়ৎকুলে-খর সাহীদাস দুর্গত্যাগ করেন নাই। চারণদেব! সেদিনকার কথা একবার যোদ্ধগণকে শুনাও, চন্দাওয়ৎকুল কিরূপে যুদ্ধ করে একবার শ্রবণ করি।

আহেরিয়ার দিনে চারণদেব অনুপস্থিত থাকেন না। দুর্গেশ্বরের অভিপ্রায়মতে চারণদেব সাহীদাসের বীরত্ব-গীত আরম্ভ করিলেন। চিতোর ধ্বংসের সময় দুর্জয়-

সিংহ ও তাঁহার যোদ্ধগণ সেই দুর্গে উপ-স্থিত ছিলেন, চারণদেবের গীত শুনিতে শুনিতে সেদিনকার কথা তাঁহাদের হৃদয়ে জাগরিত হইতে লাগিল।

গীত ।

“যোদ্ধগণ! আপনারা সেদিনকার যুদ্ধ দেখিয়াছেন, দুর্জয়সিংহ সালুম্ভ্রাপতির দক্ষিণ হস্ত ছিলেন, তিনি সাহীদাসের বীরত্ব দেখিয়াছেন। চিতোরের সূর্য্যদ্বারই চন্দাওয়ৎদিগের রণস্থল, সেই সূর্য্যদ্বার সাহীদাস সেদিন ত্যাগ করেন নাই, সূর্য্যদ্বার চন্দাওয়ৎকুল ত্যাগ করে নাই।

“বায়ু-তাড়িত হইয়া উদয় সাগরের ক্ষিপ্ত তরঙ্গ যখন কূলে আঘাত করে তাহা দেখিয়াছ। তুর্কীদিগের অগণ্য সৈন্ত সেই-রূপ সূর্য্যদ্বারে বার বার আঘাত করিতে লাগিল, ভীষণ রবে সেই সৈন্ত তরঙ্গ দুর্গের দিকে ধাবমান হইল, কিন্তু চন্দাওয়ৎরেখায় আঁহত হইয়া বারবার প্রতিহত হইল। চিতোরের সূর্য্যদ্বারই চন্দাওয়ৎকুলের রণ-স্থল, চন্দাওয়ৎ সে দ্বার ত্যাগ করে নাই, সালুম্ভ্রাপতি সে দ্বার ত্যাগ করে নাই।

—“বনে অগ্নি লাগিলে কিরূপে লেলিহমান অগ্নিজিহ্বা আকাশপথে আরোহণ করে তাহা দেখিয়াছ। তুর্কীদিগের সৈন্ত সেই-রূপ দুর্গকে পরিবেষ্টন করিয়া সেইরূপ বার বার দুর্গোপরি ধাবমান হইতে লাগিল। চন্দাওয়ৎ অল্পসংখ্যক, কিন্তু চন্দাওয়ৎ হীন-বল নহে, বার বার ভীষণ আক্রমণকারী-দিগকে প্রতিহত করিল, সূর্য্যদ্বার ত্যাগ করিল না। চিতোরের সূর্য্যদ্বারই চন্দা-ওয়ৎকুলের রণস্থল, চন্দাওয়ৎ সে দ্বার ত্যাগ

করে নাই, সালুস্ত্রাপতি সে ষার ত্যাগ করেন নাই ।

“বর্ষাকালের মেঘরাশি অপেক্ষা তুর্কী-দিগের সৈন্য অধিক । রাশি রাশি হত হইল, পুনরায় রাশি রাশি সেই ষার বজ্র-নাদে আক্রমণ করিল । চন্দাওয়ৎকুল অশ্রুবীর্ষ্য প্রকাশ করিয়া সেই পর্বত-হৃদায় চিরনিদ্রায় শায়িত হইল, কিন্তু চন্দা-ওয়ৎকুল প্রতিহত হইল না ! সাহীদাস তখনও একাকী শতের সহিত যুদ্ধিত-ছিলেন, সাহীদাস চিতোরের জগ্ন হৃদয়ের শেষ রক্তবিন্দু দান করিয়া ছিন্নতরুর শ্রায় পতিত হইলেন । দুর্জয়সিংহ সাহীদিগের যুদ্ধার্থ যুদ্ধিতছিলেন, আহত ও অচেতন হইয়া পতিত হইলেন । যোদ্ধগণ ! দুর্জয়-সিংহের ললাটে তুর্কীয় খড়্গ-অঙ্ক এখনও দেখিতে পাইতেছ, চন্দাওয়ৎকুল সমস্ত হত বা আহত হইল, কিন্তু দুর্জয়সিংহ সেই সূর্য্যদ্বার ত্যাগ করেন নাই । চিতোরের সূর্য্যদ্বার চন্দাওয়ৎকুলের যগস্থল, চন্দাওয়ৎ-কুল সে ষার ত্যাগ করে নাই, সালুস্ত্রাপতি সে ষার ত্যাগ করেন নাই ।”

এই গীত হইতে হইতে চন্দাওয়ৎ যোদ্ধাদিগের নয়ন হইতে অগ্নিকণা বহির্গত হইতেছিল । গীত শেষ হইলে সকলে হুঁ-কারনাদে বন পরিপূরিত করিলেন । তন্মধ্যে দুর্জয়সিংহ ভীষণনাদে কহিলেন—যোদ্ধ-গণ ! অস্ত্র আত্মাদিগের চারিদিকে বিপদ্-রাশি, কিন্তু চন্দাওয়ৎকুল বিপদের অপরি-চিত্ত নহে । অস্ত্র আত্মাদিগের চিতোর নাই, কিন্তু সহস্র পর্বতশেখর ও পর্বতগহ্বর শিশোদিয়ার হস্ত হইতে কে লইতে পারে ? মহারাণা উদয়সিংহ গত হইয়াছেন, কিন্তু

মহারাণা প্রতাপসিংহ দুর্জয়সিংহের অসিধারণ করেন না । মহারাণা প্রতাপসিংহের জয় হউক, শিশোদিয়া জাতির জয় হউক, চন্দা-ওয়ৎকুলের জয় হউক ।

ভীষণনাদে শত যোদ্ধা এই কথা উচ্চা-রণ করিলেন, সে শব্দ বন অতিক্রম করিয়া মেওয়ারের অনন্ত পর্বতে প্রতিধ্বনিত হইল ! দুর্জয়সিংহ পুনরায় বলিলেন—চারুগদেব ! আমরা একগুণে পুনরায় যুগ্মায় যাইব, একটা আহেরিয়ার গীত শুনাও, যেন অস্ত্র আত্মাদিগের আহেরিয়া নিষ্ফল না হয় । চারুগদেব পুনরায় বীণা লইলেন, উর্দ্ধদিকে চাহিয়া ক্রণেক চিন্তা করিলেন, পরে গীত আরম্ভ করিলেন ।

গীত ।

“যোদ্ধগণ ! আট বৎসর হইল দিল্লী-শ্বর-চিতোর লইয়াছেন, কিন্তু দিল্লী ও শিশোদিয়ার এই প্রথম বিবাদ নহে । প্রায় তিন শত বৎসর পূর্বে আর একজন দিল্লী-শ্বর আল্লাউদ্দীন আর একবার চিতোর লইয়াছিলেন ; কিন্তু চিতোর শিশোদিয়ার কর্তৃমণি, চিতোর তুর্কী হস্তে কতদিন থাকে ? সেবার হামির এই কর্তৃমণি তুর্কী-দিগের হস্ত হইতে কাড়িয়া লইয়াছেন ; এবার প্রতাপসিংহ লইবেন । হামিরের জন্মকথা শ্রবণ কর, আহেরিয়ার একটা গীত শ্রবণ কর !

“লক্ষ্মণসিংহের জ্যেষ্ঠপুত্র উরুসিংহ । যুবরাজ উরুসিংহ দুর্গরক্ষার জন্ত প্রাণমান করেন, তাহা শিশোদিয়ার মধ্যে কোন্ বীর না জানে ? চিতোর আক্রমণের কয়েক বৎসর পূর্বে এই উরুসিংহ একদিন আহেরিয়ায় বহির্গত হইয়াছিলেন, শত

যে সঙ্গে সঙ্গে যুগ্মায় বহির্গত হইয়াছিলেন। আহেরিয়ার তুল্য রাজপুত্রের আর কি আনন্দ আছে ?

“আন্দাওয়া কানন যুবকদিগের বীর-নাদে প্রতিধ্বনিত হইল, তাঁহারা একটা বরাহের পশ্চাদ্ধাবন করিতেছিলেন। পর্বত ও নিঝর উদ্ভীর্ণ হইয়া বরাহ ধাবমান হইল, মহানাদে যোদ্ধগণ ধাবমান হইলেন। আহেরিয়ার তুল্য রাজপুত্রের আর কি আনন্দ আছে ?

“অনেকক্ষণ পর সেই বরাহ এক শস্ত্রক্ষেত্রের ভিতর লুকাইল, শস্ত্র দ্বাদশ হস্ত উচ্চ, বরাহ আর দেখা গেল না। একজন মাত্র দরিদ্র রমণী একটা মঞ্চ দণ্ডায়মান হইয়া শস্ত্র রক্ষা করিতেছিলেন। রমণী বীরদিগের নৈরাশ দেখিয়া বলিলেন—সম্মরণ করুন, আমি বরাহ শস্ত্রক্ষেত্র হইতে বাহির করিয়া দিতেছি।

“এ কি মানুষী না নগবালা মহিষ-মর্দিনী ? নারী বাহতে কি এ বল সম্ভবে ? নারী-হৃদয়ে কি এ বীর্য সম্ভবে ? রমণী একটা বৃক্ষ উৎপাটন করিয়া তাহার অগ্রভাগ সূচির জায় শাণিত করিলেন, সেই অপূর্ণ বর্ষা দ্বারা বরাহকে নিদ্ধ করিয়া যোদ্ধদিগের সম্মুখে আনিয়া দিলেন। বিস্মিত যোদ্ধগণ বাক্যশূন্য হইয়া রহিলেন।

“বরাহ বন্ধন করিয়া যোদ্ধগণ আশ্রয়ে বসিয়াছেন, সহসা পার্শ্বস্থ একটা অশ্বের আর্তনাদ শুনিতে পাইলেন, দেখিলেন একটা পদ একেবারে ভগ্ন হইয়া গিয়াছে। সেই দরিদ্র রমণী মঞ্চোপরি দণ্ডায়মান হইয়া শস্ত্রক্ষেত্র হইতে যুদ্ধিকা নিক্ষেপ করিয়া পক্ষী তাড়াইতেছিলেন, তাহার

এক টুকরা যুদ্ধিকা অশ্বপদে লাগিয়া অশ্ব আহত ও মৃতপ্রায় হইয়াছিল।

“যোদ্ধগণ আহারাতি সমাপন করিয়া সন্ধ্যার সময় গৃহে যাইতেছেন, দেখিলেন, সেই দরিদ্র রমণী মস্তকে ছুৎপূর্ণ পাত্র লইয়া যাইতেছেন, ও দুই হস্তে দুইটা ছুৎমনীয় মহিষকে টানিয়া লইয়া যাইছেন। বিস্মিত উরুসিংহ রমণীর বল পরীক্ষার জন্ত একজন যোদ্ধাকে সেই রমণীর দিকে বেগে অশ্বধাবন করিতে বলিলেন। অশ্ব তাঁহার উপর আসিয়া পড়িবে, রমণী বৃষ্টিতে পারিলেন ; কিছুমাত্র ভীত না হইয়া, ছুৎ মস্তক হইতে না নামাইয়া, কেবল একটা মহিষকে অশ্বের শরীরের উপর ঠেলিয়া দিলেন। মুহূর্ত্তমধ্যে অশ্ব ও অশ্বা-রোহী ভূমিসাৎ হইল।

“উরুসিংহ অনুসন্ধানে জানিলেন যে, সে কুম্বরী চোহানজাতির চন্দানবংশের এক দরিদ্র লোকের কন্যা। উরুসিংহ সেই কন্যাকে বিবাহ করিলেন, সেই কন্যার পুত্র বীরচূড়ামণি হামির। আমাউদীন যখন চিতোর অধিকার করেন, তখন যুব-রাজ উরুসিংহ প্রথমে জীবনদান করেন, পরে তাঁহার পিতা রাণা লক্ষণসিংহ প্রাণ-দান করেন। দ্বাদশ বৎসর বয়স্ক হামির তখন মাতার সহিত মাতুলালয়েই ছিলেন ; বয়ঃপ্রাপ্ত হইয়া হামির চিতোর উদ্ধার করিলেন।

“বীরগণ ! উরুসিংহের আহেরিয়ার ফল চিতোর উদ্ধার। অশ্ব ছুৎসিংহ আহেরিয়ার বহিষ্কৃত হইয়াছেন, সকলে দৃঢ়হস্তে বর্ষা ধারণ কর। আহেরিয়ার সকল হও—পুনরায় চিতোর উদ্ধারেও সকল হইবে।”

লক্ষ দিয়া যোদ্ধগণ অশ্ব আয়োজন

করিলেন, তীরব্রেশত যোদ্ধা ধাবমান হইলেন। এবার যোদ্ধগণ নিরাশ হইলেন না, তিন চারিদণ্ড বন অশ্বেষণ করিতে করিতে একটা ঝোপের ভিতর একটা প্রকাণ্ড বরাহ দেখা গেল। বরাহের বৃহৎ আকৃতি ও অসাধারণ বল দেখিয়া আরোহী-দিগের আনন্দের সীমা রহিল না। বরাহও যোদ্ধাদিগকে দেখিয়া সে ঝোপ হইতে বাহির হইয়া অশ্রুদিকে পলাইল। মহা-উল্লাসে অশ্বারোহিগণ পশ্চাৎকাবন করিলেন।

সে উল্লাস বর্ণনা করা যায় না। বরাহ যে দিকে পলাইল, অশ্বারোহিগণ বেগে সেই দিকে সাবমান হইলেন। অশ্বগণ যেন সেই ভূখণ্ড পদভরে কাঁপাইয়া ছুটিল, পথের মধ্যে উন্নত শিলাখণ্ড না পৰ্ব্বত-তরঙ্গিনী লক্ষ দিয়া অতিক্রম করিল, কণ্টক-ময় ঝোপ বা বৃক্ষ অগ্রাহ্য করিয়া পথ পরি-ষ্কার করিয়া ছুটিল। আরোহিদিগের জলন্ত নয়ন সেই বরাহের দিকে স্থিরীকৃত রহিয়াছে; তাহাদিগের উন্নত দক্ষিণ হস্ত শূণ্ঠে বর্ষা ধারণ করিয়া রহিয়াছে, তাহাদিগের হৃদয় উল্লাসে ও উৎসাহে উৎক্লিষ্ট রহিয়াছে।

বরাহ কণেক দৌড়াইয়া দেখিল অশ্ব-রোহিগণ নিকটে আসিতেছে। একবার স্থির হইয়া যেন তাহাদিগকে আক্রমণ করিবার চিন্তা করিল, কিন্তু শত যোদ্ধার হস্তে শত বর্ষার শাণিত ফলা দেখিয়া সম্মুখ-রণচিন্তা ত্যাগ করিল, লক্ষ দিয়া একটা নিবিড় ও বিস্তীর্ণ ঝোপের ভিতর প্রবেশ করিল। নিমেষমধ্যে শত অশ্বারোহী সেই ঝোপ চারিদিকে পরিবেষ্টন করিলেন। উচ্চশব্দ করিয়া বরাহকে ঝোপ হইতে বাহির করিবার প্রয়াস পাইলেন, কিন্তু

বরাহ প্রাণভয়ে লুকাইয়াছে, বাহির হইবে না। কেহ কেহ প্রস্তর খণ্ড নিক্ষেপ করিলেন, কেহ বা সেই বিস্তীর্ণ ঝোপের কোন অংশে পত্রের শব্দ শুনিয়া অনুমান করিয়া বর্ষা নিক্ষেপ করিলেন। অনেকক্ষণ সময় নষ্ট হইল, অনেক উচ্চম বার্থ হইল, বরাহ ঝোপ হইতে বাহির হইল না।

তখন হুর্জয়সিংহ বলিলেন—বন্ধুগণ, আর একরূপ বৃথা উচ্চমে আবশ্যিক কি? দেখ সূর্য্য অস্তাচলে বসিয়াছেন, আর অধিক সময় নাই। সতর্কভাবে সকলে পদব্রজে ধীরে ধীরে অগ্রসর হও। বরাহ এই ঝোপের মধ্যে আছে, আমরা চারিদিক হইতে মধ্যভাগে অগ্রসর হইলে বরাহ অবশ্য একদিক হইতে পলাইবার চেষ্টা করিবে, অথবা মধ্যদেশেই মরিবে।

যোদ্ধগণ ইহা ভিন্ন উপায় দেখিলেন না। অশ্ব হইতে অবতরণ করিয়া সকলে ধীরে ধীরে অগ্রসর হইতে লাগিলেন। তীক্ষ্ণহস্তে বর্ষা ধারণ করিয়া রহিলেন, তীক্ষ্ণনয়নে দেখিতে লাগিলেন। এবার বরাহ অবশ্যই বাহির হইবে, সহসা আক্র-মণ করিতে না পারে, এই জন্ত সকলে সতর্কভাবে সম্মুখে ও চারিদিকে দেখিতে দেখিতে ঝোপের ভিতর অগ্রসর হইতে লাগিলেন।

বরাহ বোধ হয় আরোহিদিগের উদ্দেশ্য বুঝিতে পারিল। সহসা লক্ষ দিয়া একদিক হইতে বাহির হইল : বিদ্যাৎবেগে নিকটস্থ যোদ্ধার পদ বিদীর্ণ করিল, নিমেষ-মধ্যে দূরে পলাইল।

হুই একজন যোদ্ধা আহতের সেবার জন্ত রহিলেন, অবশিষ্ট সকলে অশ্বারোহণ করিয়া পুনরায় বরাহের পশ্চাৎকাবন করি-

লেন। পুনরায় ভূমি ও শিলাখণ্ড কল্পিত করিতে লাগিলেন, বায়ুবেগে কণ্টক ও তরঙ্গিনী অভিক্রম করিতে লাগিলেন, মহানাদে বন পরিপূরিত করিতে লাগিলেন। দুর্জয়সিংহ উন্মত্তের ভায় অশ্ব ছুটাইলেন, তাঁহার দক্ষিণ হস্তে দীর্ঘ বর্ষা কল্পিত হইতেছিল।

পুনরায় বরাহ লুকাইল, পুনরায় বাহির হইয়া পলাইল, আবার লুকাইল। দিবা অবসান হইল, সন্ধ্যার ছায়া ক্রমে গাঢ়তর হইতে লাগিল, অন্ধারোহিগণ শ্রেণীভঙ্গ হইয়া ভিন্ন ভিন্ন হইয়া পড়িল। কেহ নিকটে, কেহ দূরে, কেহ প্রান্তরে, কেহ নিবিড় বনে, বরাহ অতুসন্ধান করিতেছেন।

দুর্জয়সিংহ একাকী একটা বনের মধ্যে আসিয়া পড়িয়াছেন। তাঁহার অশ্বের শরীর কেণ্ডময়, তাঁহার ললাট হইতে ঘর্ম পড়িতেছে, কিন্তু তাঁহার নয়ন স্থির, শত যোদ্ধামধ্যে তিনিই কেবল বরাহের প্রতি অবিচলিত নয়নে নিরীক্ষণ করিয়াছিলেন। অন্ধকারে বরাহ সকলের পক্ষে নিরুদ্দেশ হইয়াছে, তাঁহার পক্ষে হয় নাই। তিনি যে জঙ্গলের দিকে স্থির নিরীক্ষণ করিয়াছিলেন, বাস্তবিক তথায় বরাহ নিহিত ছিল।

এবার বরাহ রুট হইল। অল্প এক-প্রহর কাল জঙ্গল হইতে জঙ্গলে, গহ্বরে হইতে গহ্বরে লুকাইয়া প্রাণ বাঁচাইয়াছে, তথাপি একজন যোদ্ধা অব্যর্থ নয়নে তাহার পশ্চাদ্ভাবন করিয়াছে। সন্ধ্যার সময় ঘোপের ভিতর লুকাইয়াছে, সেই এক জন যোদ্ধা তাহাকে হনন করিবার জন্য সজায়মান আছে। একেবারে বিজ্যাতের ভায় গভিতে বরাহ দুর্জয়সিংহকে আক্রমণ করিতে আসিল।

দুর্জয়সিংহ বায়ুবেগে ললাটের হস্তে মৌচন করিয়া লক্ষ্যমান কোশ সরাইলেন, তীব্র দৃষ্টি করিয়া দক্ষিণ হস্তের কল্পমান বর্ষা ছাড়িলেন। প্রান্তিবশতঃ বা অন্ধকার-বশতঃ সে বর্ষা ব্যর্থ হইল, একটা সূহৃৎ শিলাখণ্ডে লাগিয়া সে শিলাখণ্ড চূর্ণ করিল, বরাহ নিমেষমধ্যে অশ্বের উদর বিদীর্ণ করিল।

প্রত্যুৎপন্নমতি দুর্জয়সিংহ পৈতৃনশীল অশ্ব হইতে লক্ষ্য দিয়া দশ হস্ত দূরে পড়িলেন। বরাহ মৃত অশ্বকে ত্যাগ করিয়া তাঁহার প্রতি ধাবমান হইল। মৃত্যু অনিবার্য! রাজপুত্র যোদ্ধা অকল্পিত নয়নে মৃত্যু প্রতীক্ষা করিতে লাগিলেন। মৃত্যু আসিল না।

অদৃষ্ট-হস্ত-নিষ্কিন্ত একটা বর্ষা আসিল, বরাহের মুখের উপর লাগাতে দস্ত চূর্ণ হইয়া রক্তধারা বাহির হইল। সে আঘাতে বরাহ মরিল না, কিন্তু দুর্জয়সিংহকে ত্যাগ করিয়া একেবারে জঙ্গলের মধ্যে পাইল, রজনীর অন্ধকারে আর বরাহকে দেখা গেল না।

রজনীর অন্ধকারে দুর্জয়সিংহ বেধিলেন, পর্বত হইতে একজন দীর্ঘাকার যুবক অবতরণ করিতেছে।

দ্বিতীয় পরিচ্ছেদ ।

ভেজাসিংহ ।

ভদ্রাভাগঃ বিরাটকৃতসংসর্গে বহুকুলমুৎসুকা

†† অগ্নিন্ কামনে দুরীকৃতকলহে বসামি ।

দশকুমারচরিতম্ ।

আহেরিয়ার দিন বরাহ পলায়ন করিল, দুর্জয়সিংহ হস্তনিক্ষিপ্ত বর্ষা ব্যর্থ হইল, অপরের সাহায্যে অন্য দুর্জয়সিংহের জীবন রক্ষা হইল—এইরূপ শত চিন্তা দুর্জয়সিংহকে দংশন করিতে লাগিল। দুর্জয়সিংহ যোগে, অভিমানে, তাঁহার প্রাণরক্ষাকারীকে ধন্তবাদ দিতে বিশ্বস্ত হইলেন। ইহাৎ ককেশ্বরে কহিলেন—আমি আপনাকে চিনি না, বোধ করি আপনি আমার জীবন রক্ষা করিয়াছেন।

অপরিচিত যুবক ধীরে ধীরে বলিলেন—যুগ্ম্যমাত্রেই যুগ্ম্যের জীবন রক্ষা করিতে চেষ্টা করে। দুর্জয়সিংহের জীবন রক্ষা করা। রাজপুত্রের বিশেষ কর্তব্য, কেননা তিনি যোদ্ধা, যেওয়ারের এই বিপদকালে তিনি স্বজাতির উপকার করিতে পারেন।

সামান্য পরিচ্ছদধারী অপরিচিত লোকের নিকট এইরূপ বাক্য শুনিয়া দুর্জয়সিংহ ইহাৎ বিশ্বিত হইলেন; জিজ্ঞাসা করিলেন—আপনার নাম জিজ্ঞাসা করিতে পারি ?

যুবক বলিলেন—পরে জানিবেন, এক্ষণে শ্রান্ত হইয়াছেন, কুটীরে আসিয়া কিঞ্চিৎ বিশ্রাম করুন।

দীর্ঘকায় বলিষ্ঠ যুবক ধীরে ধীরে অগ্রে যাইতে লাগিলেন, দুর্জয়সিংহ পশ্চাৎ পশ্চাৎ চলিলেন। অন্ধকার রজনীতে বনপথের

ভিতর দিয়া দুইজন যোদ্ধা নিকটে যাইতে লাগিলেন।

দুর্জয়সিংহ হৃৎকল পুরুষ ছিলেন না, কিন্তু অপরিচিতের দীর্ঘ ও বলিষ্ঠ বরাহ, বিশাল বক্ষঃস্থল, দীর্ঘ ও বলিষ্ঠ বাহু এবং ধীরগম্ভীর-পদবিক্ষেপ দেখিয়া বিশ্বিত হইলেন। এক্ষণে উন্নতকায় পুরুষ তিনি দেখেন নাই, অথবা, আট বৎসর পূর্বে কেবল এক জনকে দেখিয়াছিলেন।

কণেক পর যুবা সহসা দণ্ডায়মান হইয়া বলিলেন—এক্ষণে আমার একটা অঙ্গুরোধ আছে, কারণ জিজ্ঞাসা করিবেন না। আপনার উকীষ দিয়া আপনার নয়ন আবৃত করুন, পরে আমি আপনার হস্ত ধারণ করিয়া লইয়া যাইব। যদি অস্বীকৃত হইল এইস্থানে বিদায় হইলাম।

দুর্জয়সিংহ আরও বিশ্বিত হইলেন, কিন্তু যুবকের মুখের ভাব দেখিয়া বুঝিলেন, অস্বীকার করা বৃথা। বিবেচনা করিলেন, যুবক কখনই আমার অনিষ্ট করিবেন না, এইকণেই আমার প্রাণরক্ষা করিয়াছেন। যুবকের সহায়তা ভিন্নও এই নিবিড় বন হইতে বাহির হইবার উপায় নাই। কণেক এইরূপ চিন্তা করিয়া উকীষ খুলিয়া নিঃশব্দে যুবকের হস্তে দিলেন, নিঃশব্দে যুবক দুর্জয়সিংহের নয়ন বন্ধন করিলেন।

তাঁহার পর যুবক দুর্জয়সিংহের হস্ত ধরিয়া প্রায় এককোশ পথ লইয়া যাইলেন, এই পথের মধ্যে দুইজনের একটা কথাও হইল না। দুর্জয়সিংহ কোন্ দিকে যাইতেছেন কিছুই জানিলেন না, কেবল ব্রহ্মপত্নের মর্ম্মরশক শুনিতে লাগিলেন, এবং একটা পর্বত আরোহণ করিতেছেন, বুঝিতে পারিলেন। শেষে যুবক সহস্র দণ্ডায়মান

হইলেন, হুজুয়সিংহও দাঁড়াইলেন । যুবক তাঁহার চক্ষুর বস্ত্র উন্মোচন করিয়া দিলেন, হুজুয়সিংহ বিস্মিত হইয়া চারিদিকে চাহিয়া দেখিতে লাগিলেন ।

রজনী এক প্রহরের সময় হুজুয়সিংহ আপনাকে এক অন্ধকারময় পৰ্ব্বতগহ্বরে অপরিচিত লোক দ্বারা বেষ্টিত দেখিলেন । গহ্বরে একটা মাত্র দীপ জলিতেছে, সেই দীপালোকে হুজুয়সিংহ আপনার চতুর্দিকে কেবল অসভ্য ভীলজাতীয় লোক দেখিতে পাইলেন । তাহারা পরস্পরে কি কথা কহিতেছে, হুজুয়সিংহ তাহা বুঝিতে পারিলেন না । তাহারা কখন গহ্বরের মধ্যে প্রবেশ করিতেছে, পরস্পরেই বাহিরে যাইতেছে, তাহার কারণও জানিতে পারিলেন না । তিনি রাজপুত ভাষায় কথা কহিলেন, পার্শ্বস্থ যুবক ভিন্ন কেহ সে কথা বুঝিতে পারিল না । যুবক তাঁহার প্রাণ বাঁচাইয়াছে, যুবক তাঁহাকে বিশ্রামের জন্ত এই গুহায় আনিয়াছে, যুবক এ পর্যন্ত তাঁহাকে সন্মানের সহিত ব্যবহার করিয়াছেন, তথাপি হুজুয়সিংহ সেই যুবকের দিকে চাহিতে সঙ্কচিত হইতেছেন কিজন্ত ? হুজুয়সিংহ জানেন না ; কিন্তু সেই অন্ধকার গুহা, সেই ভীলঘোড়া, সেই অন্নভাষী যুবকের দিকে যত দেখিতে লাগিলেন, তাঁহার মনে সন্দেহ বৃদ্ধি পাইতে লাগিল ।

একজন দাস একটা ঝরণা হইতে জল আনিয়া দিল, হুজুয়সিংহ তাহাতে হস্তপদ প্রক্ষালন করিলেন । পরে সেই ভৃত্য কতকগুলি কলমুল ও আহারীয় সামগ্রী হুজুয়সিংহের সম্মুখে স্থাপন করিল হুজুয়সিংহের সন্দেহ দৃঢ়ীভূত হইল ; তিনি ধীরে ধীরে

চারিদিকে চাহিলেন, সে যুবক নাই । ঈষৎ ক্রুদ্ধ হইয়া বলিলেন—আমি সেই রাজপুত যুবকের অতিথি হইয়াছি, অতিথির সম্মুখে স্বয়ং আহার পাত্র স্থাপন করা রাজপুতের ধর্ম । বিবেচনা করি, ভীলদিগের মধ্যে থাকিয়া যুবক রাজপুতধর্ম বিস্মৃত হইয়াছেন ।

এককণ বাক্যে কিছুমাত্র বিচলিত না হইয়া ভৃত্য স্থিরভাবে উত্তর করিল—প্রভু রাজপুত ধর্ম বিস্মৃত হয়েন নাই, কিন্তু কোন ব্রতবশতঃ আপাততঃ চন্দাওয়ৎকুলের সহিত তাঁহার আহার নিষিদ্ধ, এই জন্ত এইক্ষণ আসিতে পারেন নাই ।

হুজুয়সিংহের সন্দেহ দৃঢ়ীভূত হইল । অস্পৃষ্ট আহার ত্যাগ করিয়া ধীরে ধীরে ঔষমান হইলেন । ক্ষণেক পর সেই অপরিচিত যুবক পুনরায় দর্শন দিলেন ও ধীরে ধীরে বলিলেন—আতিথের ধর্ম অশক্ত হইয়াছি, তাহার কারণ ভৃত্য নিবেদন করিয়াছে ; যদি আপনার আহারে রুচি না হয়, বিশ্রাম করুন ; আপনার বিশ্রামের জন্ত শয্যা রচনা করা হইয়াছে ।

হুজুয়সিংহ চারিদিকে চাহিলেন । একে একে বহুসংখ্যক ভীলঘোড়া একবার গুহায় প্রবেশ করিতেছে, একবার বাহির হইতেছে । সকলের হস্তে ধনুর্বাণ, সকলে নিস্তরু, সকলে অপরিচিত রাজপুত যুবকের দিকে চাহিয়া রহিয়াছে, যেন রাজপুত একটা আক্রমণ দিলে, একটা ইঙ্গিত করিলে, তাহারা হুজুয়সিংহের প্রাণনাশ করিতে প্রস্তুত । রাজপুত সে ইঙ্গিত করিলেন না ।

হুজুয়সিংহ সাহসী, বুদ্ধ বা বিপদকালে তাঁহার অপেক্ষা সাহসী কেহ ছিল না, কিন্তু এই অপূর্ব স্থানে অসংখ্য অসভ্য

যোদ্ধাদিগের মধ্যে আপনাকে অসহায় দেখিয়া তাঁহার হৃদয় একবার স্তম্ভিত হইল। তিনি এই প্রকৃতগুহার মধ্যে একাকী ও নিরস্ত, তাঁহার চারিদিকে শত যোদ্ধা বেটন করিয়া, আছে সকলে তাঁকনয়নে অপরিচিত রাজপুত্রের দিকে চাহিতেছে, সকলে নিস্তব্ধ ! দুর্জয়সিংহ সেই অপরিচিত রাজপুত্রের দিকে পুনরায় চাহিলেন, তাঁহার গম্ভীর মুখমণ্ডল ও স্থির নয়ন দেখিয়া তাঁহার উদ্দেশ্য কিছুই বুঝিতে পারিলেন না।

যুবক পুনরায় বলিলেন—শয্যা রচনা হইয়াছে।

যুবক দুর্জয়সিংহের মিত্র না শত্রু ? যদি শত্রু হয়েন, তবে অস্ত্র বিপদের সময় দুর্জয়সিংহের প্রাণ বাঁচাইলেন কেন, আশ্রিত সময় আপন আবাসস্থলে আহ্বান করিলেন কেন, ফলমূল ও জাহারীয় দান করিলেন কেন, এই বহুসংখ্যক ধনুর্ধর ভীল হইতে এখনও তাঁহাকে রক্ষা করিতেছেন কেন ? দুর্জয়সিংহ কিজন্ত মিথ্যা সন্দেহ করিতেছেন ? অবশ্যই যুবক কোন বিপদগ্রস্ত উন্নতবংশীয় রাজপুত্র হইবেন। স্বস্থানচ্যুত হইয়া ভীলদিগের আশ্রয় লইয়াছেন, অস্ত্র রাজপুত্রধর্ম অনুসারে দুর্জয়সিংহের যথেষ্ট উপকার করিয়াছেন, দুর্জয়সিংহ কেন তাহার প্রতি সন্দেহ করিতেছেন ?

দুর্জয়সিংহ জানেন না ; কিন্তু যখন সেই উন্নত কলেবর, সেই স্থিরনয়ন, সেই অন্নভাবী যোদ্ধার দিকে নিরীক্ষণ করেন, তখনই তাঁহার মনে সন্দেহ হয়। আহবক্ষেত্রে শত শত্রু মধ্যে বাঁহার হৃদয় বিচলিত হইয়াছে, অস্ত্র এই যুবককে দেখিয়া কি জন্ত সে বীরহৃদয় বিচলিত হইতেছে ?

সালুস্ত্রাধিপতি ও স্বয়ং মহারাণার নয়নের দিকে যে যোদ্ধা স্থিরনয়নে চাহিয়াছেন, অস্ত্র একজন বস্ত্র যুবকের দিকে কিজন্ত তিনি চাহিতে অক্ষম ?

আপনার প্রতি ঘৃণা করিয়া, সন্দেহ দূর করিয়া, দুর্জয়সিংহ যুবকের সহিত একবার সহজভাবে বাক্যালাপ করিবার চেষ্টা করিলেন। বলিলেন—যুবক ! এই পর্যন্ত আমি এই অপরূপ গুহা ও আপনার অপরূপ সঙ্গী দেখিয়া বিস্মিত হইয়া রহিয়াছি, আপনি আমার যে মহৎ উপকার করিয়াছেন, তাহার জন্ত একবার ধন্যবাদ দিতেও বিস্মৃত হইয়াছি।

যুবক। ধন্যবাদ আবশ্যিক নাই, আমি স্বদেশের প্রতি কর্তব্যমাত্র সাধন করিয়াছি।

দুর্জয়। তথাপি এ ঋণ কিরূপে পরিশোধ করিতে পারি ?

যুবক। আপনাকে অস্ত্র যেরূপ অসহায় অবস্থায় দেখিয়াছিলাম, সেইরূপ অসহায় পাইয়া কোন পতিহীনা নারীর প্রতি বা কোন পিতাহীন বাগকের প্রতি যদি কখন অত্যাচার করিয়া থাকেন, তাহাদের প্রতি এখন ধর্ম্যাচরণ করুন, তাহা হইলেই আমি পরিতৃপ্ত হইব। আমার নিজের কোন যাক্সা নাই।

দুর্জয়সিংহ চকিত হইলেন ! যুবক কি পূর্বকথা জানেন ? অস্ত্র কি শত ভীল যোদ্ধার দ্বারা পূর্ব অত্যাচারের প্রতিকূল লইবেন ? সত্যে সেই ভীলযোদ্ধাদিগের দিকে দেখিলেন, সকলের হস্তে ধনুর্ধর প্রস্তুত ! সত্যে যুবকের দিকে চাহিলেন, যুবক সেইরূপ গম্ভীর, নিস্তব্ধ ! দুর্জয়সিংহের অসমসাহসিক হৃদয়ে অস্ত্র প্রথম ভয়ের সঞ্চার হইল ; এ যুবক কে ?

যুবক পুনরায় বলিলেন—শয্যা রচনা
হইয়াছে ।

হুজুয়সিংহ হৃদয়ের উষ্মেগ দমন করিয়া
সদর্পে উত্তর দিলেন,—অতুই সূর্যামহলে
প্রত্যাগমন করিব, অতুর আবাসে বাস
করা হুজুয়সিংহের অভ্যাস নাই ।

যুবক । বেরূপ কুচি হয় সেইরূপ
করিতে পারেন, কিন্তু আমার বোধ ছিল,
অতুর আবাসহলে বাস করা আপনার
অভ্যাস আছে ।

হুজুয় । আপনি কে জানি না, ইচ্ছা হয়,
এই অসভ্য বোকা দ্বারা হুজুয়সিংহকে হনন
করিতে পারেন, কিন্তু হুজুয়সিংহ মিথ্যা
অপবাদ সহ করিবে না । রাষ্ট্রের তিলক-
সিংহের সহিত আমার বংশানুগত বিরোধ,
সেই বিরোধের বশবর্তী হইয়া আমি সম্মুখ-
সময়ে তাঁহার সূর্যামহল চূর্ণ কাড়িয়া লই-
য়াছি, এ কত্রধর্মমাত্র ।

যুবক । সম্মুখসময়ে আপনি সুপটু,
সজ্ঞেই নাই, সেই অতুই তিলকসিংহের
মৃত্যু হইলে পর আপনি তাঁহার নিরাশ্রয়
বিধবার সহিত সম্মুখরণে বীরত্বপ্রকাশ
করিয়া মারীকে হত্যা করিয়াছিলেন ।
আপনি কত্রধর্মজ্ঞ তাহাতে সন্দেহ নাই ।

একেবারে শত বৃশ্চিকদংশনের জ্বাৰ
এই কথায় হুজুয়সিংহকে ক্রিপ্ত করিয়া
তুলিল, যৌবে তাঁহার বদনমণ্ডল রক্তবর্ণ
হইল, নয়ন হইতে অগ্নিকৃষ্ণ লিজ বাহির হইতে
লাগিল, মস্তক হইতে পদ পর্য্যন্ত কাপিতে
লাগিল । অবমাননা সহ করিতে না পারিয়া
দেখকাল বিবৃত হইয়া লক্ষ দিয়া অপরিচিত
যুবকের গলদে ধারণ করিলেন ।

হুজুয়সিংহ শত ভীলবোকা ধমুকে তাঁর
সংযোজন্য করিল । অপরিচিত যুবক বাম-

হস্তে তাহাদিগকে নিবেদন করিলেন, দক্ষিণ-
হস্তে ধীরে ধীরে হুজুয়সিংহকে শূন্যে
উঠাইয়া অহুরবীর্যের সহিত দশহস্ত দূরে
নিক্ষেপ করিলেন ।

হুজুয়সিংহ উঠিয়া দাঁড়াইলেন, যুবকের
দিকে চাহিলেন, যুবক অবিচলিত ও
নিষ্কম্প । যুবকের কোষে অসি রহিয়াছে,
যুবক তাহা স্পর্শ করেন নাই । পূর্ববৎ
স্থির অবিচলিতভাবে কহিলেন—শয্যা রচনা
হইয়াছে ।

হুজুয়সিংহ নতশিরে কহিলেন,—অতুই
সূর্যামহলে ঘাইব ।

তখন যুবক হুজুয়সিংহের নিকটে
আসিলেন, পুনরায় উষ্ণীষ দিয়া নয়নধর
আবৃত করিলেন ও সুর্য অতিথির হস্তধারণ
করিয়া গুহা হইতে বাহির হইলেন । এক
ক্রোশ দুইজনে পর্বত নামিতে লাগিলেন,
একটা কথামাত্র নাই । নৈশ বায়ুতে বৃক্ষ-
পত্র মর্ম্মর শব্দ করিতেছে, স্থানে স্থানে
জলপ্রপাতের শব্দ শুনা যাইতেছে, সময়ে
সময়ে দূরস্থ শৃঙ্গাল বা বন্যপশুর শব্দ পাখি-
কের কর্ণে প্রবেশ করিতেছে । সে নৈশ বায়ুতে
হুজুয়সিংহের অলস্ত ললাট শীতল হইল না,
সে নিস্তব্ধতায় তাঁহার হৃদয়ের উষ্মেগ শুদ্ধ
হইল না ।

এক ক্রোশ পথ আসিয়া যুবক হুজুয়-
সিংহের নয়নের বস্ত্র খুলিয়া দিলেন, হুজুয়-
সিংহ দেখিলেন, যে স্থানে যুবক তাঁহার প্রাণ-
রক্ষা করিয়াছিলেন, এ সেই স্থান । যুবক
এইস্থানে হুজুয়সিংহের প্রাণরক্ষা করিয়া-
ছিলেন, তাহা স্মরণে তাঁহার মুখ পুনরায়
আবৃত হইল, কিন্তু তিনি কোনও কথা উচ্চা-
রণ না করিয়া সেই অন্ধকারময় জঙ্গলের
ভিতর দিয়া একাকী চূর্ণাভিমুখে চলিলেন ।

প্রাতঃকালের রক্তিমামুহুর্তে পূর্বাধিক দেখা দিয়াছে, একদম সময় দুর্জয়সিংহ স্বীয়মহলে প্রবেশ করিলেন। তিনি এতক্ষণ আইসেন নাই বলিয়া দুর্গে সকলেই উৎসুক হইয়াছিল। তাঁহার আগমনে সকলেই দৌড়াইয়া আসিল, দুর্জয়সিংহের মুখের ভঙ্গি ও রক্তিমাবর্ণ দেখিয়া সকলে নিঃশব্দে সরিয়া গেল। দুর্জয়সিংহকে তাহারা চিনিত।

দুর্জয়সিংহ একাকী একটা অন্ধকার প্রকোষ্ঠে বাইয়া প্রধান অর্থাৎ মন্ত্রিকে ডাকিলেন। তিনি যুদ্ধে দুর্জয়সিংহের স্তায় সাহসী, মন্ত্রণায় অভূত। দুর্জয়সিংহ ইঙ্গিত দ্বারা তাঁহাকে বসিতে আদেশ করিয়া অর্দ্ধক্ষুণ্টকরে কণ্ঠে কথন করিতে লাগিলেন।

দুর্জয়। এ দুর্গ যখন অধিকার করি, সে কথা স্মরণ আছে ?

প্রধান। সে কেবল আট বৎসরের কথা। অবশ্য স্মরণ আছে।

দুর্জয় তিলকসিংহের বিধবা হত হইলে ত্বের কি হইয়াছিল ?

প্রধান। এই দুর্গ হইতে নিরস্ত্র হুদে পড়িয়া বালক প্রাণ হারাইয়াছে।

দুর্জয়। তিলকসিংহের পুত্র অদ্যাবধি জীবিত আছে

প্রধান। তিলকসিংহের পুত্র

দুর্জয়। তিলকসিংহের পুত্র ?

প্রধান। বালক তেজ

দুর্জয়। তেজসিংহ ; কিন্তু সে অস্ত্র বালক নহে।

প্রধান। প্রকৃত ব্রাহ্ম হইয়াছেন, এ হইতে হুদে পতিত হইলে মনুষ্য বাচেনা, বালকের কথা

দুর্জয় উত্তর করিলেন না, কিন্তু মন্ত্রী দেখিলেন তাঁহার মুখমণ্ডলে ক্রোধলক্ষণ সঞ্চার হইতেছে।

প্রধান। আপনি কিরূপে চিনিলেন ? যাহাকে দশম বৎসরের বালক অবস্থায় একবার দেখিয়াছিলেন, তাহার মুখ দেখিয়া চিনা হুঃসাধ্য।

দুর্জয়। তাহার মুখ দেখিয়া চিনি নাই, তাহার কথায় চিনিয়াছি, আরও একটা উপায়ে চিনিয়াছি।

প্রধান। সে কি ?

দুর্জয়। তিলকের সহিত আমি একবার বাহ্যকুর করিয়াছিলাম, তাহার অস্বভাবীয় মেওয়ারে আর কেহ ধারণ করিত না। তাহার একটা বিশেষ বুদ্ধিকৌশল মেওয়ারে আর কেহ জানিত না। তেজসিংহ পিতার অস্বভাবীয় ধারণ করে, তেজসিংহ পিতার কৌশল জানে।

হইজনে ক্রণেক নিস্তর হইলেন। প্রধান প্রকোষ্ঠে বসিতে সাহস করিলেন না, কিন্তু মনে মনে প্রভুর কথা বিশ্বাস করিলেন না। বিবেচনা করিলেন, রাজনীতে অস্ত্র কাহারও অস্বভাবীয় দেখিয়া দুর্জয়সিংহের ভ্রম হইয়াছে। দুর্জয়সিংহ ক্রণেক পর করিলেন,—আরও একটা কথা আছে।

প্রধান। কি ?

দুর্জয়। তেজসিংহ অস্ত্র আমার প্রাণ-রক্ষা করিয়াছে !

ঘরের দ্বার উন্মোচিত হইল। দুর্জয়সিংহ একাকী ছাদে পদচারণ করিতেছেন, অস্ত্র তাঁর মুখের ভঙ্গি দেখিলে তাঁহার যে গণ্ড চমকিত হইবে।

তৃতীয় পরিচ্ছেদ ।

পুত্রশোক ।

ভীতেশপি অগারিণঃ প্রীতিপরেষপি ধৈরিণো
বিনীতেষপি উদ্ধতাঃ দয়াপরেষপি
নির্ভয়াঃ স্ত্রীষপি শূরাঃ ভৃত্যেষপি কুরাঃ
দীনেষপি দারুণাঃ ।
শাদস্বরী ।

প্রাতঃকাল হইতে সূর্য্যমহলের সৈন্ত-
সামন্ত সমাজ হইতে লাগিল। পূর্বদিক্
হইতে নবজাত সূর্য্যরশ্মি সৈন্তদিগের
বর্ষা, খড়্গ ও ধনুর্কাণের উপর প্রতিফলিত
হইতে লাগিল, সৈন্তগণ উৎসাহ ও আনন্দে
কোলাহল করিয়া দুর্গসম্মুখে একত্রিত
হইল।

দুর্জয়সিংহ সৈন্তদিগের আনন্দরব
শুনিয়া ছাদ হইতে অবতরণ করিয়া
নিঃশব্দে যুদ্ধসজ্জা করিলেন, ও অচিরে
অখারোহণ করিয়া সৈন্তগণের মধ্যে
আসিলেন। সহস্র সৈন্তের অঘনাদে সেই
পর্বতদেশ পরিপূরিত হইল।

আনন্দময় বসন্তের প্রাতঃকালে সৈন্ত-
গণ পর্বত, উপত্যকা ও ক্ষেত্রের উপর
দিগ্না গমন করিতে লাগিল। বৃক্ষ হইতে
বসন্তপক্ষী এখনও গান করিতেছে, শাখা ও
পত্র হইতে শিশির-বিন্দু এখনও সূর্য্যকিরণে
উজ্জ্বল দেখাইতেছে, প্রভাত-সমীরণ
যোদ্ধাদিগের পতাকা লইয়া ক্রীড়া করি-
তেছে। পর্বতের উপর পর্বতশৃঙ্গ যেন
নিষ্কম্প, নির্ভীক প্রহরীর স্তায় সেই
সুন্দর দেশ রক্ষা করিতেছে। যোদ্ধাগণ
একটি পর্বতের উপর দিয়া যাইতে লাগি-
লেন, মুহূর্তের অন্তর্গত সেই পর্বতের উপর

স রবার ও লোক-কোলাহল শ্রুত হইল,
মুহূর্তের অন্তর্গত পর্বতে উজ্জ্বল পতাকা ও
সৈন্তসার দৃষ্ট হইল। অচিরে সৈন্তসার
পর্বত হইতে অবতরণ করিয়া একটি
বনের মধ্যে প্রবেশ করিল, পর্বত পুন-
রায় নির্জন, শান্ত, নিস্তব্ধ !

বনের আনন্দময়ী শোভা দেখিয়া
অখারোহীদিগের হৃদয় উল্লাসপূর্ণ হইল।
নিবিড় বনের ভিতর সূর্য্যরশ্মি প্রবেশ
করিতে পারে না, অথবা ছই এক স্থলে
পত্রের ভিতর দিয়া ছই একটি রশ্মিরেখা
দেখা যাইতেছে। বসন্তের সহস্র পক্ষী
প্রাতঃকালে সুন্দর গীত আরম্ভ করিয়াছে,
যেন সে নির্জন বনস্থলী, তাহাদিগের
উৎসবগৃহ, আ। উৎসবের দিন ! সেই
নির্জন ছায়াপূর্ণ বনস্থলী একবার সৈন্ত-
রবে পরিপূরিত হইল বৃক্ষ হইতে বৃক্ষ-
স্তরে সৈন্যকোলাহল প্রতিধ্বনিত হইল !
অচিরে সৈন্তগণ বন পার হইয়া যাইল,
পুনরায় বন নির্জন, নিঃশব্দ, অথবা কেবল
বিহঙ্গ-বিহঙ্গিনীদিগের আনন্দনীয় কলুরবে
জাগরিত।

বন অতিক্রম করিয়া সৈন্তগণ একটি
বিস্তীর্ণ ক্ষেত্রে আসিয়া উপস্থিত হইল ;
চারিদিকে কেবল পর্বতশ্রেণী দেখা
যাইতেছে, মধ্যে সমতল ভূমিতে সুপক
ষবধাত্ত বায়ুতে হৃদের লহরীর স্তায় ছলি-
তেছে। কোন কোন স্থলে অর্ধিফেনের
রক্তপুষ্প সমুদয় সেই হরিদ্র 'ষবশস্ত্রের
মধ্যে শোভা পাইতেছে। নীল নির্ঘেষ
আকাশ হইতে বসন্তের সূর্য্য সেই আনন্দ-
ময় ক্ষেত্রচয়ের উপর সূর্য্যরশ্মি বর্ষণ
করিতে তছে।

এইরূপে সৈন্তগণ , ও ক্ষেত্র

উদ্ভীর্ণ হইয়া যাইতে লাগিল। কয়েক ক্রোশ এইরূপে অভিবাহিত করিয়া চন্দ্রপুর গ্রামে উপস্থিত হইল। সূর্যামহল দুর্গের অধীনে চন্দ্রপুর প্রভৃতি কয়েকটি “বশী” গ্রাম ছিল। যুদ্ধ ও বিপদকালে কোন কোন গ্রামের লোক আপনাদিগের জীবন, শস্ত্র ও সম্পত্তি রক্ষার অল্প উপায় না দেখিয়া কোন কোন পরাক্রান্ত যোদ্ধার বশতা স্বীকার করিত। সেই অবধি উক্ত যোদ্ধা তাহাদিগকে রক্ষা করিতেন, এবং তাহারা ঐ যোদ্ধার “বশী” অর্থাৎ অধীন নিবাসী হইয়া থাকিত।। পূর্ববৎ তাহারা কৃষিকার্যে লিপ্ত থাকিত, কিন্তু এক্ষণে তাহারা পূর্ববৎ স্বাধীন নহে। তাহারা যোদ্ধার দাস, যোদ্ধার ভূমি ত্যাগ করিয়া যাইতে পারে না, যোদ্ধার আজ্ঞা লঙ্ঘন করিতে পারে না।

এইরূপে চন্দ্রপুর প্রভৃতি কয়েকটি গ্রামের প্রজাগণ মেগধারের অনন্ত যুদ্ধে ব্যতিব্যস্ত হইয়া আপনাদিগের রক্ষার অল্প উপায় না দেখিয়া বহুকালাবধি সূর্যামহলে-খরদিগের বশতা স্বীকার করিয়াছিল।

যতদিন রাঠোরগণ সূর্যামহল দুর্গের অধীশ্বর ছিলেন, ততদিন চন্দ্রপুরের প্রজাদিগের অধিক কষ্ট হয় নাই; কিন্তু তিলকসিংহের মৃত্যুর পর প্রজাগণ দুর্জয়সিংহের হস্তে পতিত হইল। দুর্জয়সিংহ স্বভাবতঃ ক্রুদ্ধস্বভাববিশিষ্ট ছিলেন, চন্দ্রপুরনিবাসীদিগকে মৃত তিলকসিংহের প্রতি অল্পরক্ত দেখিয়া আরও ক্রুদ্ধ হইলেন। বশী প্রজাদিগকে যৎপরোনাস্তি শাস্তি দিতেন, সর্বদা অবমাননা করিতেন, অতিরিক্ত কর তন, সময়ে সময়ে সর্বস্ব কাড়িয়া লভেন।

যুদ্ধ সর্দার গোকুলদাস পুত্র কেশবদাসকে সর্বদা কহিত—এ অত্যাচার চিরকাল থাকিবে না, তিলকসিংহের রাজ্য তিলকসিংহের পুত্র অধিকার করিবে, ভগবান করুন, যেন সে দিন শীঘ্র আইসে।

দিন দিন দুর্জয়সিংহের অত্যাচার অসহ হইয়া উঠিল। শেষে গ্রামের লোক আর সহ করিতে পারিল না, পরামর্শ করিতে লাগিল—আমরা কিজন্ত দুর্জয়সিংহের দাস হইব? আমাদের প্রভু তিলকসিংহ হত হইয়াছেন, দুর্জয়সিংহ কি তাঁহার উত্তরাধিকারী? পথের দন্ডা কি দুর্গের অধীশ্বর? ঐ দন্ডার বিরুদ্ধাচরণ করিলে কি আমাদের ‘স্বামীধর্মের’ কোন ক্ষতি আছে? আমাদের ‘বাপতা’ (পৈতৃক ভূমিতে প্রজার অক্ষয় স্বহ) আমরা ত দুর্জয়সিংহের নিকট বিক্রয় করি নাই। তিলকসিংহের উত্তরাধিকারী আনুন, আমরা তাঁহার বশী, অল্প কাহারও নহি।

গ্রামের লোকের মধ্যে এইরূপ ভাব ক্রমে বৃদ্ধি পাইতে লাগিল। ক্রুদ্ধ দুর্জয়সিংহ প্রজাদিগের এই নিদ্রোহ ভাব দেখিয়া আরও ক্রোধান্বিত হইলেন, প্রজাদিগকে উচিত শিক্ষা দিবার জন্য প্রধান প্রধান কয়েক জনকে নিজ দুর্গে ধরিয়া আনাইলেন। দুর্জয়সিংহ বিচার করিয়া সমস্ত প্রজার অর্ধদণ্ড করিলেন, এবং সর্দার গোকুলদাসের পুত্র কেশবদাসের বিদ্রোহিতা দোষে প্রাণদণ্ড করিলেন।

ইহার তিন বৎসর পর অল্প দুর্জয়সিংহ সৈন্য সামন্ত লইয়া এই গ্রামের ভিতর দিয়া যাইতেছিলেন। যাইতে

যাইতে শতক্ৰেয়ের মধ্যে একজন দীর্ঘা-
কার লোককে দেখিতে পাইলেন।
গোকুলদাসকে চিনিতে পারিয়া সম্বন্ধস্বরে
জিজ্ঞাসা করিলেন—বৃদ্ধ শৃগা কর
দিবার চেষ্টা করিতেছিস্, না জাতীয় ধর্ম
অনুসারে কুমন্ত্রণা করিতেছিস্ ?

গোকুলদাস সৈন্ত দেগিয়া দূরে ঐ-
যাম ছিল, দুর্গেশ্বর দ্বারা এইরূপ তিরস্কৃত
হইয়া ক্রুদ্ধ হইল, কিন্তু প্রভুর বিরুদ্ধে দাস
কি করিবে ? ধীরে ধীরে পুত্রহস্তাকে
প্রণাম করিল।

পুনরায় দুর্জয়সিংহ কর্কশস্বরে পূর্বোক্ত
প্রশ্ন জিজ্ঞাসা করিলেন। দুর্জয়সিংহের
কথায় বৃদ্ধের মুখমণ্ডল উষ্ণ শোণিতে
রঞ্জিত হইল, তথাপি বৃদ্ধ ধীরে ধীরে কেবল
এইমাত্র বলিল—প্রভু, কুমন্ত্রণা আমাদের
বংশের অভ্যাস নহে।

দুর্জয়। তবে ভীক শৃগালের বংশে
কুমন্ত্রণা অভ্যাস কতদিন হইয়াছে ? বশী
দাসবংশ সাধু আচরণ কতদিন শিখিয়াছে ?

গোকুলদাস। প্রভু, আমাদের
দুর্ভাগ্যবশতঃ আমরা বশী বটে, কিন্তু দাস-
স্বের সহিত এখনও ভীকতা অভ্যাস করি
নাই, আমরা রাজপুত্র।

অস্তান্ত অশ্বারোহিণী দেখিলেন,
নির্কোষ গোকুলদাস আপনি আপনার মৃত্যু
ঘটাইতেছে। দুর্জয়সিংহ ক্রুদ্ধ স্বরে কহি-
লেন—রে বৃদ্ধ, পুত্রের প্রাণদণ্ড হইয়াছে,
তথাপি এখনও রাজার প্রতি আচরণ
শিখিলি না ? দুর্জয়সিংহ এইরূপে দাসকে
আচরণ শিখায়। এই বলিয়া ক্রুদ্ধ দুর্জয়-
সিংহ পদাঘাত করিয়া বৃদ্ধ গোকুলদাসকে
দুর্ভাগ্যবাদী করিলেন। নির্কোষ হইয়া সে স্থান
হইতে সৈন্তগণ চলিয়া গেল।

শেতশক্র দীর্ঘাকার বৃদ্ধ পাত্যোথান
করিল। রাজপুত্রের পক্ষে এই অসম
অবমাননায় একটাও শব্দ উচ্চারণ করিল
না, ধীরে ধীরে নভোমণ্ডলের দিকে চাহিল,
পরে ধীরে ধীরে সেই বিষম অত্যাচারী
দুর্জয়সিংহের দিকে চাহিল।

অনেকক্ষণ পর গোকুলদাস কহিল—
দুর্জয়সিংহ, তোকে ধন্যবাদ দিতেছি।
পুত্রশোক প্রায় বিশ্বরণ হইয়াছিলার্ম, সে
কথা তুই আজ স্বরণ করিয়া দিলি—এক-
দিন ইহার প্রতিকল দিব।

চতুর্থ পরিচ্ছেদ।

সালুম্ভ্রা।

ক্রমমাণতুরগহেবামহং
বাপ্তমানবিশ্রমচকাশতপুঙ্করঃ
সেনাসম্মিবেশমপশ্চম্।

বাসন দত্তা।

অচ্চ সলুম্ভ্রার পর্জতর্গ কি মনোহর-
রূপ ধারণ করিয়াছে ! পর্জতশৃক হইতে
চন্দাওয়ৎকুলের উন্নত পতাকা আকাশমার্গে
উঠিয়াছে, দুর্গের নত স্থানে
পতাকা উঠিতেছে, অসংখ্য সৈন্য
স্বত ও সুরশোভি হইয়াছে। চন্দাওয়ৎ-
কুলের যত সেনারা আছেন, তাঁহারা
সালুম্ভ্রায় উপনীত হইয়াছেন ; কেহ
দ্বিশত, কেহ পঞ্চশত, কেহ সহস্র সৈন্ত
লইয়া চন্দাওয়ৎকুলাধিপতি রাণওয়ৎ কুঙ্ক-
সিংহের সদনে আসিয়াছেন। সেনানী-
গণ প্রাসাদে রাজসাক্ষাৎ অপেক্ষা করিতে-

ছেন, সৈন্যগণ পর্বতের নীচে সম-
তল ক্ষেত্রে অসংখ্য শিবির সন্নিবেশিত
করিয়াছে । শিবিরের উপর হইতে চন্দাও-
য়ং পাতাকা উড়িতেছে, শিবিরের চারি
দিক্ হইতে চন্দাওয়ংকুলের বিজয়বাণ
বাজিতেছে, সঙ্গে সঙ্গে যোদ্ধাদিগের হস্ত-
ধ্বনি ও উল্লাসরব শ্রুত হইতেছে ।
প্রাতঃকালের সূর্য্যরশ্মি সেই শিবিরের
উপর পতিত হইতেছে, প্রাতঃকালের
শীতল বায়ু সেই অসংখ্য চন্দাওয়ং-পাতাকা
লইয়া খেলা করিতেছে, অথবা চন্দাওয়ং
রণবাণ চারিদিকে ক্ষেত্রে, গৃহে, উপত্য-
কায় বা পর্বতশৃঙ্গে বিস্তার করিতেছে ।
চন্দাওয়ংকুলের রণবাণ ভারতক্ষেত্রে ইহার
পূর্বেই অনেকবার শব্দিত হইয়াছে, অনেক
পর্বতে, অনেক উপত্যকায়, অনেক বৃদ্ধ-
ক্ষেত্রে শত্রুহৃদয় স্তম্ভিত করিয়াছে ।

রণবাণের সঙ্গে সঙ্গে অগ্নি বাণও শ্রুত
হইতেছে । ফাল্গুন মাস হোলীর মাস ;
পথে ঘাটে গৃহদ্বারে, নাগরিকগণ দলে
দলে গীত গাহিতেছে, একে অন্নের দিকে
আবীর নিক্ষেপ করিতেছে, উল্লাসে ও
আনন্দে মেওয়ারের আসন্ন বিপদ বিশ্বত
হইতেছে । উৎসব দিনের প্রভাবে অগ্নি
নানারূপ অশ্রাব্য স্নীত ও গীত হইতেছে,
নানারূপ কুৎসিত কৌতুকে নাগরিকগণ
বিমোহিত হইতেছে । সে কৌতুক, সে
আবীর-নিক্ষেপ হইতে অগ্নি কাহারও
পরিভ্রাণ নাই । উৎসবের দিনে নীচ ও
উচ্চ সকলই সমান, সালুম্বার প্রধান
সেনানী বা প্রধান মন্ত্রীও পথ অতিবাহন-
কালে নাগরিকদিগের আবীরে রঞ্জিত ও
ব্যতিব্যস্ত হইলেন, নাগরিকদিগের কৌতুকে
বিরক্ত হইলেন না । অগ্নি কাহারও পরি-

ভ্রাণ নাই । অন্নবয়স্ক বালকগণ বৃদ্ধের
স্বৈত শ্রম রক্তবর্ণ করিতেছিল, বৃদ্ধ প্রহার
করিতে আসিলে বালকগণ তাহার নয়নে
আবীর দিয়া করতালি দ্বারা অন্ধকে উপ-
হাস করিতে লাগিল । অগ্নি কাহারও পরি-
ভ্রাণ নাই । কৃষ্ণসিংহের প্রাসাদ হইতে
দরিদ্রের কুটার পর্য্যন্ত রক্তবর্ণে রঞ্জিত
হইল, দলে দলে বালক ও বৃদ্ধগণ পথে
পদচারণ করিতে লাগিল, দলে দলে ললনা-
গণ পথে, ঘাটে, গৃহদ্বারে কামদেবের
কমনীয় গীত উচ্চারণ করিতে লাগিল ।

বেলা দুই তিন দণ্ডের সময় রাওয়ং
কৃষ্ণসিংহ দরীশালায় অর্থাৎ সভাগৃহে আসি-
লেন, কৃষ্ণসিংহের সম্মুখে গায়ক চন্দাওয়ং-
কুলের গৌরবগান গাইতে গাইতে গৃহে প্রবেশ
করিলেন । সভাগৃহে দুর্জয়সিংহ প্রভৃতি
অধীনস্থ যোদ্ধগণ ভক্তিভাবে দণ্ডায়মান
হইয়া “মহারাজ দীর্ঘজীবী হউন” বলিয়া
অভিবাদন করিলেন । কৃষ্ণসিংহ মস্তক
নত করিয়া মঙ্গলেচ্ছু যোদ্ধাদিগের সম্মান
করিলেন ।

রাওয়ং কৃষ্ণসিংহ সিংহাসনে উপবেশন
করিলেন ; তাঁহার দক্ষিণে ও বামদিকে
যোদ্ধগণ দণ্ডায়মান রহিয়াছেন, সকলেরই
হস্তে খড়্গ ও ঢাল । বীরদিগের উপর
সানন্দে নয়নক্ষেপ করিয়া কৃষ্ণসিংহ তাহা-
দিগকে বসিবার আদেশ করিলেন, যোদ্ধ-
গণ নিজ নিজ স্থানে বসিলেন, ঢালের
সহিত ঢালের সজ্জবর্ণ-শব্দ সেই প্রশস্ত
সভামন্দিরে প্রতিধ্বনিত হইল

সকলে উপবেশন করিলে পর প্রাচীন
কৃষ্ণসিংহ গম্ভীরস্বরে বলিলেন,—“বীরগণ !
অগ্নি সমবেত হইবার কারণ আপনারা
অবগত আছেন । চিতোর তুর্কীদিগের

হস্তে, মেওয়ারের উর্করা ক্ষেত্রচয় ও সমস্ত সমতল ভূমি তুর্কীদিগের হস্তে । কেবল পর্বত ও জঙ্গল পরিপূর্ণ প্রদেশখণ্ডে মেওয়ারের স্বাধীনতা লক্ষ্মী লুকায়িত রহিয়াছেন, তথা হইতে তাঁহাকে হরণ করিতে স্নেহদিগের ইচ্ছা ।

“উত্তরে কমলমীর হইতে ক্ষণে রুক্ষনাথ পর্য্যন্ত পর্বত-প্রদেশমাত্র মহারাণার অধীন ; অবশিষ্ট সমস্ত প্রশস্ত ভূমি মোগলের করকবলিত । কিন্তু এই প্রশস্ত ভূমি হইতে মোগলের কোন লাভ নাই ; মহারাণার আদেশে এ মোগলকরকবলিত প্রদেশ জনশূন্য অরণ্য । এখানে এক জন কৃষক চাষ করে না, গোরক্ষক গো করে না, মনুষ্য বাস করে না । মহারাণার আদেশে এ প্রদেশের সমস্ত অধিবাসী পর্বতপ্রদেশের মধ্যে আসিয়া ফিরিতেছে ; বুনাস ও রবীনদীর তীরে উর্করা ক্ষেত্রচয় এক্ষণে জঙ্গলময় ও হিংস্রক পশুর আবাসস্থল হইয়াছে ; আরাবলি পর্বতের পূর্বদিকস্থ সমস্ত মেওয়ার-প্রদেশ প্রদীপশূন্য ।

“মহারাণার আদেশ কে লঙ্ঘন করিতে পারে ? মহারাণা স্বয়ং সতত এই প্রদেশ দর্শন করিতে যান, সালুম্বরা সতত মহারাঞ্জের সঙ্গে গিয়াছে । সমস্ত প্রদেশে অরণ্যের নির্জনতা দর্শন করিয়াছি, অরণ্যের নিস্তব্ধতা শ্রবণ করিয়াছি, শস্ত্রের স্থানে উচ্চ ভৃগক্ষেত্র দর্শন করিয়াছি, গমনাগমনের পথে কণ্টকময় বাবুল বৃক্ষ ও নিবিড় জঙ্গল দেখিয়াছি, মানবগৃহে হিংস্রক পশুকে বাস করিতে দেখিয়াছি । একজন ছাগরক্ষক বুনাস-নদী-তীরে নিভৃতে ছাগ-করিতেছিল, তাহার মৃতদেহ এখনও

বৃক্ষে লঙ্ঘমান রহিয়াছে । অস্ত্র কেহ মহারাঞ্জের আজ্ঞা লঙ্ঘন করে নাই ।

“মোগলগণ বুঝিবে, মেওয়ারের উত্তান-খণ্ড এক্ষণে অরণ্য ও অফলপ্রদ । তাহারা জানিবে, মহারাণার সহিত যুদ্ধ করিতে হইলে এক্ষণে অরণ্য পার হইতে হইবে, তথায় মনুষ্য নাই, সৈন্তের খাণ্ড নাই, আবাসস্থল নাই । তাহারা আরও জানিবে, হুয়াট প্রভৃতি পশ্চিম-মোগলের বন্দরের সহিত দিল্লীর যে বাণিজ্য ছিল তাহা এক্ষণে নিসিদ্ধ । এক্ষণে অরণ্যের ভিতর দিয়া তথায় যাইতে হইবে, গমনের সময় আমরা শুষুপ্ত থাকিব না ।

“বীরগণ ! এইরূপে আমরা মেওয়ারের বহির্দ্বার রক্ষা করিয়াছি । পর্বতপ্রদেশের ভিতরে প্রতি দুর্গে, প্রতি উপত্যকায়, সৈন্ত আছে । চন্দাওয়ৎকুল শীতাই মহারাণার নিকট উপস্থিত হইবে, অস্ত্রাস্ত্র খোঁকাবুল চারিদিক হইতে আসিতেছে, সম্মুখ রণের জন্ত মহারাণার সৈন্তের অপ্রতুলতা হইবে না । ভূমিয়গণ যুদ্ধ জানে না, তাহারা নিজ নিজ উপত্যকা ও নিজ নিজ আবাস-পর্বত রক্ষা করিবে । বস্ত্রজাতি-গণও ধনুর্কাগহস্তে যুদ্ধ দান করিবে । দক্ষিণে ভীলগণ, পূর্বে মীরগণ, পশ্চিমে মীনাগণ, তুর্কীদিগের সমর উৎসবে আহ্বান করিবে । শুনিয়াছি, মহারাজ মানসিংহ দিল্লীখরের পুত্রের সহিত বড় ধুমধামে আসিতেছেন, আমরাও তাঁহাকে আহ্বান করিতে প্রস্তুত আছি ।

“বীরগণ । এক্ষণে হোলীর সময় নাগরিকগণ হইতে আপনাদিগেরও পরি-ত্রাণ নাই, আমরাও পরিত্রাণ নাই । আপনাদিগের মস্তকে, বক্ষে, বাহুতে,

পরিচ্ছেদে আবার দেখিতেছি, ছষ্ট নাগরিক-গণ আমারও গুরুকেশ ও শ্বেতশশ্রু রক্ত-বর্ণ করিয়া দিয়াছে । প্রাসাদ, কুটীর, পথ, ঘাট, সমস্ত রক্তবর্ণ করিয়া দিয়াছে । আর এক হোলীর দিন আসিতেছে, সে যোদ্ধার প্রকৃত আনন্দের দিন । যোদ্ধার মস্তক ও বক্ষ অগ্ন প্রকারে রঞ্জিত হইবে, এই পর্বত-সঙ্কুল প্রদেশের প্রত্যেক গিরি ও উপত্যকা মনুষ্য শোণিতে রঞ্জিত হইবে । ঐ নাগরিকদিগের গীত ও বাজ শুনিতেছ, সেদিন মেওয়ারের অগ্নরূপ বাজ হইবে, অগ্নরূপ গীত গগনে উখিত হইবে । সেই আনন্দের দিনের জন্ত আমার যোদ্ধগণ প্রস্তুত হও ।”

সালুম্ব্রাধিপতির এই উৎসাহ-বাক্যে যোদ্ধগণ বীরমদে হুঙ্কার করিয়া উঠিল, ঝনঝনশব্দে কোষ হইতে অসি বহির্গত হইল । সে শব্দ সে হুঙ্কার সভামন্দিরে প্রতিধ্বনিত হইল, সালুম্ব্রার পর্বতশিখর অতিক্রম করিয়া গগনে উখিত হইল । এই উল্লাসরব খামিতে খামিতেই সেই প্রশস্ত সভাগৃহে উন্নত গীতধ্বনি শ্রুত হইল, সালুম্ব্রার বৃদ্ধ চারণদেব পূর্বকালের গীত আরম্ভ করিয়াছেন ।

গীত ।

“যোদ্ধগণ ! আপনারা যুবক আপনা-দিগের দৃষ্টি ভবিষ্যতের দিকে, আপনা-দিগের আশা, উৎসাহ, প্রতিজ্ঞা ভবিষ্যতের দিকে ধাবমান হই । বৃদ্ধের দৃষ্টি অতীতে । সেই অতীতকাল রক্তবর্ণ মেঘমালায় গায় আমার মানসচক্ষু আচ্ছাদন করিতেছে, আমি বহির্জগৎ দেখিতেছি না । সেই মেঘমালায় মধ্যে অগ্ন একটা জগৎ দেখি-

তেছি, অগ্ন বীর আকৃতি দেখিতেছি, শ্রবণ করুন ।

“অগ্ন আমাদের মহারাণা চিত্তেই নাই, মহারাণা পর্বত-কন্দরে বাস করেন, মহারাণা বৃক্ষতলে শিশুদিগকে লালনপালন করেন, শব্দশূন্য নিবিড় জঙ্গল মহারাণার শুদ্ধান্তঃপুর । বাল্যকালে আমি আর একজনকে এইরূপ দেখিয়াছিলাম, তিনিও পর্বতগহ্বরে বাস করিতেন, পর্বতশিখর তাঁহার উন্নত প্রাসাদ ছিল । সুদূরশ্রুত সঙ্গীতের গায় পূর্বকথা হৃদয়ে জাগরিত হইতেছে, হৃদয় আলোড়িত করিতেছে, সে কথা শ্রবণ করুন ।

সেই বালক একদিন ভ্রাতার সহিত চারণীদেবীর পর্বতে গিয়াছিলেন ; নির্ভীক বালক অগ্ন আসন ত্যাগ করিয়া সিংহ-চর্ম্মের উপর বসিলেন । চারণীদেবী শিহ-রিয়া উঠিয়া বলিলেন—যিনি সিংহচর্ম্মের উপর বসিলেন, একদিন তিনি সিংহাসনে বসিবেন । রোষে ছোষ্ঠভ্রাতা বালককে আক্রমণ করিল, কেননা উভয়েই রাজপুত্র । বালক আঘাতে জর্জরিত কলেবর হইয়া এক চক্ষু অন্ধ হইয়া পলাইল । কোথায় পলাইল ?

“ছাগরক্ষকদিগের নিকট অবশেষ কর । তাহাদিগের ঐ মলিন বেশধারী অথচ তেজঃপূর্ণ ভৃত্যটী কে ? ছাগরক্ষকগণ জানে না, জানিলে কি ছাগরক্ষকে অপটু বলিয়া বালককে অবমাননা করিয়া দূর করিয়া দিত ? অবমানিত, দূরীকৃত বালক কোথায় যাইল ?

“জঙ্গলের ভিতর অবশেষ কর । শ্রীনগরের বীর করিমচাঁদের একজন সামান্য সেনা পরিশ্রান্ত হইয়া কি স্থখে

নিন্দা যাইতেছে। বটবৃক্ষই তাহার চক্রা-
তপ, তৃণই তাহার শয্যা, খজুরই তাহার
উপাধান। বৈকালিক সূর্য্যকিরণ সেই
পত্ররাশি ভেদ করিয়া বালকের মুখের
উপর পড়িয়াছে, একটা বৃহৎ সর্প চক্র
বিস্তার করিয়া সেই বৌদ্ধ নিবারণ করি-
তেছে। করিমচাঁদের সামান্য সেনার জন্ত
কি সর্প চক্র-বিস্তার করিয়াছে? এ
সামান্য সেনা নহে, এ বালক গুপ্তবেশে
রাজপুত্র, সর্প বালকের রাজচ্ছত্রধারী।

“দিন গেল, মাস অতীত হইল, বৎসর
অতিবাহিত হইল, সেই বালক সিংহাসনে
বসিলেন, রাজচ্ছত্রধারী তাহার উপর ছত্র
ধরিল। ঐ শব্দ বজ্রনাদ! ঐ দেখ,
সংগ্রামসিংহের অশীতি সহস্র অগ্নারোহী
মেদিনী কম্পিত করিতেছে! ঐ দেখ,
তাঁহার অসংখ্য, জয়পতাকায় আকাশ রক্ত-
বর্ণ হইতেছে! ঐ দেখ, শতক্র হইতে
বিক্র্যাচল পর্য্যন্ত ও সিন্ধু হইতে যমুনা
পর্য্যন্ত তাঁহার রাজ্য বিস্তৃত হইয়াছে,
অষ্টাদশ যুদ্ধে জয়ী হইয়া তিনি এ রাজ্য
বিস্তার করিয়াছেন! পুনরায় কি পৃথ্বী-
রাজের ঞ্চায় আৰ্য্যাবর্ত একছত্র করিবেন?
কিন্তু ভারতবর্ষের পশ্চিম দিকে মেঘরাশি
জড় হইতেছে, সে তুমুল ঝটিকা ভারতবর্ষে
আসিয়া পড়িল, নুহন আগন্তুক বাবরের
মোগল-সৈন্য ভারতক্ষেত্র আচ্ছন্ন করিল!
সিংহবল প্রকাশ করিয়াও সংগ্রামসিংহ
বাবরের নিকট পরাস্ত হইলেন। কিন্তু
বীরের বীরপ্রতিজ্ঞা শ্রবণ কর—যতদিন
বারুরকে পরাস্ত না করিব, ততদিন চিতোর
প্রবেশ করিব না; মরুভূমি আমার শয্যা,
আকাশ আমার চক্রাতপ! সংগ্রামসিংহ
প্রতিজ্ঞা লঙ্ঘন করে না; পৃথুরাজের

সিংহাসনে কি আবার হিন্দুরাজ্য উপবেশন
করিবেন? আমি বৃদ্ধ হইয়াছি, আর
দেখিতে পাই না, সংগ্রামসিংহ কোথায়
গেলেন? তাঁহার অধীনস্থ বোড়শ রাজা
ও শতাধিক রাওয়ৎ ও রাওয়ল কোথায়
গেলেন, পঞ্চশত হস্তী, অশীতি সহস্র অগ্নি-
রোহী কোথায় গেল? সে আলোক
নির্করণ হইয়াছে! সে মহাতেজ চির-
কালের জন্ত লীন হইয়াছে।

“লীন হয় . নাই! বোদ্ধগণ, সৎল
হস্তে খজুর ধারণ কর, তীক্ষ্ণ বর্ষা যুদ্ধকের
উপর উত্তোলন কর, হুকার-রবে যুদ্ধে
ধাবমান হও, বায়ু-তাড়িত তৃণবৎ তুর্কী-
দিগকে দূরে তাড়াইয়া দাও, চিতোর নগর
জয় জয়-নাদে পরিপূরিত কর। বৃদ্ধের
পূর্বস্মৃতি কেবল স্বপ্ন নহে, মেওয়ারের
পূর্বদিন আসিবে। পর্বত-কন্দর ও নিবিড়
বন ত্যাগ করিয়া সংগ্রামসিংহের ঞ্চায়
প্রতাপসিংহও সিংহাসনে আরোহণ করি-
বেন, সংগ্রামসিংহের ঞ্চায় প্রতাপসিংহের
নামও দিল্লীর দ্বার পর্য্যন্ত, সমুদ্রের তীর
পর্য্যন্ত, হিমাচলের তুষারাবৃত উন্নত শেখর
পর্য্যন্ত প্রতিধ্বনিত হইবে।”

বৃদ্ধ নীরব হইল। কণমাত্র সত্যস্থল
নীরব, সহস্রা শত বোদ্ধার বজ্রনাদ ও
হুকার শব্দে সালুম্ব্রাহ্মীর পর্বত কম্পিত
হইল। পর্বতের নীচে সৈন্তগণ সেই শব্দ
শুনিল, শতশব্দ উচ্চরবে সেই শব্দ প্রতি-
ধ্বনিত করিল।

চারণদেব নিজস্থানে উপবেশন করিলে
পর সালুম্ব্রাহ্মীপতি বোদ্ধাদিগের দিকে
চাহিয়া গম্ভীর স্বরে বলিলেন—বীরগণ,
যুদ্ধের অধিক বিলম্ব নাই। যুদ্ধসুমারে

সালুম্ব্রা সর্বদাই স্বাণার দক্ষিণে থাকেন, আমি কেবল সৈন্তসংগ্রহ করিবার জন্য এখানে আসিয়াছি। চন্দাওয়ৎকুলের প্রধান প্রধান বীরগণ সৈন্তসংগ্ৰে উপস্থিত হইয়াছেন, চন্দাওয়ৎকুলের এই কমান্ডার মহারাণার আধুনিক বুদ্ধিমানী কমলমীরামুখে যাত্রা করি। বীরগণ, আমাদের সভাভঙ্গ হইল। বঙ্গগণ, অল্প হোলীর দিন, চল একবার বাৎসরিক আনন্দে মগ্ন হই, আগামী বৎসরে পুনরায় হোলী দেখিব, কে বলিতে পারে ?

আমাদের সম্মুখে প্রশস্ত ছাদে যোদ্ধ-গণ অধারোহণে হোলী খেলিতে লাগিলেন, অঞ্চালনে ও আবীরনিক্ষেপে নিপুণতা দেখাইতে লাগিলেন, পরস্পরের কুম্ভুমে পরস্পরের মস্তক, দেহ ও অঙ্গদেহ রঞ্জিত হইল, অস্ত্রের পদশব্দ ও যোদ্ধাদিগের আনন্দরব চারিদিকে শ্রুত হইল। অশ্বগণ কখন তীব্রগতিতে বাইতেছে, কখন সহসা দণ্ডায়মান হইতেছে, কখন লক্ষ দিয়া পলাইতেছে, যেন তাহারাও এই ক্রীড়ায় উন্মত্ত। অধারোহিগুণ অসাধারণ নিপুণতার সহিত অঞ্চালনের সঙ্গে সঙ্গে আত্মরক্ষা ও অপরের উপর আবীর নিক্ষেপ করিতেছেন। নীচে সৈন্তগণ, নগরে নাগরিকগণ এই ক্রীড়ায় লিপ্ত হইল, সাপ্তাহিক আনন্দরবে সালুম্ব্রা-পর্বত প্রতিধ্বনিত হইলে লাগিল। সেনানী ও সৈন্তগণের মধ্যে কয়জন পরবৎসরে পুনরায় এই ক্রীড়া করিবে ? আর কত সহস্র জন তাহার পূর্বে হন্দীঘাটার ভীষণ পর্বতভাগে চিরনিদ্রায় নিদ্রিত হইবে !

পঞ্চম পরিচ্ছেদ ।

প্রতাপসিংহ ।

হতো বা প্রাপ স সি বর্গঃ

জিত্বা বা ভোকাসে মহীঃ ।

ভগবৎগীতা ।

কয়েক দিবস মধ্যে চন্দাওয়ৎকুলেশ্বর সালুম্ব্রাধিপতি সমস্ত চন্দাওয়ৎকুলের সৈন্ত লইয়া কমলমীরামে মহারাণার সহিত যোগ দিলেন। অল্প কুলের যোদ্ধগণ দলে দলে আসিতে লাগিল। দেবগড় হইতে সন্দাওয়ৎকুলেশ্বর দ্বিসহস্র সৈন্ত লইয়া আসিলেন, তাহারাও চন্দাওয়ৎকুলের এক শাখামাত্র। বেদনোরের মৈত্রী-কুলেশ্বরগণ বহুসংখ্যক সৈন্ত লইয়া আসিলেন, তাহারা রাঠোরবংশীয়, মেওয়ারে তাহাদিগের অপেক্ষা সাহসী যোদ্ধা ছিল না। এই বংশের জয়মল্লই আকবর কর্তৃক চিতোর আক্রমণকালে অসাধারণ বীরত্ব প্রকাশ করিয়া স্বয়ং আকবরহস্তে নিধন-প্রাপ্ত হইয়াছিলেন, তাহার পুত্রেরা এখনও সে কথা বিস্মরণ হন নাই, পিতার বীরত্ব অনুকরণ করিতেই মহারাণার নিকট আসিয়াছেন। কৈলওয়া হইতে জগাওয়ৎকুল বহুসংখ্যক সৈন্ত লইয়া কমলমীরামে আসিলেন, তাহারাও চন্দাওয়ৎকুলের শাখা মাত্র। এই জগাওয়ৎকুলোদ্ভব পত্তনায়ক বীরশ্রেষ্ঠ চিতোর ধ্বংস কালে বীরত্ব প্রকাশ করিয়াছিলেন। সালুম্ব্রাধিপতির মৃত্যুর পর যোড়শবর্ষীয় পত্তন চিতোর দ্বার রক্ষা করেন, অকম্পিত হৃদয়ে সম্মুখযুদ্ধে নিজ মাতা ও বনিতার মৃত্যু দেখেন, অকম্পিত হৃদয়ে সেই দ্বারদেশে সম্মুখযুদ্ধে প্রাণদান

করেন। তাঁহারই জাতি বহু এক্ষণে জগা-
ওয়ংকুলেশ্বর, জগাওয়ংকুলের নাম রাখিতে
কৈলওয়া হইতে আসিয়া এক্ষণে মহারাণার
পার্শ্বে দণ্ডায়মান রহিয়াছেন। দৈলওয়ারা
হইতে ঝালাকুল, বেদলা ও কোটারি হইতে
চোহানকুল, বিজলী হইতে প্রমরকুল,
অশ্রান্ত স্থান হইতে অশ্রান্ত কুলের যোদ্ধ-
গণ, মেঘরাশির গ্রায় বীর-শ্রেষ্ঠ প্রতাপ-
সিংহের চতুর্দিকে জড় হইতে লাগিল।
অচিরে ষাট্টিং সহস্র সৈন্ত কমলমীরে উপ-
স্থিত হইল, সমগ্র ভারতক্ষেত্রে এরূপ
ষাট্টিংসহস্র বীরাত্মগণ্য দেশাত্মরাগী যোদ্ধা
আর ছিল না।

অশ্র ফাল্গুন মাসের শেষ দিন, বসন্তোৎ-
সবের শেষ দিন, সূতরাং রজনী দ্বিপ্রহরে
সেনাগণ এই উৎসবে মত্ত রহিয়াছে।
পর্বতশিখরে, উপত্যকার, নগরের পথে,
গৃহস্থের বাটীতে, অসংখ্য অগ্নিকুণ্ড দেখা
যাইতেছে, রজনীর অন্ধকারকে প্রদীপ্ত
করিতেছে, সেই কৃষ্ণ পর্বতরাশিকে উদ্দীপ্ত
করিতেছে। সেই অগ্নিকুণ্ডে সেনাগণ
আবার ও অশ্রান্ত দ্রব্য নিক্ষেপ করিতেছে,
হোলীকে দগ্ধ করিতেছে, গীতরবে ও হাস্ত-
ধ্বনিতে নেশানিস্কৃত্য বিদূরিত করিতেছে।
পর্বতশিখর হইতে সেই অন্ধকারময় উপ-
ত্যকা যতদূর দেখা যায়, বৃষ্ণরাশির ভিতর
দিয়া এইরূপ অগ্নিকুণ্ড দৃষ্ট হইতেছে, এই-
রূপ আনন্দরব শ্রুত হইতেছে। কল্ কল্
রবে পর্বত-নদী সেই উপত্যকার মধ্য দিয়া
বহিয়া যাইতেছে। আপন স্বচ্ছবক্ষে এই
অসংখ্য অগ্নিশিখা প্রতিবিম্ব ধারণ করি-
তেছে। বসন্ত গীতের মধ্যে মধ্যে চারণ-

র বৃষ্ণ
মেওয়ারের

স্থানে শ্রুত হইতেছে,
মেওয়ারের বিপদ-

রাশি, মেওয়ারের আসন্ন বিজয়, এই সমস্ত
বিষয়ের গীত সৈন্তমণ্ডলীকে প্রোৎসাহিত
করিতেছে। আনন্দ গীতের সঙ্গে সঙ্গে সেই
গীত নৈশ গগনে উখিত হইতেছে।

এ সমস্ত উৎসব রাত্রিতে বহুদূরে
একটা অন্ধকারময় পর্বতশিখরে উপর এক-
জন যোদ্ধা একাকী পদচারণ করিতেছিলেন।
তিনি মধ্যে মধ্যে সহসা দণ্ডায়মান হইতে-
ছিলেন, কিন্তু উৎসবের গীত শুনিবার জন্ত
নহে। মধ্যে মধ্যে সেই উপত্যকার মধ্যে
যতদূর দেখা যায়, দৃষ্টি নিক্ষেপ করিতে
ছিলেন, কিন্তু উৎসবের অগ্নিকুণ্ড দেখা
জন্ম নহে। কখন কখন কমলমীরের পূর্বে
শৈলভূর্গের উপর নয়ন নিক্ষেপ করিতে-
ছিলেন, কখন অসংখ্য সৈন্তের দিকে চাহি-
তেছিলেন, কখন বা আপন হৃদয়ে হস্ত
স্থাপন করিয়া সেই নক্ষত্রবিভূষিত অন্ধকার-
ময় নভোমণ্ডলের প্রতি দৃষ্টিপাত করিতে-
ছিলেন। ইনি মহারাণা প্রতাপসিংহ।

প্রতাপসিংহের কোষে অসি লম্বমান
রহিয়াছে, নিকটে বৃষ্ণতলে তৃণশয্যা, রচিত
হইয়াছে, চিতোর পুনরায় হস্তগত না করিয়া
যোদ্ধা অশ্র শয্যায় শয়ন করিবেন না,
প্রতিজ্ঞা করিয়াছিলেন। সেই ব্রত যতদিন
না সিদ্ধ হয়, ততদিন সূবর্ণ যৌপা, স্পর্শ
করিবেন না, জটা, শরু বিমোচন করিবেন
না, বৃষ্ণপত্র ভিন্ন অশ্র পাতে ভোজন করি-
বেন না, বেশভূষায় সামান্ত দ্রব্য ভিন্ন অশ্র
কিছু স্পর্শ করিবেন না। ষাট্টিং ভারত-
বর্ষের ষাট্টিংগণও ইষ্টসাধনার্থ প্রতাপসিংহ
অপেক্ষা কঠোর ব্রত ধারণ করেন নাই,
জগতের বীরাত্মগণ্যগণও অতীষ্ট সাধনার্থ
প্রতাপসিংহ অপেক্ষা জীবনব্যাপী উত্তম
করেন নাই।

সমগ্র ভারতভূমির ঐশ্বর্য, বীরত্ব, বুদ্ধি-বল, বাহুবল, অস্ত্রবল প্রতাপসিংহের বিরুদ্ধে একত্রিত হইয়াছে ; তাহার সঙ্গে রাজ-স্থানের অসাধারণ বীরত্ব, মাড়ওয়ার, অম্বর বিকানীর, বুদ্ধী প্রভৃতি প্রদেশের যুদ্ধবল একত্রিত হইয়াছে । ঐ নির্জন পর্বত স্থলীতে যে যোদ্ধা অন্ধকারে দণ্ডায়মান রহিয়াছেন, উনি সমগ্র ভারতবর্ষের বিরুদ্ধে একাকী যুদ্ধিবেন প্রতিজ্ঞা করিয়াছেন, অথবা স্বদেশ ও স্বাধীনতার জন্ত শেষ বণ-স্থলে, মেওয়ারের শেষ উপত্যকায় বা পর্বত-কন্দরে হৃদয়ের শোণিত দিবেন, স্থিরসঙ্কল্প করিয়াছেন ।

রজনী দ্বিপ্রহরের পর মহারাণার কয়েকজন প্রধান সেনানী সেই স্থানে উপস্থিত হইলেন, মহারাণা তাঁহাদিগের জন্তই অপেক্ষা করিতেছিলেন । তাঁহাদিগকে দেখিয়া রাণার চিন্তাসূত্র ছিন্ন হইল, তিনি সাদরে তাঁহাদিগকে আহ্বান করিলেন ।

সেই পর্বতস্থলীতে সকলে উপবেশন করিলেন । প্রতাপসিংহ বলিলেন—বীরগণ ! আপনাদিগের সাহস, আপনাদিগের উৎসাহ দেখিয়া আমি আনন্দিত হইয়াছি, এই শিখর হইতে এই অসংখ্য সৈন্য দেখিয়া আমি উল্লাসিত হইয়াছি, সেই জন্য আপনাদিগকে ধন্যবাদ দিতে এই নির্জন স্থানে আহ্বান করিয়াছি ।

সালুম্ব্রাধিপতি রাওয়ৎ কৃষ্ণসিংহ রাণার দক্ষিণদিকে বসিয়াছিলেন, তিনি বলিলেন—মহারাণা ! যুদ্ধের সময়, বিপদের সময়, কবে মেওয়ারের যোদ্ধগণ মেওয়ারের মহারাণার পার্শ্ব ত্যাগ করে ? ঐ যে অসংখ্যসৈন্য দেখিতেছেন, উহাদের হৃদয়ের

শোণিত, আমাদের হৃদয়ের শোণিত মহারাণার । আজ্ঞা করুন, সে শোণিত বহিবে ।

প্রতাপ । কৃষ্ণসিংহ, আপনার রণ আমি কখনও পরিশোধ করিতে পারিব না । যে দিন পিতার মৃত্যু হয়, যে দিন ভ্রাতা যোগমল্ল সিংহাসনে বসিয়াছিলেন, সে দিন সভার মধ্যে আপনিই তাঁহাকে বলিয়াছিলেন—মহाराজ ! আপনার ভ্রম হইয়াছে, ঐ স্থান আপনার ভ্রাতার ! সেই দিন আপনিই আমার কোষে এই অসি বুলাইয়া দিয়াছিলেন ; যতক্ষণ অসি আমার হস্তে থাকিবে, ততক্ষণ সালুম্ব্রাধিপতি আমার দক্ষিণে থাকিবেন ।

কৃষ্ণসিংহ । সালুম্ব্রা ইহা ভিন্ন অন্য পুরস্কার চাহে না । স্বামীধর্মই সালুম্ব্রার পুরুষানুগত ধর্ম, স্বামীধর্মই সালুম্ব্রার পুরুষানুগত পুরস্কার ।

পরে রাঠোর বংশীয় জয়মল্ল ও জগাওয়ৎ বংশীয় পত্তের সন্ততি ও আত্মীয়গণকে আহ্বান করিয়া মহারাণা বলিলেন—চিতোর ধ্বংসের সময় জয়মল্ল ও পত্ত জীবন দান করিয়া যে বশ ক্রয় করিয়াছেন, পুনরায় চিতোর অধিকার করিয়া আপনারাও কি সেই বশ ক্রয় করিতে অভিলাষ করুন ?

তাঁহারা উত্তর করিলেন—সাধন অগদীশ্বরের হস্তে, চেষ্টায় যোদ্ধগণের ক্রটি হইবে না ।

পরে কোটারির চোহানকুলেশ্বরকে সম্বোধন করিয়া মহারাণা কহিলেন—পিতা যখন হতাকারক বণ-বীরের করকবল হইতে গোপনে আনীত হইয়া এই কমলমীরে গোপনে বাস করিতেছিলেন, যখন পিতাকে সকলে সন্দেহ করিয়াছিলেন, চোহানকুলেশ্বরই

তাঁহার সহিত আহার করিয়া সন্দেশ ভঞ্জন করেন ! চোহানকুল সে স্বামীধর্ম এখনও বিশ্বত হইলেন নাই।

চোহান। চোহানকুল স্বামীধর্ম কখনও বিশ্বত হয় না।

প্রতাপ। বিজলীপতি ! আপনার পিতাই পিতার সেই ছরবস্থায় তাঁহাকে কঠাদান করিয়াছিলেন। মাতুল ! আপনি প্রতাপের প্রতি যত ভুলিবেন না, এই আসন্ন যুদ্ধে প্রতাপের নাম ও প্রতাপের গৌরব রক্ষা করিবেন।

উল্লাসে বিজলীপতি কহিলেন—সে গৌরব রক্ষার্থ প্রমরকুল সানন্দে জীবনদান করিবে।

পরে দৈলওয়ারার অধীশ্বরের দিকে চাহিয়া মহারাণা কহিলেন—ঝালাকুল মেওয়ারের স্তম্ভস্বরূপ, আসন্ন বিপদে তাঁহারাই আমাদের প্রহরীস্বরূপ।

দৈলওয়ারাপতি উত্তর করিলেন—ঝালা স্বামীধর্ম জানে, যুদ্ধকালে মহারাণার পার্শ্ব-ত্যাগ করে না।

এইরূপে সকল যোদ্ধার সহিত ক্ষণেক কথোপকথন হইলে পর মহারাণা কহিলেন—

“বীরগণ ! আমাদের আশ্রয় আশ্রয় করিবার কারণ আপনাদিগের নিকটে অজ্ঞাত নাই। সমগ্র ভারতক্ষেত্রের সৈন্ত-বল মেঘরাশির ন্যায় একত্রিত হইতেছে ; বর্ষাকালের প্রারম্ভেই মেওয়ারভূমির উপর আসিয়া পড়িবে। শত্রুগণ আমাদের সন্মুখ দেখিবে না। তাহারা মেওয়ারের উর্বরা ক্ষেত্র জঙ্গলময় দেখিবে ;— মেওয়ারের পর্বতবোষ্ট প্রদেশে তাহাদিগের প্রবেশ নাই।

“বাগ্নী রাণয়ের বংশ কি বিজলীপতির নিকট শির নত করিবে ? সমরসিংহ ও সংগ্রামসিংহের সম্ভানগণ কি তুর্কীর দাস হইবে ? তাহা অপেক্ষা অগৎ হইতে শিশোদীয়কুল একবারে বিলুপ্ত হউক, মুন্দর মেওয়ার দেশের পর্বত ও উপত্যকা সাগরজলে মগ্ন হউক।

“প্রতাপসিংহ মাতৃমুগ উজ্জল করিবে, প্রতাপসিংহ তুর্কীদিগের সহিত যুদ্ধিবে, পূর্বপুরুষদিগের বাহুবল এ ছতে আছে কি না, দেখিবে। যোদ্ধ ! আমরা কন্দরে ও পর্বতগুহায় বাস করিব, বাগ্নী রাণয়ের কুল স্বাধীন রাখিব, সমরসিংহ ও সংগ্রামসিংহের সম্ভতিগণ দাসত্ব জানে না—কখনও জানিবে না।

“উৎসবের দিন অস্ত শেষ হইল, আমাদিগের কার্যের দিবস উদয় হইতেছে। যোদ্ধগণ ! সে কার্যে ব্রতী হও, দৃঢ়হস্তে অসি ধারণ কর, এখনও মানসিংহ ও আকবরসাহ দেখিবেন, মেওয়ারের রাজপুত্রগৌরব বিলুপ্ত হয় নাই।”

যষ্ঠ পরিচ্ছেদ।

মানসিংহ।

শেনাস্ত্রভূমিতে চন্দ্র গর্ভিতকাস্তিঃ রমৌ তন্ত তে !
যুদ্ধান্তে প্রতিকর্ষুনেব ন পুনস্তস্তৈব পাদগ্রহঃ ॥

কান্যকাল।

পূর্বোক্ত ঘটনার পর দুই তিন মাস অতিবাহিত হইল। এই কয়েক মাস প্রতাপসিংহ নিশ্চেষ্ট ছিলেন না। তিনি যে পর্বতবোষ্ট প্রদেশখণ্ড রক্ষা করিবার

মানস করিয়াছিলেন, জাহার মধ্যে প্রত্যেক দুর্গ, প্রত্যেক উপত্যকা, প্রত্যেক পর্বত-কন্দর বার বার দর্শন করিলেন। দুর্গে গাণ্ড সঞ্চয় করিয়া দ্বার রুদ্ধ করিলেন, সৈন্তগণকে ও সমস্ত মেওয়ারবাসীদিগকে উৎসাহিত করিলেন। দুর্গেশ্বরগণ সসৈন্তে রাণার সহিত যোগ দিলেন। ভূমিয়াগণ সম্মুখ রণ জানে না, কিন্তু নিজ নিজ ভূমি রক্ষার্থ প্রাণ দ্বিতে প্রস্তুত হইল। মেওয়ারের অসভ্য জাতিগণও মহারাণার উৎসাহে উৎসাহিত হইল; দক্ষিণে ভীলগণ, পূর্বে মীরগণ, পশ্চিমে মীনাগণ ধনুর্কাগহস্তে আসিয়া রাজপুত বোদ্ধাদিগের সহিত যোগ দিল। সমস্ত প্রদেশ রণরঙ্গে উন্মত্ত হইল।

সর্বদাই মহারাণা অসংখ্যক সৈন্ত লইয়া পর্বত প্রদেশহইতে নির্গত হইতেন। দেখিতেন, তাঁহার আদেশ অনুসারে মেওয়ারের সমভূমি ও উচ্চানস্থল এক্ষণে জনশূন্য ও অরণ্যময়। লোকালয়ে হিংস্রক জীব বাস করিতেছে, শস্তক্ষেত্র অরণ্য হইয়াছে, বুনাস ও রবীনদীর উপকূলে মনুষ্যাকৃতি দৃষ্ট হয় না, মনুষ্যরব শ্রুত হয় না। প্রতাপের সৈন্ত দেখিয়া অরণ্যবিচারী পক্ষী কুলায় ছাড়িয়া উচ্চশব্দে আকাশের দিকে উড্ডীন হইল, অরণ্যবাসী জন্তুগণ দূরে নিবিড় অরণ্যের মধ্যে পলাইল। যতদূর দৃষ্টি হয়, যেন দৈবসম্পাতে এই মনুষ্যের আবাসস্থল নির্জন হইয়া গিয়াছে। কণ্টকময় বাবুলবৃক্ষে ও জঙ্গলে এই বিস্তীর্ণ জনপদ আচ্ছাদিত হইয়াছে। নিঃশব্দে এই বন বিচরণ করিয়া প্রতাপসিংহ প্রত্যাবর্তন করিতেন; বলিতেন—সমগ্র মেওয়ারদেশ এইরূপ নির্জন অরণ্যভূমি

হউক, কিন্তু সে পবিত্রভূমি তুর্কী-পদ-বিক্ষেপে যেন কলঙ্কিত না হয়।

রাণা সমস্ত দিন যুদ্ধের আয়োজনে অতিবাহিত করিয়া সন্ধ্যার সময় আপন পর্বতকন্দরে প্রত্যাবর্তন করিতেন। দেখিতেন, পাটেশ্বরী স্বহস্তে অগ্নি জালিয়া রন্ধন করিতেছেন, পুত্রগণ চারিদিকে হীন-পরিচ্ছদে ক্রীড়া করিতেছে। রাণা রণ-পরিচ্ছদ ত্যাগ করিতে করিতে স্নেহে কহিতেন—জগদীশ্বর, যেন অমরসিংহ ও অমরসিংহের মাতা চিরকাল এই পর্বত-কন্দরে বাস করে, কিন্তু তুর্কীর করপ্রদ হইয়া প্রাসাদে বাস না করে।

এইরূপে কয়েক মাস অতিবাহিত হইল। অবশেষে সম্রাট আকবরের পুত্র যুবরাজ সালীম মানসিংহের সহিত অসংখ্য সৈন্ত লইয়া মেওয়ার আক্রমণ করিতে আসিলেন। সাগরতরঙ্গের ন্যায় অসংখ্য সেনা মেওয়ারের বহির্ভাগ অধিকার করিল, সতর্ক প্রতাপসিংহ কোন প্রতিরোধ করিলেন না। ক্রমে মোগলসৈন্ত সুরক্ষিত পর্বতপ্রদেশের নিকট আসিল, দেখিল সে দুর্গম প্রদেশের দ্বার রুদ্ধ। সেই দ্বার, সেই একমাত্র প্রবেশস্থল—হলদীঘাটা! দ্বাবিংশ সহস্র রাজপুত সেই দ্বারের প্রহরী! মানসিংহ চিন্তাকুল হইয়া নিকটে শিবির সন্নিবেশিত করিলেন, সমগ্র মোগলসৈন্ত যুদ্ধার্থে একীভূত ও প্রস্তুত হইল।

পাঠক! যুদ্ধের প্রাকালে চল, আমরা একবার মোগলশিবিরে প্রবেশ করি। যে মহাবীর অম্বরোধিপতি দিল্লীর দাসত্ব স্বীকার করিয়া দিল্লীর বিজয়পতাকা বৃন্দ-দেশ হইতে কাবুল পর্য্যন্ত উড্ডীন করিয়া-

ছিলেন, সেই বীরাত্মগণ্য মহারাজ মান-
সিংহের সহিত সাক্ষাৎ করি। হায় !
জাতিবিরোধের জ্বালা আর বিরোধ নাই,
জাতিবিরোধের জন্ত অল্প রাজপুত্রকুল-
ভিলক মানসিংহ রাজপুত্রকুলভিলক
প্রতাপসিংহের ভীষণ শত্রু !

রজনীতে বহুসংখ্যক মোগলশিবির
সন্নিবেশিত হইয়াছে, শিবিরের আলোকে
সেই অন্ধকারময় পর্বতপ্রদেশ উদ্দীপ্ত
হইয়াছে, স্থানে স্থানে সৈন্যগণ এতদ
হইয়া কলরব করিতেছে। মেওয়ারীদিগের
যেরূপ প্রতিজ্ঞা, অবশ্যই ভীষণ যুদ্ধ হইবে,
সে যুদ্ধ হইতে কয়জন পুনরায় দূর দিল্লী
প্রদেশে প্রত্যাবর্তন করিবে ?

এই শিবিরশ্রেণীর মধ্যে রক্তবস্ত্র-মণ্ডিত
অসংখ্য দীপ ও পতাকা-বিভূষিত যুব-
রাজের শিবির দৃষ্ট হইতেছে। প্রশস্ত
শিবিরের মধ্যে যুবরাজ সলীম প্রকুলচিত্তে
গীত শুনিতেছেন, সন্মুখে সুরাপাত্র, নিকটে
কলকঠা প্রৌঢ়যৌবনা কয়েকজন গায়িকা।
যুবরাজের অবয়ব দীর্ঘ ও বলিষ্ঠ, ললাট
প্রশস্ত ও সুন্দর। কলা যুদ্ধ হইবে, কিন্তু
অদ্য সেই প্রশস্ত ললাট চিন্তাশূন্য, সেই
সুন্দর আনন নিরুদ্ধেগ ও হাস্য-রঞ্জিত।

শিবির হইতে এখনও আনন্দের শব্দ
উত্থিত হইতেছে, একপ সময়ে একজন ভৃত্য
আসিয়া সংবাদ দিল—জাঁহাপনা, রাজা
মানসিংহ আসিয়াছেন। বিশেষ প্রয়োজন
বশতঃ সাক্ষাৎ করিতে চালালেন।

যুবরাজ বুঝিলেন, রাজা যুদ্ধপরাম
করিতে আসিয়াছেন। গীত স্তব্ধ হইল,
যুবরাজ সকলকে বিদায় দিলেন। ক্ষণেক
পর বীরশ্রেষ্ঠ অম্বরাধিপতি মানসিংহ শিবির
প্রবেশ করিয়া যুবরাজকে তসলীম করি-

লেন। সহাস্যবদনে সলীম তাঁহাকে
আহ্বান পূর্বক ঘর রুদ্ধ করিয়া দুইজনে
নিঃশব্দে উপবেশন করিলেন।

মানসিংহ ও সলীম উভয়েই যুবক,
উভয়েই সাহসী যোদ্ধা, উভয়েই যৌব-
নোচিত উৎসাহে উৎসাহী। কিন্তু সলীম
সম্রাট পুত্র, সুতরাং সুখপ্রিয় ও বিলাসী,
তাঁহার জ্বালা বিলাসী কখনও দিল্লীর
সিংহাসনে আরোহণ করেন নাই। তাঁহার
স্বভাব সরল ও উদার, যৌবনেই
কার্য্যপ্রিয়তা অপেক্ষা সুখপ্রিয়তা প্রবল
হইয়াছিল। পরে এই সুখপ্রিয়তা একরূপ
প্রবল হয় যে, মুর্জীহান ঐ রাজ্য শাসন
করেন, দিল্লীখর জাহাঙ্গীর বন্ধু ও অমাত্য,
রমণী ও মদিরা লইয়া কালধাপন
করিতেন। মানসিংহ অসাধারণ ধীমস্পন্ন,
অসাধারণ স্থির প্রতিজ্ঞা ও কার্য্যপটু,
অসাধারণ যোদ্ধা। দিল্লী হইতে নির্গত
হইয়া অবধি মানসিংহ সমস্ত কার্য্য সম্পা-
দন করিতেন, সলীম মানসিংহের উপরেই
নির্ভর করিতেন।

সলীম কহিলেন,—রাজন ! শত্রুদিগের
রণসজ্জা আপনি দেখিয়াছেন। কবে যুদ্ধ
শ্রেয়ঃ বিবেচনা করেন ?

মানসিংহ। এ দাস কল্যুই যুদ্ধদান
উচিত বিবেচনা করে। বর্ষাকালের বিলম্ব
নাই, যত শীঘ্র দিল্লীখরের কার্য্য সমাধা
হয়, ততই ভাল।

সলীম। তাঁমারও সেই মত। দিল্লী-
খরের সেনার সন্মুখে এ পর্য্যন্ত মেওয়ারী-
গণ দণ্ডায়মান হইতে পারে নাই, কল্যুও
পারিবে না।

মানসিংহ। তাহার সন্দেহ নাই।
তথাপি আজ্ঞা দিলে ইহাও নিবেদন

যে, কল্যা প্রকৃত যুদ্ধ হইবে। এতদিন আমরা যে শ্রম সহ্য করিয়াছি, কল্যকার কার্যের সহিত তুলনা করিলে সে কেবল বালাক্রীড়া মাত্র।

সলীম। প্রকৃত যুদ্ধই তৈমুরলঙ্গ-বংশীয়দিগের রঙ্গস্থল, কিন্তু কতক্ষণ সে যুদ্ধ স্থায়ী? যুগ ও ব্যাঘ্রে কতক্ষণ যুদ্ধ সম্ভব? পিতার সেনার সম্মুখে ভীক প্রতাপ দূরে পলাইবে।

মানসিংহ। আপনার পিতার সেনার সম্মুখে দাঁড়াইতে পারে একরূপ সেনা ভারত-ক্ষেত্রে নাই, তথাপি প্রতাপসিংহ সহসা পলাইবে না, এ দাস তাহাকে জানে—

সলীম। 'মানসিংহ! আপনি আরও কি বলিতেছিলেন, সহসা থামিলেন কেন? এই প্রতাপের সাতসের কথা আমিও শুনিয়াছি। তাহা ভিন্ন আর কি অবগত আন ?

মানসিংহ। প্রতাপসিংহের সহিত পূর্বে একবার এ দাসের সাক্ষাৎ হইয়া-ছি সেই জন্তই বিশেষ করিয়া তাহাকে জানি।

সলীম। কি হ'নেন?

মানসিংহ। প্রতাপ ঘোর বিদ্রোহী, দিল্লীধরের বিরুদ্ধাচারী, কল্যা ভীষণ যুদ্ধ হইবে কেবল এই কথা দাস নিবেদন আসিয়াছিল।

সলীম। সে কথাত আমিও অবগত আছি, আপনার কি স্মার কিছু বক্তব্য নাই? মানসিংহ! দিল্লী ত্যাগ করিয়া অবধি আপনি আমার দক্ষিণ হস্তের স্বরূপ হইয়া রহিয়াছেন, আপনার উপর সকল কার্যে নির্ভর করিয়াছি, আপনার নিকট সকল কথা ব্যক্ত করিয়াছি; আপনি কি

আমার নিকট হইতে কোন পরামর্শ গোপন করিতে ইচ্ছা করেন?

মানসিংহ। প্রভুর নিকট কোনও পরামর্শ এ দাস গোপন করে নাই; কেবল প্রতাপের নিকট আমার একটা ঋণ আছে, সেই কথা স্বরণ হওয়ায় আমার সহসা বাকরোধ হইয়াছিল।

সলীম। প্রতাপও হিন্দু, আপনিও হিন্দু, ঋণ ওমোছত্ত্ব থাকা সম্ভব। আপনি যদি সুহৃদের বিরুদ্ধে যুদ্ধ করিতে অনিচ্ছুক হইয়েন, দূরে থাকিবেন, সলীম একাকী যুদ্ধদান করিবে, দেখিবে প্রতাপ বাহতে কত বল ধারণ করে।

মানসিংহের নয়ন অগ্নিবৎ প্রজ্বলিত হইল, তিনি ধীরে ধীরে কহিলেন—প্রতাপের নিকট যে ঋণ আছে তাহা তাহার হৃদয়ের শোণিতে পরিশোধ হইবে। আপনার নিকট গোপন করিবার আমার কিছুই নাই, পূর্বের অবমাননাকথাও গোপন করিব না। আপনার পিতার নিকট কহিয়াছি, আপনাকেও কহিব, শ্রবণ করুন।

“যখন শোলাপুর হইতে আমি হিন্দু-স্থানে প্রত্যাবর্তন করিতোঁছিলাম, আমি মহারাণা প্রতাপসিংহের সাক্ষাৎ অভিলাষে মেওয়ারে আসিয়াছিলাম। মেওয়ারের রাণা সূর্য্যবংশীয় এবং রাজপুতকুলের মধ্যে অগ্রগণ্য, স্মতরাং রাজস্থানের সকল রাজার পূজনীয়। প্রতাপসিংহ সম্প্রতি রাণা হইয়াছেন এইজন্ত আমি তাঁহার সহিত সাক্ষাৎ করিতে আসিয়াছিলাম।

“চিতোরধ্বংসের পর উদয়সিংহ উদয়-পুরে রাজধানী করিয়াছিলেন কিন্তু প্রতাপ পিতার প্রাসাদ ত্যাগ করিয়া কমলমীরের

পর্যন্ত থাকেন। আমার আগমন-বার্তা শুনিয়া আমাকে আহ্বান করিবার জন্ত তিনি কমলমীর হইতে উদয়সাগর পর্যন্ত আসিয়াছিলেন।

“উদয়সাগরের কূলে মহাসমারোহে ভোজনাদি প্রস্তুত হইল। আমি ভোজনে বসিলাম, কিন্তু রাণা দেখা দিলেন না! প্রতাপের পুত্র অমরসিংহ বলিলেন যে, তাঁহার পিতার শিরোবেদনা হইয়াছে, তিনি সেই হেতু আসিতে না পারিয়া আতিথেয় করিবার জন্ত সন্তানকে প্রেরণ করিয়াছেন, সে জন্ত আমি যেন দোষ গ্রহণ না করিয়া ভোজন আরম্ভ করি।

“মানসিংহ জগৎ দেখিয়াছে, মানব-চরিত্র পাঠ করিয়াছে, এ শিরোবেদনার কারণ বুঝিল। দিল্লীশরের সহিত কুটু-স্থিতা করিয়াছি বলিয়া গর্কিত বিদ্রোহী প্রতাপসিংহ আমার আতিথেয় করিতে অস্বীকার করিলেন।” মানসিংহের স্বর ক্রোধে রুদ্ধ হইল।

সলীম। তাঁহার পর ?

মানসিংহ জুড়স্বরে কহিতে লাগিলেন, “আমি অমরকে বলিলাম, রাণাকে জানাই-বেন, আমি শিরোবেদনার কারণ অবগত আছি, যাহা হইয়াছে তাহা খণ্ডাইবার উপায় নাই; সেজন্য মহারাণা যদি আমার সম্মুখে পাত্র না দেন, কে দিবেন ?

“প্রতাপসিংহ আমার সে ভদ্র অভ্যর্থ-নায় যে অভদ্র উত্তর দিয়াছিলেন, তাহা মানসিংহ এ জীবনে ভুলিবে না; অথবা কল্য রণস্থলে ভুলিবে।

“প্রতাপ বলিয়া পাঠাইলেন, তুর্কীকে যিনি রাজপুত্র ভগিনী সম্প্রদান করিয়া-ছেন, সম্ভবতঃ তুর্কীর সহিত তাঁহার আহার

হয়, তাঁহার সহিত রাণা খাইতে পারেন না।

“এই উত্তর পাইয়া আমি অম্পৃষ্ট অন্ন রাখিয়া উঠিলাম; কেবল কয়েকটি দানা অন্নদেবের নাম করিয়া উষ্ণীষে রাখিলাম; সেই দিন পণ করিলাম, যদি সেই গর্কিতের গর্ক নাশ না করি, আমার নাম মানসিংহ নহে। সেই অবমাননা-খণ্ড কল্য প্রতাপের হৃদয়ের শোণিতে পঙ্কি শোধ করিব।”

মানসিংহের সমস্ত শরীর কম্পিত হইতেছিল, নয়ন হইতে যেন জলন্ত অগ্নি বহির্ভূত হইতেছিল। সলীমও অবিচলিত ছিলেন না, সরোষে বলিলেন—বীরপ্রবর! আপনার যে অবমাননা করিয়াছে, সে আমাদের তদপেক্ষা অধিক অবমাননা করিয়াছে, সলীম তাহার পরিশোধ দিতে সক্ষম। আমাদের একই অবমাননা একই পরিশোধ। কল্য একত্রে সেই অবমাননার পরিশোধ দিব, অন্য ব্যস্ত হইবেন না।

সলীমের এই প্রতিজ্ঞায় মানসিংহের হৃদয়ের জ্বালা কিঞ্চিৎ শান্ত হইল; চক্ষুতে একবিন্দু জল আসিল; সলীমকে নিস্তক্ষে আলিঙ্গন করিয়া নিঃশব্দে শিবির হইতে বহির্গত হইলেন।

সে রজনীতে যুবরাজের শিবিরে আর গীত বা বাস্তবনি বা, আনন্দরব শুনা গেল না। প্রভাত হইতে না হইতেই অন্ধ বাস্তব হইল, অন্ধ রবে আকাশ ও মেদিনী কম্পিত হইল।

সপ্তম পরিচ্ছেদ ।

—:~:—

হলদীঘাটার যুদ্ধ ।

স যোযঃ * * *

নভস্তু পৃথিবীকৈব তুমুলো বাহুনাঘরন ।

ভগবদ্গীতা ।

তুমুল সংগ্রাম আরম্ভ হইল। এক দিকে অসহ্য অবমাননার প্রতিশোধ বাঞ্ছা, অপর দিকে শিশোদীয়কুলের চিরস্বাধীনতা রক্ষার স্থির প্রতিজ্ঞা। একদিকে মোগল ও অসহরের অসংখ্য ও সুশিক্ষিত সৈন্ত, অপর দিকে মেওয়ারের অতুল ও অপরি-সীম বীরত্ব।

হলদীঘাটার উপত্যকায় ও উভয় পার্শ্বের পর্বতের উপর দ্বা বংশ সহস্র রাজপুত্র সজ্জিত রহিয়াছে ; দলে দলে যোদ্ধগণ আপন আপন কুলাধিপতির চারিদিক বেষ্টন করিয়া অপূর্ব রণ দিতেছে ; কখনও বা দূর হইতে তীর বা বর্ষা নিক্ষেপ করিতেছে, কখনও বা কুলাধিপতির ইচ্ছিতে বর্ষাকালের তরঙ্গের ত্রায় হৃদমনীয় তেজে শত্রুসৈন্তের মধ্যে পড়িয়া ছারখার কারিতেছে।

পর্বত শিখরের উপর অসভ্য জাতিগণ ধমুর্কাণ হস্তে দণ্ডায়মান রহিয়াছে, বর্ষার বৃষ্টির ত্রায় তীর নিক্ষেপ করিতেছে, অথবা সুবিধা পাইলেই প্রকাণ্ড প্রকাণ্ড শিলাখণ্ড শত্রুসৈন্তের উপর গড়াইয়া দিতেছে।

অদ্য তুমুল উৎসবের দিন, সে উৎসবে কেহ পরাভূত হইল না। চোহান ও রাঠোর, ঝালা, চন্দাওয়ৎ ও জগাওয়ৎ, সকল কুলের যোদ্ধগণ ভীষণনাদে শত্রুর উপর পড়িতে লাগিল। একদল হত হয়, অল্প দল

অগ্রসর হয়, অসংখ্য সৈন্তের শবরাশির উপর দিয়া অসংখ্য সৈন্ত অগ্রসর হইতে লাগিল।

কিন্তু দিল্লীর অসংখ্য সৈন্তের বিরুদ্ধে এ বীরত্ব কি করিবে? দিল্লীর ভীষণ কামান-শ্রেণী হইতে ঘন ঘন মৃত্যুর আদেশ বহির্গত হইতে লাগিল, দলে দলে রাজপুত্রগণ আসিয়া জীবন দান করিল।

এই বিঘোর উৎসবে প্রতাপসিংহ পশ্চাতে ছিলেন না। যুদ্ধের প্রারম্ভ হইতে অম্বরাদিপতির দিকে তিনি দাবমান হইলেন, কিন্তু দিল্লীর অসংখ্য সেনা ভেদ করিয়া তথায় উপস্থিত হইতে পারিলেন না।

তৎপবে প্রতাপসিংহ, সলীম বখার হস্তী-আবরণ করিয়া যুদ্ধ করিতেছিলেন, সেইদিকে নজ অস্ত্র দাবমান করিলেন। এবার ভীষণনাদে রাজপুত্রগণ মোগলসৈন্ত বিদীর্ণ করিয়া অগ্রসর হইল। স্তরে স্তরে মোগলসৈন্ত সজ্জিত ছিল, কিন্তু বর্ষাকালের পর্বততরঙ্গের ত্রায় সমস্ত প্রতিবন্ধক ভেদ করিয়া প্রতাপসিংহ ও তাঁহার সৈন্তগণ অগ্রসর হইলেন ; বর্ষা ও অগ্নি আঘাতে মোগলদিগের সৈন্তরেখা লণ্ডভণ্ড করিয়া অগ্রসর হইলেন। সলীম ও প্রতাপসিংহ সম্মুখীন হইলেন।

দুই পক্ষের প্রসিদ্ধ যোদ্ধগণ নিজ নিজ প্রভুর রক্ষার্থে অগ্রসর হইলেন। অচিরে যে তুমুল হত্যাকাণ্ড, যে গগনভেদী জয়নাদ ও আর্ন্তনাদ আরম্ভ হইল, তাহা বর্ণনা করা যায় না। রাজপুত্র ও মোগলদিগের বিভিন্নতা রহিল না, শত্রু ও মিত্রের বিভিন্নতা রহিল না। দুই পক্ষের পতাকার চারিদিকে শব রাশীকৃত হইল।

ধ্বংসপ্রাপ্ত হইল সলীমের

রক্ষকগণ ভূতলশায়ী হইল। তখন প্রতাপ সলীমকে লক্ষ্য করিয়া দীর্ঘ বর্ষা নিক্ষেপ করিলেন, হাওদার লৌহে সেই বর্ষা প্রতি-
রুদ্ধ হওয়ায় সলীম সে দিন জীবন রক্ষা পাইলেন। রোষে গর্জন করিয়া প্রতাপ অশ্ব ধাবমান করাইলেন, অশ্ববর চৈতন্যও প্রতাপের যোগ্য, লক্ষ্য দিয়া হস্তীর শরীরের উপর সশুখের পদ স্থাপন করিল। প্রতাপের অব্যর্থ আঘাতে হস্তীর মাহুত হত হইল। হস্তী তখন প্রভুর বিপদ জানিয়াই যেন সলীমকে লইয়া পলায়ন করিল। তুমুল শব্দে হৃদয়মনীয় প্রতাপসিংহ ও তাঁহার সঙ্গিগণ পশ্চাৎকাবমান করিলেন, মোগলসৈন্তের শ্রেণী বিদীর্ণ করিয়া ভিতরে প্রবেশ করিলেন। প্রতাপসিংহের সে অসাধারণ বীরত্ব দেখিয়া হিন্দুগণ আর্জুনির কথা স্মরণ করিল, মুসলমানগণ মুহূর্ত্তের জন্ত মনে মনে প্রমাদ গণিল।

তখন মুসলমানগণ নিজের বিপদ দেখিয়া ক্ষিপ্তপ্রায় হইল। মুসলমান যোদ্ধগণ ভীক নহে, পঞ্চশত বৎসর ভারত-বর্ষ শাসন করিয়াছে, অদ্য হিন্দুর নিকট অবমাননা স্বীকার করিবে না। একবার আল্লাহ "আকবর" শব্দে আকাশ ও মেদিনী কম্পিত করিয়া প্রতাপকে চারিদিকে বেষ্টন করিল। রাজপুতগণ পলায়ন জানে না, প্রভুর চারিদিকে হত হইতে লাগিল। শরীরের সপ্তস্থানে আহত হইয়াও প্রতাপ বিপদ জানেন না, তখনও অগ্রসর হইতেছেন।

পশ্চাৎ হইতে কয়েকজন রাজপুত যোদ্ধা মহারাণার বিপদ দেখিলেন এবং ছদ্মরশ্মি করিয়া শিশোদীয়ার পতাকা লইয়া অগ্রসর হইলেন। পতাকা দেখিয়া

সৈন্তগণ অগ্রসর হইল, প্রতাপ যে স্থানে বুদ্ধ করিতেছিলেন তথায় যাইয়া উপস্থিত হইল, সবলে প্রভুকে সেই নিশ্চয় মৃত্যু হইতে সরাইয়া আনিল। সে উদ্বয়ে শত রাজপুত প্রাণদান করিল।

পুনরায় প্রতাপসিংহ যুদ্ধমুখে সংজ্ঞা হারাইয়া মোগলরেখার ভিতর প্রবেশ করিলেন। পুনরায় তাঁহার রাজচ্ছত্র শত্রু-বেষ্টিত দেখিয়া রাজপুতগণ পশ্চাৎ হইতে অগ্রসর হইয়া সমরোন্মত্ত বীরকে নিশ্চয় মৃত্যুর কবল হইতে সবলে উদ্ধার করিয়া আনিল।

কিন্তু প্রতাপসিংহ অস্ত্র ক্ষিপ্ত—উন্মত্ত ! জ্ঞানশূন্য হইয়া তৃতীয়বার মোগলসৈন্ত-রেখার ভিতর প্রবেশ করিলেন ! এবার মোগলগণ ক্ষিপ্তপ্রায় হইল, রোষে ছড়ার করিয়া শত শত সেনা প্রতাপকে বেষ্টন করিল, প্রতাপের বহির্গমনের পথ রাগিল না। এবার মোগলগণ এই কাফের বীরকে হত করিয়া দিল্লীখবরের হৃদয়ের কণ্টকোদ্ধার করিবে, মানসিংহের অবমাননার পরিশোধ দিবে !

পশ্চাতে রাজপুতগণ মহারাণার বিপদ দেখিয়া বার বার তাঁহার উদ্ধারের চেষ্টা করিল। কিন্তু মোগলসৈন্ত অসংখ্য, রাজপুতদিগের প্রধান প্রধান বীর হত হইয়াছে, রাজপুতগণ হীনবল হইয়াছে, এবার প্রভুর উদ্ধার অসম্ভব।

বার বার দলে দলে রাজপুতগণ প্রভুর উদ্ধার চেষ্টা করিল, দলে দলে কেবল অসংখ্য শত্রু বিনাশ করিয়া আপনারা বিনষ্ট হইল। মোগলরেখা অতিক্রম করিতে পারিল না, এবার প্রভুর উদ্ধার করিতে পারিল না।

দূর হইতে দৈলওয়ারার অধিপতি এই ব্যাপার দেখিলেন। মুহূর্তের জন্ত ইষ্টদেবতা স্মরণ করিলেন, পরে আপনার ঝাড়াবংশীয় যোদ্ধা লইয়া সম্মুখে ধাবমান হইলেন। মেওয়ারের কেতন সুবর্ণশূর্য্য একজন সৈনিকের হস্ত হইতে আপনি লইলেন, এবং মহা কোলাহলে সেই কেতন লইয়া ঝালাকুলের সহিত অগ্রসর হইলেন।

সে তেজ মোগলগণ প্রতিরোধ করিতে পারিল না, বীর দৈলওয়ারাপতি শক্ররেখা বিদীর্ণ করিলেন। সঙ্গে সঙ্গে ঝালাকুল, যথায় প্রতাপ উন্নত রণকুঞ্জেরে ঞ্চায় যুদ্ধ করিতেছিলেন, তথায় উল্লাসরবে উপস্থিত হইল। সবলে প্রভুকে রক্ষা করিলেন, প্রতাপকে সেই শক্ররেখা হইতে উদ্ধার করিয়া আনিলেন, ও সেই উত্তমে সম্মুখরণে আপনার প্রাণদান করিলেন।

পতনশীল দেহের দিকে চাহিয়া মহা-মুত্তব প্রতাপ বলিলেন—দৈলওয়ারা! অল্প আপনার জীবন দিয়া আমার জীবন রক্ষা করিয়াছ। দৈলওয়ারা ক্ষীণস্বরে উত্তর করিলেন—ঝালা স্বামীধর্ম্ম জামে; বিপদ-কালে মহারাণার পার্শ্বত্যাগ করে না।

প্রতাপসিংহ স্মরণ করিলেন, ফার্সন মাসের শেষ দিন রজনীতে দৈলওয়ারাপতি এই কথাগুলি বলিয়াছিলেন। দৈলওয়ারা-পতির জীবশূন্ত-দেহ ভূতলে পড়িল।

ছাবিশ্ৰ সহস্র রাজপুত যোদ্ধার মধ্যে চতুর্দশ সহস্র সেদিন হৃতলশায়ী হইল, অবশিষ্ট আট সহস্রমাত্র যুদ্ধক্ষেত্র ত্যাগ করিল। প্রতাপসিংহ অগত্যা হন্দীঘাটার যুদ্ধক্ষেত্র ত্যাগ করিলেন। মোগলগণ জয়লাভ করিল, কিন্তু সে যুদ্ধকথা সহসা বিস্মৃত হইল না। বহু বৎসর পরে

দিল্লীতে, দাক্ষিণাত্যে বা বঙ্গদেশে প্রাচীন মোগলযোদ্ধৃগণ যুবক সেনাদিগের নিকট হন্দীঘাটা ও প্রতাপসিংহের বিস্ময়কর গল্প বলিয়া রজনী অতিবাহিত করিত।



অষ্টম পরিচ্ছেদ ।

ব্রাহ্মণ্য ।

দিনকরকুলচন্দ্র চলকতো সরভসমেহি
পরিষদ্বয় ।
হুহিনশকগশাতনৈস্তবান্ধৈঃ শমমুপধাতু
সমাপি চিত্তদাহঃ ॥
উত্তর চরিতম্ ।

যুদ্ধক্ষেত্র হইতে প্রতাপ পলায়ন করিলেন, কিন্তু তখনও তাহার বিপদ শাস্তি হয় নাই; দুই জন মোগল, একজন খোরা-সানী, অপর জন মূলতানী, তাহার পশ্চা-দ্ধাবন করিতেছিলেন। প্রতাপের তেজস্বী অশ্ব চৈতক লক্ষ দিয়া একটা পর্বতনদী পার হইয়া গেল, মোগলগণের সেই নদী পার হইতে সক্ষম হইল। কিন্তু চৈতকও আহত, প্রতাপও আহত। পশ্চাদ্ধাবক সন্নিকটে আসিতেছে, তাহাদিগের অশ্বের পদশব্দ সেই পর্বতরাশিতে শব্দিত হই-তেছে, প্রতাপ শুনিতে পাইলেন। এবার রক্ষা নাই জানিলেন, কিন্তু বীরের ঞ্চায় মরিবেন প্রতিজ্ঞা করিলেন।

সহসা পশ্চাৎ হইতে স্বর শুনিলেন,
—“হো নীলা ঘোড়ারা আসওয়ার!”
পশ্চাতে চাহিয়া দেখিলেন, কেবল একজন

অস্বাভাবিক। সেই অস্বাভাবিকী তাঁহার বিষম শত্রু ও সহোদর ভ্রাতা শত্রু !

রোষে প্রতাপসিংহ কহিলেন—সংগ্রাম-সিংহের পোষ্য হইয়া মোগলদের দাস হইয়াছ, ইহাতেও যথেষ্ট কলঙ্ক হয় নাই ; এক্ষণে ভ্রাতাকে বধ করিতে পশ্চাৎকাবন করিয়াছ ? কুলকলঙ্ক ! প্রতাপসিংহ অল্প সংগ্রামসিংহের বংশ নিষ্কলঙ্ক করিবে। শত্রু প্রতাপের কথায় ভীত হইলেন না, রুষ্ট হইলেন না, ধীরে ধীরে প্রতাপের নিকট আসিয়া বলিলেন—ভ্রাতঃ, একদিন তোমার প্রাণনাশে ইচ্ছুক হইয়াছিলাম, কিন্তু অল্প সে ইচ্ছা তিরোহিত হইয়াছে। অল্প তোমার বীরত্ব দেখিয়া মোহিত হইয়াছি, পূর্বদোষ ক্ষমা কর, ভ্রাতাকে আলিঙ্গন দান কর।

প্রতাপসিংহ দেখিলেন, শত্রুর নয়নে জল। বহুদিনের বৈরভাব দূরে গেল, ভ্রাতৃস্নেহে উভয়ের হৃদয় উথলিল, উভয়ে উভয়কে স্নেহে আলিঙ্গন করিলেন।

প্রতাপের মহত্ব, ও প্রতাপের বীরত্ব, দেখিয়া অল্প শত্রুর বৈরভাব তিরোহিত হইয়াছে, বহু বৎসরের ভ্রাতৃবিরোধ তিরোহিত হইয়াছে। ভ্রাতার নিকট ভ্রাতা ক্ষমা স্বীকার করিতেছে, প্রতাপ কি সেই স্নেহদানে বিরত হইবেন ? প্রতাপ পূর্বদোষ বিস্মৃত হইলেন, সাক্ষরনয়নে হৃদয়ের ভ্রাতাকে হৃদয়ে ধারণ করিলেন।

যে দুই জন মোগল প্রতাপকে পশ্চাৎকাবন করিয়াছিল, তাহারা কোথায় ? শত্রু দূর হইতে তাহাদিগকে দোখিয়াছিলেন, ভ্রাতার প্রাণনাশের সম্ভাবনা দেখিয়া অব্যর্থ বর্ষীয় সে মোগলদিগের প্রাণনাশ করিয়াছেন।

সন্ধ্যার ছায়া সেই নির্জন উপত্যকায় অবতীর্ণ হইতে লাগিল, পর্বতের উপর আরোহণ করিতে লাগিল, জগৎকে ব্যাপ্ত করিতে লাগিল। সেই নির্জন, নিঃশব্দ উপত্যকায় দুই ভ্রাতা অনেক দিনের অপহৃত ভ্রাতৃস্নেহ পাইলেন, অনেক দিনের হারাধন পাইলেন। স্নেহ হৃদয়ে লীন হয়, একবারে শুষ্ক হয় না, সেই লীন স্নেহধারা অল্প বীরত্বের হৃদয়কে প্রাণিত করিতে লাগিল।

অনেকক্ষণ পর প্রতাপসিংহ কহিলেন—ভাই শত্রু ! আজি প্রতাপের পরাজয়ের দিন নহে, আজি বিজয়ের দিন ; আজি যে অপহৃত ধন ফিরিয়া পাইলাম, যুদ্ধে পরাজয় তাহার নিকট কি তুচ্ছ ? ভাই ! যেন আমরা পূর্বের বিদ্রোহ চিরকাল বিস্মৃত হই, যেন আমাদের চিরকাল এইরূপ স্নেহ থাকে। ভাইয়ে ভাইয়ে মিলিত হইয়া স্বদেশ রক্ষা করিব, বিদেশীয় শত্রুকে ভয় করিব না, দিল্লীশ্বর বা মানসিংহকে ভয় করিব না।

নবম পরিচ্ছেদ ।

নাহারী মগুরো ।

অন্তঃস্থ্যন্তরেণ বৃদ্ধবচনোং সংপীড়্য পিণ্ডোকৃতো
যদ্যদ্ব্যাপ্তিশস্যাবৎ পরিদহন্ মন্থাশ্চিরং যঃ স্থিতঃ ।
ক্ষুধাতোব স এষ সম্প্রতি মম ন,কারভিন্নস্থিতেঃ
কল্পাপায়মকং প্রকীর্ণপরসঃ সিন্ধোরিবৌর্কানলঃ
বীরচরিতম্ ।

যেদিন রজনীতে তেজ সংহ দুর্জয়-
সিংহের প্রাণরক্ষা করিয়া আপন গহ্বরে
আশ্রয় দান করিয়াছিলেন, আমরা এক্ষণে
সেই দিনের কথা পুনরুত্থাপন করিব ।

রজনী দ্বিপ্রহরে দুর্জয়সিংহের নিকট
বিদায় লইয়া তেজসিংহ গহ্বরভিমুখে
যাইলেন না ; অন্ধকার নিশীথে, কেবল
তারকালোকে, নিস্তরু কানন ও তমুসাম্বল
পর্বতপথ একাকী অতিবাহন করিতে
লাগিলেন ।

যাইতে যাইতে কখন কখন গভীর
বনের ভিতরে আসিয়া পড়িতেন । একে
অন্ধকারময় রজনী, তাহাতে পাদপশ্ৰেণী
অতিশয় নিবিড়, সুতরাং সে অন্ধকারে
আপন হস্তও দেখা যায় না । কিন্তু সে
পর্বতপ্রদেশে কোনও স্থান, কোনও গহ্বর,
কোনও উপত্যকা তেজসিংহের অজ্ঞাত
ছিল না ; অথু আট বৎসর অবাধি গৃহচ্যুত
হইয়া ভীলুদিগের সহিত পর্বতে বিচরণ
করিতেন, গহ্বরে শয়ন করিতেন, কাননে
লুকাইয়া থাকিতেন । সেই আলোকশূণ্য
শব্দশূণ্য, নৈশকানন একাকী অতিবাহন
করিতে লাগিলেন ।

কানন হইতে নিষ্ক্রান্ত হইয়া সম্মুখে
উন্নত পর্বতশ্রেণী দেখিতে পাইলেন ।

পর্বতপথ অতিশয় ছুতর, কিন্তু পার্বতীয়
বরাহ শার্দূলও তেজসিংহের অপেক্ষা
পর্বত অতিক্রমে সক্ষম নহে । তেজ-
সিংহের দক্ষিণ হস্তে সেই দীর্ঘ বর্ষা ; সেই
বর্ষাধারীর দীর্ঘ উন্নত অবয়ব দেখিলে
ভীষণ বন্যজন্তুও ধীরে ধীরে পথ হইতে
সরিয়া যাইত ।

প্রায় একপ্রহরকাল এইরূপে ভ্রমণ
করিয়া তেজসিংহ অবশেষে একটি পর্বত-
তলে উপস্থিত হইলেন । তখন মুহূর্তের
জন্ত দণ্ডায়মান হইলেন । ললাট হইতে
দীর্ঘকেশ পশ্চাতে নিক্ষেপ করিলেন,
স্থিরনয়নে আকাশের দিকে ক্ষণেক নিরী-
ক্ষণ করিলেন, কাহাকে উদ্দেশ করিয়া
ধীরে ধীরে প্রণত হইলেন, পরে পুনরায়
নিঃশব্দে একাকী সেই পর্বতে আরোহণ
করিতে লাগিলেন ।

প্রায় একদণ্ডের মধ্যে সেই পর্বতচূড়ায়
আরোহণ করিলেন । চূড়ার অনাতদূরে
একটি গহ্বর ছিল, সেই গহ্বরমুখে উপ-
স্থিত হইয়া তেজসিংহ আর একবার দণ্ডায়-
মান হইলেন । স্থিরনয়নে গগনের নক্ষত্রের
দিকে ক্ষণেক নিরীক্ষণ করিলেন, পরে নিঃশব্দে
সেই আলোকশূণ্য শব্দশূণ্য সুষুপ্ত জগতের
দিকে চাহিয়া রহিলেন, তাঁহার মনে কি
গভীর চিন্তার উদ্বেক হইতেছিল কে
বলিতে পারে ? কতক্ষণ পরে চিন্তা সম্বরণ
করিয়া নিঃশব্দে সেই গহ্বরে প্রবেশ করি-
লেন !

গহ্বরে কবাট । তেজসিংহ সবলে
সেই কবাট নাড়িলেন, সে দীর্ঘ বাহর
অমাতুল্যিক বলে কবাট ঝন্ঝনা শব্দ করিয়া
উঠিল, কিন্তু ভিতর হইতে কোনও উত্তর
পাইলেন না ।

পুনরায় শব্দ করিলেন, পুনরায় প্রতি-
ধ্বনি হইল, কিন্তু কোনও উত্তর নাই,
পুনরায় গহ্বর নিস্তব্ধ !

সেই নিস্তব্ধ রজনীতে সেই ভয়াকুল
পর্কতগহ্বরে একাকী দণ্ডায়মান হইয়া
তেজসিংহ নির্ভয়ে তৃতীয়বার কবাটে শব্দ
করিলেন। সে বাহুর আঘাতে এবার
কবাট ও সমস্ত গহ্বর শুদ্ধ কম্পিত হইল।

এবার ভিতর হইতে একটি গম্ভীর
শব্দ আসিল—নিশীথে নাহারা মগরোতে
কে ?

যুবক উত্তর করিলেন—তিলকসিংহের
পুত্র গহ্বরবাসী তেজসিংহ। দ্বার উদ্ভা-
হইল

অন্ধকার গহ্বরে প্রবেশ করিয়া তেজ
সিংহ ক্ষণেক নিস্তব্ধে দণ্ডায়মান রহিলেন।
গহ্বরের ভিতর আলোক নাই, শব্দ নাই,
কেবল বোধ হইতেছে যেন পর্কতগর্ভস্থ
একটি জল-প্রপাতের স্তিমিত শব্দ শ্রুত হই-
তেছে। তেজসিংহ সেই অন্ধকারে দণ্ডায়মান
থাকিয়া সেই অনন্ত শব্দ শুনিতে লাগিলেন।

কতক্ষণ পরে গহ্বরের অভ্যন্তরে
একটি দীপ দেখা যাইল; ক্রমে আলোক
নিকটে আসিল! দীর্ঘকায়, গুরুকেশী
চারণীদেবী তেজসিংহের নিকটে দণ্ডায়-
মান হইলেন ও অঙ্গুলীনির্দেশপূর্বক তেজ-
সিংহকে একটি ব্যাঘ্র-চর্মের উপর বসিতে
আদেশ করিলেন। তেজসিংহ উপবেশন
করিলেন, ও সেই শীর্ণ দীর্ঘ অবয়বের দিকে
সবিস্ময়ে চাহিয়া রহিলেন।

চারণীদেবীর বয়সক্রম অশীতি বর্ষেরও
অধিক হইবে। শরীর শীর্ণ, দীর্ঘ ও
তেজস্পূর্ণ, মস্তকের সমস্ত কেশ শুক্ল, ললাট
চিহ্নেরথায় অঙ্কিত, নয়নদ্বয় স্থির ও দৃষ্টি-

হীন। সময়ে সময়ে সেই স্থিরনেত্র উর্দ্ধ-
দিকে চাহিত, সমস্ত শরীর নিশ্চেষ্ট হইত,
তখন বোধ হইত যেন চারণীদেবী এ
জগতে থাকিতেন না, যেন এ জগৎ তাঁহার
নিকটে অন্ধকারময় হইলেও সেই দৃষ্টিহীন
নয়ন ভবিষ্যৎ জগৎ বিদীর্ণ করিতে পারিত,
ক্ষুদ্র নখর মানবজাতিসম্বন্ধে বিধির লিখন
পাঠ করিতে পারিত! সবিস্ময়ে তেজসিংহ
দীর্ঘকায় চারণীদেবীর দিকে চাহিয়া
রহিলেন!

কতক্ষণ পরে চারণীদেবী আদেশ
করিলেন,—রাঠোরপ্রবর তিলকসিংহের
নাম মেওয়ারে অবিদিত নাই, তাঁহার পুত্র
কি বাসনায় চারণীর সাক্ষাৎ আকাঙ্ক্ষী ?

তেজসিংহ। তিলকসিংহের নাম চির-
স্মরণীয়, কেননা চিতোর রক্ষার্থ তিনি
প্রাণদান করিয়াছেন। কিন্তু এক্ষণে নাম
মাত্র অবশিষ্ট আছে। তাঁহার সূর্য্যমহলে
চন্দাওয়ৎকুলের দুর্জয়সিংহ বাস করিতে-
ছেন, তিলকসিংহের বিধবা হত, তিলক-
সিংহের পুত্র ভীলপালিত ও গহ্বরনিবাসী।

চারণী! চন্দাওয়ৎ ও রাঠোরকুলের
বহুকাল প্রচলিত “বৈরি” চারণীর অবি-
দিত নাই। সূর্য্যমহল পূর্বে চন্দাওয়ৎ-
দিগের ছিল, বালক! তোমার পূর্বপুরুষগণ
মাড়ওয়ার হইতে অসিহস্তে আসিয়া
সে দুর্গ কাড়িয়া লইয়াছিল। সেই অবধি
দুই কূলে যে বিরোধ চলিতেছে, যতদিন
রাজস্থানে বীরত্ব থাকিবে ততদিন সে
“বৈরি” নির্মাণ হইবে না। চন্দাওয়ৎগণ
দুর্বল হস্তে অসি ধারণ করে না, তাহারা
সহজে এ দুর্গ ত্যাগ করিবে না।

তেজসিংহ। দেবি! রাঠোরগণও
দুর্বলহস্তে অসি ধারণ করে না। অল্পমতি

দিন, একবার চন্দাওয়ৎ দুর্জয়সিংহের সহিত যুঝিবে, যদি পরাস্ত হই তবে সূর্য্যমহল আর চাহিব না, পুনরায় মাড়ওয়ারে প্রত্যাগমন করিব, অথবা চিরকাল বন্য ভীলদিগের সহিত বাস করিব !

চারণী। মেওয়ার শিশোদীয়বংশের আদিম স্থান, চন্দাওয়ৎকুল শিশোদীয়ের ঞ্চাথা ; মেওয়ার সে কুলের আদিম স্থান। তিলকসিংহের পুত্র ! তোমরা রাঠোর, মাড়ওয়ারে তোমাদিগের আদিম স্থান। কি অধিকারে অল্প চন্দাওয়ৎতের শোণিতপাত করিতে চাহ, চন্দাওয়ৎতের দুর্গ অধিকার করিতে বাহা কর ?

তেজসিংহ। যে অধিকারে ভীলদিগকে দূর করিয়া মাড়ওয়ারে রাঠোরগণ বাস করে, মেওয়ারে শিশোদীয়গণ বাস করে, রাঠোর বংশ সেই অধিকারে সূর্য্যমহল অধিকার করিয়াছে। তিলকসিংহের পূর্বপুরুষগণ অসিহন্তে মেওয়ারে আপনাদিগের স্থান পরিষ্কার করিয়াছে, পরে পুরুষানুক্রমে মেওয়ার বক্ষার্থ নিজ প্রাণদান করিয়া নিজ অধিকার স্থিরীকৃত করিয়াছে। এক্ষণে মেওয়ার-ভূমিতে কি রাঠোর অপেক্ষা চন্দাওয়ৎদিগের প্রবলতর অধিকার আছে ? মেওয়ার বক্ষার্থ রাঠোর অপেক্ষা কোন্ চন্দাওয়ৎ-বীর অধিক বীৰ্য্য প্রদর্শন করিয়াছেন ? আকবর কর্তৃক চিতোর ধ্বংসকালে রাঠোর জয়মল ও পিতা তিলকসিংহ অপেক্ষা কোন্ বীর অধিক সাহস প্রদর্শন করিয়াছেন ? তাঁহারা সেই আহবে প্রাণ দিয়াছেন, তাঁহাদিগের শোণিতে মেওয়ারে রাঠোর অধিকার স্থিরীকৃত হইয়াছে। রাঠোরবংশ

অল্প অধিকার জানে না, রাজস্থানে অন্তরূপ অধিকার বিদিত নাই।

সেই গহ্বরে তেজসিংহের উন্নত রূপ এখনও কল্পিত হইতেছে, এমত সময় পূর্ববৎ ধীর গম্ভীরস্বরে চারণীদেবী উত্তর করিলেন—বালক ! ভীলদিগের দ্বারা প্রতিপালিত হইয়াও ক্ষত্রিয় ধর্ম তোমার নিকট অবিদিত নাই ; যথার্থই বীরদিগের ও নদীসমূহের আদি ও উৎপত্তি কেহ সন্ধান করে না। বীৰ্য্যই তাহাদিগের ভূষণ, বীৰ্য্যই তাহাদিগের অধিকার। সেই অধিকারে চন্দাওয়ৎ যদি সূর্য্যমহল পুনঃ প্রাপ্ত হইয়া থাকে, তিলকসিংহের পুত্র তাহার প্রতি কৃষ্ট কেন ?

তেজসিংহ। বীৰ্য্যবলে যদি দুর্জয়সিংহ সূর্য্যমহল পাইত, সে পরম শত্রু হইলেও তেজসিংহ তাহাকে ক্ষমা করিত। কিন্তু নরাদম রাজধর্ম জানে না, পিতার মৃত্যুর পর অনাথা বিধবার নিকট হইতে দুর্গ লইয়াছে, মাতার সহিতও যুদ্ধে অক্ষম হইয়া তক্ষরের ন্যায় দুর্গে প্রবেশ করিয়াছিল। সেই তক্ষর মাতার প্রাণরথ করিয়াছে, সে ভীষণ পাতকের যদি শাস্তি থাকে, দেবি ! অনুমতি দিন, তেজসিংহ নরাদমকে শাস্তিদান করিবে।

চারণী। তিলকসিংহের বালক ! তোমার রোষের কারণ আমার নিকট অবিদিত নাই, রাঠোরের বীরত্ব আমার নিকট অবিদিত নাই। কিন্তু তুমি বালক, এইজন্য তোমার পরিচয় গ্রহণ করিতে ছিলাম। এক্ষণে জানিলাম, তিলকসিংহের পুত্র তিলকসিংহের অযোগ্য নহে, রাঠোর বংশের অযোগ্য নহে। তোমার বাক্যে আমি কৃষ্ট হই নাই, তোমার

পিতাকে জানিতাম, তাঁহার পুত্রকে তাঁহার উপযুক্ত দেখিয়া পরিতুষ্ট হইলাম। এক্ষণে তোমার কি প্রার্থনা নিবেদন কর, তিলকসিংহের পুত্রকে চারণীর কিছুই অদেয় নাই।

তেজসিংহ। দেবি! ভূত, ভবিষ্যৎ, বর্তমান আপনার কিছুই অবিদিত নাই। বিধির নির্বন্ধ নগর মানবের নিকট লুক্কায়িত কিন্তু দেবীর দূরবিচারিণীর দৃষ্টি হইতে বিধির লিখন লুক্কায়িত নহে। একদিন বালক সংগ্রামসিংহ এই নাহারা মগরাতে আপন ললাটের লিখন জানিতে আসিয়াছিলেন; অল্প তিলকসিংহের পুত্র,—হুর্গচ্যুত, ভীলপালিত, অনাথ তেজসিংহ সেই নাহারা মগরাতে আপন ললাটের লিখন জানিতে আসিয়াছে। মাতার হত্যা ও বংশের অবমাননার প্রতিহিংসার কতদিন বিলম্ব আছে, দেবীর চরণে তাহাই জানিতে আসিয়াছে। যদি আজ্ঞা হয়, তবে সেই কথা বলিয়া এ তাপিত হৃদয়কে শান্তিদান করুন।

চারণী। তিলকসিংহের বালক! ভবিষ্যতের যবনিকাউত্তোলন করিবার আকাঙ্ক্ষা করিও না, এ হুঁশা ত্যাগ কর। নগর মানবজীবন ক্লেশপরিপূর্ণ, চিন্তাপরিপূর্ণ কিন্তু তথাপি দুর্ভবনীয় নহে। কেননা মিষ্টভাষিণী আশা সঙ্গে সঙ্গে আপন ঐক্সজালিক দীপ জালিয়া সম্মুখে নানা স্নানর দ্রব্য পরিদর্শন করে; ক্লেশের শান্তি, সুখের আবির্ভাব, এই সমস্ত মরীচিকা পরিদর্শন করিয়া হৃদয় শান্ত রাখে তেজসিংহ! ভবিষ্যৎযবনিকা উত্তো-

লন করিও না, তাহা হইলে মায়াবিনী আশার দীপ নির্বাণ হইবে, স্নানর মরীচিকা অদৃশ্য হইবে, জীবন আশাশূন্য, আলোকশূন্য, ভোগশূণ্য হইবে। ভবিষ্যৎ জানিতে পারিলে কোন্ নগর এই দুঃখ-ক্ষেত্রে জীবন বহন করিতে চাহিত? বালক! এক্ষণে ক্রান্ত হও, ভবিষ্যৎ জানিতে চাহিও না, আর কোন বাজ্ঞা থাকে, নিবেদন কর।

তেজসিংহ। দেবি! এই নাহারা মগরোর চারণীদেবী সংগ্রামসিংহের ভবিষ্যৎ কহিয়াছেন, সেই সংগ্রামসিংহ দেবীর আদেশে অবশেষে সিদ্ধ নদ হইতে যমুনা পর্যন্ত রাজ্য বিস্তার করিয়াছিলেন। দেবী আদেশ করিলে তিলকসিংহের পুত্রের যত্নও কি সফল হইতে পারে না?

চারণী। সংগ্রামসিংহের রাজ্যবিস্তার ললাটের লিখন, দেবীর আদেশের ফল নহে। দেবীর নিকট ভবিষ্যৎ জানিয়াছিলেন বলিয়া তিনি ভ্রাতাকর্তৃক আহত ও এক চক্ষু অন্ধ হইলেন, গৃহ হইতে নির্বাসিত হইলেন, বহুদিন অধি সামান্ত মেঘপালকদিগের সহিত বাস করিয়া অসহ ক্লেশ সহ করিয়াছিলেন। বালক! সংগ্রামসিংহের কথা স্মরণ করিয়া ললাটের লিখন জানিবার উদ্যম হইতে নিরস্ত হও। তিলকসিংহের পুত্রের জন্ত চারণী আর কি করিতে পারেনি নিবেদন কর।

তেজসিংহ। অন্তায় সময়ে যাহার মাতা হত হইয়াছেন, তন্মুখে যাহার হুর্গ কাড়িয়া লইয়াছে, ভীলদিগের দয়ায় যাহার জীবন রক্ষা হইয়াছে, ভীলদিগের ভিক্ষায় যে প্রতিপালিত, তাহার জীবনে আর কি অসহ ক্লেশ হইতে পারে? দেবি! নিবেদন

করিবেন না, প্রতিহিংসা ভিন্ন এ দাসের অন্য আশা নাই, অন্য সুখ নাই; ভবিষ্যৎ জানিলে কোন আশা, কোন সুখ বিলুপ্ত হইবে ? দেবি ! আপনার নিকট কিছুই অবিদিত নাই, তথাপি যদি অনুমতি করেন, একবার এ জীবনের কাহিনী নিবেদন করি । সমস্ত শুনিয়া আজ্ঞা করুন, ভবিষ্যৎ জানিলে আমার পক্ষে অধিক ক্রেশ কি হইতে পারে ?

চারণী । জীবনের ভীষণ গণ্ডগোল হইতে চারিণী অপমৃত হইয়াছে, সে গণ্ডগোলের কথা শুনিলে এক্ষণে স্বপ্নের গ্ৰায় বোধ হয় ! তথাপি তিলকসিংহের পুত্র যাহা বলিতে চাহে, চারিণী তাহা শুনিবে ।

তেজসিংহ । দেবীর অনুমতি দ্বারা চিরবাধিত হইলাম ; শ্রবণ করুন ।

তেজসিংহ পূর্বকথা বলিতে আরম্ভ করিলেন । পূর্বকথা স্বরণে তেজসিংহের হৃদয় আলোড়িত হইল, রোষে বিবাদে ঘন ঘন শ্বাস-বহির্গত হইতে লাগিল । তেজসিংহ কম্পিতস্বরে কাহিনী আরম্ভ করিলেন, সেই স্বর সেই পর্বত গুহায় প্রতিধ্বনিত হইতে লাগিল ।

দশম পরিচ্ছেদ ।

—:—

দেবীর আদেশ ।

ধ্বংসেত হৃদয়ং সন্তু পরিভূতশ্চ মে পঠৈঃ ।

যজ্ঞমর্শপ্রতিকারভূত্বালম্বং ন লভয়েৎ ।

কিরাতার্শ্বনীরম্ ।

“দেবি ! আমি চিরকাল একরূপ ছিলাম না, তেজসিংহের চিরদিন একরূপে যায়

নাই ! দিবস-যামিনী জিঘাংসা-চিন্তা ছিল না, যশের চিন্তা, বিজয়ের আকাঙ্ক্ষা ছিল । ভীলদিগের ভিক্ষাভোজী ছিলাম না, রাজপুত্রদিগের মধ্যে রাজপুত্র ছিলাম ।

“রাঠোরকুলে তিলকসিংহের নাম কে না শুনিয়াছে ? সূর্য্যমহলের গৌরব কে না শুনিয়াছে ? রাঠোরকুলেশ্বর জয়মল্ল স্বয়ং তিলকসিংহের দক্ষিণহস্তে স্থান দিতেন, স্বয়ং সূর্য্যমহলে আসিয়া তিলকসিংহের বীরত্বের সাধুবাদ করিয়াছিলেন । দেবি ! আমি তখন অনাথ পর্বতবাসী ছিলাম না, আমি তখন তিলকসিংহের পুত্র, সূর্য্যমহলের যুবরাজ ছিলাম !

“চন্দাওয়ৎকুলের দুর্জয়সিংহের পূর্বপুরুষদিগের সহিত রাঠোর তিলকসিংহের পূর্বপুরুষদিগের চিরকাল বিরোধ । বংশানুক্রমে “বৈরি” চলিয়া আসিতেছে । বংশানুক্রমে তুমুল সংগ্রাম হইয়া আসিতেছে । যতদিন চন্দ্র-সূর্য্য থাকিবে, ততদিন সে বিরোধ, সে ক্রোধাগ্নি জীবিত থাকিবে । এই নিরাসিতের শরীরে বংশানুগত রোগ দিবারাত্রি জ্বলিতেছে, দুর্জয়সিংহের হৃদয়-শোণিতে সে অগ্নি নির্যাস হইবে ।

“রাঠোরদিগের নিবাসস্থল মাড়োয়ার । সেই স্থান হইতে তিলকসিংহের পূর্বপুরুষগণ অসিহস্তে আসিয়া চন্দাওয়ৎদিগের নিকট হইতে সূর্য্যমহল কাড়িয়া লইয়াছে, বংশানুক্রমে তথায় বাস করিতেছে, তাহা দেবীর অবিদিত নাই । পুনরায় অসিহস্তে রাঠোরকুল সেই দুর্গ লইবে, চন্দাওয়ৎদিগকে দূরে তাড়াইয়া দিবে ।

“পিতা যতদিন জীবিত ছিলেন ততদিন দুর্জয়সিংহের সহিত বার বার মহাযুদ্ধ হইয়া

ছিল, সিংহের আবাসে শৃগাল কবে স্থান পাইয়াছে? যতবার সে পামর সূর্য্যমহল আক্রমণ করিয়াছিল, ততবার পিতা তাহাকে দূরে তাড়াইয়া দিয়াছিলেন।

“অতঃ আট বৎসর হইল তিলকসিংহ রাঠোরপতি জয়মলের সহিত চিতোর রক্ষার্থ গিয়াছিলেন। চিতোর রক্ষা হইল না, কিন্তু দেবি! জয়মল ও তিলকসিংহের বীরত্ব স্বয়ং আকবরশাহের নিকট অবিদিত নাই। কিরূপে সালুস্ত্রাপতির মৃত্যুর পর তাঁহারা চিতোর-দ্বার রক্ষা করিয়াছিলেন, কিরূপে স্বয়ং দিল্লীখবের সহিত সম্মুখবুদ্ধে প্রাণদান করিয়াছেন, চারণগণ সে গীত এখনও দেশে দেশে গাইতেছে। সে গীত শুনিয়া সূর্য্যমহলে আমার বিধবা মাতার হৃদয় কম্পিত হইল, এ বালকের হৃদয় কম্পিত হইল। উল্লাসে মাতা কহিলেন— হৃদয়েশ্বর সশরীরে স্বর্গধামে গিয়াছেন, দাসীগণ! চিতা প্রস্তুত কর, তিনি দাসীর জন্ত অপেক্ষা করিতেছেন, কেননা জীবনে এ দাসী তাঁহার বড় সোহাগিনী ছিল।”

সহসা তেজসিংহের স্বর রুদ্ধ হইল; নয়ন হইতে একবিন্দু জল সেই বিশাল বক্ষঃস্থলে পতিত হইল। পুনরায় বলিতে লাগিলেন—

“দেবি! ক্ষমা করুন, তেজসিংহ ক্রন্দন অনেক দিন ভুলিয়া গিয়াছে, অতঃ স্নেহময়ী মাতার কথা স্মরণ করিয়া স্মরণ করিতে পারিল না। যখন চিতারোহণে স্থিরসঙ্কল্প হইলেন, তখন বাটীর সকলে আসিয়া নিষেধ করিল। আমাকে কে প্রতিপালন করিবে, সকলে এইরূপ যুক্তি দেখাইতে লাগিলেন। মাতা তাহা শুনিলেন না,

তিনি স্বামীর অমৃত্যু হইবার জন্ত স্থির-সঙ্কল্প হইয়াছিলেন।

“শেষে আমি আসিয়া বলিলাম—মাতা এখনও আমার হস্ত ছুঁকল, তুমি যাইলে সূর্য্যমহল কে রক্ষা করিবে? হৃজয়সিংহের সহিত কে যুদ্ধদান করিবে? এখার তিনি স্থিরসঙ্কল্প ভুলিলেন, বলিলেন—দাসীগণ! আমার চিতারোহণে বিলম্ব আছে। শুনিয়াছি চিতোর রক্ষার্থ পুত্রের মাতা ও বনিতা না কি স্বহস্তে যুদ্ধ করিয়াছিল। আর একজন রাজপুত্র-রমণী স্বহস্তে যুঝিবে, সূর্য্যম রক্ষা করিবে।

“পি . . . অনাগার অন্বেষণ করিলেন; তাঁহার ব্যবহৃত একটি ছুরিকা পাইলেন সেই অবধি ছুরিকা মাতার কণ্ঠমণি হইয়াছিল।

“হৃজয়সিংহ মাতার এ পণ শুনিয়া, নারী-রক্ষিত দুর্গ আক্রমণ করিতে ভীক ভীত হইল। অর্ধবলে দুর্গের দ্বার উদ্বা-
টিত হইল, তৎপরে ত্রায় রজনীযোগে হৃজয়সিংহ দুর্গে প্রবেশ করিল।

“তথাপি যোদ্ধগণ বিনা যুদ্ধে দুর্গ ত্যাগ করে নাই। তোরণে, সিংহদ্বারে, গৃহের ভিতর, সেই অন্ধকার রজনীতে তুমুল সংগ্রাম হইয়াছিল। তৎপরে বুদ্ধি, রাঠোরেরা মৃত্যুকে ডরে না, শত শত হত্যা করিয়া উল্লাসে প্রাণদান করে।

“হৃদের উপর যে গবাক্ষ আছে মাতা তথায় দণ্ডায়মান ছিলেন; বামহস্তে আমাকে ধরিয়াছিলেন, দক্ষিণ হস্তে সেই ছুরিকা!

“ক্রমে আমাদের যোদ্ধগণ হত হইল; ক্রমে যুদ্ধতরঙ্গ ও যুদ্ধনাদ সে দিকে আসিতে লাগিল; শেষে সেই গৃহের কবাট

ভয় হইল। চন্দাওয়ৎগণ সেই গৃহে মহা-
কোলাহলে প্রবেশ করিল ; সর্বাগ্রে রক্তা-
শ্মৃত দুর্জয়সিংহ ।

“সেই কধিরাঙ্ক কলেবর দেখিয়া মাতা
কম্পিত হইলেন না, সেই প্রচণ্ড যুদ্ধনাদ
শুনিয়া মাতা নয়ন মুদিত করেন নাই !
স্বর্গীয় স্বামীর নাম লইয়া মাতা তীক্ষ্ণ
ছুরিকা উত্তোলন করিলেন, জলন্তনয়নে
সেই অরাধমের দিকে চাহিলেন। নারীর
তীব্রদৃষ্টির সম্মুখে ভীকর গতি সহসা রোধ
হইল, তব্বর সেই ছুরিকার অগ্রে শুক্ক হই-
য়াছিল। মাতা সেই ছুরিকাহস্তে দুর্জয়-
সিংহের দিকে বেগে ধাবমান হইলেন।
সেই মুহূর্ত্তে এই জগৎ হইতে সেই রাজ-
পুতকলঙ্ক অন্তর্হিত হইত, কিন্তু তাহার এক
জন সৈনিক আপন প্রাণ দিয়া প্রভুর প্রাণ
বাঁচাইল, মাতার ছুরিকা সৈনিকের হৃদয়ের
শোণিত পান করিল ! তৎক্ষণাৎ দশ জন
সৈনিক অসহায় বিধবাকে হত্যা করিল !”

তেজসিংহ ক্রণেক শুক্ক হইলেন।
তাঁহার নয়ন হইতে অগ্নি বহির্গত হইতে-
ছিল। ক্রণেক পর আত্মসম্বরণ করিয়া
কহিতে লাগিলেন—“আমি তখন দশ বর্ষের
বালকমাত্র, কিন্তু মাতার হস্ত হইতে সেই
ছুরিকা লইয়া দুর্জয়সিংহকে আক্রমণ করি-
বার চেষ্টা করিলাম। বালকের সম্মুখে
ভীক সন্নিহা গেল, আর তাহাকে দেখিতে
পাইলাম না। তখন পদাঘাতে গবাক্ষ
ভাঙ্গিয়া লক্ষ দিয়া হুদে পড়িলাম। সেই
ভীককে আর একদিন দেখিতে পাইব,
মাতার হত্যার পরিশোধ লইব, বংশের
কলঙ্ক অপনয়ন করিব, কেবল এই আশায়
সেই অবাধ আটবৎসর জঙ্গলে ও গহ্বরে
জীবন ধারণ করিয়াছি !

“দেবি ! তাহার পর বিজন বনে ও
পর্বতকন্দরে বাস করিয়াছি, রাঠোর হইয়া
ভীলদিগের শরণাগত হইয়াছি, হৃদয়ের
হরন্তু জ্বালায় জীবনধারণ করিয়াছি, কেবল
আর একদিন দুর্জয়সিংহের সহিত সাক্ষাৎ
হইবে এইজন্ত ! অনুমতি দিন, আর এক
বার দুর্জয়সিংহের সহিত যুদ্ধিব—এবার
যদি সে পলাইতে পারে, তেজসিংহ আর
কিছুই প্রার্থনা করিবে না।”

অনেকক্ষণ কেহ কথা কহিলেন না, তেজ-
সিংহের গম্ভীর স্বর বার বার সেই গহ্বরে
প্রতিধ্বনিত হইয়া লীন হইয়া গেল, অনেক
ক্ষণ সেই গহ্বরে নিস্তব্ধ !

পরে চারণীদেবী শান্ত ধীরস্বরে কহি-
লেন—বংশাভুগত শত্রুতা ও “বৈরি” রাজ-
পুতধর্ম্ম ; তিলকসিংহ ও দুর্জয়সিংহের
বংশের মধ্যে “বৈরি” নির্বাণ হইবে
না। এই ক্রোধানলে তিলকসিংহের
পুত্রের হৃদয় জলিবে তাহাতে বিশ্বাস নাই,
কিন্তু বিদেশীয় যোদ্ধার বর্ত্তমানে মেওয়ারে
গৃহ-কলহ ক্ষান্ত হয়, মেওয়ারের এই চির-
প্রথা। তিলকসিংহের পুত্র এই চিরপ্রথা
পালন করুন।

তেজসিংহ। বিদেশীয় যুদ্ধসময়েও কি
পামর দুর্জয়সিংহ তব্বরের জ্ঞায় সূর্য্যমহল
হস্তগত করে নাই ?

চারণী। আক্বেরকর্ত্তক চিতোর ধ্বংসের
পর রাণা উদয়সিংহের সহিত তাঁহার যুদ্ধ
ক্ষান্ত হইয়াছিল ; উদয়পুরে নূতন রাজ-
ধানী স্থাপন করিয়া রাণা নির্বিঘ্নে ছিলেন ;
সেই সময়ে দুর্জয়সিংহ সূর্য্যমহল হস্তগত
করিয়াছিলেন।

নাই মানসিংহ রোসে দিল্লীতে গিয়া-
তেজসিংহ ! এখনও কি যুদ্ধ ক্ষান্ত

ছেন বটে, মহারাণা যুদ্ধের আয়োজন করিতেছেন বটে, কিন্তু শত্রু কোথায় ?

চারণী । বর্ষাপ্রারম্ভে বালকে সেইরূপ জিজ্ঞাসা করে, মেঘ কোথায় ? বালক ! বর্ষার মেঘ অপেক্ষা অধিক সমারোহে শত্রু আসিতেছে । যে খড়্গ দ্বারা দুর্জয়সিংহের প্রাণবধ করিতে চাহ, সেই খড়্গহস্তে হন্দীঘাটায় যাইয়া উপস্থিত হও । চারণীর কথা গ্রাহ্য কর, হন্দীঘাটায় অচিরে অনেক খড়্গা ও অনেক বীরের আবশ্যক হইবে, দুর্জয়সিংহ ও তেজসিংহের আবশ্যক হইবে, বিদেশীয় যুদ্ধ বর্তমানে গৃহ-কলহ রাজস্বানের প্রথানুগত নহে ।

তেজসিংহ । দেবি ! মেওয়ার রক্ষার্থ যদি যুদ্ধ আবশ্যক হয়, রাঠোর সে যুদ্ধে অনুপস্থিত থাকিবে না । কিন্তু সে পর্য্যন্ত যে পামর রাজধর্ম বিস্মৃত হইয়াছে, তস্করের শ্রায় দুর্গে প্রবেশ করিয়াছে, অসহায় বিধবাকে হত্যা করিয়াছে, পিতার কুল কলঙ্কিত করিয়াছে, সে রাজপুতকলঙ্ক জীবিত থাকিবে ?

চারণী । বিদেশীয় যুদ্ধ বর্তমানে গৃহ-কলহ নিষিদ্ধ !

উভয়ে অনেকক্ষণ নিস্তব্ধ রহিলেন ; চিন্তার পর উর্দ্ধনেত্রা চারণী অতিশয় গম্ভীরস্বরে বলিলেন—বালক ! অণু ভূমি সেই দুর্জয়সিংহের প্রাণরক্ষা করিয়াছ !

তেজসিংহ চমকিত হইলেন ; কহিলেন—দেবীর নিকট কিছুই অবিদিত নাই । স্বহস্তে সে পামরকে নিধন করিব, এই জন্ত বরাহের আক্রমণ হইতে তাহাকে রক্ষা করিয়াছি ।

চারণী । পরে দুর্জয়সিংহকে আপন

আবাসস্থানে আশ্রমদান করিয়াছিলে, তখনও তাহার প্রাণনাশ কর নাই ।

তেজসিংহ । পরিশ্রান্তের সহিত যুদ্ধ রাজধর্ম নহে ; বিশেষ পৈত্রিক দুর্গে তাহাকে আক্রমণ করিয়া তার প্রাণনাশ করিব, আমার এই পণ । অল্পমতি দিন, সূর্য্যমহল আক্রমণ করিব, তস্করের হস্ত হইতে পৈত্রিক দুর্গ কাড়িয়া লইব, সন্মুখ আহবে সেই তস্কর দুর্জয়সিংহকে উচিত শাস্তি দিব ।

চারণী । শত্রুকে বরাহ হইতে রক্ষা করিয়া রাজপুতধর্ম পালন করিয়াছ ; পরিশ্রান্তের সহিত যুদ্ধ না করিয়া রাজপুতধর্ম পালন করিয়াছ ; যাও, তেজসিংহ ! বিদেশীয় যুদ্ধের সময় গৃহকলহ বিস্মরণ করিয়া রাজপুতধর্ম পালন কর । তিলকসিংহের পুত্র ! তিলকসিংহের বীরত্ব তোমার দেহে অঙ্কিত রহিয়াছে, বিজয়ের টীকা তোমার ললাটে শোভা পাইতেছে, তিলকসিংহের শ্রায় রাজপুত-ধর্ম পালন কর । দশ বৎসরে মধ্যে বিদেশীয় যুদ্ধ ক্ষান্ত হইবে, পরে সূর্য্যমহলে রাঠোর-সূর্য্য পুনরায় উদ্দীপ্ত হইবে ! সহসা গহ্বরের দ্বীপ নির্বাণ হইল ; অন্ধকারময় গহ্বরে চারণীর শেষ আদেশ প্রতিধ্বনিত হইতে লাগিল ।

অন্ধকার গহ্বর হইতে তেজসিংহ নিজ্জান্ত হইলেন ; পরদিন মহারাণা প্রতাপসিংহের সৈন্তের সহিত যোগ দিলেন ; পরে হন্দীঘাটার যুদ্ধের দিনে রাঠোর-খড়্গ নিশ্চেষ্ট ছিল না ।

একাদশ পরিচ্ছেদ ।

ভীলপ্রদেশ ।

অহো মোহপ্রায়মেবাঃ কীর্তিতঃ, সাধুজন
বিগর্হিতক চরিতঃ, তথাহি
পুত্রবংশিতোগহারে বর্ষবুদ্ধিঃ, আহারঃ সাধুজন
বিগর্হিতো মধুমাংসাদিঃ,
শ্রমো যুগয়া, শাপ্তঃ শিবাকৃতঃ, উপদেষ্টারঃ,
কৌষিকাঃ ।
কাদম্বরী ।

হলদীঘাটার যুদ্ধ হইয়া গিয়াছে, এক-
দিন অপরাহ্নে তেজসিংহ একাকী ভীল-
প্রদেশের মধ্য দিয়া পথ অতিবাহন করিতে-
ছিলেন ।

তেজসিংহ যদি নিজ চিন্তায় অভিভূত
না থাকিতেন তবে সেই নির্জন ভীল-
প্রদেশের শোভা সন্দর্শন করিয়া চমৎকৃত
হইতেন । পথের উভয়পার্শ্বে নিবিড় কৃষ্ণবর্ণ
মহশ্র হস্ত উচ্চ প্রাচীরের স্থায় পর্বতরাশি
উখিত হইয়া যেন সেই নির্জন পথকে
গোপনে রক্ষা করিতেছে । পর্বতচূড়ায়
ও পার্শ্বদেশে অসংখ্য পর্বত-বৃক্ষ ও লতা-
পুষ্প বায়ু হিল্লোলে ক্রীড়া করিতেছে, ও
অপরাহ্নের স্তিমিত সূর্যালোকে হাস্ত
করিতেছে । সে সূর্যালোক বহুদূর-নীচস্থ
পর্বততলের পথ পর্য্যন্ত পৌঁছিতেছে না ।
তেজসিংহ যে পথ দিয়া যাঁইতেছিলেন, সে
পথ অপরাহ্নেই শ্রায় অন্ধকারময় । কোন
কোন স্থলে উন্নত পর্বতশিখর হইতে সূর্যা-
লোক প্রতিফলিত হইয়া সেই পথের উপর
ঈষৎ আলোক বিতরণ করিতেছিল ; অল্প
স্থলে সেই বৃক্ষাচ্ছাদিত পথ একেবারে
অন্ধকারময় । সেই নির্জন পথের পার্শ্ব দিয়া
একটা ক্ষুদ্র পর্বতনদী কল কল শব্দে শিলা-

শয্যার উপর দিয়া দ্রুতবেগে গমন করি-
তেছে, যেন পার্শ্বস্থ প্রহরী-স্বরূপ উন্নত ও
কঠোর পর্বতরাশিকে উপহাস করিয়া
কোন ক্রীড়াপটু বালিকা হাসিয়া হাসিয়া
দৌড়িয়া যাঁইতেছে । স্থানে স্থানে স্তিমিত
দিবালোকে সেই নদীর জল চক্ মক্
করিতেছে, অল্প স্থানে সে নদীর গতি
কেবল শব্দমাত্রে অনুমেয় । সেই উন্নত
পর্বতের কঠোর বক্ষ হইতে কোন কোন
স্থানে গুচ্ছ গুচ্ছ রৌপ্যস্ত্রের স্থায় নিষ্ক-
রিনী বহিকৃত হইয়া নীচস্থ সেই নদীর
সহিত কল কল শব্দে মিশিয়া যাঁইতেছে ।
ভীলপ্রদেশের বিস্ময়কর সৌন্দর্যের স্থায়
সৌন্দর্য্য জগতের অল্পস্থলেই দেখিতে
পাওয়া যায় ; একজন আধুনিক ফরাসী
ভ্রমণকারী মুক্তকণ্ঠে স্বীকার করিয়াছেন,
ইউরোপের সমস্ত মনোহর স্থল অপেক্ষাও
রাজস্থানের ভীলপ্রদেশ সুন্দর ও
বিস্ময়কর !

তেজসিংহ এইরূপ নির্জন পথ একাকী
অতিবাহন করিতেছিলেন । পর্বতচূড়ার
উপর স্থানে স্থানে ভীলদিগের “পাল”
অর্থাৎ নিবাসস্থান দৃষ্ট হইতেছে, নীচের পথ
হইতে দেখিলে বোধ হয় যেন মনুষ্যের
আবাস নহে, যেন ঈগল পক্ষী নিজ কঠোর
শাবকগুলিকে লালনপালন করিবার জন্ত
পর্বতচূড়ায় কুলায় নিশ্চান করিয়াছে !
প্রত্যেক পালের চতুর্দিকে বা নীচে অল্প-
মাত্র ভূমি কর্ষিত, সেই ভূমির উৎপন্ন ভীল-
দিগের আহারের অবলম্বন, দ্বিতীয় অবলম্বন
বংশানুগত দস্যুতা ! স্থানে স্থানে সেই
পর্বত চূড়ার উপর, সাংকালীন গগনে বিস্তৃত
ভয়ানক প্রতিকৃতির স্থায়, এক এক জন
কৃষ্ণবর্ণ শীর্ণকায় কোপ্ত্রীনধারী ভীল বনুর্করণ-

হস্তে দণ্ডায়মান রহিয়াছে, তাহারা এই নির্জন পথ ও ভীলপ্রদেশের গ্রহরী। তেজসিংহের বীরাকৃতি যদি প্রত্যেক ভীলের পরিচিত না হইত, তাহা হইলে সেই প্রত্যেক দলকে শর সংযোজিত হইত।

সেই উপত্যকা অতিক্রম করিয়া কতক-দূর আসিতে আসিতে তেজসিংহ একটা রমণীয় ও অতি বিস্তীর্ণ হ্রদের কূলে উপনীত হইলেন। পূর্ববর্তিত পর্বত-নদী সেই স্বচ্ছ সুন্দর পর্বত-হ্রদে আসিয়া মিশিয়াছে। হ্রদের চতুর্দিকে, যতদূর মনুষ্যানয়নে দৃষ্ট হয়, কেবল পর্বত রাশির পর পর্বতরাশি পর্বত-বৃক্ষে আচ্ছাদিত হইয়া সায়ংকালীন গগনে বিস্ময়কর চিত্রের স্রাব বিস্তৃত রহিয়াছে। হ্রদের কূলে যাইয়া তেজসিংহ একবার সম্মুখে অবলোকন করিলেন, এবং সেই মনোহর প্রকৃতির শোভা দেখিয়া নিজের চিন্তা একবার ভুলিলেন।

সায়ংকালের লোহিত আলোক সেই হ্রদের জলের উপর পতিত হইয়া কি অপূর্ব শোভা ধারণ করিয়াছে! জলের নিস্তর বকের উপর চারিদিকের উন্নত পর্বতের ছায়া কি সুন্দর পতিত হইয়াছে! এখানে শব্দ নাই, মনুষ্যের গমনাগমন নাই, জীব-আবাসের চিহ্নমাত্র নাই, যেন প্রকৃতি এই সুন্দর জগৎ-রচয়িতার পূজার জন্ত এই উন্নত পর্বতবেষ্টিত, শান্ত, নির্জন, নিঃশব্দ হ্রদ প্রস্তুত করিয়া রাখিয়াছে। তেজসিংহ অনেকক্ষণ নিঃশব্দে সেই চিত্রখান দেখিতে লাগিলেন। হ্রদের জলে হস্তমুখ প্রক্ষালন করিয়া তেজসিংহ একটা শিলা-খণ্ডে উপবেশন করিলেন।

স্বামিণী এই অবসরে সেই অপূর্ব

দেশবাসী ভীলদিগের বিষয়ে ছই একটা কথা বলিব।

ভারতবর্ষের যে সুন্দর প্রদেশে রাজপুতগণ আসিয়া অসিহস্তে আপনাদিগের আবাসস্থান পরিষ্কার করিয়া পরাক্রান্ত রাজ্য স্থাপন করিয়াছিল, রাজপুতদিগের আগমনের পূর্বে সেই রাজস্থান ভীলদিগের আবাসস্থান ছিল। যখন রাজপুতগণ আসিয়া উর্বরাক্ষেত্র ও রম্য উপত্যকাগুলি কাড়িয়া লইল, তখন স্বাধীনতাপ্রিয় ভীলগণ বিক্র্যাচল ও আরাবলী পর্বতে যাইয়া আপনাদিগের মান ও স্বাধীনতা রক্ষা করিতে লাগিল। বোধ হয়, খৃষ্টের জন্মের কিছু পরেই এই সমস্ত বাপার সজ্জাটিত হইয়াছিল।

সেই অবধি ভীল ও রাজপুতদিগের মধ্যে এক অপূর্ব মিত্রতা রহিল। ভীলগণ নাম মাত্র রাজপুত রাজাদিগের অধীনতা স্বীকার করিল, কিন্তু ফলে আপন আপন পর্বতস্থিত "পাল" সমূহে বাস করিয়া সম্পূর্ণ স্বাধীনতা ভোগ করিতে লাগিল, এবং অবসরমতে কি রাজপুত কি মুসলমান, সকলকেই লুণ্ঠন করিয়া জীবিকানির্বাহ করিতে লাগিল। তথাপি রাজপুত-রাণাদিগের সিংহাসন আরোহণের সময় একজন ভীল-সর্দার রাজনিদর্শনগুলি রাণাকে অর্পণ করিত, এবং রাজপুতদিগের যুদ্ধ ও বিপদের সময় ভীলযোদ্ধগণ যথাসাধ্য রাজপুতদিগের সহায়তা করিত।

ভারতবর্ষের সমস্ত বর্ষবর্জাতিই হিন্দুদিগের ছই একটা দেবকে আপন দেব বলিয়া স্বীকার করিয়া লইয়াছে, এবং হিন্দুদেব হইতে আপনাদিগের উৎপত্তি এইরূপ প্রবাদ প্রচলিত করিয়াছে। ভীল-

গণ কহে—আমরা মহাদেবের ভক্ত, মহা-
দেব-ঔরসে আমাদের জন্ম। মহাদেব
একটা অরণ্যে ভ্রমণ করিতে করিতে একটা
বন্য বালিকার সৌন্দর্যে মোহিত হইয়া
তাহাকে বিবাহ করেন। সেই বালিকার
গর্ভজাত একটা কুম্ভবর্ণ সন্তান কোন
একদিন মহাদেবের বৃষকে হত্যা করে, এবং
সেই অবধি শাপগ্রস্ত হইয়া ভীলনামে
অরণ্যে অরণ্যে ভ্রমণ করিতে থাকে।
আমরা ভীলগণ তাহারই সন্তান।

পর্কতের শিগরে ভীলদিগের “পাল”
বা গ্রাম নির্মিত হয় পূর্বেই বর্ণিত হই-
য়াছে। পালের মধ্যে প্রত্যেক ভীলের
গৃহ, এক একটা ছুর্গের স্তায় চারিদিকে
কণ্টক ও বৃক্ষ দ্বারা বেষ্টিত। এই পালসমূহ
হইতে হিংস্রক পক্ষীর স্তায় সময়ে সময়ে
অবতীর্ণ হইয়া কৃষি ও বাণিজ্য-ব্যবসায়ী
সভ্য জাতিদিগকে লুণ্ঠন করিয়া ভীলগণ
বহুশতাব্দি অবধি জীবনধারণ করিয়াছে।
শত্রুরা যদি কখন এই পাল আক্রমণ করে
তবে ভীল নারী ও শিশুগণ গোমহিষাদি
লইয়া নিকটস্থ নিবিড়, ছুর্ভেদ্য পর্কত ও
জঙ্গলে যাইয়া লুকাইয়া থাকে; পুরুষগণ
ধনুর্ধার হস্ত বা প্রস্তর নিক্ষেপ দ্বারা নিজ
নিজ পাল রক্ষা করে।

ভীলদিগের মধ্যে ভিন্ন ভিন্ন দল আছে,
প্রত্যেক দল নিজ দলপতি বা সর্দারের
অধীনে থাকিয়া কার্য করে। এই দলের
মধ্যে সর্বদাই বিরোধ ও বিবাদ হয়, কিন্তু
আবার যুদ্ধ বা বিপদকালে সকল দল
একত্রিত হয়। তখন তাহাদিগের যুদ্ধবব
প্রতি উপত্যকায় শক্তিত হয়, পাল হইতে
অন্ত দানে সংবাদ প্রেরিত হয়। নিশাকালে
ব্যাহি, শৃগাল অথবা পক্ষীর রব অনুকরণ

করিয়া ভীলগণ সঙ্কেত দ্বারা সংবাদ প্রেরণ
করে, এবং অল্প সময়ের মধ্যে শত শত
যোদ্ধা দলবদ্ধ হইয়া ঐক্যভাবে শত্রু বিনাশের
চেষ্টা করে। রাজস্থানে অদ্যাপি প্রায়
বিশ লক্ষ ভীল বাস করে।

ভীলদিগের মধ্যে জাতিভেদ নাই।
তাহারা ছই একটা হিন্দু দেবকে ও নানা-
রূপ পীড়াকে দেবতাজ্ঞানে পূজা করে।
মোয়া বৃক্ষকে বিশেষ সমাদর করে, এবং
ঐ বৃক্ষ হইতে মদিরা প্রস্তুত করিয়া সেবন
করে। পুরুষগণ মধ্যমাকৃতি, কৃষ্ণকায়
এবং কার্যগুণে অসাধারণ শারীরিক বল
ও ক্ষমতা লাভ করে। স্ত্রীলোকগণ পুরুষ
অপেক্ষা জীবৎ গৌরবর্ণ ও সুশ্রী, এবং
বস্ত্র দ্বারা কক্ষ ও একটা স্তন আচ্ছাদন
করে এবং হস্তপদে লাক্কানির্মিত বলয়
প্রভৃতি ধারণ করে। বিবাহের স্মৃতি বড়
সহজ। নির্দিষ্ট দ্বিমে গ্রামের সমস্ত
যুবক ও কস্তা একত্রিত হয়, পরে যুবকেরা
আপন আপন মনোনীত এক একটা
কস্তাকে বাছিয়া লইয়া জঙ্গলে প্রবেশ
করিয়া কয়েক দিন তথায় কালহরণ করে।
পরে স্ত্রীপুরুষ গ্রামে ফিরিয়া আইসে।

বর্ষের ভীলদিগের ছইটা অসাধারণ
গুণ লক্ষিত হয়। তাহাদের উপকার
করিলে তাহারা কদাচ তাহা বিস্মৃত হয়,
এবং তাহারা বাক্যদান করিলে কদাচ
তাহা লঙ্ঘন করে।

ছাদশ পরিচ্ছেদ ।

হৃদ-তটে ভীল বালিকা ।

কা উণ খণ্ডা ইথি আ কা ইমিণা পরিমাণমাণা
অস্তাল অং বিণোদেদি ।
বিক্রমোক্ষণী ।

যে পর্বতের নীচে তেজসিংহ হৃদতটে এই নিস্তর সায়ংকালে এখনও বসিয়া আছেন, সেই পর্বতের চূড়ায় ভীমচাঁদ নামক এক ভীল সর্দারের পাল ছিল। সেই পালের নিকটে একটা পর্বতগহ্বর ছিল, পাঠক দুর্জয়সিংহের সহিত সেই গহ্বর এক দিন দৃষ্ট করিয়াছেন।

হৃদের তটে একটা হুগ প্রস্তররাশির উপর তেজসিংহ উপবেশন করিয়া আছেন। সহসা একটা ভীল বালিকা করতালি দিয়া হাসিতে হাসিতে সেই স্থানে আসিয়া উপবেশন করিল, এবং বাল্যোচিত চপলতার সহিত হৃদের জল লইয়া তেজসিংহের গায়ে ছিটাইয়া দিল! তেজসিংহ সে বালিকাকে চিনিতেন। বালিকার হাত পরিয়া নিকটে বসাইলেন, এবং অন্তমনস্ক হইয়া বালিকার কেশগুচ্ছ লইয়া খেলা করিতে লাগিলেন।

ভীলকন্যা ভীলদিগের শ্রায়ই কৃষ্ণবর্ণ, কিন্তু নয়ন দুটা উজ্জ্বল, মুখকান্তি মন্দ ছিল না। চঞ্চলা ভীল-বালিকা পর্বত আরোহণে বস্ত্র বিড়াল অপেক্ষাও পটু; আজন্ম অন্তান্ত ভীলদিগের শ্রায় চতুরতা ও সতর্কতা শিখিয়াছিল। একটা শব্দ, একটা ছায়া, একটা স্থানান্তরিত বস্তু দোঁধলেই কারণ অনুভব করিত। মস্তকে কৃষ্ণকেশ সর্বদাই ছলিতেছে, নয়ন দুইটা সর্বদাই চঞ্চল। বালিকা সর্বদাই চঞ্চল ও ক্রীড়া-

পটু, কখন উপলখণ্ড লইয়া খেলা করিত, কখন জল লইয়া ক্রীড়া করিত, কখন অপরের সর্বত্র ভিজাইয়া দিয়া খিল খিল করিয়া হাসিত। তথাপি তেজসিংহকে চিন্তাকুল দেখিলে আবার তাঁহার পার্শ্বে কখন কখন দুই তিন দণ্ড পর্যন্ত নিশ্চেষ্ট হইয়া বসিয়া থাকিতে ভাল বাসিত। বালিকার কখন ধীর চিন্তাশীল ভাব, কখন অতিশয় চঞ্চলতা দেখিয়া সকলে বিস্মিত হইত। সকলেই বলিত—মেয়েটা দেখিতে বালিকা, কিন্তু মনটা বালিকার মন নহে।

তেজসিংহ কি চিন্তা করিতেছিলেন? বর্ষাগমে শক্রগণ মেওয়ার ত্যাগ করিয়াছে, সুতরাং তেজসিংহ যুদ্ধ চিন্তা করিতেছিলেন না। বিদেশীয় শত্রু থাকিতে গৃহকলহ নিষিদ্ধ, সুতরাং তিনি সূর্য-মহলের চিন্তা করিতেছিলেন না। তেজসিংহ কি চিন্তা করিতেছিলেন?

ভীলবালিকা অনেকক্ষণ নিশ্চেষ্ট হইয়া হৃদের জলে আপন হস্ত সিক্ত করিতেছিল ও তেজসিংহের উরুদেশে মস্তক রাখিয়া তেজসিংহের মুখের দিকে চাহিয়াছিল। অনেকক্ষণ তেজসিংহের মুখের দিকে চাহিয়া বালিকা মৃদুস্বরে একটা গীত আবৃত্ত করিল।

বাল্যকালের স্বপ্ন কখন কখন হৃদয়ে জাগরিত হয়, বাল্যকালে দৃষ্ট মুখচ্ছবি কখন কখন নয়নপথে আবিভূত হয়, বাল্যকালের প্রেম নিহিত অগ্নির শ্রায় কখন কখন জলিয়া উঠে, এই মর্মেণ একটা সরল গীত বালিকা গাইতে লাগিল।

তেজসিংহ সহসা চমকিত হইলেন। তিনি বাল্যকালের একটা স্বপ্ন চিন্তা করিতেছিলেন, ভীলবালিকা কি তাঁহার

মনের কথা জানিল? বালিকার নাম ধরিয়া ডাকিলেন।

বালিকা জলখেলা ছাড়িয়া তেজসিংহের দিকে চাহিল, কৈ বালিকার মুখে ত কোনও চিন্তার লক্ষণ নাই! তেজসিংহ বালিকার মুখ দেখিয়া বিচার করিলেন—বালিকা আমার মনের কথা কি জানিবে? যে গীত জানে আপন মনে তাহাই গাইতেছে।

বালিকা খিল্ খিল্ করিয়া হাসিয়া উঠিল। তেজসিংহ সন্দেহমনা হইয়া পুনরায় জিজ্ঞাসা করিলেন—আচ্ছা, আমি বাল্যস্বপ্নের কথা ভাবিতেছিলাম, তাকে কে বলিল?

হাসিয়া ভীলবালা বলিল—এই তুমি বলিলে, না হইলে আমি কিরূপে জানিব তুমি কি ভাবিতেছিলে? কি স্বপ্নের কথা ভাবিতেছিলে, পুষ্পের?

এবার তেজসিংহের মুগ্ধ গম্ভীর লইল, ক্র কুণ্ঠিত হইল, গম্ভীর স্বরে জিজ্ঞাসা করিলেন—আমি পুষ্পের কথা ভাবিতেছিলাম, তাকে কে বলিল?

ভীলবালা বাল্যোচিত সরলতার সহিত সত্যে তেজসিংহের দিকে চাহিয়া উত্তর করিল—তাহা আমি কি প্রকারে জানিব? তবে বাল্যকালে লোকে ফল-ফুলের কথা স্বপ্ন দেখে না ত আর কিসের স্বপ্ন দেখে?

তেজসিংহ বালিকার সরল মুখখানি দেখিয়া মনে মনে ভাবিলেন—আমি মিথ্যা! সন্দেহ করিয়াছিলাম। বলিলেন—আমি বাল্যকালে সত্য সত্যই পুষ্পের স্বপ্ন দেখিতাম, তাহাই ভাবিতেছিলাম; তুই যথার্থই সন্দেহ করিয়াছিস।

ভীলবালিকা। ভীল অনেক বিষয়

দেখিতে পায়, অনেক কথা শুনিতে পায়! তুমি যদি ভীল হইতে!

তেজসিংহ। তাহা হইলে কি হইত? তেজসিংহের হাতে বালিকার হাত ছিল, বালিকা নিঃশব্দে তাহাই দেখাইল।

তেজসিংহ পুনরায় জিজ্ঞাসা করিলেন—তাহা হইলে কি হইত?

খিল্ খিল্ করিয়া হাসিয়া ভীলবালা কহিল—তুমি কি অন্ধ? বিভিন্নতা দেখিতে পাও না? তাহা হইলে তোমার হাত কি স্বেত হইত, না আমার শ্রায় কৃষ্ণবর্ণ হইত?

ভীলবালা যথার্থই বালিকা, গম্ভীরভাবে বর্ণবিভেদের কথা ভাবিতেছিল!

তেজসিংহ পুনরায় সন্মোহে কহিলেন—বালিকা শীঘ্র বাড়ী যা; এইক্ষণেই রুটি হইবে।

বালিকা। আমি যাইব না।

তেজসিংহ। কেন?

বালিকা। আমি মেঘ দেখিতে ছাল বাসি।

তেজসিংহ। কেন?

বালিকা। কেমন সাদা বিছাতের সঙ্গে কাল মেঘ একত্রে গেলা করে!

তেজসিংহ পুনরায় বালিকার দিকে চাহিলেন, দেখিলেন, সারল্যের সহিত বালিকা সাদা বিছাত ও কৃষ্ণবর্ণ মেঘের দিকে চাহিয়া রহিয়াছে!

অস্পষ্টস্বরে তেজসিংহ বলিলেন—বালিকা তুই কি সরলা বালিকা, না চিন্তা-শীলা নারী? আমি তোকে কখনই ভাল করিয়া চিনিতে পারিলাম না।

পরক্ষণে তেজসিংহ চাহিয়া দেখিলেন, বালিকা নাই, পর্বত ও শিলারাশির মধ্যে চঞ্চলা বালিকা অন্ধকারে লীন হইয়া

গিয়াছে। দূর হইতে খিল্ খিল্ হাস্তধ্বনি
শ্রুত হইল, বালিকা সত্যই বালিকা!

—:—

ত্রয়োদশ পরিচ্ছেদ ।

ভীলদিগের পালে ।

অশাবতারমিব কৃতান্তশ্চ, মহোদরমিব পাপশ্চ,
সারথিমিব কলিকালশ্চ,
ভীষণমপি হাসন্তুয়া গভীরমিব অনভিভব-
নীরাকৃতিঃ
শবরসেনাপতিমপশ্চম্ ।

কাদম্বরী ।

তখন তেজসিংহ সে হৃদ ত্যাগ করিয়া
পর্বত আরোহণ করিয়া বালিকার পিতার
কুটারে যাইলেন। ভীলসর্দার ভীমচাঁদই
দশমবর্ষীয় বালক তেজসিংহকে আপন
পালে নিকটস্থ গহ্বরে লুকাইয়া তাঁহার
প্রাণরক্ষা করিয়াছিল; ভীমচাঁদের দয়া
ও প্রভুভক্তিগুণে অল্প তেজসিংহ অষ্টাদশ-
বর্ষীয় যোদ্ধা হইয়াছেন।

সন্ধ্যার সময় সেই পালের প্রতি কুটারে
ভীলনারীগণ আপন আপন গৃহকার্যে রত
রহিয়াছে। সকলের শরীর বলিষ্ঠ ও উপরি-
ভাগ অনাবৃত অথবা অর্ধাবৃত। কেহ কেহ
গোবৎসকে আহার দিতেছে, কেহ বা
শিশুকে স্তন দিতেছে, কেহ বা আহার
প্রস্তুত করিতেছে, আবার কেহ বা এই
যুদ্ধের সময়ে পালের কণ্টকবেষ্টনে আরও
কণ্টক রোপণ করিতেছে। পালের প্রত্যেক
কুটারে রন্ধনের অগ্নি জলিতেছে, অগ্নির
চতুর্দিকে বা গৃহের বাহিরে উলঙ্গ বর্ষর
শিশুগণ খেলা করিতেছে। মনুষ্যের বাস-

স্থান হইতে বহুদূরে, পর্বতের শিখরে,
হর্ভেষ্ জঙ্গল-আবৃত ও কণ্টকবৃক্ষবেষ্টিত এই
তঙ্করের উপনিবেশ কি বিশ্বয়কর! সভ্য
মনুষ্য তাহাদিগকে ঘৃণা করে, সভ্য মনুষ্য
তাহাদিগের উর্বরা ভূমি কাড়িয়া লইয়াছে,
ভীলগণ তাহার প্রতিশোধ দিয়াছে।
হিংস্রক পক্ষীর স্থায় এই পর্বতবাসী ভীলগণ
শতবার লোকালয়ে অবতীর্ণ হইয়াছে, সভ্য
মনুষ্যের লুপ্তিতধনে ভীলনারী ও ভীলশিশু
পালিত হইয়াছে। ভীমচাঁদের কুটারে অল্প
সেই পালের সমস্ত যোদ্ধা আসিয়া জড়
হইয়াছে, এবং কুটারের অগ্নিতে সেই ভীল-
দিগের বিকৃত মুখ ও বিকৃত অবয়ব অধিক-
তর বিকৃত বোধ হইতেছে।

ভীমচাঁদের সমস্ত শরীর প্রায় উলঙ্গ,
কেবল মধ্যদেশ ও বক্ষঃস্থল বস্ত্রাবৃত, বাহ
ও পদদ্বয় অনাবৃত ও সুবন্ধ পেশী-বিজড়িত।
মুখমণ্ডল দেখিলে ভয় হয়, নয়নদ্বয় উজ্জ্বল,
শরীর দীর্ঘ ও বলিষ্ঠ, কিন্তু বাল্যকাল অবধি
নৃশংস আচরণে মনের সুকুমার কোমল
প্রবৃত্তি সমস্ত লুকাইয়া গিয়াছে, সে পর্বত
অপেক্ষাও ভীমচাঁদের হৃদয় কঠিন! তথাপি
সেই কঠিন হৃদয়েও চই একটা গুণের
পরিচয় পাওয়া যাইত। বিপদের সময়
ভীমচাঁদ যেরূপ সাহসী সেইরূপ উপায়
উদ্ভাবনে তৎপর, তাহার তীক্ষ্ণ নয়ন বহুদূর
হইতে বিপদের চিহ্ন লক্ষ্য করিতে পারিত।
ভীমচাঁদ স্বামীধর্ম জানিত, মিত্রের মধ্যে
সত্যপালন করিত। একমাত্র হুহিতার
জন্ত সে কঠিন হৃদয়েও গমতা ছিল।

ভীমচাঁদের উভয় পার্শ্বে অগ্ন্যাঙ্ক যে
ভীলগণ বসিয়াছিল, তাহাদিগের শরীর
অনাবৃত, কেবল একখানি কোপীন ভিন্ন
অল্প বস্ত্র ছিল না।

সেই ভীলপালে অল্প দুই জন আগন্তুক উপস্থিত ছিলেন। পাহাড়জী ভূমিয়া ও চন্দ্রপুরের গোকুলদাস আজি ভীমচাঁদ ও তেজসিংহের সহিত সাক্ষাৎ করিতে আসিয়া ছিলেন। পাহাড়জী জাতিতে ভূমিয়া, ভূমিকর্ষণ করা তাঁহার ব্যবসায়। নয়নে ও ললাটে যোদ্ধার দর্প নাই, কিন্তু শরীর বলিষ্ঠ ও পরিশ্রমে দৃঢ়বদ্ধ। ভূমিয়াগণ সুস্বাস্থ্যক জানেন না, কিন্তু যুদ্ধকালে নিজ নিজ দুর্গ, নিজ নিজ ভূমি প্রাণপণে রক্ষা করিত, দেশের ভিতর শত্রুর গতিরোধ করিত। ফলতঃ মেওয়ারের ভূমিয়া রাজপুত্রগণ “মিলিশীয়া” বিশেষ ও অগ্গাণ্ড রাজপুত্রের জায় বিদেশীয় আক্রমণ হইতে দেশরক্ষায় যৎপরোনাস্তি তৎপর থাকিত। গোকুলদাস একজন “বশী” পাঠক, পূর্বেই তাঁহার সহিত সাক্ষাৎ করিয়াছিলেন। অনেক বয়সে, অনেক ক্রমশে শরীর শীর্ণ হইয়াছে; কিন্তু নয়নের উজ্জ্বলতা বা হৃদয়ের উদ্যম ও উৎসাহ এখনও অপনীত হয় নাই। তাঁহার হস্ত হইয়াছে; হত্যাকারীকেও দিবে, কেবল এই আশায় বৃদ্ধ জীবনধারণ করিয়াছে।

ভীলকুটীরে প্রায় আলোকের চতুর্দিকে এই সকল লোক বসিয়া আছেন, একরূপ সময় প্রায় ৪৩ দণ্ড রজনীতে তেজসিংহ সেই কুটীরে প্রবেশ করিলেন। সকলে তাঁহাকে আঁহান করিল।

পরস্পরে অনেক কথাবার্তা হইতে লাগিল। মহারাণা প্রতাপসিংহের কথা হইল, হন্দীঘাটার যুদ্ধের কথা হইল, দুর্জয়সিংহ ও সূর্য্যমহলের কথা হইল। পরে তেজসিংহ কবে সূর্য্যমহল আক্রমণ করিবেন, সকলে তাহাই জিজ্ঞাসা করিল।

পাহাড়জী নিজ ভূমিয়া সৈন্তসহিত, ভীমচাঁদ আপন ভীলদিগের সহিত, গোকুলদাস বশীদিগের সহিত, তেজসিংহের সহায়তা করিবেন।

তেজসিংহ সকলকে ধন্যবাদ দিয়া ভীমচাঁদের বিশেষ সুখ্যাতি করিয়া কহিলেন, —লোকালয় ত্যাগ করিয়া দশম বৎসর অবধি তিলকসিংহের পুর পর্তগহরে বাস করিতেছে। সর্দার ভীমচাঁদের অল্পগ্রহে সে দুর্জয়সিংহের বিজাতীয় ক্রোধ হইতে লুক্কায়িত রহিয়াছে, সর্দার ভীমচাঁদের অল্পগ্রহে সে এই আট বৎসর নিরালয়ে প্রতিপালিত হইয়াছে। ভীমচাঁদের পিতা আমাদের মহারাণার পিতা রাণা উদয়সিংহকে বিপদের সময় রক্ষা করিয়াছিলেন, তাহা আপনারা অবগত আছেন : ভীমচাঁদ এক্ষণে আমাদের উপর সেই অল্পগ্রহ প্রকাশ করিয়াছেন। ভীলগণ শত যুদ্ধে, শত বিপদে, রাজপুত্রদিগের সহযোদ্ধা ও প্রকৃত বন্ধু।

ভীমচাঁদ কহিল—আমি তিলকসিংহকে জানিতাম; সেরূপ রাজপুত্র আর দেখিব না। তিলকসিংহের পুত্রের জন্ম ভীমচাঁদের যাত্রা সাধা তাহা করিবে, ভীমচাঁদের ভীলগণ ধনুর্ঝাণ-হস্তে সূর্য্যমহল আক্রমণ করিবে। রাজপুত্র ভীলদিগের প্রভু, রাজপুত্রদিগের সহায়তা করা ভীলদিগের প্রধান ধর্ম। গৃহাগতদিগকে আশ্রয়দান করা ভীলদিগের জাতিধর্ম।

পাহাড়জী কহিল—আমিও তিলকসিংহকে বিশেষ জানিতাম।

পরে বৃদ্ধ গোকুলদাস কহিল—দুর্জয়সিংহের অত্যাচারে যখন পাহাড়জী ভূমিয়া হইয়াছেন, তখন বৃদ্ধ বশীগণ

কতদূর উৎপীড়িত হইবে, আপনারা বিবেচনা করিতে পারেন। চন্দ্রপুরে একরূপ বৎসর নাই, একরূপ মাস নাই, একরূপ সপ্তাহ নাই যে, দুর্জয়সিংহের অত্যাচারে প্রজাগণ উৎপীড়িত না হইতেছে। তাহারা বশী, তাহাদের স্বাধীনতা নাই, তাহারা কি করিবে? কেবল স্বর্গীয় তিলকসিংহের কথা স্মরণ করে, তাহার পুত্র জীবিত আছেন কি না জিজ্ঞাসা করে! পূর্বে আপনার জীবিত থাকার কথা তাহারা জানিত না, সম্প্রতি না কি দুর্জয়সিংহের সহিত আহেরীয়ার দিন আপনার দেগা হইয়াছিল, এইরূপ শুনিতে পায়। মনে মনে তাহারা দিন গণে, মাস গণে, কবে পিতার গদীতে আপনি বসিবেন সর্বদা সেই প্রার্থনা করে। তিলকসিংহের পুত্র! আদেশ করুন, চন্দ্রপুর প্রভৃতি গ্রামের আবালাবুদ্ধ দুর্জয়সিংহের বিরুদ্ধে অসিধারণ করিবে। বুদ্ধ আর কি বলিবে? তাহারা নিজের উপর এ বুদ্ধ বয়সে যে অত্যাচার হইয়াছে, জগদীশ্বর তাহার বিচার করুন; কেবল চন্দ্রপুরের প্রজাদিগের প্রতি অত্যাচার আপনি নিবারণ করুন।

বুদ্ধের পুত্রহত্যার কথা কলেই জানিতেন, সকলেই কথা শুনিয়া ক্রুদ্ধ হইলেন। তেজসিংহ কহিলেন—পিতার পুরাতন ভৃত্য। তোমার দুঃখ কেবল জগদীশ্বরই সাহায্য করিতে পারেন; কিন্তু আমি অস্বীকার করিলাম, পুনরায় পিতার গদী পহঁলে চন্দ্রপুর প্রভৃতি গ্রামের বশীদিগকে আমি স্থগী করিব।

এইরূপ অনেক কথাবার্তার পর তেজসিংহ কহিলেন—আর একটা কথা আছে,

আমি আহেরীয়ার দিন নাহারা মগুরোতে গিয়াছিলাম।

সে ভয়ানক স্থলের নাম শুনিয়া সকলে নিস্তব্ধ হইলেন, চারণীদেবীর নিকট হইতে তেজসিংহ কি জানিয়াছেন, জানিবার জন্ত সকলে নিস্তব্ধ হইয়া রহিলেন।

তেজসিংহ কহিলেন—চারণীদেবীর আদেশ, বিদেশীয় যুদ্ধ বর্তমানে মেওয়ারের গৃহকলহ ক্ষান্ত হয়, মেওয়ারের এই চিরপ্রথা। তিলকসিংহের পুত্র এই চিরপ্রথা পালন করুন।

অনেকক্ষণ পর বুদ্ধ গোকুলদাস বলিল—ভগবান জানেন জিখাংসায় এ বুদ্ধের শরীর দৃঢ় হইতেছে, পুত্রশোক অপেক্ষা বিষম শোক এ সংসারে নাই! তথাপি বুদ্ধের মতে চারণী মাতা যথার্থ আদেশ করিয়াছেন, যতদিন দিল্লীশ্বরের সহিত মহারাণীর যুদ্ধ হয়, ততদিন গৃহকলহ ক্ষান্ত হউক।

চতুর্দশ পরিচ্ছেদ ।

—o::o::o—

রাঠোর দুর্গে।

নহু কশভেন যুথপতেমুকৃতম্।

মালবিকাগ্নিমিত্রম্।

রজনী এক প্রহর হইয়াছে; তেজসিংহ ভীলকুটার ভাগ করিয়া ধীরে ধীরে রাঠোর যোদ্ধা দেবীসিংহের ভীমগড় দুর্গাভিমুখে গমন করিতে লাগিলেন।

তিলকসিংহের যাবতীয় যোদ্ধার মধ্যে দেবীসিংহ অপেক্ষা বিশ্বাসী অমুচর বা সাহসী সহযোদ্ধা আর কেহ ছিল না। বহুকাল পূর্বে যখন তিলকসিংহের পূর্ব-

পুরুষ সূর্যামহল প্রথম হস্তগত করিয়াছিলেন, দেবীসিংহের পূর্বপুরুষ তাঁহার দক্ষিণ হস্তের শ্রায় সকল বিপদে সহায়তা করিয়াছিলেন । সূর্যামহলের বিজেতা সন্তুষ্ট হইয়া নিকটস্থ একটি পর্বতে ভীমগড় নামক দুর্গ নির্মাণ করাইয়া অনুচরকে সেই দুর্গ প্রদান করিলেন ।

সেই অবধি পুরুষানুক্রমে ভীমগড়ের যোদ্ধগণ সূর্যামহলের অধীশ্বরদিগের অধীনে যুদ্ধ করিত, শত আহবে আপনাদিগের শোণিত দান করিয়া “স্বামীধর্ম” প্রদর্শন করিয়াছিল ।

দুর্জয়সিংহ কর্তৃক সূর্যামহল অধিকার সময়ে সেই দেশ যুদ্ধে তিলকসিংহের অধিকাংশ সৈন্য হত হইয়াছিল, কিন্তু সকলে হত হয় নাই । যাহারা অবশিষ্ট ছিল, তাহারা সে দুর্গ ত্যাগ করিয়া বহুদিন অবধি জঙ্গল ও পর্বত গুহায় বাস করিতে লাগিল, অবশেষে ভীমগড়ে দেবীসিংহের অধীনে কর্ম করিতে লাগিল । তাহাদিগের মধ্যে কেহ কেহ বালক তেজসিংহকে সেই রজনীতে সন্তরণ দ্বারা হুদ পার হইতে দেখিয়াছিল, সুতরাং বালক এখনও জীবিত আছে, এইরূপ স্থিরনিশ্চয় করিয়াছিল । অনেক বৎসর বৃণা অনুসন্ধান করিয়া শেষে দুই একজন পুরাতন ভৃত্য ভীলবেশধারী তিলকসিংহের পুত্রকে চিনিল ; সানন্দে সেই দরিদ্র ভীলভিক্ষাহারীকে প্রভু বলিয়া অভির্বাদন করিল ।

তখন পুরাতন সৈন্যগণ একে একে তেজসিংহের চতুর্দিকে জড় হইতে লাগিল, ও বালককে পিতার শ্রায় বিক্রমশালী ও দীর্ঘাকার দেখিয়া আনন্দিত হইল ! ক্রমে ক্রমে এ সংবাদ তিলকসিংহের সমস্ত অনু-

চরদিগের মধ্যে রাষ্ট্র হইল । তাহারা সকলে বালককে পুনরায় পাইয়া একবাক্যে কহিল—আমরা তিলকসিংহের লবণ আশ্বাদন করিয়াছি, আমাদের খজা, আমাদের জীবন তিলকসিংহের পুত্রের ! আদেশ করুন, পুনরায় সূর্যামহল অধিকার করিয়া আপনাকে পিতার গদীতে উপবেশন করাই ।

প্রাচীন যোদ্ধা দেবীসিংহ সানন্দে প্রভুপুত্রকে আলিঙ্গন করিয়া ভীমগড়ে আসিয়া বাস করিবার অনুরোধ করিলেন । কিন্তু তেজসিংহ উত্তর করিলেন—দাঁড়নে ভীলগণ আমাকে আশ্রয়দান করিয়াছেন, আমি, যতদিন সূর্যামহল জয় না করি, ততদিন ভীলকুটীরেই থাকিব ।

অতঃ পরজনীতে সেই রাঠোরগণ গর্ব উপর একটি প্রশস্ত স্থলীতে উপবেশন করিয়াছিল । নিকটে বৃক্ষ বা ঘর নাই, পরিষ্কার অন্ধকার নীল আকাশ চক্রাতপের শ্রায় সেই বীরমণ্ডলীর উপর লম্বিত রহিয়াছিল । পরিষ্কার আকাশে অসংখ্য তারা দেখা যাউতেছে, নীচে স্থানে স্থানে অগ্নি জ্বলিতেছে, এক এক আগ্নের চতুর্দিকে দুই চারি জন রাঠোর উপবেশন করিয়া অগ্নিসেবন করিতেছে । যোদ্ধাদিগের কণাবর্তী বা হাস্যধ্বনি বা গীতরব সেই নিশার নিস্তব্ধতায় বহুদূর পর্য্যন্ত শ্রুত হইতেছে । স্থানে স্থানে দুই এক জন যোদ্ধা অগ্নিপার্শ্বে শয়ন করিয়া রহিয়াছে, স্থানে স্থানে কোন চারণকে মধ্যবর্তী করিয়া চারিদিকে রাঠোরগণ চারণের গীত, রাঠোরের পূর্বগৌরব গীত, শুনিতেছে । তিলকসিংহের পুত্রকে সহসা দূর হইতে দেখিয়া সকলে গাত্ৰোত্থান করিল, ও একে

বারে পঞ্চশতরাঠোর উল্লাসে গর্জন করিয়া উঠিল। সে উৎসাহ দেখিয়া তেজসিংহ আনন্দিত হইলেন।

অধির আলোক সেই প্রাচীন যোদ্ধা-দিগের ললাট ও মুখমণ্ডলের উপর পতিত হইয়াছে। বালাবস্থা হইতে যুদ্ধব্যবসায়ে তাহাদিগের শরীর দৃঢ়বদ্ধ হইয়াছে, কাহারও ললাটে, কাহারও বদনমণ্ডলে, কাহারও বক্ষঃস্থলে বা বাহুতে, খজ্জাচিহ্ন অঙ্কিত রহিয়াছে। কেশপাশ কাহারও গুরু, কাহারও ঈষৎ গুরু, নয়ন সকলেরই উজ্জ্বল। সকলেই রাঠোরশ্রেষ্ঠ তিলকসিংহের অধীনে শতবার যুদ্ধ করিয়াছে, আক্কেবর কর্তৃক চিতোর ধ্বংস স্বচক্ষে দেখিয়াছে, এক্ষণে তেজসিংহকে সেনাপতি করিয়া প্রথমে সূর্য্যমহল, তৎপরে চিতোর উদ্ধার করিবার জন্ত জীবন দিতে প্রস্তুত। তেজসিংহ যখন পিতার প্রাচীন সেনাপতিকে আপনার চতুর্দিকে দেখিলেন, তাহাদিগের উল্লাসরব ও আনন্দধ্বনি শুনিলেন, যখন সেই প্রাচীন রাঠোরদিগের যুদ্ধাঙ্কিত বদনে ও উজ্জ্বল নয়নে কেবল স্বামীধর্ম ও উৎসাহের লক্ষণ পাঠ করিলেন, তখন তাঁহার হৃদয় উৎসাহে প্রাবিত হইল, তিনি সজলনয়নে পিতার যোদ্ধাদিগকে একে একে আলিঙ্গন করিলেন। তিলকসিংহের পুত্রের এই সৌজন্ত দেখিয়া পুরাতন রাঠোরগণ পুনরায় উল্লাসে গর্জন করিয়া উঠিল।

তেজসিংহ বলিলেন—বীরগণ ! তোমরাই যথার্থ স্বামীধর্ম প্রদর্শন করিলে, রাঠোরকুল তোমাদের স্বামীধর্মে গৌরবা-ধিত হইবে, তেজসিংহ তোমাদের স্বামীধর্ম বিশ্বত হইবে না।

রাঠোরগণ উত্তর করিল—আমরা

স্বর্গীয় তিলকসিংহের প্রতিপালিত, আমাদিগের জীবন, আমাদিগের খজ্জা তেজসিংহের !

প্রাচীন দেবীসিংহ বলিলেন, (গুরু কেশে তাঁহার প্রশস্ত ললাট আবরণ করিয়াছে, কিন্তু নয়নের দীপ্তি আবৃত করিতে পারে নাই)—এ দাস তিলকসিংহকে সূর্য্যমহলের গদীতে আরোহণ করিতে দেখিয়াছে, যত্নের পূর্বে তেজসিংহকে সেই গদীতে বসাইবার বাসনা করে। হৃদয়ের জীবনে অস্ত্র আকাঙ্ক্ষা নাই।

তেজসিংহ। দেবীসিংহ ! পিতার রাঠোরদিগের মধ্যে তোমার স্থান প্রাচীন কেহই নাই ; অথচ হৃদয়ঘাতী যুদ্ধে রাঠোরদিগের মধ্যে তোমা অপেক্ষা আর কেহ ছিল না ! তথাপি তোমার মনঃসম্মতি পূর্ণ হইতে বিলম্ব আছে।

দেবীসিংহ। প্রভুর আদেশ শিরোধার্য্য কিন্তু প্রভু কি বিজয়ে সন্দেহ করেন ? শুনিয়াছি চন্দাওয়ার দুর্জসিংহের এক সহস্র সেনা আছে ; পঞ্চশত রাঠোর কি এক সহস্র চন্দাওয়ারদিগের সহিত যুদ্ধদানে অসমর্থ।

তেজসিংহ। রাঠোরের বীরস্বৈ আশি সন্দেহ করি না, বিশেষ পিতার অস্ত্রায় বন্ধুওআমার সহায়তা করিতে, প্রতিজ্ঞা করিয়াছেন। পাহাড়জী ভূমিয়ার প্রায় এক সহস্র ভূমিয়া আছে, ভীমচাঁদের প্রায় দ্বিশত ধনুর্ধর ভীল যোদ্ধা আছে, চন্দ্রপুরে প্রায় দ্বিশত বশী প্রজা আছে, তাঁহারা সকলেই তিলকসিংহের পুত্রের জন্ত জীবন দানে প্রস্তুত।

দেবীসিংহ। তবে যুদ্ধের বিলম্ব কি ?
তেজসিংহ। সূর্য্যমহল আক্রমণ

করিলে বিজয় লাভ করিতে পারি, কিন্তু পিতার যোদ্ধগণ! তোমাদিগের অধিকাংশকে হারাইব।

দেবীসিংহ । প্রভুর জন্ত জীবনদান ভিন্ন রাঠোরের আর কি গৌরব আছে? রাঠোর কি মৃত্যু ডরে?

তেজসিংহ। রাঠোর মৃত্যু ডরে না—পিতা চিতোর রক্ষার্থে প্রাণ দিয়াছিলেন। কিন্তু সূর্যমহলে তোমরা প্রাণদান করিলে পুনরায় হন্দীঘাটায় কে যুঝিবে? বীরগণ! মাতার হত্যা ও কুলের অবমাননার কথা তেজসিংহ বিস্মৃত হয় নাই, ধমনীতে যতদিন শোণিত থাকিবে ততদিন বিস্মৃত হইবে না। কিন্তু বিদেশীয় যুদ্ধ বর্তমানে “বেরি” নিষিদ্ধ! রাজপুত্রগণ! রাজপুত্রধর্ম পালন কর।

প্রাচীন রাঠোর-যোদ্ধগণ সকলে নতশির হইল। অনেকক্ষণ পর দেবীসিংহ গভীরস্বরে কহিলেন—ভিলকসিংহের পুত্র যাহা স্থির করিয়াছেন, তাহাই রাঠোর-মাজের শিরোধার্য্য, বিদেশীয় শত্রু বর্তমানে রাঠোর চন্দাওয়তের ভ্রাতা, চন্দাওয়ৎ রাঠোরের ভ্রাতা, স্বেচ্ছ ভিন্ন রাজপুত্রের আর শত্রু নাই! কিন্তু এ যুদ্ধের পরিণাম পর্য্যন্ত যদি দেবীসিংহ জীবিত থাকে, চন্দাওয়ৎ হর্জয়সিংহ, সাবধান!

সকল রাঠোর গর্জিয়া উঠিল—চন্দাওয়ৎ হর্জয়সিংহ, সাবধান!

এইরূপ উৎসাহবাক্য চারিদিকে হইতেছে, ইহার মধ্যে দেবীসিংহের চতুর্দশ বর্ষীয় পুত্র চন্দনসিংহ ধীরে ধীরে তেজসিংহের সম্মুখে অগ্রসর হইল। বালকের সুন্দর ললাটে গুচ্ছ গুচ্ছ কৃষ্ণকেশ নৃত্য করিতেছে, কৃষ্ণনয়নে বাণ্যের চপ

বিরাজ করিতেছে। বালকের মুখমণ্ডল কোমল, গুষ্ঠ ছটা রক্তবর্ণ, কিন্তু অবয়ব দীর্ঘ, শরির এই বয়সেই বলিষ্ঠ ও দৃঢ়বদ্ধ। বালক ধীরে ধীরে তেজসিংহের সম্মুখে আসিয়া নত শির হইল।

বালককে দেখিয়া তেজসিংহের পূর্বকথা একবার স্মরণ হইল। একবিন্দু অশ্রু-মোচন করিয়া কহিলেন—চন্দন! বাল্যকালে সূর্যামহলে তুমি আমার ক্রীড়ার সঙ্গী ছিলে, তোমার কি মনে পড়ে? আমার দেখাদেখি ছয় বৎসর কালের সময় তুমি তীর ও বর্ষা নিক্ষেপ করিবার চেষ্টা করিতে, তাহা কি মনে পড়ে? পিতা একদিন তোমার ললাট দেখিয়া কহিয়াছিলেন—চন্দন দেবীসিংহের ত্রায় বীর হইবে, তাহা কি মনে পড়ে?

সক্রতস্বরে চন্দন কহিলেন—প্রভুই আমার বাল্যগুরু ছিলেন, প্রভুই আমার জ্যেষ্ঠ সত্বাদরের ত্রায় ছিলেন, তাহা কি বিস্মৃত হইতে পারি? প্রভুই আমাকে প্রথম রণশিক্ষা দিয়াছেন, এক্ষণে এই তুর্কীদিগের সহিত যুদ্ধকালে যদি প্রভু আমাকে যুদ্ধযাত্রার অনুমতি দান করেন, তবেই কৃতার্থ হই।

তেজসিংহ। চন্দন! তোমার বয়স অল্প, এক্ষণে দুর্গে রণশিক্ষা কর, যথা সময়ে তোমার পিতা তোমাকে যুদ্ধে লইয়া যাইবেন।

চন্দনসিংহ। চতুর্দশবর্ষীয় রাঠোর কি তুর্কীদিগের সহিত যুঝিতে সক্ষম নহে?

হাস্য করিয়া তেজসিংহ কহিলেন—সিংহের ঙুরসে সিংহশাবকই জন্মগ্রহণ করে; দেবীসিংহের পুত্র কেন না যুদ্ধের জন্ত ব্যস্ত হইবে? চন্দনসিংহ! অচিরেই তীক্ষ্ণ যুদ্ধ

হইবে, সম্ভবতঃ আমাদের সকলেরই যুদ্ধের সাধ মিটিবে। তোমার পিতা সর্বদা মহারাণার সহিত থাকিবেন, তুমি এখানে না থাকিলে ভীমগড় কে রক্ষা করিবে? বালক! এই অল্প বয়সেই তুমি বীর; এই অল্প বয়সেই তোমাকে আমি ভীমগড় দুর্গ-রক্ষার নিযুক্ত করিলাম; তোমার হস্তে রাঠোর-অসির অবমাননা হইবে না।

ধীরে ধীরে চন্দনসিংহ কোষ হইতে অসি বাহির করিল, সেই অসি স্পর্শ করিয়া ধীরে ধীরে আকাশের দিকে চাহিয়া অল্প-বয়স্ক বীর কহিল।—তাহাই হউক! চন্দন-সিংহ প্রভু-আদেশে ভীমগড় অদ্য হইতে রক্ষা করিবে। ভগবান্ সহায় হউন, যতক্ষণ চন্দনসিংহ জীবিত থাকিবে, যতক্ষণ দুর্গে একজন রাঠোর জীবিত থাকিবে, ততক্ষণ এ দুর্গে তুর্কীর প্রবেশ নাই।

বালকের এই পণ শুনিয়া রাঠোরমণ্ডলী সাধুবাদ করিতে লাগিল, প্রাচীন দেবী-সিংহের নয়ন হইতে আনন্দাশ্রু বহিতে লাগিল। কিন্তু রাঠোরগণ জানে না, প্রাচীন দেবীসিংহ জানে না, কিরূপ ভয়ানক শোণিতশ্রাত ও অগ্নিরাশির মধ্যে এই বিষম পণ রক্ষা হইবে!

পঞ্চদশ পরিচ্ছেদ ।

চন্দাওয়ৎ দুর্গে ।

অখাঙ্কিনাখাচুধরঃ প্রগল্ভবাক্ জলস্নিব
ব্রহ্মভয়েন ৈকস্মা
বিবেশ কশ্চিচ্ছটিলস্তপোবনঃ শরীরবন্ধঃ
প্রথমাশ্রমো যথা ।
কুস্মারসত্ত্ববুন্ম ।

পাঠক! চল আমরা ভীমগড় ত্যাগ করিয়া একবার সূর্যামহলে গমন করি, তথায় সূর্যামহলেশ্বর দুর্জয়সিংহের সহিত সাক্ষাৎ করি।

হলদীঘাটার যুদ্ধান্তে দুর্জয়সিংহ সূর্যামহলে প্রত্যাগমন করিয়াছেন। প্রাতঃকালে সূর্যামহল-পর্বতচূড়া হইতে চন্দাওয়ৎপতাকা উড্ডীন হইতেছে ও চন্দাওয়ৎ-রণবাণ্য চারিদিকে শব্দিত হইতেছে। “দরীশালায়” অর্থাৎ সভাগৃহে দুর্জয়সিংহ উপবেশন করিয়াছেন, উভয় পার্শ্বে তাঁহার সহযোদ্ধগণ চাল ও খড়্গহস্তে উপবেশন করিয়াছেন। ‘চতুর্দিকে দুর্গবাসীগণ দুর্গেশ্বরকে দেখিতে আসিয়াছে; নাগরিকগণ পরস্পরে হলদীঘাটার ও তুর্কীদিগের বিষয় কথোপকথন করিতেছে; পুরনারীগণ “সুহেলায়া” অর্থাৎ মঙ্গলগীত গাইয়া যুদ্ধপ্রত্যাবৃত্ত চন্দাওয়ৎ বীরদিগকে আহ্বান করিতেছে।

সভাগৃহের ভিতর দুর্জয়সিংহের উভয় পার্শ্বে তাঁহার যোদ্ধগণ বসিয়াছিলেন; কয়েকমাস পূর্বে এই সভাস্থলে যে সমস্ত বীর উপবেশন করিয়াছেন, হায়! তাঁহাদিগের মধ্যে অনেকে অস্ত্র আর এজগতে নাই। তাঁহাদিগের বীরত্ব ও অকালমৃত্যু

স্বরগ করিয়া সকলেই শত ধন্যবাদ করিতে লাগিলেন ; বীরগণ সেইরূপ সম্মুখযুদ্ধে স্বদেশের অস্ত্র প্রাণ দিতে পারেন এই আকাঙ্ক্ষা করিতে লাগিলেন । অস্ত্র যাঁহারা সভায় বর্তমান আছেন, তাঁহাদিগের মধ্যেও অনেকে শরীরে যুদ্ধাঙ্গ বহন করিতে-ছিলেন ; কাহারও ললাট, কাহারও দীর্ঘ বাহু, কাহারও বিশাল বক্ষঃস্থল, খড়্গা বা বর্ষা বা গুলির অনপনেয় অঙ্কে অঙ্কিত হইয়াছে ।

সভাগৃহের একপ্রান্তে দুর্জয়সিংহের “গোলা” অর্থাৎ দাসগণ দণ্ডায়মান হইয়া-ছিল । ইহারা যুদ্ধকালে প্রভুর পাশ্ব কখনও পরিত্যাগ করে না । হিন্দীঘাটার যুদ্ধে দুর্জয়ের সহিত প্রায় এক শত “গোলা” গমন করিয়াছিল, তাহার মধ্যে পঞ্চাশৎ জনও ফিরিয়া আইসে নাই ! গোলাগণ চিরদাস, তাহাদিগের “গোলা” ভিন্ন অস্ত্র কাহারও সহিত বিবাহ নিষিদ্ধ, তাহাদিগের পুত্র কন্যাও দাস দাসী । গোলাদিগের জীবন মরণ প্রভুর হস্তে, তাহারাও প্রভুভক্তি ভিন্ন অস্ত্র ধর্ম জানিত না । গৃহপ্রান্তে দুর্জয়ের ত্রিংশৎ কি চত্বারিংশৎ “গোলা” বিনীতভাবে দণ্ডায়মান রহিয়াছে, তাহাদিগের দক্ষিণ পদে রৌপ্যানির্মিত বলয় শোভা পাইতেছে ।

দুর্জয়সিংহ যুদ্ধের কথা কহিতেছিলেন । বর্ষার শেষে যুবরাজ সলীম ও তুর্কীগণ কি পুনরায় আসিবেন । রাজা মানসিংহ কি স্বদেশবাসীদিগের শোণিতপাতে এখনও তুষ্ট হইবেন নাই ? যদি না হইয়া থাকেন, মেওয়ারের শিশোদীয়গণ আরও শোণিত-দানে সন্মত আছেন, তুর্কীগণ পুনরায়

আসিলে শিশোদীয়গণও পুনরায় স্বরগে তাহাদিগকে আহ্বান করিবেন ! যতদিন শিশোদীয়ের একজন বীর জীবিত থাকিবে, যতদিন চন্দাওয়ৎ-ধমনীতে শোণিত প্রবাহিত হইবে, ততদিন মেওয়ারভূমি পরাধীনতার কলঙ্করেখা ললাটে ধারণ করিবেন না !

এইরূপ কথা হইতে হইতে চারণদেব তথায় উপস্থিত হইলেন । দুর্জয়সিংহের অনুমতিক্রমে চারণদেব হিন্দীঘাটার একটা গীত আরম্ভ করিলেন । বৃদ্ধ চারণ স্বয়ং সেই যুদ্ধ অবলোকন করিয়াছিলেন, প্রতাপসিংহের দুর্দমনীয় সাহস অবলোকন করিয়া-ছিলেন, চন্দাওয়ৎকুলের অপ্রতিহত বীর্য অবলোকন করিয়াছিলেন, তাহাই গাইলেন । বাক্যমাগর মস্থন করিয়া গর্কিত ভাষায়, গর্কিতস্বরে হিন্দীঘাটার গর্কিত গীত গাইলেন । সভা নিস্তব্ধ ও শব্দশূন্য, চারণের উচ্চ গীত সভাগৃহে প্রতিধ্বনিত হইতে লাগিল । শেষে যখন চারণদেব চন্দাওয়ৎদিগের বীরত্ব কথা বলিতে লাগিলেন, যখন বর্ষাধারী রক্তাশ্রুত দুর্জয়সিংহের ভীম মূর্তি ও দুর্দমনীয় বীরত্ব বর্ণনা করিয়া গীত সমাপ্ত করিলেন, তখন একেবারে সভাগৃহ যোদ্ধাদিগের উল্লাসরবে পরিপূর্ণ হইল ।

বৃদ্ধ চারণের পশ্চাৎ পশ্চাৎ একটা যুবা চারণ সভাগৃহে আসিয়াছিল, সেও একটা গীত গাইবার অনুমতি চাহিল ।

দুর্জয়সিংহের দিকে লক্ষ্য করিয়া সে কহিল—চন্দাওয়ৎবীর ! রাজচারণ যে গীত গাইলেন, আমি সেইরূপ গাইব এরূপ সাধা নাই । তথাপি সভাস্থ সকলে যদি প্রসন্ন হইবেন, তবে আকবর কর্তৃক চিতোরদুর্গ

অপহরণের একটি গীত গাইব। আকাশের
যে বৃষ্টিতে শাল, তমাল, অশ্বখ, প্রভৃতি
বৃহৎ বৃক্ষ পুষ্ট হয়, তৃণ দুর্বাও কি তাহাতে
পুষ্ট হয় না? সাধুদিগের অনুমতি হইলে
এ ক্ষুদ্র কবিও একটি কবিতা রচনা করিতে
সক্ষম, সাধুগণ কি সে অনুমতি দান
করিবেন?

হর্জয়সিংহ। চারণদেব! তোমার
বিনীতভাব দেখিয়া তুষ্ট হইলাম। তুমি
আমাদিগের অপরিচিত, কিন্তু বীর ও
কবিদিগের গুণই পরিচয়। গীত আরম্ভ
কর।

ভীরুস্বরে কবি গীত আরম্ভ করিলেন,
সভাস্থ সকলে সবিস্ময়ে শুনিতে লাগিলেন।

গীত।

“সে উন্নত দুর্গ কাহার?

যাহারা বংশানুক্রমে রক্ষা করিয়াছে,
তাহাদিগের

অথবা যাহারা তঙ্করের শ্রায় অপহরণ
করিয়াছে, তাহাদিগের?

তঙ্করের অবমাননা হইবে! তঙ্করের
হৃদয়শোণিতে রাজপুত্র-খড়্গ রঞ্জিত হইবে।

“সে উন্নত দুর্গ কাহার?

যে নারী দুর্গরক্ষার্থ যুদ্ধ দান করে,
তাহার? অথবা যে নারী-হত্যা করিয়া
* দুর্গ অধিকার করে, তাহার?

নারী-হত্যাকারী অবমানিত হইবে!
নারীহত্যাকারীর হৃদয়-শোণিতে রাজপুত্র
খড়্গ রঞ্জিত হইবে!

চিতোর দুর্গ বিজয়ের সময় পুন্ডের মাতা
ও বনিতা বহুতে মোগলদিগের সহিত যুদ্ধলান
করিয়া হত হইলেন

“সে উন্নত দুর্গ কাহার?

যে বালকের সম্পত্তি অপহরণ করে,
তাহার? অথবা যে বীরবালক * অস্ত্র
পর্ষতকন্দরে বাস করিতেছে তাহার?

বালক এখন খড়্গধারণ করিয়াছে,
হলদীঘাটার যুদ্ধে যুদ্ধস্নাত হইয়াছে!
তঙ্করের হৃদয়-শোণিতে তাহার খড়্গ
রঞ্জিত হইবে।

“সে উন্নত দুর্গ কাহার?

দুর্গরক্ষার্থ যে বীরগণ হত হইয়াছে,
দুর্গচ্যুত হইয়া যাহারা পর্ষতে বাস করি-
তেছে, দুর্গ তাহাদিগের।

পুনরায় রাজপুত্রগণ দুর্গ আক্রমণ
করিবে, শত্রুরক্তে অসি রঞ্জিত করিয়া দুর্গ
অধিকার করিবে!”

গীত ক্ষান্ত হইল; যুবকের অলস নয়ন
দেখিয়া সকলে বিস্মিত হইল! সকলে
উচ্চৈঃস্বরে কহিয়া উঠিল—“তুর্কীরক্তে
অসিরঞ্জিত করিয়া রাজপুত্রগণ চিতোর দুর্গ
অধিকার করিবে!”

হর্জয়সিংহ উৎসাহবাক্য দিলেন না,
হর্জয়সিংহ সাধুবাদ করিলেন না, ক্রকুটী-
পূর্বক ভূমির দিকে চাহিয়া রহিলেন
ক্ষণেক পর পুনরায় চারণের দিকে দৃষ্টিপাত
করিলেন, চারণ সভাস্থলে নাই!

* চিতোর বিজয়ের সময় প্রতাপসিংহের
পিতা কীর্তিত ছিলেন, হুতরাং প্রতাপ যুবরাজ
মাত্র। হলদীঘাটার যুদ্ধের সময় প্রতাপ পর্ষতে ও
কন্দরে মগরিবারে বাস করিতেন।

ষোড়শ পরিচ্ছেদ ।

গায়ক কে ?

অলঙ্কারকলাপস্ত্র কুকুটীকটিলং যুধম্ ।
নিরীক্ষ্য বস্ত্রভূবনে সম-যো ন গতো ভয়ম্ ॥

বিষ্ণুপুরাণম ॥

রজনী একপ্রহরের সময় দুর্জয়সিংহ ছাদেশয়ন করিয়া রহিলেন, তাঁহার সম্মুখে একজন গোলীর অঙ্কে স্থাপিত, অন্য একজন গোলী তাঁহার পদসেবা করিতেছে। উভয়ে প্রৌঢ়যৌবনসম্পন্ন ও রূপবতী, কিন্তু তাহাদের সেবায় অল্প দুর্জয়সিংহের চিন্তা দূর হইতেছে না !

দুর্জয়সিংহ অনেকক্ষণ চিন্তাকুল হইয়া শয়ন করিয়া রহিলেন, অবশেষে প্রধানকে ডাকাইবার আদেশ দিলেন। উঠিয়া ধীরে ধীরে ছাদে পদচারণ করিতে লাগিলেন, গোলীগণ গৃহাভ্যন্তরে চলিয়া গেল।

কণেক পর প্রধান, অর্থাৎ মন্ত্রী, আসিয়া উপস্থিত হইলেন। দুর্জয়সিংহ কহিলেন—আমি যুদ্ধযাত্রাকালে যে আদেশ দিয়াছিলাম তাহা সম্পন্ন হইয়াছে ?

প্রধান । সেইকণেই আমি নানা-

* পাঠক জানেন, রাজস্থানের রাজ্যতন্ত্র অনেক অংশে ইউরোপের কিউডল রাজতন্ত্রের সদৃশ। মহা রাণার অধীনে ভিন্ন ভিন্ন কুলধিপতি বোতা ছিলেন, তাঁহাদের অধীনে নিম্নশ্রেণীর বোতা ছিলেন। এতোকর যথী দুর্গ ও ভূমি-সম্পত্তি ও প্রভা ছিল আবার সকলেই শ্রেণীক্রমে মহারাণার অধীন। রাজস্থানের দুই প্রকার দাস—“বনা” ও “গোলা”; কিউডল সময়ের “Colonii” এবং “Slaves” দিগের সদৃশ। “ভূমিগণ” এক কৃষিকর্মী “Militia” সম্প্রদায়।

দিকে চর পাঠাইয়াছি। কেহ কেহ ফিরিয়া আসিয়াছিল, তাহাদের পুনরায় পাঠাইয়াছি। কিন্তু এ পর্য্যন্ত কেহ ভিগকসিংহের পুত্রের কোনও সন্ধান করিতে পারে নাই।

দুর্জয়সিংহ । বহু ভীলদিগের মধ্যে, পর্বত ও জঙ্গলের মধ্যে, বিশেষ অনুসন্ধান করিতে বলিয়াছেন ?

প্রধান । তাহাদিগের মধ্যেই বিশেষ অনুসন্ধান করিতেছে। দুর্জয়সিংহ অধোবদনে চিন্তা করিতে লাগিলেন।

প্রধান । প্রভু, এরূপ চিন্তিত হইবেন না। যদি সেই তেজসিংহ এখন জীবিত থাকে তাহা হইলে সে প্রভুর কি করিতে পারে ?

দুর্জয়সিংহ । যদি ? তেজসিংহের জীবিত থাকার বিষয়ে কি কোনও সন্দেহ আছে।

প্রধান । প্রভু বলিয়াছিলেন, রজনীতে কেবল একদিনমাত্র দেখিয়াছিলেন, তাহাতে ভ্রম কি সম্ভব নহে ? সে জীবিত থাকিলে আমাদের চর তাহাকে পায় না কি জন্ত ? সেই বা এতদিন নিশ্চেষ্ট রহিয়াছে কি জন্ত ? প্রভু, যিথায় চিন্তা করিবেন না, ঐ হৃদগর্ভে তেজসিংহ বহুদিন প্রাণত্যাগ করিয়াছে !

দুর্জয়সিংহ । প্রধান ! সেই একদিন নিশীথে দেখিলে সন্দেহ করিবার স্থল ছিল বটে, কিন্তু সেই বালককে ছইবার, বোধ করি, তিনবার দেখিয়াছি।

প্রধান । কবে ?

দুর্জয়সিংহ । ভীলগণ বা ভূমিগণ কবে বর্ষা নিক্ষেপ করিতে জানে ? হিন্দী-ঘাটার যুদ্ধের দিন এক দল ভীল ও ভূমিয়া-বেশী বর্ষা ও অসি হস্তে যানসিংহের সেনাকে আক্রমণ করিয়াছিল।

প্রধান । এ যথার্থই বিশ্বয়ের কথা ।
 দুর্জয়সিংহ । বিশ্বয় কিছুমাত্র নাই,
 তাহারা ভীল নহে । কয়েকজন রাঠোব-
 যোদ্ধা ভীলবেশে আসিয়াছিল, তাহাদিগের
 সর্দারকে আমি চিনিয়াছিলাম, সে সেই
 যুবক ! চিতোরধ্বংসের সময় জয়মলের
 পাশ্বে তিলকসিংহকে আমি যুদ্ধ করিতে
 দেখিয়াছি, অসুরবলে চিতোরের দ্বার রক্ষা
 করিতে দেখিয়াছি, তিলকসিংহের বালক
 পিতা অপেক্ষা যুদ্ধে ন্যূন নহে !

মন্ত্রী মুখমণ্ডল গম্ভীর হইল । দুর্জয়-
 সিংহ আরও বলিতে লাগিলেন—সেই হল-
 দীঘাটার যুদ্ধের দিন বালককে দেখিয়া
 আমার হস্তের বর্ষা কম্পিত হইয়াছিল !
 দুর্জয়সিংহের বর্ষা মিথ্যা হয় না এক
 আঘাতে জগৎ হইতে দুর্জয়সিংহের চির-
 শত্রুকে দূর করিবার অভিলাষ হইয়াছিল ?
 কিন্তু আহেরীয়ার দিন স্বরণ হইল, বর্ষা
 আমার হস্তেই রহিল ।

প্রধান । আহেরীয়ার দিন বালক
 আপনার জীবন রক্ষা করিয়াছিল বলিয়া
 কি সে অবধ্য ?

দুর্জয়সিংহ । তাহা নহে । কিন্তু
 বিদেশীয় শত্রু উপস্থিত আছে বলিয়া তেজ-
 সিংহ আহেরীয়ার দিন আমার সহায়তা
 করিয়াছিল, বিদেশীয় শত্রু বর্তমান থাকিতে
 দুর্জয়সিংহ গৃহকলহে হস্ত কলুষিত
 করিবে না ।

প্রধান । তবে অন্বেষণ কিজ্ঞ ?

দুর্জয়সিংহ । যে দিন দিল্লীর সহিত
 যুদ্ধ শেষ হইবে, সেইদিন দুর্জয়সিংহ হৃদয়ের
 কণ্টকোদ্ধার করিবে ! সেই জন্ত পূর্ব
 হইতে তাহার আবাস জানা আবশ্যিক ।

প্রধান । অন্বেষণে আমার ক্রটি নাই,

কিন্তু এ পর্য্যন্ত কোন উদ্দেশ্য পাই নাই ।
 প্রভু তৃতীয়বার তাহাকে কোথায় দেখিয়া-
 ছিলেন ?

দুর্জয়সিংহ অনেককণ পর্য্যন্ত এ প্রশ্নের
 উত্তর দিলেন না, তাহার মুখ ক্রমে ক্রকুটী
 ধারণ করিতে লাগিল । অনেককণ পর
 দুর্জয়সিংহ ক্রোধকম্পিতস্বরে মন্ত্রীকে
 জিজ্ঞাসা করিলেন—অথ যে চারণের গীত
 শুনিলেন, তাহার অর্থ কি ?

মন্ত্রী । চারণ চিতোর পুনরুদ্ধারের
 গীত গাইয়াছিল ।

সরোবে দুর্জয়সিংহ উত্তর করিলেন—
 রণা মন্ত্রীই কার্য গ্রহণ করিয়াছেন ! উঃ,
 সেই অবধি আমার মন সন্দেহপূর্ণ রহিয়াছে,
 কিন্তু সন্দেহের আর কারণ নাই । নয়নের
 ভ্রম হইতে পারে, কিন্তু জিহ্বাংসাপূর্ণ-হৃদয়
 ভ্রান্ত হয় না ! সেই চারণকে দেখিয়া অবধি
 প্রজ্বলিত হতাশনের স্রাব আমার জিহ্বাংসা
 উদ্দীপ্ত হইয়াছে ! মন্ত্রিবর ! সেই তীব্র
 গীত চিতোর-ধ্বংসবিষয়ক নহে, সে দুর্জয়-
 সিংহকর্তৃক সূর্যামহলধ্বংসবিষয়ক ! জটাজ্জা-
 দিত সেই জলন্ত নয়নপারী চারণ নহে, সেই
 তিলকসিংহের পুত্র তেজসিংহ ।

সপ্তদশ পরিচ্ছেদ ।

উদ্যানের পুষ্প ।

অনাত্মাতঃ পুষ্পং কিশলয়মলনং করকরৈ-
রনাবিক্রং রত্নং মধুনবমনাখাদিতরসম্ ।
অখণ্ডং পুণ্যানাং কালমিব চ তদ্রূপমনসম্ ।
নন্দানে ভোক্তারং কামহ সমুপস্থান্যতি বিধিঃ ॥

অভিজ্ঞানশকাঙ্কলম্ ।

পাঠক ! চল, দুর্জয়সিংহের প্রাসাদ হইতে অনতিদূরে সেই পর্বতের উপর অল্প একটা স্থানে আমরা গমন করি। চন্দ্র উদিত হইয়াছে, যাইতে কষ্ট হইবে না ! যদি পরিশ্রান্ত হইয়া থাক, সুন্দর পুষ্পোদ্যানে ঋণেক বিশ্রাম করিব ।

রজনী দ্বিপ্রহর হইয়াছে, কিন্তু এই নিঃশব্দ রজনীতে এখনও সূর্য্যমহল পর্বতের উপর একটা পুষ্পোদ্যানে একজন রাজপুত্র বালিকা একাকী পদচারণ করিতেছেন । উদ্যানে জীবমাত্র নাই, শব্দমাত্র নাই, বালিকা একাকী সেই স্নিগ্ধ চন্দ্রকরে পদচারণ করিতেছেন । কখন স্থির উজ্জ্বল নয়নে সেই নীলনভোমণ্ডলের দিকে চাহিয়া দেখিতেছেন, কখন দুই একটা শিশিরসিক্ত পুষ্প তুলিতেছেন, কখন বা চিন্তাকুল হইয়া দুই একটা গীতের অংশমাত্র মৃদুস্বরে গাইতেছেন ।

সেই দীর্ঘাকৃতি তরঙ্গীকে চন্দ্রকরে একাকিনী দেখিলে য়ানবী বলিয়া বোধ হয় না, চন্দ্রলোকবাসিনী উদ্যানবিচারিণী অঙ্গরা বলিয়া ভ্রম হয় ! বালিকার বয়ঃক্রম চতুর্দশ বর্ষ হইবে । মুখমণ্ডল অভিশয় সুন্দর, ললাট পরিষ্কার, নয়ন দুইটা উজ্জ্বল ও তেজঃপূর্ণ মুখমণ্ডল ও শরীর লাবণ্যময়

ও পুষ্প অপেক্ষা কোমল, বালিকার পুষ্পকুমারী । মুখখানি ভাল করিয়া দেখিলে বোধ হয়, অল্প বয়সেই কোন চিন্তা সেই সুন্দর ললাটে আপন আবাসস্থল করিয়াছে । নয়ন দুটা ভাল করিয়া দেখিলে বোধ হয় যেন কোন অচিন্তনীয় শোক সেই সুন্দর নয়নে আশ্রয় লইয়াছে ।

চন্দ্রালোক রক্ষপত্র ও পুষ্পের উপর রৌপ্যের স্থায় পতিত হইয়াছে । নিশীথে পুষ্পগণ যেন নিজ নিজ বক্ষের আবরণ ত্যাগ করিয়া শীতল বায়ুতে শরীর জুড়াইতেছে । পুষ্প রজনীতে শিশিরাক্ত পুষ্প-চয়ন করিতে বড় ভালবাসিলেন, সেই চন্দ্রকরোজ্জ্বল উদ্যানে নীরবে পুষ্পচয়ন করিতে আসিয়াছিলেন ।

সেই ললিত বাহুর উপর, সেই অনাবৃত স্কন্ধের উপর, সেই পরিষ্কার ললাটের উপর, শীতল চন্দ্রকর পতিত হইয়াছে । গুচ্ছ গুচ্ছ কেশের মধ্যে চন্দ্রকর যেন নীরবে প্রবেশ করিতেছে, যেন নীরবে সেই প্রশস্ত উজ্জ্বল নয়নদ্বয় চুম্বন করিতেছে !

এ কি প্রকৃত না স্বপ্ন ? ঐ চন্দ্রদেশ হইতে কি চন্দ্রসম্ভবা কোন অঙ্গরা জগতের পুষ্পচয়ন করিতে আসিয়াছেন ? কল্পনা-শক্তি কি এই অপূর্ব সুন্দর নিশীথে একটা অপরূপ মায়ামূর্তি গঠন করিয়াছে ? না জগতের কোন মানবীর ঐ ললিত বাহু-যুগল, ঐ সুগোল ললাট ও গণ্ডস্থল, ঐ সূক্ষ্ম রক্তবর্ণ ওষ্ঠ, ঐ চন্দ্রকরোজ্জ্বল প্রশান্ত স্নেহগর্ভ নয়নদ্বয় ! নিশীথের শীতল বায়ু ধীরে ধীরে গণ্ডস্থলের উপর দুই একটা কেশ লইয়া ক্রী করিতেছে, নিশীথের চন্দ্রকর নীরবে সেই বিস্বৌঠের পরিমল পান করিতেছে ।

সহসা সেই নিস্তরু নিশীথে দূর হইতে একটা বীণাধ্বনি শ্রুত হইল, যেন স্বর্গীয় সঙ্গীতে মুহূর্তের জন্ত জগৎ মোহিত করিল, আবার ধীরে ধীরে লয় প্রাপ্ত হইল ! সঙ্গীতের সঙ্গে সঙ্গে সঙ্গীত-বিনিদিত্বেরে যেন একটা নাম উচ্চারিত হইল—“পুষ্প” !

নিস্তরু রজনীতে এই মধুর শব্দ পুষ্পের কর্ণে আঘাত করিল, চকিতের ন্যায় পুষ্প ফিরিয়া দেখিলেন। সেই স্নিগ্ধ প্রশান্ত নয়ন ফিরাইয়া পুষ্প চাহিয়া দেখিলেন, গ্রীবা ঈষৎ বক্র, ওষ্ঠদ্বয় ঈষৎ ভিন্ন, যেন সেই শব্দটা পুনরায় প্রত্যাশা করিতে লাগিলেন।

পুনরায় সঙ্গীতশব্দ হইল, পুনরায় নাম উচ্চারিত হইল—“পুষ্প” !

যেদিক্ হইতে সঙ্গীত আসিতেছিল, পুষ্প সেদিকে চাহিলেন। দেখিলেন, প্রাচীরের বাহিরে একটা নির্জন বৃক্ষতলে বসিয়া একজন চারণ বীণা বাজাইয়া গীত আরম্ভ করিতেছে। পুষ্প চারণদিগের গীত বড় ভাল বাসিতেন, ধীরে ধীরে চারণের নিকটে আসিয়া একটা বৃক্ষের অন্তরাল হইতে গীত শুনিতে লাগিলেন।

গীত ।

“রাজপুত্র কামিনীগণ” পুরাকালের একটা গীত শুন, সত্যপালনের একটা গীত শুন ! সপ্তমবর্ষীয়া একটা বালিকা ও দশম বর্ষের একটা বালকের সাক্ষাৎ হইয়াছিল, বালকবালিকা পরস্পরকে বরণ করিল বালিকা সত্য করিলেন, সেই বালক ভিন্ন আর কাহাকেও গ্রহণ করিবেন না। রাজপুত্র বালিকা সত্য ভঙ্গ করে না।

“বিপদ মেঘরাশির ন্যায় গগন আচ্ছন্ন

করিল। সে বালক কোথায় গেল ? যুদ্ধে হত হইল বা জলে মগ্ন হইল, কে বলিবে বালক কোথায় বাইল ? জগৎ সে বালককে বিস্মৃত হইল, বালিকাও কি তাহাকে বিস্মৃত হইলেন ? রাজপুত্রবালিকা সত্য ভঙ্গ করে না।

“চন্দাওয়ৎকুলের পরাক্রান্ত বীর সেই বালিকার পাণিগ্রহণে অভিলাষী হইলেন ; সে বীরের ঐশ্বর্য অতুল, পরাক্রম অসীম, যশে দেশ পরিপূরিত হইয়াছে ! বালিকা কি সে ঐশ্বর্য দেখিয়া সত্যকথা ভুলিলেন ? রাজপুত্রবালিকা সত্যভঙ্গ করে না।

“চন্দাওয়ৎ লোভ প্রদর্শন করিলেন, বালিকা কহিলেন, “আমি রাঠোরকে সত্যদান করিয়াছি।” চন্দাওয়ৎ ভয়-প্রদর্শন করিলেন, বালিকা কহিলেন, “আমি রাঠোরকে সত্যদান করিয়াছি”। চন্দাওয়ৎ বলপূর্বক বালিকার পাণিগ্রহণ করিতে চাহিলেন, বালিকা বলিলেন, ‘চন্দাওয়ৎবীর অপেক্ষা মৃত্যু বলবান’। রাজপুত্রবালিকা সত্যভঙ্গ করে না।

“রাঠোয় কোথায় ? পর্বতগহ্বরে বাস করিতেছে, ভিক্ষালব্ধ অন্ন ভোজন করিতেছে, মহারাণার যুদ্ধ যুঝিতেছে। রাজপুত্রনারী যদি সত্যবতী হইয়েন, রাজপুত্রবীর অবশ্য জয়ী হইবেন। ‘রাজপুত্রনারী যদি সত্যবতী হইয়েন, রাঠোর সত্যভঙ্গ করিবেন না। রাজপুত্রবালিকা কখনও সত্যভঙ্গ করে না।’

পুষ্প এই গীত শ্রবণ করিয়া যেন স্তব্ধ হইয়া রহিলেন, যতক্ষণ বায়ুতে সেই সঙ্গীতের মিষ্টত্ব লীন না হইল, ততক্ষণ স্তব্ধ হইয়া রহিলেন। সে গীতে যেন বালিকার হৃদয়তন্ত্র বাজিয়া উঠিল, হৃদয়ের গৃঢ় ভাব-

সমূহের উদ্বেক হইল। পুষ্প ধীরে ধীরে বৃক্ষের অন্তরাল হইতে বাহির হইলেন।

চারুদেব সেই লাণ্যায়ী দিকে একবার নেত্রপাত করিলেন, পুনরায় ভূমির দিকে নয়ন ফিরাইয়া কহিলেন—এ নিস্তরু রজনীতে কি আমার অকিঞ্চিৎকর গীতে কুমারী পুষ্পকে বিরক্ত করিলাম? কাননবাসী চারণের শ্রোতা কেহ নাই, কুমারীও যদি বিরক্ত হইয়া থাকেন, আদেশ করিলে চারণ পুনরায় কাননে ফিরিয়া যাইয়া নির্জনে বসিয়া আপন গীত গাইবে।

আহা! সঙ্গীত হইতেও চারণের এই নম্র কথাগুলি মিষ্ট! বলিতে বলিতে চারণ ধীরে ধীরে বৃক্ষের অন্তরাল হইতে বাহির হইয়া আসিলেন, চন্দ্রালোকে তাঁহার অবয়ব দেখিয়া পুষ্প আরও বিস্মিত হইলেন। যৌবনের তেজঃপূর্ণ কাস্তিতে সে উন্নত বপুঃপূর্ণ রহিয়াছে, দীর্ঘ বাহুতে বীণা লম্বিত রহিয়াছে, উন্নত ললাটে ও উজ্জল নয়নদ্বয়ে চন্দ্রকর পতিত হইয়াছে! তথাপি সেই ললাট ও সেই নয়ন যেন পরিশ্রমে বা শোকে ঈষৎ স্নান, ঈষৎ চিন্তাশীল! চারণ পুনরায় সেইরূপ ভূমির দিকে নয়ন ফিরাইয়া কহিলেন—কুমারী আদেশ করিলে চারণ আপন নির্জন কাননে প্রত্যাবর্তন করিবে। কুমারীর শ্রবণের উপযুক্ত গীত সে কোথায় পাইবে?

পুষ্প আর সম্বরণ করিতে পারিলেন না, অবশুণ্ঠনের ভিতর হইতে অক্ষুটস্বরে কহিলেন—চারুদেব এ গীত কোথায় শিখিলেন? পূর্ববৎ ধীরে ধীরে চারণদেব কহিলেন—গহ্বরে ও কাননে যাহার বাস, গহ্বরে ও কাননে তাঁহার নিকট শিখায়ছি!

পুষ্প। গহ্বরে ও কাননে কাহার নিবাস?

চারু। যিনি পৈত্রিক ছর্গ হারাইয়াছেন, শিশুকাল অবধি বনে বনে বিচরণ করিতেছেন।

পুষ্প আর উদ্বেগ সম্বরণ করিতে পারিলেন না, এবার উচ্চতরস্বরে কহিলেন—চারুদেব! একজন অভাগিনী রাজপুত্রবালার ধৃষ্টতা মার্জনা করুন, সে রাঠোরবীর কি জীবিত আছেন?

চারু। হৃদয়ঘাতার যুদ্ধে রাঠোরের খজা দৃষ্ট হইয়াছিল; পুনরায় স্নেহগণ আসিলে পুনরায় রাঠোরখজা দৃষ্ট হইবে?

সাম্রাণ্যনে পুষ্পকুমারী কহিলেন—জগদীশ্বর তাঁহাকে কুশলে রাখুন!

চারুদেব তখন জিজ্ঞাসা করিলেন—দেবি! যদি চারণের ধৃষ্টতা মার্জনা করেন, তবে জিজ্ঞাসা করি, সে রাঠোরকে কি কখনও আপনি দেখিয়াছিলেন? যাহাকে জগৎ নিশ্চয় হইয়াছে, যাহাকে বন্ধুবান্ধব নিশ্চয় হইয়াছে, যে ভীল বা ভূমিয়ারদিগের ভিক্ষাহারী নিবিড় কানন বা পর্বতকন্দরনাসী, এ জগতে কি একজনও তাহার চিন্তা করে?

চারুদেবের স্বর কম্পিত হইল, কণ্ঠ রুদ্ধ হইয়া আসিল, অতি কষ্টে শেষে কহিলেন—আমিও গহ্বরবাসী, সেই রাঠোরের সহিত পুনরায় সাক্ষাৎ হইলেও হইতে পারে, কেবল এইজন্য ভিক্ষাসা করি, তাঁহার নিকট কি কিছু বলিবার আছে?

পুষ্প। কেবল এইমাত্র বলিবার আছে, রাজপুত্রমণী সত্যপালন করিতে জানে, রাজপুত্রবালী সত্যপালন করিবে!

চারণ। তবে কি সে রাঠোর দেবীর পূর্বপরিচিত ?

এবার পুষ্প লজ্জিত হইলেন, ধীরে ধীরে কহিলেন—সে বীর এ অভাগিনীর অপরিচিত নহেন।

অনেকক্ষণ উভয়ে নিস্তব্ধ রহিলেন, অনেকক্ষণ পর চারণ পুনরায় কহিলেন—দেবি! যেদিন আমাকে তেজসিংহ এই গীত শিখাইয়াছিলেন, সেই দিন এই সুবর্ণ অঙ্গুরীয়টী আমাকে দেখাইয়া আজ্ঞা করিয়াছিলেন—গীতোল্লিখিতা বীরনারীর সহিত যদি কখনও দেখা হয়, আমার সত্যের নিদর্শনস্বরূপ এই অঙ্গুরীয়টী তাঁহাকে দিও। অদ্য দেবীকে দেখিতে পাইলাম, যদি আদেশ করেন, যদি ধৃষ্টতা মার্জ্জনা করেন, ঐ অঙ্গুরীতে অঙ্গুরীয়টী পরাইয়া দি।

লজ্জাবতী পুষ্প সেই দেবনির্নিত তরুণবয়স্ক চারণের দিকে চাহিলেন, ঈষৎ কম্পিত হইয়া হস্তপ্রসারণ করিলেন। তাঁহার দেহলতা কাঁপিতেছিল—কি জন্ত !

চারণদেব ধীরে ধীরে সেই অঙ্গুরীয় পরাইয়া দিলেন, সেই পুষ্পবির্নিত কোমল হস্ত অনেকক্ষণ আপন হস্তে ধারণ করিয়া রাখিলেন। পুষ্প নয়ন মুদিত করিয়াছিলেন, পুষ্পের বোধ হইল যেন চারণের দীর্ঘ নিশ্বাস তাঁহার হস্তের উপর পড়িতেছে, যেন চারণের তপ্ত গুঠ সে হস্ত একবার স্পর্শ করিল।

প্রকৃতই কি চারণদেব এই ধৃষ্টতা প্রকাশ করিলেন? না, এ কেবল পুষ্প-কুমারীর কল্পনামাত্র? পুষ্প চাহিলেন, পুনরায় সেই দেবনির্নিত বপুঃ ও উদার মুখমণ্ডল দেখিলেন, সেই চক্করকোজল

বিশাল নয়ন দেখিলেন, ঈষৎ চেষ্টা দ্বারা হস্ত ছাড়াইয়া লইলেন। মুহূর্ত্তের জন্ত পুষ্পের ললাট ও সমস্ত সদনমণ্ডল রক্তোচ্চাসে রঞ্জিত হইল।

চিত্তসংঘম করিয়া পুষ্প পূর্ববৎ অকম্পিতস্বরে কহিলেন—চারণদেব! সে বীর-পুরুষকে প্রতিদান করিতে পারি, এরূপ অলঙ্কার আমার নাই। কিন্তু যদি তাঁহার সহিত আপনার সাক্ষাৎ হয়, অভাগিনীর নিদর্শনস্বরূপ এই পুষ্পটী তাঁহাকে দান করিবেন।

অষ্টাদশ পরিচ্ছেদ।

বন্য-পুষ্প।

গাঢ়োৎকথাঃ গুরুষু দিবসেষু

গচ্ছৎহ বালা।

জাতাঃ মন্ত্রে শিশিরমধিতাঃ পশ্বিনীঃ

বাহুস্করণাঃ ।

মেঘদূতম্ ।

রজনী শেষ প্রায়, এরূপ সময়ে তেজসিংহ সূর্য্যমহল পর্ব্বত হইতে অবতরণ করিয়া চারণের বেশ ত্যাগ করিয়া ভীম-টাঁদের পালের নিকট হইতে সেই পর্ব্বত হ্রদে প্রাতঃস্নান করিতে গমন করিলেন। নিকটে আসিয়াছেন এরূপ সময়ে হ্রদতট হইতে জীল-ভাষায়, একটা গীত শুনিতে পাইলেন। এই নিস্তব্ধ রজনীতে কে গীত গাইতেছে? উৎসুক হইয়া তিনি হ্রদ-পার্শ্বস্থ একটা ঝোপের ভিতর ঘাইলেন, দেখিলেন, একটা তুঙ্গ প্রস্তররাশির উপর সেই চক্কালোকে একজন বালিকা বন্য-ফুল

চয়ন করিতে ও মধ্যে মধ্যে গীত গাই-
তেছে। বিস্মিত হইয়া চিনিলেন, সে
ভীমচাঁদের কণ্ঠা।

তেজসিংহ কণ্ঠেক দাঁড়াইয়া থাকিয়া
ডাকিলেন—বালিকা!

বালিকা তাঁহার দিকে দেখিয়া হস্ত
করিয়া বলিল—আমি তোমার জন্ত বনের
ফুল তুলিতেছি।

তেজসিংহ। এ কি বালিকা! এত
রাত্রে একাকী এখানে ফুল তুলিতেছিস্
কেন? আমার সঙ্গে ঘরে আয়।

বালিকা। এই তুমি 'পুষ্প' ভালবাস,
তোমার জন্ত পুষ্প তুলিয়াছি। বালিকা
হাসিয়া উঠিল।

তেজসিংহ ক্রকুটী করিলেন; কিছু
বুঝিতে পারিলেন না।

বালিকা পুনরায় হস্ত করিয়া কহিল—
আমার এ মালা লইবে না?

তেজসিংহ। লইব বৈকি, দেনা।

বালিকা। আমি পরাইয়া দিব।

তেজসিংহ। দে, পরে বাড়ী আয়।

বালিকা। ওকি, তোমার বুকে কি?

তেজসিংহ। একটা ফুল।

বালিকা। ফেলিয়া দাও।

তেজসিংহ। কেন?

বালিকা। ও যে বাগানের ফুল।

তেজসিংহ। তাহা হ'লই বা, আমি
ফেলিব না।

বালিকা। তবে আমি এ মালা
পরাইব না।

তেজসিংহ। কেন?

বালিকা। মালা পরাইলে 'পুষ্প'
রাগ করিবে।

চকিতস্বরে তেজসিংহ জিজ্ঞাসা করি-
লেন—কি?

বালিকা। বাগানের কুল বড় লোক,
বনের ফুল ছোট লোক, বস্ত্র-ফুলের মালা
গলায় দেখিলে তোমার ঐ বাগানের ফুলটা
রাগ করিবে।

তেজসিংহ কখনও বালিকার কথার
অর্থ ভাল করিয়া বুঝিতে পারিতেন না।
জিজ্ঞাসা করিলেন—ফুল কি আবার রাগ
করে?

বালিকা। করে না? তবে তুমি ঐ
ফুল ফেলিয়া দিতে ভয় করিতেছ কেন?

তেজসিংহ নিস্তব্ধ হইয়া রহিলেন।

বালিকা পুনরায় জিজ্ঞাসা করিল—এত
রাত্রে একাকী কোথায় গিয়াছিলে?

তেজসিংহ। কেন?

বালিকা। পথে যে ভয় আছে।

তেজসিংহ। কিসের ভয়?

বালিকা। চোরের।

তেজসিংহ। কৈ, আমি ত তাহা
জানি না।

বালিকা। তোমার কিছু চি করে নাই?

তেজসিংহ। না।

বালিকা তেজসিংহর আপাদমস্তক
দেখিয়া বলিল—তোমার হাতের অঙ্গুরীয়টা
তবে কোথায় গেল?

এবার তেজসিংহ ষথার্থ বিস্মিত হই
লেন! এই ভীলবালিকা কি সমস্ত জানে,
সমস্ত দেখিয়াছে? বালিকা কি সঙ্গে সঙ্গে
লুকাইয়া গিয়াছিল, অঙ্গুরীয় দান কি
লুকাইয়া দেখিয়াছে? না, তাহা ত সম্ভব
নহে, এই মাত্র ত সে একটা প্রস্তর
রাশির উপর বসিয়া ফুল তুলিতেছিল।
তেজসিংহকে চিন্তিত দেখিয়া ভীলবালা

গিন্ ধিন্ করিয়া হাসিয়া বলিল—কেমন
একটা জিনিস চুরি হইয়াছে কি না ?

তেজসিংহ। না, চুরি হয় নাই,
কোথাও রাখিয়া আসিয়া থাকিব ।

বালিকা। আমি খুঁজিয়া দেখিব ?

তেজসিংহ। দেখিস্ ।

বালিকা। যদি পাই তবে আমার ?

তেজসিংহ। হাঁ ।

বালিকা করতালি দিয়া হাত্ত করিয়া
উঠিল ! শেষে বলিল—আমার এ মালা
লইবে না ?

তেজসিংহ। না, লইব না, তুই বাড়ী
আয় ।

বালিকা। আমি যাইব না ।

তেজসিংহ। কেন ?

বালিকা। এ চাঁদ দেখিয়া গান
করিতে ইচ্ছা হইতেছে ।

হৃদে স্নান সমাপন করিয়া তেজসিংহ
চলিয়া গেলেন, পশ্চাতে সেই বালিকাকণ্ঠ-
নিঃসৃত গীতধ্বনি শুনিলেন । এবার সে
ধ্বনি পরিষ্কার ও সপ্তস্বরমিলিত, বোধ
হইল যেন সেই অমৃত পৰ্বতরাশিকে
আকুল করিয়া সে খেদনিঃসৃত গীত ধীরে
ধীরে নৈশ গগনে উখিত হইতে লাগিল !
ভীলবালার হৃদয়ের সেই সরল গীতটী
কিরূপে আমরা বঙ্গভাষায় অনুবাদ
করিব ?

গীত ।

বন-ফুলের পুষ্পমালা কে লভিতে চায় ?
ভীলবালার পুষ্পমালা ভূমিতে লুটায় !
উদ্ভানে সুগন্ধ ফুল, দেখে ধায় অলিকুল
গন্ধশূন্য বন-ফুল ভূমিতে লুটায় !

গন্ধ-পুষ্প মনোলোভা, হৃদয়নয়নশোভা
কিবা গন্ধ, কিবা আভা হৃদে স্থান পায় !
নীরবেতে বার বার, বনফুল চাহে সার
জীবন-বিহনে তার, জীবন শুকায় !

উনবিংশ পরিচ্ছেদ ।

—••••—

অন্ধকারে আলোকছটা ।

জন পৃথগ্ জনবৎ শুচোবশং বশীনাশুভম-

পশুসংসি

দ্রামসানুভতাং কিমন্তরঃ যদি বারৌদ্ধি-

তয়েপি তেহচলা ॥

রঘুবংশম্ ।

পূর্বেই বলা হইয়াছে, শ্রাবণ মাসের
প্রারম্ভে হৃদদীঘাটার যুদ্ধে চতুর্দশ সহস্র
রাজপুত্র স্বদেশের জন্ত জীবনদান করিল ।
সে বৎসর বর্ষার কারণ মোগলেরা কিছু
করিতে পারিল না, অগত্যা মেওয়ার ত্যাগ
করিয়া চলিয়া গেল । প্রতাপসিংহ কয়েক
মাসের জন্ত বিশ্রাম পাইলেন ।

মাঘ মাসে শত্রুগণ পুনরায় সসৈন্তে
দেখা দিল । বীরশ্রেষ্ঠ প্রতাপ পুনরায়
যুদ্ধদান করিলেন, কিন্তু বহুসংখ্যক মোগ-
লের সহিত যুদ্ধ রুথা চেষ্টা, পুনরায় পরাস্ত
হইয়া যুদ্ধক্ষেত্র ত্যাগ করিলেন ।

মোগল-সেনানী শাহবাজ খাঁ কমলমীর
দুর্গ পরিবেষ্টন করিলেন । প্রতাপ উদয়-
সিংহের প্রাসাদ তুচ্ছ করিয়া এই স্থলেই
রাজধানী করিয়াছিলেন । মেওয়ার হইতে
উত্তর-পশ্চিম দিকে মাদওয়ারে যাইবার
জন্ত যে পৰ্বত উপত্যকা ছিল, সেই উপ-
ত্যকার উপরই এ পৰ্বতদুর্গ নির্মিত ।

পার্শ্বে উন্নত পর্বতরাশি মধ্যে পর্বততরঙ্গ ও প্রস্তররাশির উপর দিয়া অতি সঙ্কীর্ণ পথ ছিল। এক্ষণে মাড়ওয়ারও শত্রুদলস্থ, সেইদিক হইতেই শত্রুগণ আক্রমণ করিয়াছিল, সুতরাং সে দ্বার রুদ্ধ করিবার জন্ত প্রতাপসিংহ কমলমীরে রাজধানী করিয়াছিলেন। যতদিন সাধ্য ততদিন এই পর্বত-দুর্গ রক্ষা করিলেন, অবশেষে পানীয় জল মন্দ হইল, সৈন্যের পীড়া হইতে লাগিল, প্রতাপসিংহ অগত্যা সে দুর্গ মাতুলহস্তে অর্পণ করিয়া অস্ত্র দুর্গ রক্ষা করিতে যাইলেন। প্রতাপসিংহের মাতুল বিজলীর প্রমরকুলাধিপতি যুদ্ধপ্রারম্ভে মহারাণার নিকট যে প্রতিজ্ঞা করিয়াছিলেন তাহা রক্ষা করিলেন, গৌরব-রক্ষার্থ প্রমরকুল সানন্দে জীবনদান করিলেন ! কমলমীর শত্রুহস্তে পতিত হইল।

কমলমীর হইতে আসিয়া প্রতাপসিংহ মেওয়ারের দক্ষিণ পশ্চিমে চাওয়ন্দ প্রদেশে প্রবেশ করিলেন। এ প্রদেশ অতিশয় পর্বতময়, অতিশয় ছরাক্রমা, এখানে কেবল পার্শ্বতীয় ভীলগণ বাস করিত। এ বিপদের সময় ভীল রাজপুতদিগের পরম হিতকারী, প্রতাপ চাওয়ন্দদুর্গে ভীল ও রাজপুত সৈন্য লইয়া অবস্থিতি করিতে লাগিলেন।

এদিকে শত্রুগণও নিরস্ত রহিল না। কমলমীর হস্তগত করিবার পর দৃঢ়প্রতিজ্ঞ মানসিংহ ধর্ম্মেতী ও গগুন্দ দুর্গ বেষ্টিত করিলেন, মহবৎ খাঁ উদয়পুর হস্তগত করিলেন, ফরিদ খাঁ প্রতাপের চাওয়ন্দ দুর্গের দিকে আগ্রসর হইতে লাগিলেন। এইরূপ চারিদিকে বেষ্টিত হইয়া, অসংখ্য সৈন্য দ্বারা আক্রান্ত হইয়াও প্রতাপসিংহ সাহস ও অধ্যবসায়

হারািলেন না, যতদিন মেওয়ার দেশে একটা পর্বতদুর্গ বা উপত্যকা স্বাধীন থাকিবে, ততদিন সেই নির্ভীক যোদ্ধা পর্বত-বন্দরে ভীলদিগের মধ্যে বাস করিয়া শিশোদীয়ের নাম রাখিবেন, স্থির করিলেন ! পর্বতে পর্বতে রাজপুতসেনা লুক্কায়িত থাকিত ; উপত্যকা ও বন্দরে প্রতাপসিংহের অনুচরগণ প্রতাপসিংহের আদেশ লইয়া যাইত, নিশীথে পর্বত-চূড়ায় দীপালোক দেখিলে প্রতাপের সেনাগণ তাহার অর্থ বুঝিত ! এইরূপ ঈর্ষিতে প্রতাপ নিজ সৈন্য জড় করিতেন ও শত্রুদিগকে অজ্ঞাতে সহসা আক্রমণ করিতেন। প্রতাপ দূরে পলাইয়াছে বা লুক্কায়িত আছে ভাবিয়া শত্রুগণ যখন নিশ্চিন্ত থাকিত, সহসা প্রতাপ সসৈন্তে দেখা দিতেন, শত্রুসেনা বিনাশ করিতেন ! চিতোর যি আছে, উদয়পুর গিয়াছে, কমলমীর গিয়াছে, পর্বত-দুর্গ একে একে শত্রুহস্তগত হইতেছে, উপত্যকায় শত্রুসেনা রাশীকৃত হইতেছে, মানসিংহ, শাহবাজ খাঁ, ফরিদ খাঁ, মহবৎ খাঁ চারিদিক হইতে অসংখ্য সেনা লইয়া আসিতেছে, কিন্তু মেওয়ার বর যোদ্ধা স্থির-প্রতিজ্ঞ ও অবিচলিত ! প্রতাপসিংহ শিশোদীয়া নাম রাখিবেন, দেশের স্বাধীনতা রক্ষা করিবেন !

ফরিদ খাঁ সসৈন্তে চাওয়ন্দদুর্গ হস্তগত করিতে আসিতেছিলেন। উন্নত পর্বত-সঙ্কুল প্রদেশ জয় করিয়া মুসলমান মহা উল্লাসে প্রতাপকে বন্দী করিতে আসিতেছিলেন। সহসা প্রতাপের আদেশ গোপনে সেই পর্বতের চারিদিকে নীত হইল, ঈর্ষিতে প্রতাপের সেনাগণ প্রতাপের উদ্দেশ্য বুঝিল। অবিলম্বে ফরিদ খাঁ চারি-

দিকে অবিশ্রান্ত রাজপুত্রসৈন্য দেখিলেন, সেই গভীর পর্বতগুহা হইতে করিছ খাঁ বা তাঁহার এক জন সৈন্য আর স্বদেশ প্রত্যা-বর্তন করিলেন না !

চারিদিকে মেঘমালার স্তায় বিপদ যত রাশীকৃত হইতে লাগিল, ভবিষ্যৎ গগন যত অন্ধকারে আচ্ছন্ন হইতে লাগিল, অর্থ, সৈন্যসংখ্যা, দুর্গসংখ্যা, যত হ্রাস পাইতে লাগিল, নির্ভীক প্রতাপের সাহস ও অধ্যবসায় ততই দিনে দিনে বৃদ্ধি পাইতে লাগিল ! সেই পর্বতসঙ্কুল প্রদেশ তিনি জগতের বিরুদ্ধে একাকী খড়্গহস্তে রক্ষা করিবেন, সেই পর্বতের প্রত্যেক শিলা-খণ্ডে বীরত্বের নাম অঙ্কিত করিবেন !

ভবিষ্যৎ গগন আরও মেঘাচ্ছন্ন হইতে লাগিল, আরও অন্ধকারময় হইতে লাগিল । সেই অন্ধকারের মধ্যে প্রতাপের সাহস ও দৃঢ় অধ্যবসায় বিদ্যাদালোকের স্তায় উজ্জ্বলতর চমকিত হইতে লাগিল ! দিল্লীর দ্বার পর্য্যন্ত সে আলোকচ্ছটা দৃষ্ট হইল, জগতের প্রান্ত পর্য্যন্ত সে আলোক চমকিত হইল !

পুনরায় বর্ষা আসিল, মানসিংহ ও মোগলগণ ব্যর্থত্ব হইয়া সে বৎসরও মেওয়ার ত্যাগ করিলেন ।

বিংশ পদ্বিচ্ছেদ ।

অস্থায়ী জলতে স্থায়ীত্বী ।

শত্রেণ রত্নং যদশকারত্বং নতৎ শাস্ত্রভূতাং

কিণোতি ।

রঘুবংশম্ ।

আবার বসন্তকাল আসিল । বসন্তকালের সঙ্গে সঙ্গে পদ্মপালের স্তায় শত্রুসৈন্য আসিল । কিন্তু প্রতাপসিংহ শিশোদীয়ে নাম রাখিবেন, প্রতাপসিংহ স্বদেশের স্বাধীনতা রাখিবেন !

পুনরায় পর্বত ও উপত্যকা শত্রুগণ আচ্ছাদিত করিল, পুনরায় পর্বতদুর্গ একে একে হস্তগত করিতে লাগিল, পুনরায় পর্বতকন্দর ও নিষ্জন গুহা হইতে অল্পসংখ্যক নির্ভীক রাজপুত্রদিগকে ভাঙিত করিতে লাগিল । কিন্তু প্রতাপসিংহ শিশোদীয়ে নাম রাখিবেন ; স্বদেশের স্বাধীনতা রক্ষা করিবেন ; সে বৎসর অতীত হইল, নূতন বৎসর আসিল, নূতন বৎসর অতিবাহিত হইল, পুনরায় আর এক বৎসর আসিল, অনন্ত যুদ্ধের অন্ত হইল না, মেওয়ার বিজয় হইল না !

দিল্লী হইতে নূতন সৈন্য প্রেরিত হইল বৎসরে বৎসরে অধিকতর সৈন্য মেওয়ার আক্রমণ করিল, ভারতবর্ষের প্রধান প্রধান সেনানী সুশিক্ষিত সৈন্যসমূহের সহিত মেওয়ারের উপর প্রধাবিত হইল । নির্ভীক প্রতাপ রণে ভঙ্গ দিলেন না, মেওয়ার বিজয় হইল না !

প্রতাপসিংহ অনেক সময়ে পর্বতকন্দরে ও নিষ্জন গহ্বরে বাস করিতেন, মেওয়ারের মহারাজী ও রাজপুত্র গহ্বরে হইতে

গহ্বরাস্তরে বাস করিতেন, শত্রুর আগমনে অনাহারে পর্ত হইতে পর্তাস্তরে পলায়ন করিতেন, কখন বস্ত্র ভীলের আশ্রয় গ্রহণ করিতেন, কখন বস্ত্র পশুর গহ্বরে লুকাইতেন । রাজপরিবার তাপসের ক্লেশ তুচ্ছ করিতেন, শীতে, গ্রীষ্মে, ঘোর বর্ষায় পর্ত ভিন্ন অস্ত্র আশ্রয় পাইতেন না, কখন কখন ক্ষেত্রের দুর্বা ভিন্ন অস্ত্র খাওয়া পাইতেন না । এ কষ্ট সহ করিয়া প্রতাপ রণে ভঙ্গ দিলেন না, মেওয়ার বিজয় হইল না !

প্রতাপসিংহের এ বীরত্বকথা দিল্লীতে শ্রুত হইল, সমগ্র ভারতবর্ষে শ্রুত হইল । কি হিন্দু, কি মুসলমান, সকলে জয় জয় রব করিতে লাগিলেন, যাহারা প্রতাপসিংহের সহিত যুদ্ধ করিতে ছিলেন, তাহারাও শত্রুর বীরত্ব দেখিয়া সাধুবাদ না দিয়া ক্ষান্ত থাকিতে পারেন নাই !

মহানুভব আকবর এই ক্ষত্রিয়ের বীরত্বকথা শুনিয়া চমৎকৃত হইলেন, সম্রাটের পারিষদবর্গ চমৎকৃত হইলেন । দিল্লীর মণিমাণিক্য-বিভূষিত উন্নত, সিংহাসনে দরিদ্র গহ্বরবাসী প্রতাপসিংহের সাধুবাদ হইতে লাগিল, সমগ্র ভারতবর্ষে জয় জয় শব্দ হইল !

প্রতাপসিংহের বীরত্ব আলোচনা করিলে প্রাচীন ভারতবর্ষের কথা মনে হয়, মহাভারতের বীরদিগের কথা মনে পড়ে । প্রতাপসিংহ সপ্তরথীর সহিত যুদ্ধ করেন নাই, সপ্তকোটি লোকের অধীশ্বর আকবরশাহের সহিত যুদ্ধিয়াছিলেন ! তিনি এক দিবস যুদ্ধ করেন নাই, পঞ্চবিংশ বৎসর পর্যন্ত দেশরক্ষা ও স্বাধীনতারক্ষা করিয়াছিলেন ! পঞ্চবিংশ বৎসর যুদ্ধের পর জীবন দান করিলেন, স্বাধীনতা দান করেন নাই !

প্রতাপসিংহের বীরত্বকথা উপস্থাস অপেক্ষা বিশ্বয়কর, কিন্তু উপস্থাস নহে । বিশ্বাস না হয়, নিয়লিপিত কবিতাটী পাঠ কর । উহা আমাদের অসার লেখনী নিঃসৃত নহে, প্রতাপসিংহের পরম শত্রু আকবরশাহের রাজসভার প্রধান সভাসদ খানখানান্ সেই দরিদ্র হিন্দুদিগকে উপলক্ষ্য করিয়া উহা লিখিয়াছেন ।

খানখানের কবিতা ।

“জগতে সমস্তই ক্ষণস্থায়ী,
“ভূমি ও সম্পত্তি নষ্ট হইবে,
“কেবল মহৎ নামের গৌরব নষ্ট হয় না !
“প্রতাপ ভূমি ও সম্পত্তি বিসর্জন দিয়াছেন,
“প্রতাপ মস্তক নত করেন নাই,
“ভারতবর্ষের রাজাদিগের মধ্যে তিনিই একাকী স্বজাতীর নাম রাখিয়াছেন !

একবিংশ পরিচ্ছেদ ।

—:—

অপরিচিতা ।

কা শিববস্ত্রনবতী ।

অভিজ্ঞানিশকুন্তলম্ ।

দিনে দিনে, মাসে মাসে, বৎসরে বৎসরে, এইরূপ ভীষণ যুদ্ধ হইতে লাগিল, মেওয়ারের আবাশ মেঘচ্ছায় আরও আবৃত হইতে লাগিল । শত্রুগণ পত্রপালের গায় নগর, গ্রাম, ও পর্ত উপত্যকা আচ্ছাদিত করিল, সমুদয় ভূর্গ একে একে হস্তগত করিল । কিন্তু কন্দরবাসী প্রতাপসিংহ রণে ভঙ্গ দিলেন না, মেওয়ার বিজয় হইল না ।

একদা সমস্ত দিন সংগ্রাম হইল। অসংখ্য যোগলসৈন্য প্রতাপকে চারিদিকে বেটন করিয়াছে, প্রতাপসিংহ কখন আনায়বেষ্টিত সিংহের স্থায় যুদ্ধদান করি-
ছেন, কখন বা পর্তত হইতে পর্ততান্তরে
সরিয়া ঘাইতেছেন, পুনরায় নির্ঘেঘ
আকাশ হইতে বজ্রের স্থায় সহসা অগ্নিদিক্
হইতে শত্রুকে আক্রমণ করিতেছেন। সমস্ত
দিবস এইরূপ যুদ্ধ হইল, রজনীর আগমনেও
সে বিষম যুদ্ধ ক্রান্ত হইল না।

রজনী দ্বিপ্রহরের পর বনের অন্ধ-
কারের ভিতর দিয়া কতকগুলি ভীল অতি
সতর্কতার সহিত একটা কাষ্ঠাধার লইয়া
পর্ততে আরোহণ করিতেছিল। রজনীর
অন্ধকারে মনুষ্য মনুষ্যকে দেখিতে পায় না,
সেই দুর্ভেদ্য অন্ধকারে ভীমচাঁদের ভীলগণ
ঝোপের ভিতর দিয়া সেই আধার ভীম-
চাঁদেরপালে আনিতেন। আকাশে তারা
নাই, জগতে আলোক নাই, ভীল ভিন্ন আর
কেহ সে অন্ধকার রজনীতে সে জঙ্গলাচ্ছা-
দিত পর্তত পথ দিয়া আসিতে পারিত না।
ভীলদিগের পদশব্দ শ্রুত হইতেছে না,
নিশ্বাস শব্দ শ্রুত হইতেছে না, নিঃশব্দে সেই
আধার পালের ভিতর প্রবেশ করিল। সেই
পালের ভিতর একটা পর্ততগহবর ছিল,
পাঠক তাহা পূর্বেই দর্শন করিয়াছেন।
আধার সেই গহবরে প্রবেশ করিল, ভীলগণ
তথায় আধার রাখিয়া অদৃশ্য হইল।

সেই অন্ধকারময় নিশীথে সেই ভীল-
বাহিত আধারে পাঠকের পূর্কপরিচিতা
পুঙ্গুমারী গহবরে আনীতা হইলেন। এ
অনন্ত যুদ্ধে সূর্য্যমহলে রাণীদিগেরও স্থান
নাই, সূত্রাং হর্জয়সিংহের পরিবার পূর্কেই
অন্ত দুর্গে আশ্রয় গ্রহণ করিয়াছিলেন। অন্ত

কোন অপরিচিত যোদ্ধার আদেশে পুঙ্গু সূর্য্য-
মহল হইতে এই গহবরে আনীতা হইলেন।

গহবরের ভিতরে একটা দীপ জলিতে-
ছিল। সেই দীপালোকে পুঙ্গু বিস্মিতা
হইয়া দেখিলেন, তথায় আর একজন গরী-
য়সী রাজপুত্রমণী উপবিষ্টা রহিয়াছেন।
রমণীর শরীর উন্নত, পরিষ্কার ললাটে
একটা হীরকখণ্ড জলিতেছে, নয়ন হইতে
নির্মল উজ্জল জ্যোতিঃ বাহির হইতেছে,
কণ্ঠে একটা মুক্তাহার লম্বিত রহিয়াছে।
উন্নত অবয়ব ও জ্যোতির্ময় মুখমণ্ডল দেখিলে
রমণীকে উন্নতকুলসন্তবা বলিয়া বোধ হয়,
তথাপি পরিশ্রমে বা ক্লেশ বা চিন্তায় সে
বিশাল নয়ন আজি কালিমাতেষ্টিত, সে
সুন্দর ললাট আজি ঈসং রেখায় অঙ্কিত।
গরীয়সী বামার বয়ঃক্রম চত্বাবিংশৎ বৎসর
হইবে, তিনি পাঠকের অপরিচিতা, কিন্তু
মেওয়ারে তিনি অপরিচিতা ছিলেন না।

সূর্য্যমহল ত্যাগ করিয়া অবধি পুঙ্গু অন্ত
নারীর মুখ দেখেন নাই, অন্ত নারীর সহিত
কথাবার্তা কহেন নাই। ভীলদিগের আবাসে
আসিয়া পুঙ্গু চকিত হইয়াছিলেন, ভীল-
দিগের গহবরে আসিয়া ভীত হইয়াছিলেন !
ক্রমে সেই গহবরে স্থিমিত দীপালোকে যখন
আর একজন রাজপুত্রমণীকে দেখিতে
পাইলেন, যখন তাঁহার উজ্জল রূপলাবণ্য
এবং মুখের কমনীয়তা ও মধুরতা দেখিতে
পাইলেন, তখন পুঙ্গুর হৃদয়ে আশার সঞ্চার
হইল। পুঙ্গু ধীরে ধীরে অপরিচিতা রমণীর
নিকট আসিয়া তাঁহার চরণ দুইটা ধরিয়া
প্রণিপাত করিয়া কহিলেন—দেবি ! আমি
কোথায় আসিয়াছি জানি না, কাহাকে
আমার সন্মুখে দেখিতেছি জানি না। বোধ
হয় আপনি কোন উন্নত বংশীয়া রমণী হইবেন,

বোধ হয় এই বুকের সময় বিপদে পড়িয়া এই গল্পেরে আশ্রয় লইয়াছেন, বোধ হয় আমার প্রতি দয়া করিয়া আমাকেও এই নিরাপদ স্থানে আনাইয়াছেন । আপনি যিনিই হউন আমি আপনার শরণাপন্ন হইলাম । আমাকে আশ্রয় দান করুন—পুস্পকুমারী আশ্রয় হীনা ও অভাগিনী ।

পুস্পকুমারীর করুণস্বর ও নয়নজল দেখিয়া অপরিচিতা রমণী বাৎসল্যের সহিত তাঁহার হাত ধরিয়া উঠাইয়া অনেক আশ্বাস দিয়া कहিলেন—মা পুস্প, অদ্য তোমারও যে অবস্থা আমরাও সেই অবস্থা । এ গল্পের ভীলদিগের, ভীলগণ বিপদের সময় আমাদের আশ্রয় দান করিয়াছে । একজন রাজপুত্র যোদ্ধাও এই স্থানে বাস করেন, তিনিও আমাদের রক্ষায় যত্নবান হইয়াছেন । তিনিই আমাকে শত্রু-হস্ত হইতে নিরাপদে রাখিবার জন্ত কয়েক দিন হইল এইস্থানে আনিয়াছেন, তিনিই তোমাকেও নিরাপদে রাখিবার জন্ত অদ্য এইস্থানে আনাইয়াছেন । যদি ইচ্ছা কর, তুমি আমারই নিকটে থাকিও, আমার পুত্র কন্তা যদি নিরাপদে থাকে, তুমিও নিরাপদে থাকিবে, ইহার অধিক আশ্বাস দিতে পারি না ।

এ কাৎসল্যপূর্ণ স্নেহের কথাগুলি কাহার ? পুস্প অনেক দিন হইতে এরূপ স্নেহের কথা শুনে নাই, বহুদিন পর স্নেহবাক্য শুনিয়া পুস্পের হৃদয় দ্রবীভূত হইল । নিঃশব্দে দরবিগলিত ধারায় পুস্প রোদন করিতে লাগিল, দরবিগলিত ধারায় অপরিচিতার পদযুগল সিক্ত করিয়া তাঁহার আশ্রয় গ্রহণ করিল ।

অপরিচিতা অধিকতর অশ্রুকম্পার সহিত

পুস্পকে আশ্বাস দান করিলেন ও कहিলেন— শান্ত হও, আমার স্বামী মেওয়ারে অপরিচিত নহেন, এই ভীষণ বুকের অন্তে বোধ হয় তিনি তোমাকে সহায়তা করিতে পারিবেন ।

দ্বাবিংশ পরিচ্ছেদ ।

—:~:—

ভবিষ্যৎ-বাণী ।

লভা ধরিত্রী তব বিনম্রেন জ্যোতিঃ বীথ্যাজ্জ
বৈশ্বিকপক্ষঃ ।

অঃ প্রকথার বিধিক্ষেপের একধৃতস্তাহি রণে
করতীঃ ॥

কিরাতাঙ্কনীম্ ।

অপরিচিতা রমণী পুস্পের সহিত কথা कहিতেছেন, এরূপ সময় নাহারা মগরোর রক্ষা চারণী দেবী সহসা সেই ভীল-গল্পেরে উপস্থিত হইলেন ।

চারিণী দেবী অগ্রসর হইয়া আপন ধীর ও গম্ভীরস্বরে অপরিচিতাকে বলিলেন—দেবি ! অদ্য জানিলাম এই অন্ধকারময় ভীমচাঁদের গল্পের পবিত্র ও আলোকপূর্ণ, সেই আলোক দর্শন করিতে আসিলাম অবগুষ্ঠন ত্যাগ করুন, মহারাষ্ট্র ! চারণীর নিকট অবগুষ্ঠন অনাবশ্যক ।

তখন মহারাষ্ট্রী প্রতাপসিংহের মহিষী অবগুষ্ঠন ত্যাগ করিলেন, গরীয়সী বামার উজ্জল মুখকান্তিতে সে পর্বতগল্পের আলোকপূর্ণ হইল । সেই উন্নত ললাটে একটা হীরকখণ্ড ঝক্‌ঝক্‌ করিতেছে, সেই উন্নত বক্ষঃস্থলে এক ছড়া মুক্তাহার দোহল্যমান রহিয়াছে । প্রতাপসিংহের

মহারাজ্ঞী তখন চারণীর সহিত কথা কহিতে লাগিলেন, শুদ্ধ হইয়া পুষ্প সেই কদোপকথন শুনিতে লাগিলেন ।

রাজ্ঞী : চারণী মাতা, আজ তোমাকে দেখিয়া নিক্রান্ত হইলাম, বিপদের দিনে তুমি চিরকালই আমাদের সহায় । বিপদ ও সঙ্কট মহারাণার অপরিচিত নহে, আমার নিকটও অবিদিত নহে, তথাপি একরূপ ঘোর বিপদ্রাশি পূর্বেও কখন বোধ হয় মেওয়ার প্রদেশে দেখা দেয় নাই । বহুদিন হইতে মহারাণার সাক্ষাৎ লাভ করি নাই, অনন্ত যুদ্ধব্যাপ্ত থাকিয়া তিনি স্ত্রী পুত্রকে দেখিবারও অবকাশ পান নাই । পুত্র-কন্যা লইয়া আমি দুর্গ হইতে দুর্গান্তরে আশ্রয় লইয়াছি, অবশেষে কয়েক দিন হইতে এই ভীলদিগের গহ্বরে আশ্রয় লইতে বাধ্য হইয়াছি । এখানেও আমরা নিরাপদ নহি, তুর্কীগণ বোধ হয় আমাদের কোন সন্ধান পাইয়া এই দিকে আসিতেছে । ঐ দূর উপত্যকার অল্প মহারাণার সহিত তুর্কীদিগের ভয়ানক যুদ্ধ হইয়াছে, সে যুদ্ধ এখনও শেষ হয় নাই, তুর্কীদিগের যুদ্ধনাদ এখনও শুনা যাইতেছে । আমার হৃদয় চিন্তাকুল হইয়াছে, চারণী মাতা, মহারাণার কুশল সংবাদ দিয়া চিন্তা দূর কর ।

চারণী । মহারাজ্ঞি ! শাস্ত হউন, চিন্তা করিবেন না । স্বয়ং ঈশানী আপনার স্বামীকে রক্ষা করিতেছেন, তিনি কুশলে আছেন ।

রাজ্ঞী । মাতা তোমার কথায় আমি আশ্বস্ত হইলাম, তোমার মুখে পুষ্প চন্দন পড়ুক । মেওয়ারের মহারাজ্ঞী নিজের বিপদ ডরে না, সে বিপদ তুচ্ছ করিয়া শত্রুগণকে উপহাস করিয়া শিশোদীয় ধর্মাত্ম-

সারে জীবনত্যাগ করিয়া আপন মান রক্ষা করিতে জানে । কিন্তু রাজা ও রাজ-শিশুগণের জন্মই আমার চিন্তা । মেওয়ার প্রদেশে রাজশিশুগণের মস্তক রাখিবার স্থান নাই, মেওয়ারের রাজশিশুগণ কি তুর্কীহস্তে পতিত হইবে ? মেওয়ারের ইতিহাস কি অল্পই শেষ হইল ?

শিশুদিগের বিপদ স্বরণে সেই বীর-হৃদয় একবার দ্রবীভূত হইল, সেই উজ্জল নয়নদয় একবার জলে পূর্ণ হইল । পুষ্প নিজের দুঃখ ও বিপদ ভুলিয়া গেলেন, সেই দেবীতুল্যা মহারাজ্ঞীর দিকে তিনি ভক্তি-ভাবে একদৃষ্টিতে চাহিয়াছিলেন, মহারাজ্ঞীর নয়নের জল দেখিয়া পুষ্পের নয়নও শুষ্ক ছিল না ।

চারণী । শিশোদীয়কূলে যতদিন বীরত্ব আছে, মেওয়ারের ইতিহাস ততদিন লুপ্ত হইবে না । মহারাজ্ঞি, শাস্ত হউন, রাজশিশুদিগের এখনও নিরাপদ স্থান আছে । ভীলগণ শিশোদীয়ের চিরবিশ্বাসী, মহারাণা উদয়সিংহকে এই ভীল-সর্দার ভীমচাঁদের পিতা এই গহ্বরে স্থান দিয়া ছিল, মহারাণা প্রতাপসিংহের পরিবারকে ভীমচাঁদ স্থান দিবে । মহারাজ্ঞি ! শাস্ত হউন, এই গহ্বরের অনতিদূরে জাউরার খনি আছে, জাউরার খনির ভিতর স্বর্যাস্ত রশ্মি প্রবেশ করে না, আহবের শব্দ প্রবেশ করে না, মহারাণার পরিবার তথায় নিরাপদে থাকিবেন । এ কাল সময় শীঘ্রই অবসান হইবে ।

রাজ্ঞী । চারণী, তোমার বচনে আমি আশ্বস্ত হইলাম । যুদ্ধে, বিপদে, রাজপুত্রের হৃদয় বিচলিত হয় না, কিন্তু বৎসদিগের কথা স্বরণ করিয়া একবার নারীর মন

বাকুল হইয়াছিল । যদি শিশুগণ নিরাপদে থাকে তবে এ যুদ্ধ যুগান্তরব্যাপী হউক, মেওয়ারের মহারাণা তাহাতে কাতর নহেন, মেওয়ারের রাজমহিষী তাহাতে কাতর নহে । এই ভীল গহ্বর-আমার প্রাসাদ স্বরূপ হইবে ।

চারণী । এ স্থানে রাজপরিবার কোন ক্লেশ পাইবেন না, কেন না, এ গহ্বর এক্ষণে একজন প্রধান রাজপুত্র যোদ্ধার আশ্রয় স্থান ।

মহারাজ্ঞী । তাহাও শুনিয়াছি । সেই রাঠোর যোদ্ধাই আমাদিগকে ভীম-গড়ে রক্ষা করিয়াছিলেন, তিনিই আমাদের নিরাপদে রাগিবার জন্ত এই ভীল-দিগের গহ্বরে আনাইয়াছেন । যোদ্ধার বিশেষ পরিচয় পাইতে ইচ্ছা করে, কি জন্ত সেই বীরাগ্রগণ্য আশিশব লোকালয় ভাগ করিয়া ভীলদিগের সঙ্গে এই গহ্বরে বাস করিতেছেন, কি মহারত সাধনার্থ পরিত ও অরণ্যবাসী হইয়াছেন, তাহা জানিতে ইচ্ছা করে । আমাদের এই দৃষ্টি ও বিপদের মধ্যে তাঁহার বিশেষ পরিচয় লইবর অবকাশ পাই নাই, পরিচয় দান করিতেও তিনি বড় ইচ্ছুক নহেন । কিন্তু এই বিপদ রাশি হইতে যদি উত্তীর্ণ হই তাহা হইলে আমাদিগের দুর্দিনের বন্ধকে অর্থাৎ বিশ্বস্ত হইব না, মহারাণা ও বিশ্বস্ত হইবেন না !

উদ্বেগে পুষ্পের হৃদয় স্তম্ভিত হইল, তাঁহার নিশ্বাস প্রায় রুদ্ধ হইল । মহারাণী কি সেই রাঠোর যোদ্ধার কথা কহিতেছেন ? সেই রাঠোর যোদ্ধা পিতৃহর্গ চুত হইয়া অবধি কি এই ভীমগ গহ্বরে বাস করিতেছেন ?

চারণী । দেবি ! সে যোদ্ধার দীর্ঘ

ইতিহাস অল্প একদিন কহিব, অল্প কমা করুন । অল্প কেবল এইমাত্র কহিতেছি যে, ভীলপালিত তেজসিংহ অপেক্ষা দুর্দ্ধম-নীষ যোদ্ধা এবং বিশ্বাসী অনুচর মহারাণার আর কেহ নাই । তেজসিংহের হস্তে যতদিন খড়া আছে, তেজসিংহের পমনীতে যতদিন শোণিত আছে, আপনাদিগের ততদিন বিপদ নাই ।

পুষ্পের শরীর কণ্টকিত হইল, হৃদয় আনন্দে ও উল্লাসে নৃত্য করিয়া উঠিল ।

রাজ্ঞী । আকাশের দেবগণ তেজসিংহের সহায়তা করুন । দেবি ! আমি তাঁহার স্বামীভক্তির কি পুরস্কার দিতে পারি ?

পুষ্পের হৃদয় পুনরায় উদ্বেগপূর্ণ হইল, তিনি স্বাসক্ল ক্রিয়া চারণীর উত্তর প্রতীক্ষা করিতে লাগিলেন ।

চারণী । মহারাজ্ঞি ! সেই তেজসিংহের নিরাশ্রয়া বাগদত্তা পত্নী আপনার চরণে পলে ! বালিকা পুষ্পকুমারীকে আশ্রয়-দান করুন, পুষ্প অপেক্ষা বিশ্বাসিনী সহচরী আপনি পাইবেন না । পুষ্প ! অবগুণ্ঠন ভাগ কর, চারণীর নিকটে সঙ্কোপনচেষ্টা বৃথা । যিনি শিশোদীয় জাতির একমাত্র পূজা, যিনি মেওয়ার প্রদেশের আশ্রয়-ভূতা, অল্প সেই মহারাণীর আশ্রয় গ্রহণ কর ।

বিশ্বস্ত ও লক্ষ্মী, আনন্দ ও উৎসর্গায় নিহত হইয়া পুষ্পকুমারী সাশ্রমরূপে মহারাণীর চরণ পরিয়া ভূমিতে লুপ্তিত হইলেন, তাঁহার বাক্যস্মৃতি হইল না । মহারাণী অনেক আশ্বাসবাক্য দিয়া পুষ্পকে উঠাইলেন, অরণ্যে বসিলেন—পুষ্প তোমাকে পূর্বেই আমি বাকদান করিয়াছি, তুমি

আমার কথা আমি তোমার মাতা ;
আমার অন্ত সন্তান যদি নিরাপদে থাকে,
তুমিও নিরাপদে থাকিবে। মেওয়ারের
রাজ্ঞী অন্ত ইহা অপেক্ষা অধিক আশ্বাস
দিতে পারে না।

অন্যান্য অনেক কথার পর মহারাজ্ঞী
চারণী দেবীকে পুনরায় যুদ্ধের কথা জিজ্ঞাসা
করিলেন। চারণীদেবী উত্তর করিলেন—
মহারাজ্ঞি চিন্তা করিবেন না, মেওয়ারের
আকাশ পরিষ্কার হইতেছে, বীরত্ব ও অধ্য-
বসায়ের জয় অনিবার্য।

রাজ্ঞী। কিরূপে সে বিজয় সাধন
হইবে তাহা কি জানিতে পারি ?

চারণী। রাজার বল অস্ত্রে ও মদনায়।
অস্ত্রে যাহা সাধা, মহারাণা তাহা করিয়া-
ছেন, এক্ষণে মন্ত্রী ভামাশাহ সহায়তা
করুন। ভামাশাহের স্বামীধর্মে মেওয়ারের
বিজয়।

রাজ্ঞী। দোব ! তোমার বাক্য
আমার চিন্তিত হৃদয়ের শান্তি দান করিল,
আর একটা কথা জিজ্ঞাসা করিব।

চারণী। মহারাজ্ঞী যাহা আদেশ
করিবেন, চারণী তাহা সানন্দে পালন
করিবে।

রাজ্ঞী। চারণী দেবি ! তোমাদিগের
মুখে শুনিতে পাঠি, দিল্লীর সিংহাসন ও
সমস্ত হিন্দুস্থান পূর্বে রাজপুতদিগের ছিল।
রাণা পৃথিুরায় না কি পূর্বে দিল্লীর অধীশ্বর
ছিলেন, ৫০ বৎসর হইল রাণা সংগ্রামসিংহ
না কি দিল্লী অধিকার করিবার জন্ত যুকিয়া-
ছিলেন। পুনরায় কি আমরা কখনও দিল্লী
অধিকার করিব ? হিন্দুস্থানের দূর ভবি-
ষ্যতে কি আছে ? তুর্কীর বিজয় না
শিশোদীয়ের বিজয় ?

চারণী দেবী অনেকক্ষণ চিন্তা করিলেন,
তাঁহার ললাট মেঘাচ্ছন্ন হইল, লু কুঙ্কিত
হইল, দৃষ্টহীন স্থিরনয়ন অনেকক্ষণ উর্দ্ধ-
দিকে চাহিয়া রহিল। পরে গভীরস্বরে
কহিলেন—মহারাজ্ঞি ! আমার বয়স
অধিক হইয়াছে, নয়ন ক্ষীণ, ভবিষ্যৎ
আকাশে আমি বহুদূর দেখিতে পাই না।
অন্ধকারের পর নিবিড় অন্ধকার ! রাজ-
পুত বহুদিন তুর্কীর সহিত যুদ্ধিতেছে ;
তৎপরে রাজপুত দক্ষিণাবাসী হিন্দুর সহিত
যুদ্ধিতেছে ; তাহার পর এ কি ! মহাসমুদ
হইতে ধ্বংস তরঙ্গের উপর খেত তরঙ্গ
আসিয়া সমগ্র ভারতবর্ষ প্রাবিত করিতেছে
বৃদ্ধার নয়ন ক্ষীণ। সে আর কিছু দেখিতে
পায় না।

—:~:—

ত্রয়োবিংশ পরিচ্ছেদ ।

—:~:~:~:—

সূর্যামহল ধ্বংস।

হাহাকারঃ সমভবং তত্র তত্র সহস্রশঃ ।
অপ্তোংগা হিন্দতা শঠৈরাদিতো লোহিতায়তি ॥

মহাভারতম্

কি জন্ত ও কি অবস্থায় রাজ-পরিবার
ভীল-গহ্বরে আশ্রয় গ্রহণ করিতে বাধ্য
হইয়াছিলেন, এক্ষণে তাহা বর্ণনা করা
আবশ্যক।

মোগলদিগের পতিত যুদ্ধহেতু মহারাণা
প্রতাপসিংহ সর্বদাই সপরিবারে কন্দরে
ও পর্বতগুহায় বাস করিতেন। মেওয়ারের
মহারাজ্ঞী স্বামীর জায় স্বদেশপ্রিয়া ছিলেন,
ক্লেশ যাতনা তুচ্ছ করিয়া প্রস্তলের উপর
রজনীতে শয়ন করিতেন, স্বহস্তে পুঙ্কনাডি

করিয়া শিশুকে খাওয়াইতেন, বিপদের সময়ে পর্কত হইতে অত্র পর্কতে, কন্দর হইতে অত্র কন্দরে পলাইতেন, তথাপি সন্ধি প্রার্থনার জন্ত স্বামীকে অল্পরোধ করিতেন না। হিংস্রক জন্তুর আবাসস্থানে মহারাজী আশ্রয় গ্রহণ করিতেন, শীত-কালে পাহাড়ের উপর আগ জ্বালিয়া সস্তানদিগের শীত নিবারণ করিতেন, বর্ষাকালে কখন কখন পর্কতকন্দর ভাসিয়া যাইলে সিন্ধুবন্দে সমস্ত রজনী শিশুকোড়ে দণ্ডায়মান থাকিতেন, তথাপি যোগলের নিকট সন্ধি প্রার্থনা করিতেন না। ক্ষেত্রের দুর্কার রুটী প্রস্তুত করিয়া শিশুদিগকে খাওয়াইতেন, কখন প্রস্তুত রুটী ত্যাগ করিয়া কুর্খার্তি শিশুদিগকে লইয়া শক্রভয়ে এক স্থান হইতে অত্র স্থানে, তথা হইতে পুনরায় আর এক স্থানে পলায়ন করিতেন, তথাপি যোগলের নিকট সন্ধি প্রার্থনা করিতেন না।

এইরূপ অসহ্য কষ্ট সহ করিয়াও মহা-রাণা যোগলদিগের সহিত প্রতি বৎসর যুদ্ধান করিতে লাগিলেন। ক্রমে প্রায় সমস্ত দুর্গ, সমস্ত পর্কত, সমস্ত উপত্যকা শক্রহস্তে পতিত হইল, প্রতাপসিংহ বিশাল মেওয়ার রাজ্যে মস্তক রাগিবার স্থানও পাইলেন না। অবশেষে তিনি চন্দাওয়ৎ দুর্জয়সিংহের সূর্যামহলে আপন পরিবার রাখিলেন, স্বয়ং আপন অল্পসংখ্যক সৈন্য লইয়া শক্রদিগকে নানাধিক হইতে বার বার গোপনে আক্রমণ করিতে লাগিলেন।

দুর্জয়সিংহ সসম্মানে রাজপরিবারকে আপন প্রাসাদ ছাড়িয়া দিলেন। অসংখ্য যোগল শূক্র আসিয়া সূর্যামহল বেষ্টন করিল। মেওয়ারের প্রধান যোদ্ধগণ বেহ

প্রতাপসিংহের সঙ্গে রহিলেন, কেহ বা সূর্যামহল রক্ষা করিতে লাগিলেন।

তেজসিংহ সূর্যামহলেই রহিলেন; বিপদের সময় রাজপুত রাজপুত্রের ভ্রাতা! দুর্জয়সিংহ নিঃসঙ্কোচে তেজসিংহ ও তাঁহার রাঠোরগণকে সূর্যামহলে প্রবেশ করিতে দিলেন, কেননা তেজসিংহ রাজপুত, বিশ্বাসঘাতকতা জানেন না, রাজ-কার্যসান্নাধ্য দুর্গে প্রবেশ পাইয়া আপন অভীষ্ট সিদ্ধ করিবেন না। তেজসিংহ নিঃসঙ্কোচে শক্রদুর্গে শক্রসৈন্যের মধ্যে আপন অল্প সৈন্য লইয়া বাস করিতে লাগিলেন, কেননা দুর্জয়সিংহ রাজপুত, বিদেশীয় যুদ্ধের সময় তেজসিংহের উপর কদাচ হস্তক্ষেপ করিবেন না।

তেজসিংহ ও দুর্জয়সিংহ উভয়েই অসামান্য সাহসী কিন্তু এক্ষণে পরস্পরের বর্ধমান অধিকতর বীরত্ব প্রকাশ করিতে লাগিলেন। যে স্থানে অতিশয় বিপদ হইত, যে স্থানে শক্রগণ অসংখ্য বলে আক্রমণ করিত, তেজসিংহ ও দুর্জয়সিংহ উভয়েই সেই স্থানে প্রথমে যাইবার উচ্চম করিতেন, কেননা রাঠোর চন্দাওয়ৎ অপেক্ষা হীন নহে, চন্দাওয়ৎ রাঠোর অপেক্ষা হীন নহে। একদিন নিশার যুদ্ধে শক্রগণ দুর্গের একটা দ্বার ভগ্ন করিয়া ফেলিল, ও সেই পথ দিয়া যোগল গণ দুর্গে প্রবেশ করিবার উপক্রম করিল। দুর্গবাসী এই বিপদ দেখিয়া সেন চকিতের স্থায় রহিল, সহসা তেজসিংহ বজ্রনাথে কতিপয় মাত্র রাঠোর সঙ্গে লইয়া শক্র-মধ্যে পড়িলেন, অসুরবলে তাহাদিগের গতিরোধ করিলেন। অমানুষিক বেগে শক্রসেনা ছিন্ন ভিন্ন করিধ দুর্গদ্বার অতি-

ক্রম করিলেন, পরে পশ্চাতে দ্বার রুদ্ধ হইলে লক্ষ দিয়া প্রাচীর অতিক্রম করিয়া শোণিতাপ্তভেদে দুর্গে প্রবেশ করিলেন ! এই অসাধারণ বীরত্ব দেখিয়া সমস্ত দুর্গবাসী জয়নাদে দুর্গ পরিপূর্ণ করিল। দুর্জয়সিংহ সে বীরত্ব দেখিলেন, সে জয়নাদ শুনিলেন, রজনী প্রভাত হইলে দুর্গদ্বার উদ্বাটন করিবার আদেশ ছিলেন। দ্বিশতমাত্র চন্দাওয়ৎ লইয়া দুর্জয়সিংহ সবে সহসা পঞ্চশত মোগলকে আক্রমণ করিলেন, সহসা আক্রান্ত মোগলগণ সে সরোব আক্রমণে ছিন্ন ভিন্ন হইয়া পরিত্যক্ত হইতে অবতরণ করিয়া পলাইল। অসমসাহসী চন্দাওয়ৎ পুনরায় দুর্গে প্রবেশ করিয়া দ্বার রুদ্ধ করিলেন, চন্দাওয়ৎতের বীরত্ববশে দুর্গ পরিপূর্ণিত হইল !

এইরূপ পরস্পরে পরস্পরের বীরত্বে যেন ক্রুদ্ধ হইয়াই অসাধারণ সাহসের সহিত যুদ্ধ করিতে লাগিলেন। রজনীতে শব্দা তুচ্ছ করিয়া চন্দালোকে উভয়ে প্রাচীরের উপর পদচারণ করিতে, শত্রুসেনা লক্ষ্য করিতে, শত্রুর আক্রমণ প্রতীক্ষা করিতে, আপন আপন সৈন্যগণকে সাহস দান করিতে। শত্রুগণকে অসতর্ক দেখিলেই উভয়ে মিলিত হইয়া নৈশ আক্রমণে শত্রুসেনা ছারখার করিতেন, পাণির গুণ্ডি একের পানে আশ্রয় লভ করিতেন, উভয়েই অগ্রসর হইবার চেষ্টা করিতেন, কেহই অন্য অগ্রসর হইতে পারিতেন না। শত্রুসেনা ছারখার করিয়া চন্দাওয়ৎ ও স্বাঠোর একত্রে দুর্গে প্রবেশ করিতেন, পরিশ্রান্ত তেজসিংহ ও দুর্জয়সিংহ প্রাচীরের উপর একই স্থানে উপবেশন করিয়া

সামান্য কুটী ও অপরিষ্কার জলে ক্ষুৎপিপাসা নিবৃত্তি করিতেন, পরে যখন পূর্বদিক্ রক্তিমচ্ছটায় রঞ্জিত হইত, সেই প্রস্তরনির্মিত প্রাচীরের উপর ভ্রাতৃত্বের ন্যায় দুইজন পরম শত্রু নিঃসঙ্কোচে নিশ্চিন্তভাবে নিদ্রা যাইতেন।

রাজপুত-ইতিহাসের প্রারম্ভ হইতে শেষ পর্যন্ত পাঠ কর, কপটাচারীতার পরিচয় নাই, সত্যভঙ্গের পরিচয় নাই, পরম শত্রুর সহিতও অন্যায় সম্বন্ধের বা বিশ্বাসঘাতকতার পরিচয় নাই। সম্রাটের বাক্য লঙ্ঘন হইয়াছে, সন্ধিপত্র লঙ্ঘন হইয়াছে, রাজপুতের সত্য লঙ্ঘন হয় নাই।

এইরূপে কয়েক মাস অতিবাহিত হইল, অবশেষে সূর্য্যমহলের খাওয়া ও পানীয় দ্রব্যের অভাব হইতে লাগিল, তখন রাজপরিবারকে আর এ দুর্গে রাখা বিধেয় বোধ হইল না। অতিশয় যত্নে রাজপরিবারকে ভীমগড় দুর্গে প্রেরণ করা হইল, দুর্জয়সিংহ ও অন্যান্য যোদ্ধগণ নিজ নিজ পরিবারকে অন্যান্য স্থানে প্রেরণ করিলেন, পরে যোদ্ধগণ অর্ধেক ভোগনে প্রাণধারণ করিয়া তখনও দুর্গ রক্ষা করিতে লাগিলেন।

মল্পসোর যাহা সান্না, রাজপুতগণ তাহা বারণ। আর এক মাস দুর্গ রক্ষা করিল, কিন্তু অনাগারে পানধারণ করা মল্পসোর সান্না নহে। সূর্য্যমহলের দ্বার অবশেষে উদ্বাটিত হইল, মোগলগণ ভীষণনাদে দুর্গে প্রবেশ করিল, দুর্গের মধ্যে মোগল ও রাজপুতে মহাকোলাহলে যুদ্ধ আরম্ভ হইল।

সে যুদ্ধ বর্ণনা করিতে আমরা অক্ষম,

বর্ণনা করিবার আবশ্যকও নাই। রাজপুত্র-
গণ যত্ন নিশ্চয় জানিলে মানবরক্ষার
জন্য কিরূপ যুদ্ধ করে, ইতিহাসের প্রত্যেক
পাত্রে তাহা বর্ণিত আছে। মনুষ্যের যাহা
সাধ্য রাজপুত্রগণ তাহা সাধিল, কিন্তু দেশের
সহিত একের যুদ্ধ সম্ভবে না, রাজপুত্র
হীনসংখ্য হইয়া ক্রমে হটিতে লাগিল।

যুদ্ধতরঙ্গ প্রাক্ষণ হইতে তোরণে, তোরণ
হইতে গৃহমধ্যে গড়াইতে লাগিল, বন্দুকের
ধূমে ও মনুষ্যের কোলাহলে সূর্য্যামহল
প্রাসাদ পরিপূর্ণ হইল, অগ্নসংখ্যক রাজপুত্র
ছিন্ন ভিন্ন শত্রুবোষ্টি হইয়া ভ্রমণ
অনুগ্রহীণ্যে প্রাসাদ রক্ষা করিতেছে।

প্রাসাদের শেষ কুর্টারে দুর্জয়সিংহের
সহিত তেজসিংহের সহসা দেখা হইল,
উভয়েই গড়াহস্ত, উভয়েই রক্তাঞ্জলি !
তেজসিংহ জীবন চিন্তা করিয়া কহিলেন,—
দুর্জয়সিংহ ! চন্দাওয়ার রাঠোরের বীরত্ব
দেখিয়াছে, রাঠোর চন্দাওয়ারের বীরত্ব
দেখিয়াছে, আর যুদ্ধ নিফল, এ যুদ্ধে
জীবনদান করাও নিফল। কিন্তু তুমি
আমরা রক্ষা পাইলে মহারাণার অন্য
কার্য সাধন করিতে পারিব।

দুর্জয়সিংহ। মহারাণার কার্যসাধন
রাজপুত্রের প্রাণ কণ্ডব্য, কিন্তু অত্ন পরি-
ত্রাণ পাওয়ার কি পথ আছে ?

তেজসিংহ ধীরে ধীরে একটা প্রবন্ধের
দিকে অঙ্গুলি নিদেশ করিয়া কহিলেন—
শুনিয়াছি, ঐ গবাক্ষ দিয়া একজন রাঠোর
বালক লক্ষ্য দিয়া হুদে পড়িয়াছিল, পরে
সম্বরগ দ্বারা জীবন রক্ষা করিয়াছিল।
রাঠোর বালক যাহা করিয়াছিল, চন্দাওয়ার
মোক্ষা দোণ হইয় তাহা করিতে পারেন।

লুঙ্কার, রোমে, পূর্বকথা স্বরণে দুর্জয়-

যের মুগ রক্তবর্ণ হইল, হস্তের অঙ্গি
কাঁপিতে লাগিল। রোমে পদাঘাত করিয়া
সে গবাক্ষ বিদীর্ণ করিয়া লক্ষ্য দিয়া হুদে
পড়িলেন।

তেজসিংহও সে গবাক্ষ দিয়া হুদে পড়ি-
লেন, উভয়ে সম্বরগ দ্বারা হন পার হইলেন
সূর্য্যামহল শত্রুহস্তগত হইল।

— :::: —

চতুর্বিংশ পরিচ্ছেদ ।

ভৌমগড় ধ্বংস :

১ গণ্ডা পৃথিবীপাল। সসেন্তবলবাহন।
প্রমাণসাক্ষিনী যেমা ভূমিরক্ষাপি তিষ্ঠতি।

মহাভারতম :

উপরি উক্ত ঘটনার পর প্রায় একমাস
কাল কোন যুদ্ধ হইল না। ভৌমগড়-
নিবাসী রাজপুত্রগণ মনে করিল, যুদ্ধ নোপ
হয় এ বংশের জন্ত ক্ষান্ত হইল, কিন্তু সে
আশায় তাহারা অচিরে নিরাশ হইল।

মহারাণা প্রায়ই দুর্গে থাকিতেন না।
অগ্নসংখ্যক সৈন্য লইয়া পক্ষতে ও উপ-
ত্যকায় রাস করিতেন। স্থানে স্থানে
সেনাগণকে সন্নিবেশিত করিতেন, সূর্যোগ
পাইলেই অন্ধকার নিশীথে সমস্ত সৈন্য
লইয়া নিশ্চিন্ত মোগলদিগকে সহসা আক্র-
মণ করিতেন, পুনরায় বহুসংখ্যক মোগল
জড় হইবার পূর্বে যেন ভূগর্ভে বা পর্বত-
গহ্বরে লীন হইয়া যাইতেন। দিবসে,
যামিনীতে, শীতে, বর্ষায়, গ্রীষ্মে, আবিশ্রান্ত
প্রতাপসিংহ এইরূপে মেওয়ার রক্ষা
করিতে গাঙ্গিলেন। অনন্ত যুদ্ধ চালাতে
লাগিল, মেওয়ার বিজয় হইল না।

এইরূপে কিছু কাল অতিবাহিত হইলে মুসলমানগণ সহসা একদিন রজনীতে দ্বিসহস্র সৈন্যসমেত ভীমগড় দুর্গ আক্রমণ করিল। ভীমগড়ে রাজপরিবার আছেন এ সংবাদ কোনরূপে তাহারা জানিয়াছিল। রাজপরিবারকে বন্দী করিয়া দিল্লীতে প্রেরণ করিলে অবশেষে প্রতাপ তাহাদিগের উদ্ধারের জন্ত অবশ্যই অধীনতা স্বীকার করিবেন, এই আশায় অল্প সহসা মহাকোলাহলে ভীমগড় দুর্গ আক্রমণ করিল।

রাজপুত্রগণ নিশাযোগে এই সহসা আক্রমণের জন্ত প্রস্তুত ছিল না। প্রতাপ সিংহ দুর্গে ছিলেন না, দেবীসিংহও কয়েক শত রাঠোর লইয়া মহারাণার সঙ্গে সঙ্গে পর্বতে পর্বতে ফিরিতেছিলেন। কেবল বালক চন্দনসিংহ পাঁচ শত মাত্র রাঠোর লইয়া দুর্গে ছিল, আর তেজসিংহও দুর্গে ছিলেন। তিনি রাজপরিবার রক্ষার ভার লইয়াছিলেন, কদাপি দুর্গ ত্যাগ করিতেন না।

মুসলমানদিগের সহসা এই ভীষণ আক্রমণ দেখিয়া তেজসিংহের মুখ গম্ভীর হইল। তিনি ক্ষণেক নিস্তব্ধ হইয়া রহিলেন, দুর্গ প্রাচীর হইতে চারিদিকে পিপীলিকা-শ্রেণীর স্থায় মুসলমানদিগকে দেখিতে লাগিলেন। ক্ষণেক পর বালক চন্দনকে সম্বোধন করিয়া কহিলেন—

চন্দন! অল্প দুর্গরক্ষা সংশয়ের বিষয়, রাজপরিবারকে সংশয়ের স্থানে রাখা বিধেয় নহে। ভীমগড় হইতে নিষ্ক্রান্ত হইয়া যাইবার জন্ত জঙ্গলের ভিতর দিয়া একটা গোপনীয় পথ আছে, তাহা কেবল আমি ও আমার বিশ্বস্ত ভীমগণ জানে। কিন্তু

সে পথ অতিশয় বক্র, নিরাপদ স্থানে পৌঁছিতে সমস্ত রজনী অতিবাহিত হইবে। বালক! পঞ্চ শত রাঠোর লইয়া সমস্ত রজনী দুর্গ রক্ষা করা অল্প তোমার কার্য্য!

উল্লাসে চন্দনসিংহ উত্তর করিলেন—
প্রভু পূর্বেই দুর্গরক্ষার ভার আমার উপর তুলিয়াছেন, দাস তাহা করিবে। আমাদিগের ধন, সম্পত্তি, জীবন মহারাণার, মহারাণার জন্ত এ দাস অল্প যুঝিবে। প্রভু নিশ্চিত হইয়া রাজপরিবার রক্ষার উপায় উদ্ভাবন করুন, ভীমগড় সূর্য্যোদয় পর্য্যন্ত এ দাস রক্ষা করিবে।

বালকের এ গর্ভিত বচন শুনিয়া তেজসিংহ আনন্দিত হইলেন; কহিলেন—
চন্দনসিংহ! তুমি যখন এ কার্য্যের ভার লইয়াছ, আমার আর চিন্তা নাই। পরে দীর্ঘনিশ্বাস ফেলিয়া অস্পষ্টস্বরে কহিলেন—
কিন্তু যখন দেবীসিংহ প্রত্যাবর্তন করিয়া পুত্রের সংবাদ জিজ্ঞাসা করিষেন, তেজসিংহ তাঁহাকে কি বুঝাইবে?

আর বিলম্ব না করিয়া তেজসিংহ রাজ পরিবার রক্ষার চেষ্টা করিতে লাগিলেন, স্বয়ং ভীলবেশে সমস্ত পথ যাইলেন, কোন স্থানে তাঁহাদিগকে লইয়া যাইলেন, পাঠক পূর্বেই তাহা অবগত আছেন।

এদিকে মুহূর্ত্তমধ্যে দুর্গ-প্রাচীরের উপর মশালের আলোক দৃষ্ট হইল, মুহূর্ত্তমধ্যে তিন শত রাঠোর দুর্গদ্বার হইতে নিষ্ক্রান্ত হইয়া স্থানে স্থানে শত্রুর আগমন প্রতীক্ষা করিতে লাগিল। যেরূপ স্থানে পর্বত অতিশয় উচ্চ, আরোহণ অতিশয় কষ্টসাধ্য, রাজপুত্রগণ সেই স্থানে শত্রুর অপেক্ষা করিত লাগিল। রাজপুত্রদিগের সংখ্যা অতিশয় অল্প, কিন্তু সাহস অসামান্য, এবং

সেই পর্বতরাশি অপেক্ষা তাহাদিগের হৃদয় স্থির ও অকম্পিত। বালক চন্দন-সিংহ অথ দৈবজ্ঞানে জ্ঞানী, দৈববলে বলিষ্ঠ, নিঃশঙ্কহৃদয়ে শত্রুর প্রতীক্ষা করিতে লাগিলেন। অবশিষ্ট দুই শত যোদ্ধা দুর্গের ভিতর রহিল।

দেখিতে দেখিতে তরঙ্গতেজে মুসলমান আসিয়া পড়িল, যুদ্ধনাদে আকাশ ও মেদিনী কম্পিত করিল। সে ঘোর রজনীর ভয়ঙ্কর যুদ্ধ বর্ণনা করা যায় না। অথ দুর্গ হস্তগত হইবে, অথ মহারাণার পরিবার বন্দী হইবে, এই আশায় ঘোর উল্লাসে মুসলমান গণ রাজপুতশ্রেণীকে আক্রমণ করিতে লাগিল। মুসলমানের অসংখ্য সেনা, কিন্তু সে পর্বত আরোহণ করিবার একমাত্র পথ, সুতরাং মুসলমানেরা সেই অল্পসংখ্যক রাজপুতসেনাকে চারিদিকে বেষ্টিত করিতে পারিল না। সমুদ্রের তরঙ্গের গায় বার বার মহাগর্জনে মুসলমান সেই রাজ তরেখার উপর পড়িতে লাগিল, কিন্তু জলদিসীমান্ত পর্বতপ্রাচীরের গায় রাজপুতরেখা বার বার সে তরঙ্গ প্রতিহত করিতে লাগিল।

মহারাণার সম্মান, আত্মাদিগের জীবন, আত্মাদিগের মাতা, বনিভা, ভগিনী কুটুম্বিনীর জাতি ধর্ম সমস্তই আত্মাদিগের অসির উপর নির্ভর করে—প্রত্যেক রাঠোর নিঃশঙ্ক এই চিন্তা করিল, নিঃশঙ্ক অসংখ্য শত্রুকে যুদ্ধনান করিল। এ চিন্তায় যতদিন স্বাধীন যোদ্ধার ধমনীতে রক্ত বহিতে থাকে, ততদিন জগতে সে যোদ্ধার পরাজয় নাই। মোগলদিগের সেনা অধিক কিন্তু রাজপুতগণ যবনের অধীনতা স্বীকার করিবে? এই প্রশ্নে প্রত্যেক রাঠোরের

মুখমণ্ডল রক্তবর্ণ হইয়া উঠিল, কেবল নিঃশঙ্ক অসিচালনে সে প্রশ্নের উত্তর করিল।

সমস্ত রজনী যুদ্ধ হইল। রাজপুত যোদ্ধগণ প্রায় সমস্তই সন্মুখরূপে হত হইল। পূর্বদিকে রক্তমাচ্ছটা দেখা দিল, অসংখ্য মুসলমানগণ ভয়ঙ্কর যুদ্ধনাদ করিয়া অবশিষ্ট কতিপয় রাজপুতকে আক্রমণ করিল, উদ্বেল সমুদ্রের তরঙ্গের গায় যেন উপরে আসিয়া পড়িল।

তখন রক্তাশ্রুতকলেবরে বালক চন্দন-সিংহ পলাইয়া দুর্গে প্রবেশ করিলেন; সঙ্গে সঙ্গে অনুমান পঞ্চাশজন মাত্র রাঠোর দুর্গে প্রবেশ করিল। তাহাদিগের আরক্ত নয়ন, রক্তপূর্ণ পরিচ্ছদ, দীর্ঘ কলেবর ও ভীষণ মুগমণ্ডল দেখিলে বোধ হয় যেন ব্রহ্মবলে অসুরযুদ্ধে পরাস্ত হইয়া দেবগণ ধীরে ধীরে আপন আশ্রয়ে প্রত্যাগমন করিতেছেন।

মহাকোলাহলে মুসলমানগণ তখন দুর্গ আরোহণ করিয়া প্রবেশের চেষ্টা পাইল, কিন্তু বানধনশঙ্ক দুর্গকোট রুদ্ধ হইল। কব্বাটের পশ্চাতে অবশিষ্ট নির্ভীক রাঠোর-বীরগণ শেষ পর্যান্ত যুদ্ধে, মুসলমান আক্রমণবীরদিগকে রাজপুতবীর্য দেখাইবে!

তখন মুসলমানগণ কিঞ্চিৎ হতাশ্বাস হইল। সমস্ত রজনী যুদ্ধ করিয়া শান্ত হইয়াছে, এক্ষণে দেখিল দুর্গদ্বার রুদ্ধ, বোধ হয় পুনরায় সমস্ত দিবস যুদ্ধ না করিলে দুর্গ বিজয় হইবে না। সেনাপতি সেনাদিগকে অবসর ও শান্ত লক্ষ্য করিলেন; আদেশ দিলেন—অথই ভীমগড় লইব, অথই প্রতাপসিংহের পরিবার বন্দী হইবে, সৈন্তগণ ক্রমেক বিশ্রাম কর।

মুসলমানদিগের উত্তম ভঙ্গ দেখিয়া চন্দনসিংহ প্রাচীরের উপর উঠিলেন। দেখি-

লেন, প্রায় এক সহস্র মুসলমান ঘাের বাহিরে বিশ্রাম করিতেছে, বুঝিলেন, যুদ্ধ শেষ হয় নাই, ক্ষণেক নিবৃত্ত হইয়াছে মাত্র। দুর্গের ভিতরে চাহিলেন; দেখিলেন, কেবল দুই শত জন রাঠোর। যুবকের দ্রা কুণ্ডিত হইল, ললাট চিন্তাচ্ছন্ন হইল। ক্ষণমাত্র চিন্তার পরই যেন প্রতিজ্ঞা স্থির হইল, তখন ঈষৎ হাসিয়া প্রাচীর হইতে অবতীর্ণ হইলেন।

যোদ্ধগণকে চারিদিকে ডাকিয়া কহিলেন—বন্ধুগণ, মনুষ্যের যাহা সাধ্য, রাজপুতের যাহা সাধ্য, তাহা করিয়াছি। আমার পণ রক্ষা করিয়াছি, সূর্য্যদেব আকাশে উদ্ভিত হইয়াছেন। এক্ষণে দুর্গ-বাহিরে সহস্র যবন, ভিতরে কেবল মাত্র আমরা জীবিত আছি। এক্ষণে তোমাদিগের কি পরামর্শ?

একজন রাঠোর উত্তর করিলেন—রাঠোর সম্মুখরূপে প্রাণত্যাগ ভিন্ন অন্য পরামর্শ জানে না?

চন্দনসিংহ। তাহার পর? তাহার পর আমাদিগের মাতা, ভগিনী, বনিতা, যবনের গোলী হইবে! রাজপুত-রমণী দিল্লীতে বিলাসের দ্রব্য হইবে!

রোষে সকলের মুখ রক্তবর্ণ হইল, কোষ হইতে অসি অর্ধেক বহির্গত হইল। তথাপি রাজপুতমণ্ডলী সকলে স্তব্ধ ও বাকশূন্য। অর্ধফুটস্থরে কেহ কেহ একটা ভয়ঙ্কর কথা উচ্চারণ করিল—“চিতারোহণ!” ক্রমে সকলে সম্মুখে কহিল—“পুরুষের রণশয্যা, রমণীর চিতারোহণ।”

চন্দনসিংহ তখন অন্তঃপুরে প্রবেশ করিলেন। তথায় তাঁহার মাতা অন্তঃ

রাঠোর-রমণী বেষ্টিতা হইয়া উপবেশন করিয়াছিলেন, পুত্র মাতার চরণে প্রণত হইলেন। মাতা জিজ্ঞাসা করিলেন—যুদ্ধের সংবাদ কি?

চন্দনসিংহ। সংবাদ ভাল। কোনও রাজপুত যোদ্ধা যুদ্ধস্থান ত্যাগ করে নাই, শত্রুকে পৃষ্ঠপ্রদর্শন করে নাই। সূর্য্য উদয় হইয়াছেন, দুর্গ এখনও আমাদিগের হস্তে।

মাতা সন্তুষ্ট হইয়া পুত্রকে আশীর্বাদ করিলেন। পরে পুত্র ধীরে ধীরে কহিলেন—মাতা! যদি অনুমতি করেন তবে আরও নিবেদন করি, রজনীর যুদ্ধে প্রায় তিন শত যোদ্ধা, রাঠোরের ত্রায় জীবনদান করিয়াছেন, এক্ষণে দুর্গের ভিতর দুইশত পঞ্চাশ জনের অধিক রাঠোর নাই, শত্রুগণ প্রায় এক সহস্র, ক্ষণপরেই যুদ্ধারম্ভ করিবে—অবশিষ্ট কথা চন্দনসিংহ উচ্চারণ করিতে পারিলেন না, বীর বালক অলক্ষিত স্তাবে একবিন্দু অশ্রু মোচন করিলেন।

তীব্রস্বরে দেবীসিংহের গৃহিণী জিজ্ঞাসা করিলেন—দুই শত পঞ্চাশ জন রাজপুত কি সহস্র তুর্কীর সহিত যুদ্ধিতে ভয় করে?

স্থিরস্বরে চন্দনসিংহ কহিলেন—রাজপুত মনুষ্যের সহিত যুদ্ধ করিতে ভয় করে না, যুদ্ধ দান করিবে। কিন্তু রাজপুতরমণীর সম্মান প্রথম রক্ষণীয়।

হাসিয়া চন্দনসিংহের মাতা উত্তর দিলেন—বৎস! এই কথা কহিতে ভয় করিতেছিলে? রাজপুত বীর মরিতে জানে, রাজপুতরমণী কি মরিতে জানে না? যাও বৎস! যুদ্ধের জন্ত প্রস্তুত হও, আমরাও প্রস্তুত হইতেছি।

পরে অন্তঃপুরে রমণীদিগকে আহ্বান করিয়া চন্দনের মাতা সহস্র বদনে কহি-

লেন—সখীগণ! অস্ত্র আমরা সতী হইব, স্বামীর সোহাগিনী হইব, ইহা অপেক্ষা রাজপুতকামিনীর অদৃষ্টে কি সুখ আছে? স্নেহে তুর্কীগণ দেখুক, রাজপুতযোদ্ধগণ বীর, রাজপুতরমণীগণ সতী ।

নবোদিত সূর্যালোকে সহস্র নারী স্নানাদি সমাপন করিলেন, দেবদেবীর আরাধনা সমাপন করিলেন, পটুবস্ত্র পরিধান করিয়া রাজদ্বারে একত্রিত হইলেন । বালা, প্রৌঢ়া, বৃদ্ধা, সকলে একত্রিত হইলেন, সকলে আনন্দে দেবতার নাম উচ্চারণ করিতে লাগিলেন । তাহার পর?— তাহার পর রাজপুতের পুরাতন ধর্ম অমুসারে অলঙ্কার বিভূষিতা সহস্র রমণী উল্লাসরব করিতে করিতে চিতারোহণ করিলেন । যখন পরাজয়, অবমাননা ও ধর্মনাশ অনিবার্য হইল, রাজপুতরমণীগণ এইরূপে সতীত্ব রক্ষা করেন !

সেই অগ্নিশিখার চতুর্দিকে দুই তিন শত রাঠোর বীর দণ্ডায়মান ছিলেন । নিঃশব্দে তাঁহারা অগ্নিশিখা উখিত হইতে দেখিলেন ; মাতা, বনিভা, ভগিনী ও ছহিতাকে চিতায় প্রাণ বিসর্জন করিতে দেখিলেন । তাঁহাদিগের জীবনে আর মায়া রহিল না, জগতে আর আশা রহিল না । তাঁহারা প্রাতঃকালে পবিত্র জলে স্নান করিলেন, দেবদেবীর আরাধনা শেষ করিলেন, পরে নিঃশব্দে শরীরে বস্ত্রা ধারণ করিলেন, তত্পরি রক্তবস্ত্র পরিধান করিলেন । শিরে উজ্জ্বল মুকুটের উপর তুলসীপত্র স্থাপন করিলেন, গলদেশে শালগ্রাম ধারণ করিলেন, শেষবার নিঃশব্দে পদস্পর্শকে আলিঙ্গন করিলেন । জীবন ত্যাগ করিবার পূর্বে বন্ধু বন্ধুকে, ভ্রাতা

ভ্রাতাকে, সন্তান পিতাকে, নিঃশব্দে আলিঙ্গন করিলেন ।

দুই তিন দণ্ড বেলা হইয়াছে, একপ সময় বান্ধনা শব্দে দুর্গদ্বার খুলিল । বিস্মিত মুসলমানেরা দেখিল, সেই দ্বার নিয়া সমুদ্র-তরঙ্গবেগে অল্পসংখ্যক রাজপুত বীর আসিয়া সহস্র মুসলমানকে আক্রমণ করিল ।

সে রাজপুতসংখ্যা শীঘ্র নিঃশেষিত হইল, দুর্গ মোগলের হস্তগত হইল । কিন্তু সেই যুদ্ধে যে মুসলমানগণ পরিত্যাগ পাইল, তাহারা সেই দুই শত যোদ্ধার যুদ্ধকথা বিস্মৃত হইল না ।

পঞ্চাশৎ বর্ষ পরেও দিল্লীর কোন কোন বৃদ্ধ মোগল নিজ পুত্র বা পৌত্রকে ভীম-গড় দুর্গবিজয়ের কথা গল্প করিত, রাঠোর-দিগের যুদ্ধকথা গল্প করিত ।

পঞ্চবিংশ পরিচ্ছেদ ।

—:~:~:—

বীরত্বের কান্তরতা ।

পুরঃসরঃ ধামবতাঃ যশোধনাঃ স্ত্রীঃ সংপ্রাপা
নিকাবর্মীশূন্য
ভবাদৃশাশেষেদধিবধিতে রতিং নিরাশ্রয়া হস্ত হতা
মনঃশিতা ।
কিরাতাঃ স্ত্রীণাম্ ।

যে দিন ভীলদিগের গল্পেরে মহারাজার সহিত পুষ্পের সাক্ষাৎ হইয়াছিল, সে দিন প্রতাপসিংহ সহস্রা মোগলসৈন্য আক্রমণ করিয়া বিনাশ করিবার চেষ্টা করিয়াছিল । কিন্তু মোগল সৈন্য অসংখ্য সমস্ত দিন ও অর্ধেক রক্তনী বৃথা চেষ্টা

করিয়া প্রতাপসিংহ সসৈন্তে পুনরায় চাওন্দ দুর্গে যাইয়া আশ্রয় লইলেন। মোগল-সৈন্ত ক্রমে ভীমচাঁদ ভীলের আবাসের দিকে অগ্রসর হইতে লাগিল, মহারাজ্ঞী আর তথায় থাকা উচিত বিবেচনা না করিয়া, সন্তান ও পুত্রকে সঙ্গে লইয়া ভূগ-ভঁহ জাউরার খনিতে যাইয়া আশ্রয় লইলেন। ভীমচাঁদের আবাসে প্রতাপসিংহের পরিবারকে না পাইয়া মোগলসৈন্ত তথা হইতে চলিয়া গেল, মহারাজ্ঞী তখন জাউরার খনি হইতে বাহির হইয়া চাওন্দ-দুর্গে স্বামীর নিকট আসিলেন।

চাওন্দদুর্গ রক্ষা করাও দুক্ল হইয়া উঠিল। সৈন্তের পাণ্ড হ্রাস হইয়া আসিতেছে, যোদ্ধগণ হীনবল হইয়া আসিতেছে, চারিদিকে মেঘমালার গ্রায় শত্রু-সৈন্তের শিবির দেখা যাইতেছে। এক দিন সন্ধ্যার সময় প্রতাপসিংহ পরামর্শ করিবার জন্ত দুর্গের সমস্ত প্রধান যোদ্ধা-দিগকে ডাকাইলেন

প্রতাপসিংহের চারিদিকে কুলপতিগণ বসিয়াছেন, কিন্তু যুদ্ধপূর্বে যে সমস্ত প্রাচীন যোদ্ধা কমলমীরে প্রতাপকে বেষ্টন করিয়াছিলেন, তাহার মধ্যে কয়জন আছেন? দৈলওয়ারার কালাকুলেশ্বর হত হইয়াছেন, বিজলীর প্রমরকুলপতি হত হইয়াছেন, অন্যান্য প্রাচীন কুলপতি হত হইয়াছেন। প্রতাপ আপনার চারিদিকে নিরীক্ষণ করিলেন, তাঁহার পুরাতন সঙ্গী অনেকেই আর নাই। নব নব বালকগণ এক্ষণে কুলপতি হইয়াছেন, পিতার মৃত্যুর পর পুত্রগণ যুদ্ধ করিতেছেন, তাঁহারাও মহারাণার জন্ত প্রাণ দিতে প্রস্তুত। প্রতাপ আপনার পার্শ্বে চাহিয়া দেখিলেন,

পুত্র অমরসিংহ পিতার পার্শ্বে বসিয়া আছেন, বাল্যাবস্থা হইতেই পর্বতে ও উপত্যকায় বাস করিয়া যুদ্ধব্যবসায় শিখিতেন। অমরসিংহ যুদ্ধে পিতার সহ-যোদ্ধা, বিপদ ও সঙ্কটে ভাগগ্রাহী।

অনেকক্ষণ পর পরামর্শ শেষ হইল, ভৃত্যগণ খাণ্ড আনিল। বৃক্ষপত্র বিনির্মিত পাত্রে সামান্য আহার লইয়া সকলে আহার করিতে বসিলেন, কিন্তু মেওয়ারের গৌরবের দিনে রাজসভায় যে সমস্ত রীতি প্রচলিত ছিল, তাহার কিছুমাত্র লাঘব হয় নাই।

সভার মধ্যে সাহসী ও সম্মানিত যোদ্ধা মহারাণার পাত্র হইতে ফল বা আহারীয় দ্রব্য প্রাপ্ত হইতেন, তাহাকে “তনা” কহিত। প্রতাপসিংহ অল্প কাহাকে “তনা” দিবেন, স্থির করিবার জন্ত চারিদিকে দৃষ্টি নিম্নেপ করিলেন।

তাঁহার পার্শ্বে পুত্র অমরসিংহ বসিয়াছেন, অল্পবয়সেই শত যুদ্ধে বীরত্ব প্রকাশ করিয়াছেন। প্রতাপ তাঁহাকে সম্বোধন করিয়া বলিলেন—অমরসিংহ এই ঘোর বিপদ কালে তুমি বীরের শিক্ষা শিখিতেছ, বীরের কার্য সাধন করিতেছ! কিন্তু অল্প অল্প এক যোদ্ধা আমার পাণ্ডের ভাগগ্রাহী।

কিছু দূরে দুর্জয়সিংহ ও তেজসিংহকে দেখিয়া বলিলেন—চন্দাওয়ার ও ব্রাঠোর! ধন্য তোমাদের বীরত্ব, ধন্য তোমাদের স্বামীধর্ম। তোমরা উভয়েই আমার জন্ত জীবন পণ করিয়াছ, উভয়েই বিপদের সময় রাজপরিবারকে স্থান দিয়াছ, উভয়েই ভ্রাতৃত্বের গ্রায় ধরম্পরে পার্শ্বে দাঁড়াইয়া বহু শত্রুকে তুচ্ছ জ্ঞান করিয়াছ। তোমরা

উভয়েই অতুল্য বীর, কিন্তু অল্প অল্প এক
ঘোড়া আমার খাণ্ডের ভাগগ্রাহী ।

সম্মুখে প্রাচীন ঘোড়া দেবীসিংহ
বসিয়াছিলেন, তাঁহাকে সম্বোধন করিয়া
মহারাণা কহিলেন—দেবীসিংহ ! এ কাল
সময়ে তুমি আমার জন্ত সর্বস্ব হারাইয়াছ,
তোমার বীরত্ব, তোমার স্বামীধর্মের পুর-
স্কার কি দিব ? এ কাল যুদ্ধে তুমি দুর্গ
হারাইয়াছ, বীর পুত্র হারাইয়াছ, পরিবার
কুটুম্ব সমস্ত হারাইয়াছ তথাপি খজ্জাহস্তে
পর্বতে পর্বতে আমার সঙ্গী হইয়া ফিরি-
তেছ ! প্রতাপসিংহ অনেক ক্রেশ সহ
করিতে শিগিয়াছে, কিন্তু তোমার ত্রায়
স্বামীধর্মরত ঘোড়ার এ অবস্থা দেখিলে
প্রতাপসিংহের পাষণ্ড হৃদয়ও বিদীর্ণ
হয় । বীরকুলচূড়ামণি ! তোমার বীর-
ত্বের পুরস্কার দেওয়া মনুষ্যসাম্য নহে ।
অল্প আমার আহারের ভাগগ্রাহী হইয়া
আমাকে অনুগ্রহীত কর ।

মহারাণার এই কথা শুনিয়া বৃদ্ধ ঘোড়া
সহসা কোন উত্তর করিতে পারিলেন না,
বৃদ্ধের নয়ন হইতে এক বিন্দু অশ্রু পতিত
হইল, অশ্রু মোচন করিয়া জ্বলন্ত কম্পিত
স্বরে কহিলেন—মহারাণা ! কারুরতা চিহ্ন
ক্ষমা করুন, বৃদ্ধের এক বিন্দু অশ্রু ক্ষমা
করুন । আশা ছিল, এই বৃদ্ধ বয়সে বংশ
চন্দনকে দুর্গভার অর্পণ করিব, বংশ চন্দ-
নকে আমার পৈত্রিক গুণ্ডা দিয়া শান্তি লাভ
করিব, কিন্তু ভগবান অল্প রূপ ধটাইলেন !
ভগবানকে নমস্কার করি, পুত্র বীরনাম
কলঙ্কিত করে নাই, এ বৃদ্ধও মহারাণার
কার্য্যে বীর নাম কলঙ্কিত করিবে না ।

আর কোনও কথাবার্তা হইল না,
ঘোড়াদিগের নয়ন সিক্ত হইল, বাক্যফলি

হইল না । নীরবে ভোজন শেষ হইল,
মহারাণা মহিষী ও পুত্রদিগের নিকট
যাইলেন ।

অন্ধকার নিশীথে একটা পর্বতগহবরের
নিকট অগ্নি জলিতেছে, রাজশিঙগণ সেই
অগ্নির চতুর্দিকে দৌড়াবোড়ি করিতেছে,
অথবা বিশ্রান্ত হইয়া সেই প্রস্তরের উপর
স্থখে নিদ্রা যাইতেছে । রাজমহিষী ও
পুত্র কুটী প্রস্তুত করিতেছিলেন পুত্র-
কন্ঠাগণ উঠিয়া খাইনে । প্রতাপসিংহ
দূরে দণ্ডায়মান হইয়া ক্ষণেক নীরবে এই
দৃশ্যটী দেখিতে লাগিলেন, তাঁহার হৃদয়
আজি চিন্তাপূর্ণ ।

দুর্গ সকল একে একে শত্রুহস্তগত হই-
য়াছে, সৈন্যসংখ্যা দিন দিন হ্রাস পাই-
তেছে । প্রতাপসিংহের আর অর্থ নাই,
সমল নাই, রাজ্য নাই, রাজধানী নাই,
সেই প্রস্তর ভিন্ন মস্তক রাখিবার স্থান নাই,
হৃদয়ের কলত্রপুত্রদিগকে রাখিবার স্থান
নাই । কিন্তু এ সমস্ত ক্রেশ প্রতাপসিংহ
তুচ্ছ করিয়াছেন, ইহাতে তাঁহার বীর হৃদয়
কাঁতর হয় নাই ।

কখন কখন রাজমহিষী কোন পর্বত-
গহবরে খাণ্ড প্রস্তুত করিয়াছেন, সহসা
শত্রুর আগমনে সেই প্রস্তুত খাণ্ড ত্যাগ
করিয়া দূরে পলাইয়াছেন ! পুনরায় তথায়
খাণ্ড প্রস্তুত করিয়াছেন, পুনরায় তাহা
ত্যাগ করিয়া ক্ষুধার্ত রোরুদ্রমান সন্তান
লইয়া পলাইয়াছেন ! অবশেষে সেই
মেওয়ারে থাকিবার স্থান পান নাই, ভীল-
দিগের আশ্রয় গ্রহণ করিয়া ভূগর্ভে ও
খনিতে লুকাইয়াছিলেন, তথায়, ভীলগণ
তাঁহাকে রক্ষা করিত, ভীলগণ তাঁহাকে
আহার যোগাইত ! কিন্তু এ সমস্ত বিপদ

প্রতাপ তুচ্ছ করিয়াছেন, ইহাতে তাঁহার বীর হৃদয় কাতর হয় নাই।

কখন কখন রজনীতে স্বামিপার্শ্বে রাজমহিষী শয়ন করিয়া আছেন, সহসা রাত্রিযোগে মুমলধারায় রুষ্টি আসিল, সেই অনাবৃত স্থল ভাসাইয়া লইয়া গেল, সমস্ত রাত্রি সিক্তদেহে রাজমহিষী বালিকা-দিগকে ক্রোড়ে লইয়া দণ্ডায়মান থাকিতেন কিন্তু সে কেশ প্রতাপ তুচ্ছ করিয়াছেন, ইহাতে তাঁহার বীর হৃদয় কাতর হয় নাই।

কখন কখন রাজপরিবার সমস্ত দিবস অনাহারে জঙ্গলে জঙ্গলে পলাইয়াছেন, সন্ধ্যার সময় কোন পর্তকন্দরে আশ্রয় লইয়া খাদ্য প্রস্তুত করিয়াছেন। খাদ্য সহসা মিলে না, ক্ষেত্রের “মল” নামক দুর্বার আটা প্রস্তুত করিয়া মহারাজ্ঞী স্বহস্তে তাহারই রুটী প্রস্তুত করিয়া শিশু-সন্তানকে দিয়াছেন। এক দিন কন্দবাসী একটি বগুবিড়াল আসিয়া শিশুর গায়ে হইতে সেই রুটী লইয়া পলাইল, শিশু অনাহারে রাত্রি কাটাইল, ক্রন্দন করিতে করিতে মাতৃবক্ষে স্থপ্ত হইয়া পড়িল। প্রতাপসিংহ এরূপ ক্রোধ তুচ্ছ করিয়াছেন, ইহাতে তাঁহার বীর হৃদয় কাতর হয় নাই।

কিন্তু অল্প মহারাণার হৃদয় কাতর, তাঁহার প্রশস্ত ললাট চিন্তারেখাঙ্কিত।

মহারাণাকে দূর হইতে দেখিয়া মহারাজ্ঞী পুষ্পের হস্তে রুটী রাখিয়া সন্ধ্যের স্বামীকে সম্ভাষণ করিতে আসিলেন। দেখিলেন স্বামীর চক্ষু জলপূর্ণ! বিস্মিত হইয়া কহিলেন—এ কি? অল্প মহারাণা কাতর কেন? তুর্কীরা বলিবে, এত দিনে মহারাণা যুদ্ধে পরিশ্রান্ত হইয়াছেন, বিপদে কাতর হইয়াছেন!

—প্রতাপসিংহ। জগদীশ্বর জানেন, প্রতাপ পরিশ্রান্ত নহে, বিপদে কাতর নহে।

রাজ্ঞী। তবে কি পুত্রকণ্ঠার এই হ্রবস্থা দেখিয়া কাতর হইয়াছেন? মহারাণা যদি কষ্ট সহ করিতে পারেন, আমাদের পক্ষে কি এই কষ্ট অসহ হইল?

প্রতাপসিংহ। জগদীশ্বর আমার পুত্রকণ্ঠাকে স্থখে রাখিয়াছেন, তোমাকেও স্থখে রাখিয়াছেন। রাজ্ঞী! এই কাল সমরে অনেক যোদ্ধা শিশুদিগকে হারাইয়াছে, বৎস অমরসিংহের ছায় বীর পুত্র হারাইয়াছে, বীরপ্রসুবিনী বমত্র হারাইয়াছে, জ্ঞাতি কুটুম্ব সমস্ত হারাইয়াছে। রাজ্ঞী! এ কাল যুদ্ধে অনেক যোদ্ধার সংসার মরুভূমি হইয়াছে, জীবন শূন্য হইয়াছে!

রাজ্ঞী। ঈশানা তাঁহাদিগকে শান্তি দান করুন, এরূপ শোক মনুষ্যের অসহ।

প্রতাপসিংহ। রাজ্ঞী! দেবীসিংহ নামক একজন নাঠোর যোদ্ধা আমাদের যুদ্ধকাণ্ডে কেশ শুরু করিয়াছেন, নাঠোরদিগের মধ্যেও তাঁহার অপেক্ষা বীর কেহ নাই। অধুনা তুর্কীগণ তাঁহার দুর্গ লইয়াছে, তাঁহার স্ত্রী পরিবার চিত্তরোহণ করিয়াছে, তাঁহার এক মাত্র বীর পুত্র তুর্কী হস্তে হত হইয়াছে। বৃদ্ধ দেবীসিংহ স্বামীধর্ম পালন করিয়া কবে নিজ জীবন দান করিবেন, এই আশায় অজীবিত জীবিত আছেন!

রাজ্ঞীর নয়ন দিয়া ঝরঝর করিয়া অশ্রু বহিতে লাগিল, তিনি রোদিন করিতে করিতে জিজ্ঞাসা করিলেন—কি বলিলে? দেবীসিংহের পরিবার সমস্ত গিয়াছে?

দেবীসিংহ এক মাত্র বীর পুত্র হারাই-
য়াছে ? হা বিধাতঃ ! পুত্রশোক অপেক্ষা
বিসম বজ্র সৃজন করিতে তুমিও অক্ষম !

প্রতাপসিংহ । বীর পুত্র গিয়াছে,
পরিবার গিয়াছে, ছুর্গ গিয়াছে, বংশ
বিনাশ হইয়াছে ! সেই বৃদ্ধ আজি
আমাকে কহিলেন, “ভগবান্কে নমস্কার
করি, শূত্র বীর নাম কলঙ্কিত করে নাই,
এ বৃদ্ধও মহারাণার কার্যে বীর নাম
কলঙ্কিত করিবে না ।” এক্ষণে স্বামীদেবের
কি এই পুরস্কার ? বীর অনুচরগণকে
উৎসন্ন করিয়া মেওয়ার রক্ষার কি ফল ?

অক্ষয়পুর্ণ লোচনে রাজ্ঞী সন্তানদিগকে
খাওয়াইতে বসিলেন, প্রতাপসিংহ চিন্তাতে
শান্তি পাইলেন না । অনেকক্ষণ বলি-
লেন, যদি রাজালাভের এই দুঃসহ যত্নগাঠি
ফল হয়, প্রতাপসিংহ সে রাজ্য চাহে না,
রাজ্যনামে জলাঞ্জলি দিবে ! পরদিন মহা-
রাণা আকবরশাহের নিকট খব দান সন্ধি
প্রার্থনা করিলেন ।

ষড়্বিংশ পরিচ্ছেদ ।

অপবিত্রে পবিত্রতা ।

কিমপেক্ষা ফলং পরোধরাসংধিনঃ

প্রার্থয়তে যুগাধিপঃ ।

প্রকৃতি পলু সা মহীমসঃ সহতে নাস্ত-

সমুন্নতিঃ জয়া ॥

কিরাতার্জুনীরম্

একদিন সন্ধ্যার সময় প্রতাপসিংহ
পুনরায় যোদ্ধাদিগকে আহ্বান করিয়া-

ছেন ; বাঠোর ও চোহানকুল, প্রমর ও
ঝালকুল, চন্দাওয়ৎ, সঙ্গাওয়ৎ, জগাওয়ৎ
প্রভৃতি শিশোদীয়কুলের অধিপতিগণ উপ-
স্থিত হইয়াছেন । তাঁহারা বাণ্যাবধি
যুদ্ধক্ষেত্রে শিক্ষা পাইয়াছেন, শত যুদ্ধে
আপন আপন বীরত্ব ও আপন আপন
কুলের গৌরব প্রকাশ করিয়াছেন, কিন্তু
অন্ত সভাস্থলে সকলে নীরব !

প্রতাপসিংহ আকবরকে যে পত্র
লিখিয়াছেন তাহা যোদ্ধাদিগের নিকট
কহিলেন । আকবর অবশ্যই সন্ধিদান
করিবেন, কিন্তু শিশোদীয়গণ কি অধীনতা
স্বীকার করিয়া সন্ধি গ্রহণ করিবে ? প্রতাপ-
সিংহ এই কথা প্রশ্ন করিয়াছিলেন, এই
রাজপুত্রমণ্ডলীর মধ্যে এ প্রশ্নের উত্তর
দিতে পারে এক্ষণ কেহ নাই । সভাস্থলে
সকলে নীরব !

যতদিন যুদ্ধ সাধ্য ততদিন যুদ্ধ হইয়াছে,
কিন্তু এক্ষণে মেওয়ার দেশের একটা উপ-
ত্যাক বা পর্দাহর্গ আন রক্ষা করা মনুষ্যের
দুঃসাধ্য ! শত্রুগণ নতন সৈন্য লইয়া
মেওয়ারের প্রায় প্রত্যেক উপত্যাকা
আচ্ছাদন করিয়াছে, প্রত্যেক দুর্গ হস্তগত
করিয়াছে, চারিদিকে বেঁধে রাখিয়াছে,
অপ্রতিরূঢ় গতিতে অগ্রসর হইয়াছে ।
যুদ্ধ ? প্রতাপসিংহ আর কি লইয়া যুদ্ধ
করিবেন । মেওয়ারের আর সৈন্য নাই,
সৈন্যদিগকে খাইতে দিবার অর্থ নাই, রক্ষা
করেন এক্ষণে দুর্গ নাই, থাকিবার স্থান
নাই । চাওন্দুর্গে থাকিয়া অচিরে
শত্রুহস্তে বন্দী হইবেন, বীরগণ কি এই
পরামর্শ দান করেন ? অথবা অম্বর ও
মাড়োয়ারের রাজাদিগের আয় তুর্কীর
অধীনতা স্বীকার করিবার পরামর্শ দেন ?

অধীনতা স্বীকার করিয়া সন্ধি স্থাপন করা ভিন্ন আর কি উপায় আছে ?

যে স্বাধীনতার জন্ত এতদিন পর্বতে ও উপত্যকায় যুদ্ধ করিয়াছেন, রাজপুত-শোণিতে মেওয়ার দেশ প্লাবিত করিয়াছেন, গৃহ ও প্রাসাদ ত্যাগ করিয়া কন্দরে ও গহ্বরে বাস করিয়াছেন, দিবসে ও রজনীতে ক্লেশ ও বিপদ সহ্য করিয়াছেন, সে স্বাধীনতা বিসর্জন দিবেন ? রাজস্থানের সকল রাজাদিগের উপর য়েচ্ছ পদ স্থাপন করিয়াছে, এক্ষণে কি মহারাণার বংশ সেই পদতলে উন্নত মস্তক অবনত করিবেন ? বাপ্পারাওয়ার বংশ, নির্মল শিশোদীয় বংশ কি এতদিনে তুর্কীর দাস হইবে ?

রাজপুত বীরগণ নিস্তব্ধ ! ইহার মধ্যে কোনটা কর্তব্য ? ইহা ভিন্ন আর কি উপায় আছে ? সভাস্থল সকলে নীরব ।

অন্ত দাসত্ব স্বীকার করিলে কল্যা পুনরায় স্বাধীন হওয়া সম্ভব । আকবর মহাবলপরাক্রান্ত ও অতিশয় বুদ্ধিমান, কিন্তু আকবরের মরণের পর দিল্লীধর সেরূপ ক্ষমতাপন্ন না হইতে পারেন । তখন মেওয়ার পুনরায় স্বাধীনতা লাভ করিতে পারে, কিন্তু এক্ষণে শিশোদীয়বংশ একবারে বিনষ্ট হইলে জগতে তাহার নাম থাকিবে না । এইরূপ তর্ক কাহারও কাহারও জাগরিত হইতে লাগিল ।

এইরূপ পরামর্শ হইতেছে, এমন সময়ে একজন পত্রবাহক একখানি পত্র লইয়া আসিল । প্রতাপ দেখিলেন, বিকানীর রাজার কনিষ্ঠ ভ্রাতা পৃথ্বীরাজ এই পত্র লিখিয়াছেন । এ পত্র নহে, কয়েকটি কবিতা ; পৃথ্বীরাজের শ্রায়

স্বকবি সে সময়ে রাজস্থানে আর কেহ ছিলেন না ।

বিকানীর দিল্লীর অল্পগত পৃথ্বীরাজ দিল্লীতে থাকিতেন, তথাপি প্রতাপের বীরত্ব শুনিয়া আনন্দিত হইতেন, মেওয়ারের স্বাধীনতা স্বরণ করিয়া আপন অপমান বিস্মৃত হইতেন, মনে মনে প্রতাপসিংহকে পূজা করিতেন । সে সময়ে কি হিন্দু, কি মুসলমান, কে না মনে মনে মেওয়াররাজকে পূজা করিতেন ?

আকবর যখন প্রতাপসিংহের সন্ধি-প্রার্থনাপত্র পাইলেন, তখন উল্লাসে পূর্ণ হইলেন । প্রতাপের শ্রায় মহৎ শত্রু ভারতবর্ষে আর ছিল না, সেই প্রতাপ সন্ধিপ্রার্থনা করিয়াছেন, অধীনতা স্বীকার করিবেন, এই চিন্তায় আনন্দিত হইলেন, দিল্লীতে আনন্দসূচক বাজ্ঞ শব্দ ধুমধাম হইতে লাগিল । পৃথ্বীরাজ রোষে গর্জিয়া উঠিলেন, দিল্লীধরকে কহিলেন—এ পত্র জাল মাত্র, প্রতাপের কোন শত্রু প্রতাপের গৌরবনাশের জন্ত এই পত্র সৃষ্টি করিয়াছে । দিল্লীধর ! আমি প্রতাপসিংহকে জানি, আপনার রাজমুকুটের জন্ত প্রতাপসিংহ অধীনতা স্বীকার করিবেন না ।

পরে পৃথ্বীরাজ প্রতাপকে কবিতাগর্ভ একখানি পত্র লিখিলেন ; অন্ত রজনীতে রাজসভায় প্রতাপসিংহ সেই পত্র পাইলেন । প্রতাপসিংহ পাঠ করিতে লাগিলেন ।—

পৃথ্বীরাজের কবিতা ।

“হিন্দুর আশাভরসা হিন্দুর উপরই নির্ভর করে ।

“তথাপি রাণা ভাঙ্গাদিগকে ত্যাগ করি-
তেছেন ॥

“প্রতাপ না থাকিলে সমস্ত মরুভূমি হইত ।

“কারণ আমাদিগের যোদ্ধগণ সাহস
হারাইয়াছেন, রমণীগণ ধর্ম হারাইয়াছেন ।

“আকবর আমাদিগের জাতিস্বরূপ বাজা-
রের ব্যাপারী ।

“উদয়ের পুত্র ভিন্ন সমস্ত ক্রয় করিয়াছে—
তিনি স্বমূল্য ॥

“নরোজার জন্ত কোন প্রকৃত রাজপুত্র
সম্ভ্রম বিক্রয় করিব ?

“তথাপি কত জনে বিক্রয় করিয়াছে ॥

“সকলেই ক্ষত্রিয়ের প্রধান ধন বিক্রয়
করিয়াছেন ।”

“চিতোরও কি এই বাজারে আসিবেন ?

“প্রতাপ সমস্ত ধন ব্যয় করিয়াছেন ।

“কিন্তু রত্নটী রক্ষা করিয়াছেন ।

“নৈরাশে অনেকে এই স্থানে আসিয়া
নিজের অবমাননা দেখিতেছেন ।

“হামিরবংশজ কেবল এই অপমণ হইতে
রক্ষা পাইয়াছেন ।

“জগতে জিজ্ঞাসা করে, প্রতাপ গোপনে
কাথা হইতে সহায়তা পায় ।

“তঁহার বীরত্ব এবং তঁহার খজা হইতে !

তদ্বারা ক্ষত্র ধর্ম রক্ষা করিয়াছেন ।

“ব্যাপারী চিরজীবী নহে, একদিন
ঠিকিবেন ।

“তখন আমাদিগের শূত্র ক্ষেত্র বপন
করণার্থ প্রতাপের মিকট রাজপুত্র বীজ
লইতে আশিব ।

“তিনিই রাজপুত্রবীজ রাখিবেন, সকলে
এরূপ আশা করে !

“যেন তঁহার পরিত্রতা পুনরায় উজ্জল
হয় ।”

প্রতাপসিংহ একবার, দুইবার, তিনবার
এই পত্র পাঠ করিলেন । অরশেয়ে
গর্জন করিয়া করিলেন—বীরগণ ! চারি-
দিকে অপবিত্রতার মধ্যে প্রতাপসিংহ
রাজপুত্রকুল পবিত্র রাখিবে ! মেওয়ারে
যদি স্থান না হয়, আমরা মরুভূমি উত্তীর্ণ
হইব, অন্তর্দেশে যাইব, কিন্তু শিশোদীয়
বংশ কলুষিত করিব না !

সপ্তবিংশ পরিচ্ছেদ ।

দেশগীরের যুদ্ধ ।

দমিতারিঃ প্রশান্তানান্দাপুত্রিভিঃ ।

জ'ঘন ক'মিতো ক'ষ্টাঃস্বরিত্তও র্মাগতান্ ॥

ভেনাঃ নিহতমানানাং স'নুঃ ক'র্ণভদিভিঃ ।

অ'ভুভামিত্তআনমাখাত্তাশেষদিগ জ'গৎ ॥

ভট্টকাবাম্ ।

প্রতাপসিংহ দেশ ত্যাগ করিতেছেন ।
মেওয়ারে শিশোদীয় কুলের স্থান নাই,
শিশোদীয় কুল সিদ্ধনদীতীরে যাইয়া নূতন
রাজ্য স্থাপন করিবে, তথাপি তুর্কীর অদী-
নতা অস্বীকার করিবে না ।

প্রতাপসিংহ ও মেওয়ারের প্রধান
প্রধান যোদ্ধগণ সসৈন্তে ও সপরিবারে
মেওয়ার ত্যাগ করিয়াছেন, আরাবলী পর্বত
অতিক্রম করিয়াছেন, মরুভূমির প্রান্তে
পহুছিয়া বিশ্রাম করিতেছেন । সম্মুখে,
পশ্চিমদিকে, মরুভূমি সন্ধ্যায় আলোকে
ধূ ধূ করিতেছে ; পশ্চাতে আরাবলী পর্বত
ও মেয়ারদেশ ! সেই পর্বতরাশি এখনও
দেখা যাইতেছে, যোদ্ধগণ সেই দিকে
নিরীক্ষণ করিয়া সকলে চিন্তাকুল । সূর্য্যদেব

অনন্ত গিয়াছেন, পুনরায় যখন উদয় হইবেন, স্বদেশ নয়ন হইতে বহির্ভূত হইবে, ঐ অনন্ত পর্বতমালা আর দেখা যাইবে না । যে প্রদেশে শিশোদীয় বংশ বহু শতাব্দি বাস করিয়াছে যে দেশে সমরসিংহ, সংগ্রামসিংহ প্রভৃতি প্রাতঃস্মরণীয় ভূপতিগণ রাজ্য করিয়াছেন, সে দেশ চিরদিনের জন্ত নয়ন-বহির্ভূত হইবে । মেওয়ারের প্রত্যেক পর্বতভূগ ও উপত্যকা যোদ্ধাদিগের মনে উদয় হইতেছে, যে যে উপত্যকায় পূর্ব-পুরুষগণ যুদ্ধ করিয়াছেন, যে যে পর্বতে প্রতাপ অনন্ত যুদ্ধে শোণিতপাত করিয়াছেন, সে সমস্ত মানসচক্ষে চিত্রের স্থায় উদয় হইতেছে । যোদ্ধগণ নীরব ও শোকাকুল, নীরবে অনন্ত যশঃপূর্ণ আরাবলী পর্বতের দিকে চাহিয়া বহিয়াছেন । প্রত্যেক শিবিরে রাজপুতনারীগণ শিশুগণকে ক্রোড়ে লইয়া সজল-নয়নে আরাবলী পর্বত দেখাইতেছেন ।

“শিশোদীয় বংশ নির্বাসিত হইবে ! সুন্দর মেওয়ারে শিশোদীয় বংশের আর স্থান নাই ।”—প্রতাপসিংহ দীর্ঘনিশ্বাস ফেলিয়া সভায় এই কথা কহিলেন । সভায় সকলে নিস্তব্ধ । তন্মধ্যে একটা স্বর শুনা গেল—“এখনও মেওয়ারে শিশোদীয়ের স্থান আছে, এখনও যুদ্ধের উপায় আছে !” বিস্মিত হইয়া সকলে সেই দিকে চাহিলেন, দেখিলেন, বৃদ্ধ রাজমন্ত্রী ভামাশাহ । বংশানুক্রমে ইহার মেওয়ারে মন্ত্রীত্ব কার্য করিয়াছেন ।

ভামাশাহ কয়েক মাস অবধি প্রতাপসিংহের নিকট ছিলেন না । প্রতাপ যখন যুদ্ধ করিতেছিলেন, ভামাশাহ যুদ্ধার্থ অর্থ সংগ্রহ করিতেছিলেন । সহসা তিনি শুনি-

লেন, প্রতাপসিংহ ও সমস্ত শিশোদীয়কুল দেশত্যাগী হইতেছেন, যোদ্ধগণ আরাবলী পর্বত অতিক্রম করিয়া গিয়াছেন । বৃদ্ধ মন্ত্রী তখন দ্রুতগতিতে পশ্চাতে পশ্চাতে যাইলেন, অদ্য তিনি প্রতাপসিংহের শিবিরে উপস্থিত হইয়াছেন, অদ্য সভা মধ্যে কম্পিত স্বরে বৃদ্ধ বলিলেন—“এখনও মেওয়ারে শিশোদীয়ের স্থান আছে, এখনও যুদ্ধের উপায় আছে ।

প্রতাপ চমকিত হইলেন, উৎসাহ ও নবজাত আশার সহিত জিজ্ঞাসা করলেন—মন্ত্রীবর ! আপনার কথা ব্যর্থ হয় না, কিন্তু আর যুদ্ধের কি উপায় আছে, প্রতাপসিংহ দেখিতেছে না, আপনি নির্দেশ করুন ।

বৃদ্ধ করবোড়ে রাজসম্মুখে পুনরায় সেই স্থির গম্ভীরস্বরে কহিলেন—দাস বহুদিন মন্ত্রীত্ব করিয়াছে, দাসের পিতা, পিতামহ, প্রপিতামহ বহুপুরুষ পর্যান্ত মেওয়ারের মন্ত্রীত্ব করিয়াছেন, সে কার্যে বংশানুক্রমে যে ধন সঞ্চিত হইয়াছে তাহা এখনও অস্পৃষ্ট । সে ধনের দ্বারা পঞ্চবিংশ সহস্র সেনার দ্বাদশ বর্ষ পর্যান্ত ভরণ পোষণ হইতে পারে, অনুমতি করিলে দাস সে ধন প্রভুপদে উপস্থিত করে ।

পুরাতন বিস্মৃত ভৃত্যের এই স্বামীধর্ম ও প্রভুভক্তি দেখিয়া প্রতাপসিংহের নয়ন জলপূর্ণ হইল, সে জল ধীরে ধীরে মোচন করিয়া কহিলেন—মন্ত্রীবর ! আপনার এই ভক্তিতে আমি পরিভূষ্ট হইলাম, কিন্তু রাজ-প্রদত্ত ধন কিরূপে পুনরায় লইব ? প্রতাপসিংহ অদ্য দরিদ্র, তথাপি তাঁহার অধীনদিগের ধন হরণ করিতে অক্ষম ।

ভামাশাহ । মহারাণা ! এদাস প্রভুকে ধন দিতেছে না, মেওয়াররক্ষার্থ মেওয়ারকে

দিতেছে, মেওয়ারের অনুপযুক্ত স্ত্রী গাতার জন্ত আর কি উপকার করিতে পারে ? শিশোদীয়ের ধন প্রাণ সমস্তই মেওয়ারের, তাহা কি মহারাণার অবিদিত ? মেওয়ারের জন্ত আপনারা শোণিত দিতেছেন, আমি তুচ্ছ ধন দিতে কুণ্ঠিত হইব ?

প্রতাপ । মন্ত্রীবর ! আপনার যুক্তি অখণ্ডনীয়, আপনার উদার স্বদেশভক্তি দেবতুল্য ! আপনার বাক্য শিরোধার্য্য করিলাম । আপনার দত্ত অর্থ গ্রহণ করিব, সেই অর্থবলে আর একবার উদ্যম করিব, মেওয়ার উদ্ধার হয় কিনা দেখিব !

প্রতাপ সসৈন্তে ফিরিলেন, পুনরায় আরাবলী অতিক্রম করিয়া মেওয়ারে আসিলেন । সেই বিপুল অর্থবলে আর একবার উদ্যম করিলেন, মেওয়ার উদ্ধার হয় কিনা, আর একবার দেখিলেন ।

সে উদ্যমের ফল ইতিহাসে লেখা আছে, দেওয়ীরের যুদ্ধক্ষেত্রে অসীম অক্ষিত রহিয়াছে । শাহবাজ খাঁ সসৈন্তে দেওয়ীরে শিবির সন্নিবেশিত করিয়া অবস্থিতি করিতেছেন, প্রতাপ দেশত্যাগ করিয়া পলাইতেন, এইরূপ স্থির করিয়া ছিলেন । সহসা ঝটিকার ছায় চারিদিকে প্রতাপের সৈন্ত আসিয়া পড়িল, দেওয়ীরের প্রসিদ্ধ যুদ্ধক্ষেত্রে শাহবাদ খাঁ সসৈন্তে হত হইলেন ।

ঝটিকা বহিতে লাগিল । আমাইত পর্বতভূগ হস্তগত হইল, তথাকার মুসলমান ভূগরক্ষক হত হইল ।

ঝটিকা বহিতে লাগিল । কমলগীর ভূগ হস্তগত হইল, তথাকার ভূগরক্ষক আবহলা সসৈন্তে হত হইল । উদয়পুর হস্তগত হইল, এক বংশের মধ্য একে একে

ষট্টিংশ পর্বতভূগ প্রতাপসিংহের হস্তগত হইল ।

ঝটিকা বহিতে লাগিল । চিতোর, আজমীর ও মণ্ডলগড় ভিন্ন সমস্ত মেওয়ার পুনরায় প্রতাপের হস্তগত হইল । ভগ্নদূত দিল্লীতে যাইয়া আকবরশাহকে জানাইল যে ক্রমাগত দশ বংশের বিপুল অর্থবায়ে মহাবলপরাক্রান্ত আকবরশাহ মেওয়ারে যে জয়লাভ করিয়াছিলেন, প্রতাপসিংহের এক বংশের উদ্যমে সে সমস্ত বিলুপ্ত হইয়াছে ।

ঝটিকা বহিতে লাগিল । প্রতাপসিংহ মেওয়ার অতিক্রম করিয়া তাঁহার প্রধান শত্রু মানসিংহের অধর প্রদেশ আক্রমণ করিলেন । দেশ বিপর্যাস্ত বাতিবাস্ত করিলেন, ময়পুর নামক প্রধান নগর বাগিছা-স্থান লুণ্ঠন করিলেন ।

ইতিহাসের কথা আর এখানে লিপিবদ্ধ আবশ্যক নাই । উপন্যাসে আমরা উপন্যাস বর্ণিত ভূগের কথাই লিপিবদ্ধ করিব । সূর্য্যমহলভূগ পুনরায় রাজপুত্রগণ আক্রমণ করিল । সে ভূগ আক্রমণকালে, তেজসিংহ ও ভূজসিংহ ভ্রাতৃত্বের ছায় পরস্পরের পাশে যুদ্ধ আরম্ভ করিলেন, চন্দাওয়ৎ ও বাঠোরগণ পরস্পরের সম্মুখে অধিকতর উত্তেজিত হইয়া যুদ্ধ করিতে লাগিল, সে উদ্ভয়মণীয় বেগের সম্মুখে মুসলমানগণ দাঁড়াইতে পারিল না ।

ক্রমে যুদ্ধের গতিতে তেজসিংহ একদিকে ও ভূজসিংহ অন্যদিকে যাইয়া পড়িলেন, কিন্তু উভয়েই ভূগে প্রথমে প্রবেশ করিবার মানসে অসাধারণ বীরত্বের সহিত শত্রুসেনা ভেদ করিয়া যাইতে লাগিলেন । ঘটনাক্রমে তেজসিংহই প্রথমে প্রবেশ করি

লেন, ক্ষণেক পরই চন্দাওয়ৎগণ মহা-কোলাহলে শত্রুসেনা মহন করিয়া দুর্গদ্বার অভিক্রম করিলেন ।

তখন তেজসিংহ পুরাতন শত্রুকে লক্ষ্য করিয়া কহিলেন—দুর্গস্বামিন্ ! আপনার অনুমতি বিনা আপনার দুর্গে পূর্বেই প্রবেশ করিয়াছি, সে দোষ ক্ষমা করিবেন, কেবল মহারাণার কার্য-সাধনার্থ এইরূপ আচরণ করিয়াছি । এক্ষণে আপনার দুর্গ আপনি অধিকার করুন, অনুমতি দিলে আমি নিষ্ক্রান্ত হই ।

এ কথায় জর্জরিতকলেবর হইয়া দুর্জয় সিংহ কহিলেন—রাঠোর, ঘটনাক্রমে তুমিই প্রথমে দুর্গে প্রবেশ করিয়াছ । তাহাই হউক, আপন রাঠোর লইয়া দুর্গ রক্ষা কর, আমি তোমার নিকট ভিক্ষা চাহি না । আমি সসৈন্তে দুর্গ হইতে নিষ্ক্রান্ত হইতেছি, দুর্গের দ্বার রুদ্ধ কর, পরে যদি চন্দাওয়ৎ আসিতে বল থাকে সে আক্রমণ করিয়া দুর্গ কড়িয়া লইবে ।

ধীরে ধীরে তেজসিংহ উত্তর করিলেন—আমি রাজকার্যসাধনার্থ আপনার দুর্গে আসিয়াছি, এই সুযোগে দুর্গ অধিকার করিলে বিশ্বাসঘাতকতা হইবে, রাঠোর বিশ্বাসঘাতকতা জানে না । চন্দাওয়ৎ ! এখনও বিদেশীয় যুদ্ধ শেষ হয় নাই, এখনও আমাদের মধ্যে যুদ্ধ নিষিদ্ধ । যখন বিদেশীয় যুদ্ধ শেষ হইবে তখন রাঠোর পুনরায় সূর্য্যমহলে আসিতে বিলম্ব করিবে না ।

ধীরে ধীরে আপন রাঠোর সৈন্ত লইয়া তেজসিংহ দুর্গ হইতে নিষ্ক্রান্ত হইলেন, দুর্জয়সিংহ আরক্তনয়নে সেই রাঠোর বীরের দিকে চাহিয়া রহিলেন

ইহার কয়েকদিন পর ভীমগড় দুর্গের উদ্ধার হইল, কিন্তু প্রাচীন যোদ্ধা দেবীসিংহ সেই বিস্তীর্ণ দুর্গ ও প্রাসাদে কেবল প্রতিধ্বনি শুনিতে পাইলেন । এ জগতে তাঁহার যাহা কিছু প্রিয়দ্রব্য ছিল, তাহা যুদ্ধক্ষেত্রে বা চিতার বিলুপ্ত হইয়াছে !

দেবীসিংহ সেই যুদ্ধক্ষেত্রে একাকী ক্ষণেক দণ্ডায়মান হইয়া রহিলেন, নবজাত সূর্য্যরশ্মি দেবীসিংহের মুখমণ্ডলে ক্রীড়া করিতেছে, নবজাত প্রাতের বায়ু সেই শুক্লকেশ লইয়া ক্রীড়া করিতেছে । এ শোকপূর্ণ অসার জগতে পুত্রশোক অপেক্ষা আর দারুণ ব্যথা কি আছে ? দেবীসিংহ যোদ্ধা, কিন্তু দেবীসিংহ মনুষ্য ।

ধীরে ধীরে তেজসিংহ নিকটে আসিয়া কহিলেন—পিতার চিরস্বহৃদ ! আপনাকে আমি কি সাহুনা দিব ? কেবল এই জিজ্ঞাসা করি, মহারাণার জন্ত সন্তুখযুদ্ধে রাজপুত্র বালক প্রাণ দিয়াছেন, সে জন্ত কি রাজপুত্রপিতা কাতর ?

দীর্ঘনিশ্বাস ত্যাগ করিয়া দেবীসিংহ উত্তর করিলেন—রাজপুত্রের ধন, মান, পরিবার সমস্তই মহারাণার, মহারাণার কার্যে শিশু চন্দনসিংহ জীবন দিয়াছেন, সে জন্ত খেদ নাই । একাল সমর বুদ্ধকে রাখিয়া শিশুকে লইল কি জন্ত, কেবল এই চিন্তা করিতেছি ! শিশু চন্দন ! পিতাকে কেন সবে লইলি না ?

সেই প্রাচীন মুখমণ্ডলে মুহূর্তের জন্ত কাতরতা-চিহ্ন দৃষ্ট হইল, বৃদ্ধের নয়ন হইতে ঝরঝর করিয়া জল পড়িতে লাগিল ।

তেজসিংহ দেখিলেন, দেবীসিংহ সামান্ত ব্যথায় ব্যথিত হন নাই, তিনি সে ব্যথারও ঔষধ জানিতেন । দেবীসিংহের

প্রাচীন হস্ত আপন মস্তকে স্থাপন করিয়া কহিলেন—পিতঃ ! আপনি একটি পুত্র হারাইয়াছেন, আর একজন এখনও জীবিত আছে। তেজসিংহ পিতার আশীর্বাদ প্রার্থনা করিতেছে, পুত্রকে আশীর্বাদ করুন।

দেবীসিংহ। জগদীশ্বর তোমাকে কুশলে রাখুন, পিতৃগদীতে পুনরায় স্থাপন করুন।

তেজসিংহ ! দেবীসিংহ সহায়তা না করিলে পিতৃদুর্গ কিরূপে পাইব ? রাঠোর বীৰ ! আপনি পিতাকে গদীতে আরোহণ করিতে দেখিয়াছেন, পুত্রকে কি সহায়তা করিবেন না ?

ধীরে ধীরে দেবীসিংহ নয়নের জল মোচন করিলেন, কাতরতা বিস্থত হইলেন, সবল হস্তে অসিধারণ করিয়া কহিলেন— দেবীসিংহের জীবনের এখনও আর একটি উদ্দেশ্য আছে, দেবীসিংহ আপন প্রতিজ্ঞা বিশ্বত হয় নাই।

অষ্টাবিংশ পরিচ্ছেদ ।

—o:oo:—

প্রমত্ত আকাশে মেঘরাশি ।

অসারঃ সংসারঃ পরিসৃষ্টিতরঙ্গঃ ত্রিভুবনঃ
নিরালোকঃ লোকঃ মরণশরণং বান্ধবজনং ।
অদর্পং কন্দর্পং জননেননির্মাণনকলং
জগজ্জীর্ণারণং কথমসি বিধাতুঃ বঃবদিতঃ ॥

মালতীমাধবম্ ।

একদিন সূর্য্যার সময় তেজসিংহ ভীল সর্দার ভীষ্মচাঁদকে দেখিতে যাইতেছিলেন, এমন সময় পর্ব্বততলে হ্রদতটে সেই ভীল-বালিকাকে দেখিতে পাইলেন। বালিকা

এখনও দেখিতে সেইরূপ, হাসিতে হাসিতে নাচিতে নাচিতে, গীত গাইতে গাইতে নিকটে আসিল।

বালিকা গাইল।

প্রভাতে বাগানে গিয়া দেখে এলেম সই,
কিবা অপরূপ কথা শুনে এলেম সই।

তেজসিংহ। আজ কি দেখেছিলি ?
কি শুনেছিলি ?

বালিকা। এই শুন না।

ফুটেছে মালতী ফুল গন্ধেতে করি আকুল,
দেখে এল অলিকুল, দেখে এলেম সই।

তেজসিংহ। এই দেখেছিলি, আর
কিছু না ?

বালিকা। এই শুন না।

অলি এসে গান গায়, কুল শুনে মুগ্ধ হ,
'তুমি নাথ' কুল কয়, শুনে এলেম সই।

তেজসিংহ হাসিতে হাসিতে কহিলেন—তুই অতিশয় ছুঁটা, তোরা গান
বঝিয়াছি, এ কুলের নাম কি বল দেখি ?

বালিকা। কুলের আবার নাম কি ?
কুলের নাম পুষ্প। পুনরায় গাইতে লাগিল।

অলি রাজ পেয়ে যায়, বায়ু কুলের মধু পায়
কুল কবে সত্য কয়, দেখিতে পাই কই ?
প্রভাতে বাগানে গিয়ে, দেখে এলেম সই,
কিবা অপরূপ কথা শুনে এলেম সই।

তেজসিংহের মুখ গম্ভীর হইল। যেন
বালিকার হাত ধরিতা কহিলেন—বালিকা,
তুই যদি পুরুষ হইতিস, তোরা চপলতার
শাস্তি দিতাম।

বালিকা। আমি কি করিয়াছি ?
আমাকে ছেড়ে দাও, আর আমি গীত

গাইব না। গীত গাইলে তুমি রাগ করিবে তাহা কি আমি জানিতাম ?

তেজসিংহ। পাপীয়সি ! তুই কি জন্ত এ গীত গাইলি ? পুষ্পের যদি মিথ্যা নিন্দা করিস্ অস্ত্র আমার হস্তে তোর নিস্তার নাই।

বালিকা। আমি পুষ্পের কি জানি, পুষ্প কে ? আমি দরিদ্র ভীলকণ্ঠা, আমি ফুল তুলি, ফুলের গান করি, আমি পরের কথা কি জানিব ? আমাকে ছাড়িয়া দাও।

বালিকা কি সত্যই বালিকা ? যথার্থই কি কেবল ফুলের গীত গাইতেছিল ? তেজসিংহ কখনও বালিকাকে ভাল করিয়া বুঝিতে পারিলেন না। ধীরে ধীরে ললাটের স্বেদ মোচন করিয়া ভাবিলেন—আনি অনর্থক রাগ করিয়াছি।

ধীরে ধীরে বালিকার হাত ছাড়িয়া দিয়া কহিলেন—না, আমি রাগ করিব না, তুই আর একটা গীত গা।

বালিকা এবার হাসিয়া করতালি দিয়া গাইল—

আর শুনেছ আর শুনেছ নতুন কথা কই,
পুষ্পের হইবে বিয়ে কিন্তে যাইগো গই।

তেজসিংহ। কাহার সহিত বিবাহ হইবে ?

বালিকা। ফুলের আবার কার সঙ্গে বিবাহ হয় ? অলির সঙ্গে আর কার সঙ্গে ?

তেজসিংহ। ভীলবালা ! তোর হাড়ে হাড়ে বুদ্ধি ! পুষ্পকুমারীর সহিত কাহার বিবাহ হইবে তাহা কিছু শুনিয়াছিস্ ?

বালিকা। তাহা কি জানি ? তুমি কি শুনিয়াছ ?

তেজসিংহ। পুষ্পকুমারীর সহিত দুর্জয়সিংহের একবার সঙ্ক হইয়াছিল, কিন্তু কণ্ঠা তাহাতে সম্মত হয়েন নাই, সে বিবাহ অপেক্ষা মৃত্যু পণ করিয়াছিলেন।

বালিকা। তাহা শুনি নাই।

তেজসিংহ। কি শুনি নাই ?

বালিকা। সে সঙ্ক ভাঙ্গিয়া গিয়াছে তাহা শুনি নাই।

তেজসিংহ। তবে কি শুনিয়াছিস্ ?

বালিকা। শুনিয়াছি, দুর্জয়সিংহের সহিত কোন একটা মেয়ের বিবাহ স্থির হইয়াছিল, এমন সময়ে তুর্কীরা সর্ঘ্যমহল অধিকার করিল, আর—

তেজসিংহ। আর কি ?

বালিকা। কিছু নয়।

তেজসিংহ। আর কি বল, না হইলে প্রহার করিব।

বালিকা। আর সেই কথা সেই দুর্গ হইতে পলাইবার আগে নাকি বরকে অঙ্গুরীয় দান করিয়াছিল।

তেজসিংহের নয়ন অগ্নির গায় জ্বলিয়া উঠিল। কিন্তু তিনি রাগ সঙ্করূপ করিয়া কহিলেন—তুই বলা অসভ্য ভীল, তোর উপর রাগ করিয়া কি করিব ? সম্মুখ হইতে দূর হ ! সজোরে বালিকাকে ঠেলিয়া হৃদের জলে ফেলিয়া দিলেন।

বালিকা খিল খিল করিয়া হাসিয়া সস্তুরণ করিয়া হ্রদ পার হইল। অপর পার্শ্বে সিক্ত কেশে সিক্ত বসনে একটা তুঙ্গ শিলাখণ্ডে দাঁড়াইয়া সেই নৈশ আকাশ ধ্বনিত করিয়া গীত গাইতে লাগিল।

আর শুনেছ আর শুনেই নুতন কথা কই,
পুষ্পের হইবে দিয়ে আনতে ঘাইগো খই।
ধেরে এল বায়ুরাজ, গারে পরিমল মাজ,
অগ্নির মাথায় পড়ে বাজ, শুনেল কিনা মই !

তেজসিংহ উঠিলেন। ছুটা বালিকার
অলীক কথায় তেজসিংহের হৃদয় বিচলিত
হইয়াছিল। তাহার কারণ, তিনি নানা-
স্থানে জনপ্রবাদ শুনিয়াছিলেন, পুষ্পকুমারী
দুর্জয়সিংহকে বিবাহ করিতে স্বীকৃতা
হইয়াছেন, সে প্রবাদ ভীল বালিকার সৃষ্ট,
তাহা তিনি জানিতেন না। এ কথা এত-
দিন বিধাম করেন নাই, পুষ্পকুমারীর
সত্য সন্দেহ করেন নাই, যুদ্ধের সময়
পুষ্পকে কোনও কথা জিজ্ঞাসার অবসর
পান নাই। কিন্তু অল্প ভীলকন্য়ার কথায়
সন্দেহ জাগরিত হইল, সে সন্দেহ ক্রমে
জাগরকে অভিভূত করিতে লাগিল।

অন্ধকারে সেই পর্বত-পথ দিয়া গমন
করিতে লাগিলেন। ভীলবালার গীত এখ-
নও তাঁহার কর্ণে শব্দিত হইতেছিল, তাঁহার
মন অস্থির ও বিচলিত। বালিকা মিথ্যা-
কথা বলিবে কিছল ?

তবে কি পুষ্প যথার্থই দুর্জয়সিংহের
অনুরক্তা হইয়াছেন, দুর্জয়সিংহকে অসু-
রীয় দান করিয়াছেন, তেজসিংহকে
ভুলিয়াছেন ? তেজসিংহের হৃৎকম্প
হইল।

আবার তিনি পুষ্পের পুষ্পাবিন্দিত
মুখখানি চিন্তা করিতে লাগিলেন। সেই
শ্রান নয়ন, জীবন্তির গুষ্ঠদয়, শাস্ত ললাট, ও
সরল কথাগুলি স্মরণ করিতে লাগিলেন।
পুষ্প কখন, কখন কখনও সত্য লজ্জন
করিবে না, তেজসিংহ কেন আশঙ্কা
করিতেছ ?

আবার কুজ কুজ নানা বিষয় মনে
জাগরিত হইতে লাগিল, হৃদয় বিচলিত
হইতে লাগিল, সন্দেহ বৃদ্ধি পাইতে লাগিল,
হৃদয় উদ্বিগ্ন ও বিপর্যস্ত হইতে লাগিল।

পর্বতের কুজনাটিকা যেমন ধীরে ধীরে
উখিত হইতে থাকে, ক্রমে বৃহৎ রূপ ধারণ
করে, উন্নত স্থির পর্বতকে আবৃত করে,
গগনের সূর্য্য ও প্রকৃতির প্রসন্ন মুখচ্ছবি
আবৃত করে, অবশেষে দীর্ঘাবিলম্বী মেঘরূপ
ধারণ করিয়া জগৎ কলুষময় ও গভীর
অন্ধকারময় করে, সেইরূপ সন্দেহ-মেঘ
ধীরে ধীরে বৃদ্ধি পাইয়া অল্প তেজসিংহের
প্রসন্ন উদার হৃদয়কে আবৃত করিল।
হৃদয়ের সে অন্ধকার ভর্তেত্ত, সুন্দর পরি-
ষ্কার দীপকির আলোক তাহাতে বিলীন
হইয়া গেল।

—:—

উনত্রিংশ পরিচ্ছেদ ।

সত্য পাপন !

মা মনঃস্তাভরণনন্দলা পেশলং ধারয়ন্তী।
শাস্তে তস্মৈ নিহিতমসকন্দংগতংপেন গাত্রম ॥

মেঘদূতম।

দ্বিপ্রহর রজনীতে চন্দ্রকে লাজল
পুষ্পোচ্চানে পাঠক পুষ্পকুমারীকে একবার
দেখিয়াছেন, কিন্তু সেদিন চারণদেব তথায়
উপস্থিত ছিলেন, সুতরাং পুষ্পকুমারী পরি-
চয় দান করেন নাই। যদি পরিচয় জানি-
বার জন্য উৎসুক হইয়া থাকেন, চলুন, অল্প
নিরালয়ে যাইয়া সে লাবণ্যময়ীর সহিত
আলাপ করিব। অল্প তিনি মহারাষ্ট্রীর

সহচরী রূপে রাজপরিবারের সহিত বাস করিতেছেন।

পুষ্কুমারী রাজপুত্র-বালিকা। পুষ্কর-পিতার সহিত তিলকসিংহের অতিশয় প্রণয় ছিল, সেই কারণে তিলকসিংহ নিজ পুত্রের সহিত পুষ্কর বিবাহ দিতে স্বীকৃত হইয়াছিলেন। দশমবর্ষীয় বালক ও সপ্তমবর্ষীয়া বালিকার একদিন সাক্ষাৎ হইল; সেই দিন একে অল্পকেন মনে মনে বরণ করিলেন। বিবাহের বাক্যানান হইল, সম্বন্ধ স্থির হইল, সমস্ত আয়োজন স্থির হইল, শুভকার্যের দিনস্থির হইল, একুশ সময়ে দিল্লীর আকবর আসিয়া চিতোরনগরী আক্রমণ করিলেন। সে নগর রক্ষার্থ পুষ্কর পিতা ও তিলকসিংহ উভয়েই হত হইলেন। কিছুদিন পরে তেজসিংহ পৈত্রিক ভূগর্ভ হইতে দুরীকৃত হইয়া ভীলদিগের সহায়তা গ্রহণ করিলেন।

সপ্তমবর্ষের বালিকা ও দশম বর্ষের বালক প্রণয়ের কি জানিবে? কিন্তু রাজপুত্রগণ বাল্যকাল হইতে সত্যপালন করিতে শিখিত, রাজপুত্রবালিকা সত্য বিশ্বাস হইলেন না। একদিনদৃষ্টে সেই বালকের প্রতিমূর্তি বালিকা কয়েক দিনের মধ্যে বিশ্বাস হইলেন, কিন্তু সপ্তমবর্ষে যে সত্য করিয়াছিলেন, জীবনে তাহা বিশ্বাস হইলেন না।

তিলকসিংহের কুলের আধকতর অবমাননা করিবার জন্য দুর্জয়সিংহ তেজসিংহের বাগ্নস্তা বধুকে বলপূর্বক বিবাহ করিবার মানস করিলেন। পিতার মৃত্যুর পর পুষ্কুমারীর বন্ধক কেহ ছিল না, অধিক ঋণ হইলেন তাঁহারা দুর্জয়সিংহের পক্ষাবলম্বী ও অর্ধভুক্ত! তাঁহারা এ

দুর্জয়সিংহকে বিবাহ করিবার জন্য বালিকাকে অনুরোধ করিতে লাগিলেন বালিকা উত্তর পাঠাইলেন—আমার স্বামী হত হইয়াছেন, আমি বিধবা, পুরুষের অস্পর্শনীয়। সেই দিন হইতে বালিকা সমস্ত অলঙ্কার ত্যাগ করিলেন; তখন পুষ্কর বয়ঃক্রম দ্বাদশ বর্ষমাত্র।

তরুণবয়সে শারীরিক কিছু কিছু পরিশ্রম ও চেষ্টায় আমাদিগের শরীর সবল হয়, দৃঢ়বদ্ধ হয়। তরুণবয়সে কিছু কিছু ক্রেশ, চিন্তা ও শোকে আমাদিগের মন গঠিত হয়, মানসিক প্রবৃত্তি দৃঢ়তর হয়, প্রতিজ্ঞা স্থিরীকৃত হয়, মানসিক পেশীগুলি ফেন ক্ষুণ্ণিতপ্রাপ্ত ও বদ্ধ হয়। চিন্তা ও ক্রেশ অপেক্ষা মনের উৎকৃষ্ট শিক্ষক আর নাই, মানসিক দুর্বলতার নিপুণতর চিকিৎসক নাই। চিন্তা লৌহকর্মকারের ত্রায় বার বার নির্দয় ও সবল আঘাত করিয়া হৃদয়কে গঠিত করে, সে আঘাতে আমরা কাঁতর হই, আর্তনাদ করি, কিন্তু কর্মকার নির্দয়, আপন কার্য বিশ্বাস হয় না। পরিশেষে আমাদের মন গঠিত হয়, হৃদয় গঠিত হয়, প্রবৃত্তিগুলি স্থিরীকৃত হয়, প্রতিজ্ঞা লৌহবৎ দৃঢ় হয়। যিনি বাল্যকাল হইতে অন্তের চেষ্টায় পালিত, অন্তের হস্ত দ্বারা নীত, ঋণাকে কখনও চিন্তা করিতে হয় নাই, ক্রেশ অনুভব করিতে হয় নাই, তাঁহার মন এগনও গঠিত হয় নাই, প্রতিজ্ঞা স্থিরীকৃত হয় নাই; তাঁহার মুখ ও স্বচ্ছন্দতা আমি হিংসা করি না।

বাল্যকালে ক্রেশে পড়িয়া কোমল রাজপুত্রবালিকার মন গঠিত হইল, লৌহবৎ দৃঢ়ীকৃত হইল। আত্মীয়ের ভৎসনা ও ভয়-প্রদর্শনে পরিচারিকাদিগের অনুরোধে,

হুজুয়সিংহের দূতাদিগের প্রলোভনে, বালিকার হৃদয় বিচলিত হইল না, বাল্যকালের প্রতিজ্ঞা আরও দৃঢ়বদ্ধ হইতে লাগিল। লোকে যত হুজুয়সিংহকে বিবাহ করিবার অনুনয় করিতে লাগিল, বালিকা ততই অধিকতর ভক্তিভাবে সেই অজ্ঞাত, অপরিচিত, বীবপুরুষের নামমাত্র পূজা করিতে লাগিলেন। আত্মীয়ের ক্রকুটী ও বন্ধুজনের ভৎসনা, নীরবে সহ করিতে শিখিলেন, নিরানন্দ গৃহে বাস করার ক্লেশ সহ করিতে শিখিলেন, আপন প্রতিজ্ঞা আপন হৃদয়ে গোপন করিতে শিখিলেন। বহু পরিজন মধ্যে বালিকা একাকিনী বিচরণ করিতেন, একাকিনী চিন্তা করিতেন, একাকিনী পুষ্পচয়ন করিতেন, ও হৃদয়ের ভাব হৃদয়ে ধারণ করিতেন। অভ্যাসে আত্মদিগের কোন ক্লেশ না সহ হয়? পুষ্পকুমারী পরে স্নেহ আর চাহিতেন না, পরের মিষ্টকথা চাহিতেন না, পরের ক্রকুটী বা মর্মানভেদী রহস্যে তাঁহার লোহবৎ হৃদয়ে আর ক্লেশ হইত না, বিধবা-বেশধারিণী নবীনা রাজপুত্রবাল্য বাল্যকালের সত্যপালন করিতেন। অন্ধকার যত গাঢ় হয়, দীপালোক তত প্রস্ফুটিত ও প্রজ্বলিত হয়; সকলের ভৎসনা ও বিদ্ৰূপের মধ্যে পিতৃ-মাতৃহীনা, বন্ধুহীনা রাজপুত্রবালিকার স্থির, অবিচলিত প্রতিজ্ঞা দৃঢ়তর হইতে লাগিল।

হুজুয়সিংহ অনেক প্রলোভন দেখাইয়া পুনরায় পুষ্পকুমারীর হস্ত প্রার্থনা করিলেন। দূতী শতরূপে হুজুয়সিংহের যশ, পরাক্রম, সাহস ও বিপুল অর্থের কথা বর্ণনা করিল। পুষ্পকুমারী সমস্ত শুনিলেন, স্থিরস্বরে উত্তর করিলেন—আমি বিধবা পুরুষের অস্পর্শনীয়।

পুষ্পের আত্মীয়গণ এ কথা শুনিয়া অতিশয় রাগান্বিত হইলেন, পুষ্পকে অস্পর্শ-রোধ ও ভয়প্রদর্শন করিলেন, বালিকা অধিক দিন অবিবাহিতা থাকিলে নিফলক কুলে কলঙ্ক হইবে বুঝাইলেন। পুষ্পকুমারী সমস্ত শুনিলেন, স্থিরস্বরে উত্তর করিলেন—আমি বিধবা, পুরুষের অস্পর্শনীয়।

অবশেষে পুষ্পের আত্মীয়দিগের সহিত ষড়যন্ত্র করিয়া হুজুয়সিংহ পুষ্পকে সূর্যামহলে আনাইলেন। পুষ্পকুমারী হুজুয়সিংহের অভিপ্রায় বুঝিয়া বলিয়া পাঠাইলেন—চন্দাওয়ৎরাজ ! শুনিয়াছি আপনি অতিশয় বিক্রমশালী, সকলই করিতে পারেন; কিন্তু পুষ্প আপনাকে বিবাহ করিবার পূর্বে আত্মঘাতিনী হইবে তাহাও কি নিবারণ করিতে পারিবেন? শুনিয়াছি তিলকসিংহের বিধবাকে হত্যা করিয়াছেন, আর একজন নারীহত্যায় পাতকে পাতকী হইবেন?

ত্রিংশপরিচ্ছেদ ।

মেঘগর্জন ।

হিম্মত কিং একং বেপাতি ।

অভিজ্ঞানশ শুল্কম্ ।

কয়েক বৎসর অবধি পুষ্প এইরূপে একাকিনী চিন্তা করিতেন। মহসা এক দিন নিশীথে স্বপ্নের জায় একজন চারণ-দেব সাক্ষাৎ দিয়া পুষ্পকে বলিলেন—সে অজ্ঞাত, অপরিচিত, বাল্যদৃষ্ট বাঠোর বীর

জীবিত আছেন, তিনি দেশের যুদ্ধ যুঝিতেছেন, তিনি বাল্য-সত্যপালন করিতেছেন !

স্বপ্নের তায় সে চারণদেব ও চারণের গীত লয় লইয়া গেল, কিন্তু সে বার্তা পুষ্পের হৃদয় হইতে লয় হইল না। বিধবার হৃদয়ে নব উল্লাস জাগরিত হইল, গুহ লালসার উদ্রেক হইল। প্রাতঃকালের প্রথম আলোচ্ছটায় যেরূপ সেই উছানের পুষ্পগুলি বিকশিত হইত, সেইরূপে চারণ-বার্তায় বিধবার হৃদয়ে নিহিত আশা, নিহিত ভাব, নিহিত লালসা, সহসা প্রস্ফুটিত হইল।

যে অজ্ঞাত বাল্যস্বামী নাম জপিয়া এতদিন সত্যপালন করিয়াছেন, তিনি জীবিত আছেন ! তিনি নিদর্শন প্রেরণ করিয়াছেন, বাল্যসত্য ভুলেন নাই। পুষ্প-কুমারী সেই বাল্যকালের কথা স্মরণ করিবার চেষ্টা করিতেন, সেই বাল্যস্বামীর মুখমণ্ডল স্মরণ করিবার চেষ্টা করিতেন, এখন যিনি বলিষ্ঠ হইয়া দেশের যুদ্ধ যুঝিতেছেন তাঁহার দীর্ঘ অবয়ব ও মুখকান্তি কল্পনা করিতে চেষ্টা করিতেন। বাল্যদৃষ্ট মুখমণ্ডল স্মরণপথে আসিত না, অথবা অনেকক্ষণ চিন্তা করিলে কিছু কিছু মনে পড়িত। একখানি উদার মুখমণ্ডল, প্রশস্ত ললাট, উন্নত দেবকান্তি শরীর, স্মরণে আসিত। কল্পনা হইত, যেন চক্রালোকে সেই বীর দণ্ডায়মান হইয়া পুষ্পের হস্ত ধারণ করিয়াছেন, যেন বীরের উষ্ণ নিশ্বাস বীরের তপ্ত ওষ্ঠ, সেই হস্ত স্পর্শ করিল। এ যে সেই চারণ দেবের মূর্তি !

পুষ্প বিশ্বাসঘাতিনী নহেন, মনের নিহিত বন্দনেও সেই অজ্ঞাত স্বামী ভিন্ন

আর কাহারও চিন্তা ছিল না। তথাপি কল্পনা অভিযয় মায়াবিনী ; যে স্থানের কথা বার ব'র শুনি, সে স্থান না দেখিলেও কল্পনাবলে মানসচক্ষে যেন সৃষ্ট হয়, যে অদৃষ্ট পুরুষের কথা ধ্যান করি, কল্পনাবলে তাহার একটা চিত্র মনে সৃষ্ট হয়। সেই পুরুষের কল্পিত একখানি আকৃতি মনের সম্মুখে থাকে, অপরিচিতের মানসিক যে সমস্ত গুণ আমরা জানি, তদনুযায়ী একখানি মুখচ্ছবি গঠন করিয়া লই। পুষ্প যখন অজ্ঞাত ও বাল্যস্বামীর কথা মনে করিতেন, চারণের দেবতুল্য মুখকান্তি হৃদয়ে জাগরিত হইত। তেজসিংহের অসাধারণ বীরদের কথা যখন শুনিতেন, চারণের উন্নত দীর্ঘ অবয়ব, বিশাল বক্ষঃস্থল ও দীর্ঘ বাহু স্মরণ হইত ! তেজসিংহের কণ্ঠস্বর যখন কল্পনা করিবার চেষ্টা করিতেন, সেই চারণের সঙ্গীত-বিনিদিত রজনীশ্রুতি নিষ্ট ভাষা কণ্ঠকুহরে শব্দিত হইতে থাকিত। পুষ্প অবিশ্বাসিনী নহেন, সত্যপালনের জন্ত জগৎ ত্যাগ করিয়াছিলেন, কিন্তু মায়াবিনী কল্পনাশক্তি অজ্ঞাত হৃদয়েশ্বরের আকৃতির সহিত স্বপ্নবৎ দৃষ্ট চারণদেবের সহিত সত্যতাই বিজড়িত করিত ! কল্পনার সঙ্গে সঙ্গে হৃদয়ও কি সেই মূর্তির দিকে প্রধাবিত হইত ? পুষ্পকুমারী জানেন না, আমরাও জানি না।

চাতক যেরূপ মেঘের দকে চাহিয়া চাহিয়া বিশ্বাস্ত হয় না, পুষ্পকুমারী সেইরূপ পর্বত পথ চাহিয়া রহিলেন, পুনরায় স্বপ্নবদৃষ্ট সেই নবীন চারণকে প্রতীক্ষা করিতে লাগিলেন। পুষ্প চক্রালোকে পদচারণ করিতেন, নিস্তর রজনীতে

একাকী জাগরিতা থাকিতেন । দিবা গেল, মাস গেল, রৌপ্যবিনিন্দিত চন্দ্রালোকে সে নবীন মূর্তি আর দৃষ্ট হইল না, রজনীর নিস্তরুতায় সে সঙ্গীয় সঙ্গীও আর ক্ষত হইল না ।

আকাশে যেরূপ কৃষ্ণ মেঘের সহিত বিদ্যমতা ক্রীড়া করে, পুষ্পের হৃদয়ে নৈরাস্য-শের সহিত আশা সেইরূপ খেলা করিত । কিন্তু জগৎ সে আশা বা চিন্তার কোন পরিচয় পায় নাই, বিধবা বালার নিঃশব্দ ম্লান মুখমণ্ডলে কেমনও ভাব গম্বিত হইত না ।

সহসা মুসলমানেরা সর্ঘ্যামহল আক্রমণ করিল, নিশীথে অপরিচিত ভীলযোদ্ধার দ্বারা পুষ্পকুমারী অগ্ন্যস্থানে নীত হইলেন । তাহার পর রাজপরিবারের সঙ্গে সঙ্গে পুষ্প ফিরিতে লাগিলেন । ভীমচাঁদের পাল হইতে জাউরাব খনিতে, তাহার পর কখন কন্দরে, কখন গিহ্বরে, কখন উপত্যকায়, কখন চাঁওন্দে চুর্গে বাস করিতে লাগিলেন । এখন যুদ্ধ ক্ষান্ত হইয়াছে, কিন্তু মহারাণা প্রতাপসিংহ প্রাসাদ তুচ্ছ করিয়া পর্ণকুটীরে বাস করিতেন, চিতোর শত্রুহস্তে রহিয়াছে বলিয়া এখনও তাপসের ক্রেশ সহ করিয়া প্রাসাদ তুচ্ছ করিয়া কুটীরে বাস করিতেন । রাজরাজ্ঞী ও রাজবধু সেই কুটীরে থাকিতেন, রাজশিশুগণ সেই কুটীরের চারিদিকে ক্রীড়া করিত ! যতদিন চিতোর উদ্ধার না হয়, ততদিন প্রতাপসিংহ অত্র আবাসে বাস করিবেন না । প্রতাপসিংহ জীবিত থাকিতে চিতোর উদ্ধার হইল না ; ইতিহাসে লিখিত আছে, প্রতাপ সেই পর্ণকুটীরে প্রাণত্যাগ করেন ।

পর্ণকুটীরের পার্শ্ব দিয়া একটি ক্ষুদ্র নদী

বহিয়া যাইত, পুষ্পকুমারী তথায় সর্বদা জল আনিতে যাইতেন । অত্র রজনীতে সেই স্থানে জল আনিতে যাইলেন ও কলস রাখিয়া নীলমেঘাচ্ছন্ন আকাশের দিকে নিরীক্ষণ করিলেন । অনেকক্ষণ একাকী সেই দিকে চাহিয়া রহিলেন ; তাহার হৃদয়ের চিন্তা আমরা কিরূপে অনুভব করিব ?

মেঘ গর্জন করিল । সহসা পুষ্পকুমারীর হৃদয় কাঁপিয়া উঠিল কেন?—কে বলিবে, কিজন্ত ?

একত্রিংশ পরিচ্ছেদ ।

বহ্নাঘাত ।

সদী হরী অঙ্গুলী অক্ষয়লা সে অঙ্গুলী ।

অভিজ্ঞানশব্দমলম ।

সহসা সূদূর হইতে পুষ্প একটি সঙ্গীত-পত্নি শুনিলেন । সে সঙ্গীতে পুষ্পের হৃদয় আলোড়িত করিল, পূর্বস্মৃতি জাগরিত করিল ! আশায় পুষ্পকুমারীর হৃদয় বিকশিত হইল, আনন্দময় স্বপ্নে পুনরায় সে হৃদয় ভাসিল, শুকপ্রায় লতিকা যেন আর একবার মুখ তুলিয়া আকাশের দিকে চাহিল !

গীত ।

“বর্ষাকালে আকাশে সুন্দর ইন্দ্রধনু দৃষ্ট হয়, তাহার কি কখনীয় কান্তি, কি অনির্কচনীয় রূপ ! সে ক্ষণস্থায়ী ইন্দ্রধনুর স্থায়ীতে বিশ্বাস করিও, কিন্তু তদপেক্ষা উজ্জলনয়না নারীর সত্যে বিশ্বাস করিও না !

“কক্ষগতি কালসর্প কি সুন্দর উজ্জল
চূড়া ধারণ করে। সে খল সর্পের সরল-
ভায় বিশ্বাস করিও, কিন্তু তদপেক্ষা সুবেশ-
ধারিণী নারীর সচেত্রে বিশ্বাস করিও না !

“জগতের অস্থায়ী দ্রব্যের স্থায়ীত্বে
প্রত্যয় কর ; চপলা বিদ্যালতার কিরণে
প্রত্যয় কর ; জলে অঙ্কিত রেখার স্থায়ীত্বে
বিশ্বাস কর ; উদ্ধার স্থিরত্বে বিশ্বাস কর ;
কিন্তু নারীর সচেত্রে প্রত্যয় করিও না !

“জগতের মধ্যে চপল, চঞ্চল, মায়াবী,
অপ্রকৃত, সমস্ত দ্রব্য একীভূত কর, তাহার
উপর নাম লিখ, ‘নারীর সত্যপালন’ ।

চারণের উগ্র স্বর শুনিয়া পুষ্প স্তম্ভিত
হইলেন ! ধীরে ধীরে চারণদেব নিকটে
আসিয়া পুষ্পকে জিজ্ঞাসা করিলেন—এ
গীত দেবীর মনোনীত হইয়াছে ?

পুষ্প চকিতের স্তায় দণ্ডায়মান রহি-
লেন ! অনেকক্ষণ পর বলিলেন—চারণ-
দেব, এ গীতের অর্থ বুঝিলাম না, পূর্বেদিনে
আপনি এরূপ গীত গান নাই ।

সে কোমলস্বরে প্রস্তম্ব দ্রবীভূত হইত,
চারণের হৃদয় হইল না। তিনি কহি-
লেন—গীত আমার নহে, আমি ধেরূপ
শিক্ষিত হই, সেইরূপ গাই ।

পুষ্প। যিনি আপনাকে গীত শিখাই-
য়াছেন, তিনি কুশলে আছেন ?

চারণ। কুশলে নাই, তিনি কুশলে
অতিশয় প্রপীড়িত হইয়াছেন। আপনাকে
যে নিদর্শনটী দিয়াছিলেন, তাহা একবার
দেখিতে চাহিয়াছেন ।

পুষ্প এবার ষথার্থ ভীতা হইলেন।
তিনি চারণদেব অঙ্গুরীয়টী হৃদয়ে রাখিতেন,
সর্বদা দেখিতেন, সর্বদা পরিতেন, পুনরায়

হৃদয়ে রাখিতেন। কিন্তু যেদিন তিনি
ভীমচাঁদ ভীলের গহ্বরে নীতা হইয়াছিলেন
সেই দিন হইতে সেই অঙ্গুরীয়টী তিনি
পুঞ্জিয়া পান নাই !

চারণ কম্পিতস্বরে জিজ্ঞাসা করি-
লেন—সে অঙ্গুরীয়টী কোথায় ?

পুষ্প স্তব্ধ ও নিরুত্তর !

অধিকতর ক্রুদ্ধস্বরে জিজ্ঞাসা করি-
লেন—সে অঙ্গুরীয়টী কোথায় ?

অক্ষুটস্বরে পুষ্প কহিলেন—চারণদেব,
অনবধানতা মার্জনা করুন, বীরপুরুষকে
জানাইবেন—

চারণ গর্জন করিয়া তৃতীয়বার এই
প্রশ্নটী করিলেন—সে অঙ্গুরীয়টী কোথায় ?
পুষ্প। আমি অভাগিনী, সে অঙ্গুরী-
য়টী হারাইয়াছি ।

চারণ। অভাগিনি ! তাহার সঙ্গে
সঙ্গে তেজসিংহের প্রণয় এ জীবনের মত
হারাইয়াছ !

বিহ্বল-গতিতে ছদ্মবেশী তেজসিংহ
নয়নের অদৃশ্য হইলেন !

দ্বাত্রিংশ পরিচ্ছেদ ।

পৈত্রিকূটর্গে প্রবেশ ।

ভতো ভেরী মদকানাং পণবানাক নিঃস্বনঃ ।

* স্বনৈমিস্বনোমিঃ সস্বভ্বাস্তু তোপমঃ ।

রামায়ণম্

রজনী দ্বিপ্রহরের সময় তেজসিংহ
ভীমগড় কূর্গে কিরিয়া আসিলেন। মনে

মনে কহিলেন—চপলা নারীর জন্ম বহুদিন ব্যর্থ কাটাইয়াছি, অল্প কার্যে প্রবৃত্ত হইব ।

দ্বিপ্রহর রজনীতে চারিদিকে সৈন্ত রাশীকৃত হইতেছিল, তেজসিংহ তাহার মধ্যে যাইয়া কহিলেন—বন্ধুগণ, বৈরনির্যাতনের সময় উপস্থিত, আমার সহিত অগ্রসর হও ।

যাহারা তেজসিংহের সে গর্জন শুনি, সে নিশীথে তাঁহার ললাটে ক্রকুটী দেখিল, তাহাদিগের তিলকসিংহের কথা স্মরণ হইল । নিঃশব্দে সকলে সূর্য্যমহলের দুর্গের দিকে চলিল ।

পর্বত ও উপত্যকার মধ্যদিয়া দ্বিপ্রহর রজনীতে নিঃশব্দে সৈন্তগণ চলিতে লাগিল । কখন জঙ্গলের ভিতর দিয়া, কখন হ্রদের পার্শ্ব দিয়া, কখন অন্ধকারময় উপত্যকার নীচে দিয়া, কখন পর্বতের উপর দিয়া তেজসিংহের সৈন্ত চলিল । যতক্ষণ সৈন্ত চলিতেছিল, তেজসিংহের মুখে কেহ একটা কথা শ্রবণ করে নাই । সকলে বুঝিল, তিলকসিংহের পুত্রের হৃদয়ে রোষানল জাগরিত হইয়াছে, অল্প দুর্জয়সিংহের রক্ষা নাই ।

অনেক পর্বত ও উপত্যকা উত্তীর্ণ হইয়া সেনা অবশেষে সূর্য্যমহলের সম্মুখে আসিল । উন্নত শেখর যেন কিরীটের শ্রায় দুর্গকে ধারণ করিয়াছে, সেই পর্বত ও দুর্গ নৈশ আকাশপটে চিত্রের শ্রায় লক্ষিত হইতেছে ! চারিদিকে কেবল পর্বতমালা ও অনন্ত পাদপশ্রেণী দেখা যাইতেছে, নৈশ অন্ধকারে সূর্য্যমহলদুর্গ নিস্তরু, জগৎ নিস্তরু । ক্রণেক তেজসিংহ দণ্ডায়মান হইয়া দূর হুইতে সেই পৈত্রিক দুর্গ দেখিলেন, মৃদু মনে বলিলেন—পিতা অমৃত্যু

দিন, অষ্টাদশ বর্ষ নিরাসনের পর আপনার পুত্র অল্প দুর্গে প্রবেশ করিবে ।

নিঃশব্দে সৈন্তগণ সূর্য্যমহলভলে উপস্থিত হইল । এ নিস্তরু নিশীথে অসতর্ক শত্রুকে আক্রমণ করিবার জন্ম কেহ কেহ পরামর্শ দিলেন । তেজসিংহ ক্রকুটী করিয়া কহিলেন—পিতার দুর্গে পুত্র তঙ্করবৎ প্রবেশ করে না । তেজসিংহ রাজপুত্র, রাজপুত্র সূপ্ত শত্রুর সহিত যুদ্ধ করে না ।

পরে উচ্চৈঃস্বরে ভেরী বাজাইলেন ; ভেরীর শব্দ সে পর্বত ও উপত্যকায় বার বার ধ্বনিত হইয়া জগৎকে চমকিত করিল । পরে তেজসিংহ উচ্চৈঃস্বরে কহিলেন—অল্প তিলকসিংহের পুত্র পিতার দুর্গে প্রবেশ করিবেন, যাহার সাধ্য পথ রোধ কর ।

যাহারা সে ভেরীশব্দ, সে গর্জিত কথা শুনি, তাহারা বুঝিল, অল্প তেজসিংহের গতিরোধ করা মনুষ্যের সাধ্যাতীত । দুর্গপ্রহরিগণ নীচের শব্দ শুনিতে পাইল, লক্ষ্য করিয়া দেখিল, পিপীলিকাসারের শ্রায় সৈন্তশ্রেণী দুর্গে আরোহণ করিতেছে !

তৎক্ষণাৎ তাহারা দুর্জয়সিংহকে সংবাদ দিল । দুর্জয়সিংহ জাগরিত হইয়া দুর্গপ্রাচীরের উপর দণ্ডায়মান হইলেন, মুহূর্ত্তের মধ্যে বুঝিলেন, রাঠোর অল্পদিন পূর্বে যে সত্য করিয়াছিলেন, অল্প তাহাই পালন করিতে আসিয়াছেন । রোষে মনে মনে বলিলেন—তিলকসিংহের পুত্র ! বহুকাল হইতে এই দিন আমি প্রতীক্ষা করিতেছি । আজ হৃদয় শান্ত হইবে, তুমি কি আমি অল্প জীবনত্যাগ করিব । এ জগতে উভয়ের স্থান নাই ।

দুর্জয়সিংহের আদেশে দিশত খোঁকা প্রাচীর হইতে অবতীর্ণ হইল, অবশিষ্ট

প্রাচীরের ভিতর রছিল। প্রাচীরের উপরে চারিদিকে মশাল জ্বলিল, দুর্গশিবের এই আলোক বহুদূর পর্যন্ত চারিদিকের দেশ প্রদীপ্ত করিল, গগন উদ্দীপ্ত করিল।

তেজসিংহ দেখিলেন, বিনা যুদ্ধে আর আরোহণ সম্ভব নহে। তখন বজ্রনাদে যুদ্ধের আদেশ দিলেন, স্বয়ং সমস্ত সৈন্তের অগ্রগামী হইয়া বর্ষা ও অসিহস্তে শত্রুকে আক্রমণ করিলেন।

সেখানে উপরের অঙ্গ সৈন্ত নীচস্থ বহু সৈন্তের গতিরোধ করিতে পারিত, কিন্তু তেজসিংহের গতিরোধ হইল না। তাহার রাঠোর সেনাগণ যেরূপ দুর্দমনীয় ও অপ্রতিহতভেদে দুর্জয়সিংহের সেনাকে আক্রমণ করিল, তাহা দেখিয়া উপরিস্থ দুর্গবাসীগণ বিস্মিত হইল। মুহূর্তের মধ্যে প্রচণ্ডনাদ গগনে উখিত হইল, অঙ্গক্ষণ মধ্যে দ্বিশত চন্দাওয়ৎ সৈন্ত বাবুতাড়িত পত্রের আয় ছিন্নভিন্ন হইয়া পড়িল। অনেকে হত হইল, অনেকে পর্বত হইতে উপলথণ্ডের আয় নীচে নিক্ষিপ্ত হইল, অবশিষ্ট দুর্গপ্রাচীরভিষুখে পলায়ন করিল। শবরাশির উপর দিয়া তেজসিংহের দুর্দমনীয় রাঠোর সেনা হুঙ্কারশব্দে অগ্রসর হইল।

দুর্জয়সিংহ উপর হইতে এই ব্যাপার দেখিলেন, নীরবে সসৈন্তে দুর্গপ্রাচীরের উপর দণ্ডায়মান রহিলেন। তাহার দণ্ড পাতি ওষ্ঠের উপর স্থাপিত, নয়ন হইতে অগ্নি বহির্গত হইতেছিল। তিনি কহিলেন—তিলকসিংহের পুত্র পিতার আয় বৃদ্ধ শিখিয়াছে, কিন্তু দুর্জয়সিংহও দুর্বল হস্তে অসিধারণ করে না। আইস, বীরপুত্র, স্মাজি তোমার যুদ্ধসাপ মিটাইব।

মুহূর্তের মধ্যে তেজসিংহের সৈন্য প্রাচীরের নিকট আসিল, তখন প্রকৃত যুদ্ধ আরম্ভ হইল। রাঠোরগণ লক্ষ দিয়া প্রাচীর উল্লেখন করিবার চেষ্টা পাইল, চন্দাওয়ৎ গণ বর্ষাচালন দ্বারা তাহাদিগের প্রতিরোধ করিতে লাগিল। তেজসিংহের কত সৈন্ত প্রাচীরের উপর উঠিল, দুর্জয়সিংহ কতক সৈন্ত উৎসাহে প্রাচীর হইতে লক্ষ দিয়া নীচে আসিয়া যুদ্ধে প্রবৃত্ত হইল অচিরে উভয় পক্ষের মধ্যে প্রচণ্ড যুদ্ধ আরম্ভ হইল। সেই নৈশ অন্ধকারে বর্ষামশালের আলোকে শত্রু মিত্র বিমিশ্রিত হইয়া গেল, রাধিরের শ্রোত বহিতে লাগিল শবের উপর দণ্ডায়মান হইয়া সেনাগণ যুদ্ধ করিতে লাগিল, প্রচণ্ড বজ্রনাদে আহতদিগের আতর্জনাদ মগ্ন হইল। তখন শত বৎসরের বৈরভাব সেই রাঠোর ও চন্দাওয়ৎদিগের হৃদয়ে জাগরিত হইল, যে সেই বৈরভাবে ও জিঘাংসার ক্ষিপ্তপ্রাণ হইয়া চন্দাওয়ৎ ও রাঠোর রণস্থল ও সমস্ত পর্বতদুর্গ কম্পিত করিল। সালুম্বা ও দুর্জয়সিংহের নাম বার বার ভীষণ হুঙ্কারে উচ্চারিত হইতে লাগিল, সে হুঙ্কার ভুবা হইয়া রাঠোরগণ জয়মন্ত্র ও তিলকসিংহের নাম করিয়া পুনঃ পুনঃ আক্রমণ করিতে লাগিল। নিশাকালে সে যুদ্ধবুঝে চারিদিকের পর্বত ও উপত্যকাবাসীগণ চমকিত হইল, বায়ল, তিলকসিংহের পুত্র অথ পৈত্রিক দুর্গে প্রবেশ করিতেছেন।

প্রাচীরপার্শ্বে এইরূপে সমরতরঙ্গ উদ্ধলিতে লাগিল, যুদ্ধের নাদ গগনে উখিত হইতে লাগিল। তেজসিংহ সে যুদ্ধে লিপ্ত না হইয়া একাগ্রচিত্তে অঙ্গরবলে প্রাচীরের দ্বার ভগ্ন করিবার চেষ্টা করিতেছিলেন।

